



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Bibliothèque de la Faculté
de Théologie

Fontaines - CHANTILLY

D 347/22

ՇԱՐ ՀԱՅ ՊԱՏԾԱԴՐԱՑ .

ՍՏԵՓԱՆՆՈՍ

ՕՐԲԷԼԵԱՆ

ԾԵՏՐԱՊՕԼԻՏ ՍԻՒՆԵԱՑ .

Հատոր Բ :

1859 ՓԱՐԻՋ ՌԵԸ :

ՊԱՏՄՈՒԹԻՒՆ

ՆԱՀԱՆԳԻՆ ՍԻՍԱԿԱՆ


ԱՐԱՐԵԱԼ

ՍՏԵՓԱՆՆՈՍԻ ՕՐԲԷԼԵԱՆ ԱՐԲ ԵՊԻՍԿՈՊՈՍԻ
ՍԻՒՆԵԱՑ

Ի լոյս ընժայեաց հանդերձ ժանօրութեամբք

Կարապետ Վարդապետ Շահնազարեանց՝ միաբան
սրբոյ Էջմիածնի :

Ի կաթողիկոսութեան ամենայն Հայոց Տեառն եւ
Տեառն ՄԱՏԹԷՈՍԻ Ա .



Ի ԳՈՐԾԱՏԱՆ Կ. Վ. ՇԱՀՆԱԶԱՐԵԱՆՑ :

ՅԱՆԿ ԳԼԽՈՅ ԳՐՈՅՍ

Ստեփաննոսի Օրբէլեան :



երես :

ԾԱ. Վասն ժառանգութեանցն որ տուաւ
ի սուրբ եկեղեցին Տաթևոյ ի ձեռն Տեառն
Յակորայ եպիսկոպոսի. 9

ԾԲ. Ապստամբութիւնն Յակորայ. եւ
կատարած կենաց նորա. և դալն Անանիայի՝
Հայոց կաթողիկոսին, երիցս անգամ ի Սիւ-
նիս. և ձեռնադրել զՎահան եպիսկոպոս. և
հնազանդել ընդ նմին և զԱղվանս. 17

ԾԳ. Վասն Տեառն Վահանայ. և կատա-
րածի կենաց նորա. 30

ԾԴ. Եպիսկոպոսք Սիւնեաց որ կարգե-
ցան զկնի Տեառն Վահանայ. 33

ԾԵ. Համառօտ զրոյցք. և կարգ իշխանացն
Սիւնեաց. եւ թագաւորել նոցին ի վերջին
ժամանակս. 39

ԾԶ. Վասն եպիսկոպոսութեան Տեառն
Յովհաննէի եւ զործոց նորին. 46

Հատ. Բ : 1.*

	երես :
ԾԷ. Շրջաբերական Տեառն Սարգսի՝ Հայոց կաթողիկոսի, Սիւնեաց բոլոր վիճակին.	52
ԾԸ. Գալն Իսմայէլացւոյ. եւ կործանելն զեկեղեցին եւ այրելն զվանսն Տաթևոյ. եւ նորոգ շինութիւն եկեղեցեացն և վանացն ի Տէր Յովհաննիսէ.	55
ԾԹ. Վասն թագաւորացն Սիւնեաց.	61
Կ. Վասն եպիսկոպոսին Սիւնեաց Տեառն Գրիգորի որ զկնի Տեառն Յովհաննիսի. եւ գործոց նորին.	65
ԿԱ. Պատճառ աւերման Կապանին եւ առման բերդիցն. եւ բնաջինջ սպառումն թագաւորութեանն Բաղայ. եւ վախճան կատարածի Սիսական ազգին.	76
ԿԲ. Վանորայք և ուխտք եկեղեցեաց թէ քանի էին յայսմ աշխարհի.	82
ԿԳ. Եպիսկոպոսք որք կարգեցան զկնի Տեառն Գրիգորի.	85
ԿԴ. Սկիզբն եւ պատճառ շինութեան եւ նախապատիւ գահերիցութեան սուրբ և գերաւորակ և փառաւոր ուխտին և աշխարհադէտ խմբարանին Նորավանից.	91
ԿԵ. Վասն շինութեան եկեղեցւոյն Նորավանից և հոգեցատուր ժառանգութեանց նորա. և այլ շինութեանց և արդեանց որ եղև ի Լիպարտէն և յիշխանացն Օրբէլեանց.	99
ԿԶ. Վասն մեծի նախարարութեանն Օրբէլեանց եթէ ուստի էին և որպէս. և վասն	

- գալոյ նոցա յաշխարհս յայս. և վասն բաղոժ
բանից եւ գործոց զրոյցք յոլովք. 113
- ԿԻ. Վասն յիշատակի և միաբանութեան
աստուածապսակ թագաւորին Հայոց Լեւոնի
ի սուրբ, երկնահանգէտ աթոռն Սիւնեաց ի
Տաթև որ ի ձեռն Տեառն Հայրապետին՝
Սիւնեաց եպիսկոպոսի. 180
- ԿԸ. Վասն կաթողիկոսութեան Հայոց
որ զկնի Տեառն Յակոբայ. եւ ազգի աղգի
պատահմանց նոցա եւ գերութեանց. եւ
Հռոմկլային եւ մայրաքաղաքացն Փռանկայ
որ ի ծովեզերին. 183
- ԿԹ. Թուղթ վասն հաւատոյ եւ կարգաց
եկեղեցւոյ յարևելեան աշխարհէս առ կաթո-
ղիկոսն Հայոց Տէր Գրիգոր, գրեալ ձեռամբ
Տեառն Ստեփաննոսի՝ Սիւնեաց եպիսկո-
պոսի. ընդ նմին և դաւանութիւն ուղղափառ
հաւատոյ սրբոցն Գրիգորի Սբանչեղագործի,
եւ Աթանասի Աղեքսանդրացւոյ. 197
- Հ. Վասն աշխարհակալ արքայիցն որ եղեն
զկնի զան Արղունին. եւ վասն ամենայն
անցից նոցա. 215
- ՀԱ. Վասն յետին վերջակալութեան մե-
րոյ նուաստութեանս որ կարգեցաք յեպիս-
կոպոսութիւն Սիւնեաց. եւ որ ինչ զրոյցք
առ մեզք. 226
- ՀԲ. Եպիսկոպոսք Սիւնեաց. ամբ եւ

	երես :
Թիւք նոցին. առաջին եպիսկոպոս ձեռնադրեալ ի սրբոյն Գրիգորէ.	246
ՀԳ. Յիշատակարան մատենիս նորին Ստեփաննոսի.	253
ՀԴ. Սիւնեաց երկոտասան գաւառաց հարկ եկեղեցւոյ ըստ հին սահմանին.	260
ՀԵ. Շարակարգութիւն եպիսկոպոսաց Սիւնեաց արարեալ ի միաբանից Տաթևոյ վանաց.	274
Մանօթութիւնք.	295



ՍՏԵՓԱՆՆՈՍԻ

ՕՐԲԵԼԵԱՆ

Պ Ա Տ Մ Ո Ի Թ Ի Ի Ն Ս Ի Ի Ն Ե Ա Ց :



ԾԱ. — Վասն ժառանգութեանցն որ տուաւ ի սաղրթ
եկեղեցին Տաբեոյ ի մեռն Տեառն Թակոբայ եպիս-
կոպոսի :

Ըստ ժամանակի ինչ հանդիպման հասին աստ-
ուածապահ եւ բարեպաշտօն իշխանն Սմբատ՝ որդի
Աշոտոյ, թոռն Վասակայ, ի սուրբ աթոռն . եւ աղօ-
թեալ առաջի սուրբ խաչին՝ կամեցան յիշատակ ան-
մահ եւ անջինջ հաստատել իւրեանց հոգեացն . եւ
եստուն ի սուրբ եկեղեցին հոգեցասուր ժառանգու-
թիւն զիւրեանց հայրենի եւ սեպհական գիտէն ըզ-
կտկոյս որ ի Գեղարունայ գառաւին . եւ անխախտ

վճռաւ աւանդեցին ի ձեռն Տեառն Յակոբայ, որ ունէր օրինակ զայս :

« Թանուհի Աստուծոյ կամ եղև ինձ Սմբատայ իշխանի՝ որդւոյ Աշոտի, թողին Վասակայ, աստուածապահ տէրանց Սիւնի, տալ զԿտկոյս գիւղ ի Գեղամայ գաւառին, զիմ հայրենի բաժինն իւր ամէն սահմանօքն չըջակայ, ի Սիւնեաց եպիսկոպոսն ի Տէր Յակոբ, ի մեր սուրբ խաչն եւ ի լուսամբն եւ յաստուածարնակ սուրբ եկեղեցիսն վասն հոգեաց մերոց : Արդ՝ չկայ այլ ուրուք իշխանութիւն, ոչ մեր եւ ոչ գաւառայ մերոց եւ այլ ումբք իշխել ի վերայ գեղոյս այս, եւ կամ հանել զտեղիս զայս ի սուրբ խաչէս և ի սուրբ Խթրոյս . ապա թէ ոք ընդ հռիւստակն ելանիցէ՝ այնպիսին դատապարտեալ լիցի յԱստուծոյ ամենակալէն . եւ բաժին նորա ընդ Յուդայի և ընդ այլ խաչահանուացն, եւ դատին մի յաղթեացէ, զիւրն մի ժառանգեացէ, այլ որդւովք իւրովք ելցէ՝ ի խաւարն արտաբին : Եւ արդ դուք էք իշխան Տէր Յակոբ՝ Սիւնեաց եպիսկոպոս, եւ այլ հայրապետք որ զկնի ձեր յաջորդին ի սուրբ յաթոռդ յայսմհետէ մինչև յաւիտեանս ժամանակաց : Եւ մեր մեղուցեալ հոգիք ձեզ յանձն եղիցին եւ սուրբ խաչիդ, հաստատ է կամուսն Աստուծոյ » :

Գրեցի զայս վճիռ եւ Սմբատ իմով ձեռամբս, եւ կնքեցի իմով սովորական մատանեաւս, եղի ի վերայ

եւ զտիրական մատանքս Տեառն Յակորայ ի թուականիս Հայոց 369 : Եւ Տէր Յակոր հաստատեցի իմով ձեռամբս զվճիռս զայս . եւ վկայ եմ հոգեցատուր պարգևացս տեառն Սմբատայ՝ որդւոյ Աշոտի Աիւնեայ տեառն, որ երեստ զիւր սեպհական գիւղն զՎտկոյս ի սուրբ եկեղեցիս . եւ մի դք իշխեսցէ հաւառակ կալ այսմ այժմ եւ կամ յետ ժամանակաց : ապա թէ յանդգնի՝ նշովեալ լիցի յԱստուծոյ եւ յամենայն սրբոց եւ ի սուրբ հայրապետացն եւ ի մէնջ . եւ դատապարտեալ զտցի առաջի անհեղատենին Քրիստոսի . եւ բաժիննորա ընդ անհաւատս լիցի յանշէջ գեհնին : Եւ որ զկնի մեր կարգիք յաթուղ պարտական էք անմուտց կատարել գլխատակ տեառն Սքմբատայ եւ հայցել թողութիւն մեղաց նորա . եւ ամ յամէ մին քառասունս առնել նմա : Գրեցաւ այս վճիռ իմով ձեռամբս եւ կնքեցաւ իմով սովորական մատանեաւ ի կամս Աստուծոյ :

Դարձեալ յետ ժամանակաց ինչ եկն Փիլիպպէ իշխանն ի սուրբ յաթուն առ Տէր Յակոր : Այս Փիլիպպէ որդի էր Վասակայ՝ թոռն մեծ Փիլիպպէի, որ զջուրն վաճառեաց Տեառն Յակորայ : Եւ յիշեալ նորա զունայնութիւն վայրկենի կենացս՝ կարգէ ինքեան յիշատակ եւ քառասունս, եւ ընծայէ երկու գիւղ ի սուրբ Գրիգորն զոր մեծ Փիլիպպէին էք չինեալ ի Համբանդ գաւառի, զԱղուերծ եւ զՅուրա-

Կանխող, և գրէ ինքեան արձան անջինջ և անմահ յիշատակի յ392 Թուականին. եւ էր այսպէս :

« Անուամբն Աստուծոյ, ի Ժամանակս աստուածապատիւ եւ հոգւոր Տեառն Յակորայ՝ Սիւնեաց եպիսկոպոսի, ես տէր Փիլիպպէ՝ որդի Վասակայ, որդւոյ աստուածապաշտեառն Փիլիպպէի՝ Սիւնեաց տեառն, իմացայ եւ ծանեայ զի վաղն Թառամելոց է ամենայն մարդ իբրեւ գիտտ, եւ Թօթափելոց է ամենայն փառք մարդոյ իբրեւ զծաղիկ խոտոյ. եւ սարսափմամբ սասանեալ գողաց անձն իմ եթէ իբր փրկեցայց : Ապա յոյս եղեալ յայս աստուածաբնակ ուխտս. ստացայ զսուրբ խաչս յիշատակ հոգւոյ իմոյ, եւ ընծայեցի լիապատու հաւատով յիմ հաշու հայրենեացն զՅուբականխող, զոր գնեալ էի ի յԱւտաւազդայ՝ Սա'ուի որդւոյ, և զմիւս չէնն զԱղուերծ զոր գնեալ էի ի Խոտանանեցեացն ի յԱրլաշարայ որդեացն և ի Վահանկայ որդւոյն և յեղբօրորդւոյն. յաղազս իմ սուրբ եկեղեցւոյդ ապսպարեցի ի Տէր Յակոր՝ Սիւնեաց եպիսկոպոս, և ի սուրբ մայրսբաղաք եկեղեցիդ Տաթւոյ, ի սուրբ Գրիգորդ զոր իմ պապուն տէր Փիլիպպէի շինեալդ է, եւ ի մեր սուրբ նշանդ ի փրկութիւն հոգւոյ իմոյ եւ ի Թողութիւն մեղաց իմոյ : Եւ ետու իւր սահմանօքդ բոլոր՝ լերամբ եւ դաշտովք, հոգով եւ ջրով, այդօք եւ ընկուզօք, ջրադացովք եւ ամենայն մտիւք : Եւ արդ՝ յայսրմ

հետէ իշխանութիւն ունիւր դուք ուտել եւ վայելել զայդ տեղերդ, վաճառել եւ գրաւական տալ մինչեւ յաւիտեանս ժամանակաց, եւ ազատ են դոքա յաւանայն արքունի հարկաց : Եւ եթէ այլ ոք հակառակի այսմ եւ կամ խանդարել եւ խափանել ջանայ՝ եթէ ի մերոց եւ կամ յայլ աւագաց, ի սուրբ Երրորդութենէն և յամենայն արքոց նշովեալ եղիցի, ընդ Յուդայի և Արիոսի դատեսցի, և յերից սուրբ ժողովոցն ընդ կապանօք լիցի. եւ թէ ի տաճիկ աւագութիւն հասանի եւ յափշտակել ջանայ՝ յԱստուտոց եւ յիւր փեղամբարէն ապիզար եղիցի, եւ բիւր 1,000 նարսք եղիցի. եւ ի վերջին աւուր դատաստանին յիւր դադողէն սևերե՛ս լինի : Եւ արդ՝ հայցեմ ի ձէնջ սուրբ հարք՝ զիմ Փիլիպպէի զյիշատակս կատարել ամ յամէ. եւ յիմ եկեղեցիդ ի սուրբ Գրիգորդ ի Վարդէվառի աւուրսն մի քառասունք առնեն անխափան. գրեցաք եւ կնքեցաք մեքով մատանեաւս ի կամս Աստուծոյ յ392 թուականիս Հայոց » :

Էր եւ հանդէպ վանիցն տեղի մի ապստամբանոց, որ Տամաբէկս կոչէին. և բազում և մեծամեծ վիշտս եւ նեղութիւնս հասուցեալ էին վանիցն, զոր Տէր Յովհաննէս, թէ և բազում անգամ ջանաց, ոչ կարաց հալածել զընտկիչսն եւ սեպհականել զտեղին : Ապա ի ժամանակս աստուածապատիւ եւ հոգևոր Հատ. Բ. :

Տեառն Յակորայ եկն մեծ տիկինն Սոփիա՝ կին Արմ-
բատայ, յերկրպագութիւն սուրբ խաչին . եւ լուեալ
զվշտալից դառնութիւն եղբարցն ի նոցանէ՝ գուն
գործեալ ի վերայ եւ հազիւ ուրեմն ածեալ ընդ
բռամբ ղտեղին ընդ գնոյ հազար դահեկանի . և տայ
ի ձեռն Տեառն Յակորայ և բառնայ զայն խոչ ի նո-
ցանէ . և այնուհետեւ լինէին յապահով : Եւ հրամայէ
եպիսկոպոսին շինել ի նմա եկեղեցի և բնակեցուցա-
նել անապատաւորս . եւ գրել արձան անիծից զի մի
եւս բնակեցուցեն ի նմա աշխարհական ոք, զոր եւ
փոյթ ընդ փոյթ կատարեալ երջանիկ եպիսկոպոսին,
գրէ արձան վճռի զայս օրինակ . « Այս իմ ձեռին գիր
է Տէր Յակորայ՝ Սիւնեաց եպիսկոպոսի . բազում ջա-
նիւ եւ աշխատութեամբ թափեցի զՏամալեկս որ
բազում նեղութիւն էին հասուցեալ տանս . և Տեառն
Յովհաննիսի ջանացեալ էր և չէր կարացեալ թափել :
Արդ՝ հնազանդեալ մեր հրամանացս տէր Սմբատ եւ
Սոփիա տիկին՝ առին ընդ գնոյ 1000 դահեկանի, եւ
ետուն ի սուրբ նշանս . եւ հոգւով եւ մարմնով զին-
քեանս մեզ յանձնեցին : Եւ մեք առաք եւ եկեղեցի
շինեցաք, եւ միայնարան հաստատեցաք : Արդ՝
զայս տեղս որ մեր մեծ ջանիւ թափեալս եմք եւ
զհայրենատէրսն հանեալ, և անապատ հաստատեալ,
եւ մտածէ ոք զսա ի հայրենատէրսն տալ կամ կա-
նամբի մարդ ի սմա բնակեցուցանել կամ մին ծառոյ

և մին թիոյ տէր առնել . նզովեալ եղիցի ի միասնա-
կան սուրբ Երրորդութենէն եւ ի սրբոց հրեշտակաց
և յ318 հայրապետացն, ի սուրբ նշանէս եւ ի մէնջ ի
մահ և ի կեանս . և բաժին նորա ընդ Յուդայի եղի-
ցի . եւ չարաչար ցաւօք զիւր աւուրսն մի հասարա-
կեսցէ, ճարակ լիցի անշէջ հրոյ գեհնոյն, և մի գտցէ
ողորմութիւն ի Քրիստոսէ Աստուծոյ մերոյ » :

Դարձեալ էր գիւղ մի ի Գեղամ գաւառի ի Սո-
գից սահմանին, վաղաւեր անուն, զոր տուեալ էր
վաղ ժամանակօք Տիգրան՝ մեծ նահապետ ի Սիսա-
կան տոհմէ, ի սուրբ եկեղեցին Տաթևոյ : Աստանօր
վաճառէ և փոխանակէ Տէր Յակոբ տեառն Զագկայ՝
իշխանի Սիւնեաց՝ որդւոյն Զեանշէրի վասն հեռա-
ւորութեան . և առնու զՏաշտակերտ գիւղ հաստա-
տուն եւ անխափտ վճառ որ ունէր օրինակ զայս .
« կաման Աստուծոյ ես Տէր Յակոբ՝ Սիւնեաց եպիս-
կոպոս , արարի փոխանակս ընդ աստուածապահ
տեառն Զագկայ՝ Սիւնեաց իշխանի, տուաք զվա-
ղաւեր գիւղ, զոր յիշեալ տեառն Տիգրանայ իւր
հոգւոյն ընձայեալ էր ի սուրբ նշանս, և առաք զՏաշ-
տակերտ գիւղ իւր ամենայն ռահմանօքն բոլորովին :
Եւ հաստատեցաք յամէն տարի քսան օր սլատարագ
անխափան մինչ ի գալուստն Քրիստոսի . և զԵրանի
ռամ թողութիւն սաղմոսն երգել ի նմին աւուրսն :
Եւ թէ ոք յետ մեր՝ յիշխանաց կամ յառաջնորդաց

հակառակ կայ այսմ, եւ զայս տեղիս յառիշտակել խորհի, նըղովս չարաչար ընկալցի յԱստուծոյ եւ յամենայն սրբոց, և յայսմ աթոռոյս և յամենայն առաքելական եկեղեցեաց եւ ի սուրբ հայրապետաց որոշեալ եւ անիծեալ լիցի, եւ Տիգրանայ մեղացն պարտապան եղիցի . ի Թուխ Հայոց 374 հաստատ է կամաւն Աստուծոյ » :

Եւ ես Ձագիկ իշխան իմ կամօք արարի զայս վաճառս, և յիտխեցի զՏաշտակերտ ընդ Վաղաւերոյ, եւ իմ ձեռօքս հաստատեցի զվերադրեալ վճիռք : Եթէ որ խաւանէ՝ զնոյն նըղովս ժառանգեսցէ՝ որ կայ ի դմա : Եւ մեք Ջւանշէր եւ Վասակ՝ որդիք տեառն Ձագկայ վկայ եմք այս արարուածիս . եւ ես Կարիճ իշխան վկայ եմ այս վերադրելոցս : Գրեցաւ գիրս եւ կնքեցաւ հայրապետական մատանեաւ Տեառն Յակոբայ . եղաք և մեք ի վերայ զմեր կնիքս : Ահա՛ զայս ամենայն հոգայեալ եւ պայծառապէս չքեղացուցեալ զանազան գոյիւք եւ ստացուածովք . այլ ևս յորովս ստանայ ընդ գնոց արծաթոց ազարակս եւ անդս, հողս եւ մարգս եւ այգիս . նա եւ բազում աուրս յիշխանաց եւ յազատաց, զոր թէ ընդ գրով էաք արկեալ՝ բազում տաղտկութիւն լինէր լսողաց և ծախումն անհուն հիւթոց : Բայց մեք ընտրեալ և յիօքր ի շատէ կարգեցաք աստ գյոյժ պիտանին : Բայց աւա՛ղ իմում բանիս, որ այժմ ոչ կարեմ

բարերոյս բանիւք բովանդակել զլրումն կենաց այս-
պիսւոյ անհամեմատ և աստուածավայելուչ, քաղցր
և արքայաշուք առնս երջանկի և բարեբաստի : Այլ
հարկիմ՝ զգնանազան և զվայրենարարոյ բանից բռնն
հարկանել :



ԾԲ. — Ապստամբութիւն Յակոբայ . եւ կատարած
կենաց նորս . եւ գայն Անանիայի՝ Հայոց կարողի-
կոսին, երիցս անգամ ի Սիւնիս . և ձեռնադրել զՎա-
հան եպիսկոպոս . եւ հնազանդել ընդ նմին եւ զԱղ-
վանս :

Էր կաթողիկոս յԱղվանս Սահակ անուն, որ հո-
գևորական սիրոյ կապակցութեամբ յարակցեալ էր
Տեառն Յակոբայ . և էին միմեանց համախոհ և յոյժ-
մերձաւոր : Եւ յետ Սահակայ առաջնորդէր Գագիկ՝
եղբայր նորին . եւ սա առաւել համարձակեալ էր ի
սէր միաբանութեան ընդ Յակոբայ՝ Սիւնեաց եպիս-
կոպոսի : Եւ զի կաթողիկոսքն Հայոց հեռացեալ
էին յայնմ ժամանակի զի վասն Հանապաղորդեան
հինահարութեանցն Իսմայէլացւոց թողեալ էին զա-
թոռն որ ի Դովին և շրջէին այսր և անդր ընդ թագա-
ւորացն Հայոց : Երբեմն բնակէին առ Գագիկայ թա-
Հառ. Բ :

գաւորին ի Վասպուրական աշխարհի, ի վանա Զորոյ,
ուր կայր սեւլանն եւ աթոռն եւ գաւազան սրբոյն
Գրիգորի . երբեմն բնակէին ի Շիրակ գաւառի առ
Շիրակ վանին ի վանսն Արգիշայի . և այսպէս տարա-
բերեալք լինէին (1) : Եւ զի վախճանեալ էր կաթո-
ղիկոսն Հայոց Տէր Թէոդորոս . եւ յաջորդեալ էր ի
տեղին Անանիա մոկացին թ390 թուականին : Եւ այս
Յակոբ վասն հեռաւորութեան ոչ կարէր ամ յամէ
երթալ առ կաթողիկոսն Հայոց եւ առնուլ մեռոն .
ապա հարկ եղև խնդրել զմեռոն ի կաթողիկոսէն
Աղվանից : Եւ այս լինէր նմա մեծ գայթակղութիւն
և անխանգանքի զլորումն զի սխալեաց ըստ զիւրախար
բնութեանս մարդկային, ըստ ասիցն Սաղամոնի թէ
զոյ և քուն իմաստնոյն :

Եւ զայս արար անձնահաճ կամօք . քանզի էր այր
անձնեայ եւ սէգ, բարձրացօն եւ մեծաբարոյ, բնու-
թեամբ ազատ և բանիւ ճոխ, հանճարով պայծառ և
չրթամբ յոյժ քաղցր . սակա որոյ ինքեան հաւանեալ
հպարտացաւ սակաւիկ մի : Իսկ կաթողիկոսն Անա-
նիա կոչէր նուիրակօք զՅակոբ և զՍահակ . և նոքա
յիւրաքանչիւր յաթոռոցն ոչ չարժեցան . այլ բաղ-
բաղեցին զգնալն : Եւ զի լուեալ էր կաթողիկոսին
զընտանի մերձաւորութիւն նոցա առ միմեանս եւ
զինդիր մեռոնին յԱղվանից և զայն ևս թէ բազում
ամբ են Յակոբայ զի ոչ եկն ի սուրբ Գրիգորի յա-

Թոռն . ապա այնուհետև ի նախանձ ահագին դրդը . ուեալ , եւ սաստիկ ցասամբ շարժեալ եկն ի խնդիր Յակորայ զի կամ հնազանդեսցէ և ըստ կամի արտայցէ , եւ կամ մեծազոյն պատիժս ընկալցի : Եւ անտի դէմ եղեալ երթիցէ յԱղվանս եւ զայն ևս հնազանդել . քանզի արքեպիսկոպոսքն Աղվանից ի Հայոց կաթողիկոսացն առնուին ձեռնադրութիւն . եւ սակաւ մի ամօք յառաջ քան զայս յետս էին կացեալ ի վախճանէն Գէորգեայ կաթողիկոսին մինչ ի ժամանակս այս Անանիայի , յաւուրս հինգ կաթողիկոսաց՝ Մաշտոցի և Յովհաննիսի , Ստեփաննոսի և Եղիաէի եւ Թէոդորոսի :

Ապա եկեալ , հասեալ յաշխարհս Սիսական , ընդ առաջ ելանեն նմա իշխանքն Սիւնեաց աստուածապահ տէր Սմբատ եւ Զւանէր որ ի Բաղս . եւ բերեալ յեպիսկոպոսարանն Տաթև հանդուցին մեծաշուք պատուով . եկն ապա եպիսկոպոսն Յակոր . եւ անկաւ առաջի նորա եւ զմեղայ խոստովանէր « ո՞վ մեծապատիւ Տէր կաթողիկոս՝ որովհետեւ աստուածաբար ի մեզ խոնարհեցար եւ զմեր յանդրդնութիւնս անտես արարեր . հնազանդիմք ձեզ և սուրբ աթոռոյն Գրիգորի լուսաւորչին իբրև Աստուծոյ , մեղաք յերկինս եւ առաջի քո . եւ դու ներելով թո՛ղ մեզ զյանցանս մեր » : Տեսեալ զայն կաթողիկոսին եւ մեծապէս օրհնէր զնա եւ շնորհակալէր եւ

կամէր երթալ յԱղլվանս . ապա գուժկան հասանէր ի թագաւորէն Աբասայ վասն փոխման թագուհոյն . եւ դարձուցանէր զնա յայնմ յառաջարկութեանց : Վասն որոյ մեծամեծ պարդեօք եւ առատաձեռն ընծայիւք յուղարկեցաւ յաթոռն իւր ի Սմբատ իշխանէ եւ ի Յակոբայ եպիսկոպոսէ :

Իսկ ամենաչարն, որ հանապազ խանդայ ընդ բարին և զրդոէ զմարդիկ ի խռովարար չարութիւն, ոչ ետ թոյլ այսմ արարուածոյ . այլ մտեալ ի սիրտ չար եւ նախանձոտ արանց, սկսան քսել վերստին զՅակոբ առ կաթողիկոսն, եթէ կրկին ապստամբեաց ի ձէնջ . եւ նա չտայ թոյլ հնազանդել Աղլվանից ընդ ձեռամբ քով . եւ զԽօսորով՝ Անձևացեաց եպիսկոպոսն նա շեղեաց թղթով ի ձէնջ . նաեւ հերձուածս եւս յօղէին եթէ քօզաբորբեալ ունի եւ զՔաղկեդոնին . եւ այնպէս խռովութիւն եւ պատերազմ մեծ զարթուցին ի մէջ եկեղեցւոյ : Զոր և ես իսկ զրպարտանք համարիմ զայսպիսի բանս եւ ոչ ճշմարտութիւն զրադատ եպիսկոպոսին Յակոբայ, զի զինչ փառք էր եւ պարծանք նմա թողուլ զմեծ աթոռն սրբոյն Գրիգորի լուսաւորչին եւ ծառայել իւրում ծառայակցին որք եւ անկատար եւ թերի ունէին զօծոմն շնորհին : Բայց թողցուք զայս քննել արդարադատին Աստուծոյ :

Ապա կաթողիկոսն Աղլվանից Սահակ մեռանի,

և յաջորդի ի տեղին հարադատ նորին Գազիկ նովին անկատար օժմամբ. զոր և լուեալ Տեառն Անանիայի՝ գրէ Թուղթ առ իշխանսն Աղվանից ըստ իւրում իմաստայեղջ բանից, և հրամայէ ի բաց կսլ յանուա նեալ և ի նանրախառ կաթողիկոսէն Գազկայ : Որք եւ արարին իսկ . եւ ոչ ոք հաւանեցաւ նմա, բայց միայն մի յիշխանացն Սենեքերիմ անուն : Իսկ այլքն միաբան առաքեն զոմն մի Յօնան անուն առ կաթողիկոսն Հայոց զի ձեռնադրեսցէ նոցա արք եպիսկոպոս, զոր եւ ընկալեալ սիրով եւ պատուով Տեառն Անանիայի՝ ձեռնադրեալ առաքէ Սղվանս : Իսկ ապա մինչ այս լինէր, ըստ նախանձու հակառակութեան ոմանց, սկսան բարդել բանս բամբասանաց ի վերայ Յօնանու ունայն . եւ ոչ սակաւ լինէր խռովութիւն ի մէջ երկոցունցն Գազկայ եւ Յօնանու, եւ երկոքինքն խոտեալք լինէին :

Լուեալ զայս ամենայն Անանիայի՝ վարանեալ տարակուէր ի մտի իւրում վասն գունակ դունակ բաժանմանց եւ ապստամբութեանց եկեղեցւոյ . եւ ժողովեալ բազմութիւն եպիսկոպոսաց եւ գլխաւոր հարց՝ իաչընդուա նահատակութեամբ զայ ի խնդիր օծտեալ եւ պառակտեալ անդամոց եկեղեցւոյ, եւ դէմ եղեալ երթայր Սղվանս : Եւ հասեալ ի գաւառն Խաչենոյ՝ ընդ առաջ ելանէր նմա իշխանն Գրիգոր . եւ տարեալ իջուցանէ ի տան իւրում : Եւ

Ժողովէ զամենայն իշխանս աշխարհիս եւ զեպիսկոպոսունս և զվանականս ի տեղին որ Արդախն կոչի. զան եւ Գազիկն եւ Յօնանն : Խնդրէր ապա կաթողիկոսն Անանիա զսլատմութիւնն Աղվանից զի գիտասցեն զորպիսութիւնն Աղվանից աթոռակալացն. և նոքա Թաքուցեալ ամենեւին ոչ ցուցանէին : Ասլա ըստ վերին խնամոցն, ի գիշերի պաշտամանն դնէ եկեղեցապանն Գանձասարու գիրք մի որպէս թէ Յովնաննու Ոսկերերանի է. եւ մեծարեն զկաթողիկոսն յընթեռնու. զոր եւ բացեալ եգիտ զոր խնդրէրն, զի էր սլատմութիւնն Աղվանից. եւ էր ի նմա գրեալ ամենայն ճշդիւ զի առաջին եպիսկոպոս յԱղվանս ի սրբոյն Գրիգորոյ՝ Հայոց լուսաւորչէն, լինէր ձեռնադրեալ ի խնդրոյ Ուռնայրի՝ Աբբային Աղվանից. և կացեալ ի հնազանդութեան Հայոց աթոռակալացն զամս 440, ի Հայոց առին ձեռնադրութիւնն Աղվանից կաթողիկոսքն, զի Հայոցն պատրիարք էր. և Աղվանիցն՝ արք եպիսկոպոս. և այս ի ժամանակս քսան և հինգ կաթողիկոսաց Հայոց մինչ ի Տէր Աբրահամ : Ասլա մինչ աղմուկ լինէր ի մէջ աշխարհիս. եւ Յովնան ոմն ի բաժնին Յունաց հակառակաթոռ էր նստեալ, և վասն ինն դասուցն ի Յունաց խնդիր լինէր առ Հայս. եւ Ալիւրիօն՝ Վրաց կաթողիկոս, վասն փառամոլ ախտի ի բաց եկաց ի Հայոց եւ քաղիկեղոնիկ եղեւ : Այնուհետեւ բաժանեալ ի

բայ եկայ Աղվանիցն պատճառելով եւ նա պատճառս ինչ :

Իսկ ի վախճանեն Արրահամու եւ Յովհաննու նստի պատրիարք Հայոց Կոմիտաս . վախճանի եւ Աղվանիցն . ապա դարձեալ հնազանդին Աղվանք Հայոց եւ խնդրեն կաթողիկոս ի Կաթողիկոսայ զոր եւ ձեռնադրեացն իսկ յերկրորդ ամի Հայրապետութեան իւրոյ : Եւ այսպէս կացեալ ի հնազանդութեան զամս 85, ի ժամանակս եօթն կաթողիկոսայ Հայոց մինչ ի Տէր Եղիա : Ապա յաւուրս սորա էր կին մի ի տիկնութենէ Աղվանից Սսրամ անուն, առնէ իւր մերձաւոր եւ սիրող մի՝ Բակուր անուն, եւ խոստանայ նմա տալ պատիւ կաթողիկոսութեան . եւ ոչ իշխեաց առաքել ի Հայս զի մի խոտեսցեն . առնէ ժողով ի Պարտաւ եւ տայ ձեռնադրել զնա կաթողիկոս . որ եւ անուանեցաւ Ներսէս, եւ ունէր ի ծածուկ զԲաղկեղտնին : Վասն որոյ երթեալ Եղիայի կաթողիկոսի յԱղվանս արքունի հրամանաւ, եւ կալեալ զտիկինն եւ զԲակուրն, մերկացուցանէ եւ կապէ ընդ միմեանս եւ հեծուցեալ յէջ չրջեցուցանէ ընդ փողոցս Պարտաւայ . վասն որոյ անառազ լեալ Բակուր աւուրաւ ութ մեռանի :

Իսկ կաթողիկոսն Եղիա ձեռնադրէ նոցա արքեպիսկոպոս, եւ առնու երդումն եւ դաշինս եւ ձեռնարկ զբոյ մեծամեծ նզովիւք յիշխանայ եւ յեպիս-

կոտորոսաց և ի գլխաւոր վանականաց և յաւագ տանու տէրոց աշխարհին Աղվանից զի մի այլ ևս հետտեսցեն և յետս կայցեն յաթոռակալաց սրբոյն Գրիգորի . և ինքն զնայ յաշխարհն Հայոց : Եւ այս այսպէս եկաց միաբանութեամբ զամս 137 յաւուրս չորեքտասան կաթողիկոսաց Հայոց մինչ ի Տէր Գէորգ Գառնեցին : Ասլա ի դաշն Բուղայի ամիրայի ի Հայս, եւ ի գերեւն զՏէր Գէորգ կաթողիկոս եղև դառն և աղգի ազգի պղտորումն յաշխարհիս Հայոց եւ Աղվանից . եւ լիսխեսսւ զրան եպիսկոպոսն Տեառն Գէորգեայ եւ եկն յԱղվանս Յօնան անուն : Եւ եղև վախճանել արքեպիսկոպոսին Աղվանից . եւ կաթողիկոսն էր ի գերութեան : Ասլա միամտութիւն համարելով նմա՝ ժողովեալ ձեռնադրեն զզրան եպիսկոպոսն զՅօնան կաթողիկոս Աղվանից : Իսկ ի դարձին Գէորգեայ ի գերութենէ ի ձեռն Համամայ՝ Թագաւորի Աղվանից, տեսանէ զՅօնան՝ նոցին արքեպիսկոպոս, և հրամայէ կողոպտել ի բաց զզգեստ և զձև կաթողիկոսութեանն . վասն որոյ առաջի անկեալ Համամայ հայցէր զներումն :

Ի ուեալապա նմա վասն մեծի երախտեացն, և կըրկին ձեռնադրէ զՅօնանն արքեպիսկոպոս Աղվանից . և թողեալ անդէն զնայ յիւր սեպհական աթոռն : Իսկ ի վախճանելն Գէորգեայ, վասն դառն և ազգի ազգի անցից աշխարհիս յիւսմայէլականացն, ոչ կարացին

հասանել առ հայրապետքն Հայոց ՍՂՂվանից . նմա նստէս եւ անտոյթ լինէր ի Հայոց կաթողիկոսայն . զի ամենայն ոք միայն զանձին հնարս հայթայթէր զերծման յիմայէլական սրոյն : Ձեռնադրեն ասլա կաթողիկոս ՍՂՂվանից յետ Յօնանու զնորին հարա զատն Սիմէոն անուն, ասլա զԳաւիթ, ասլա զՍա հակ, ասլա զԳազիկս զայս, որ լինէր ամբ 69 լնքնա ձեռն եւ անձնիչխան թերակատար օծման նոյս : Սհա ղայս ամենայն ընթերցեալ եւ լմացեալ եւ ծանու ցեալ կաթողիկոսին Անանիայի, եւ այսու բանիւք սա լռեցուցեալ զգրաբան բերանս խոտորախօս սրանց . ե պապանձեցուցեալ զլեզու փառորսակ եւ անձնահաճ մարդկան՝ յամօթ արար զամենեւեան : Եւ ծանեան իշխանքն զհաստատութիւն իրին, եւ ամենայնիւ հաւանեալ հնազանդեցան նմա : Իսկ նորա քննեալ զարժանն, նախ՝ ելոյծ ի պատուոյն զՅօնան իւր ձեռնադրեալն վասն բամբասանացն զոր յօդեալ էին, եւ ասլա զԳազիկն : Բայց Գրիգոր իշխանն մեծաւ մաղթանօք հայցէր զԳազիկ կրկին ձեռնադրել, զոր ոչ պատշաճ համարեալ ուղղադատ եւ ճշմարտաբըն նին հայրապետին . զի կրկին ծնեալն վիժեալ լինի . ե կրկին պսակեալն՝ անվաւեր կոչեսցի :

Ապա հայցեցին դառնալ անդրէն ի Հայս . եւ մեք (ասեն) աստէն ընտրեսցուք պատշաճազոյն այր եւ առաքեսցուք առ ձեզ զի ի քէն ձեռնադրեսցի առաջ Հատ. Բ :

նորդ մեզ : Հաւատացեալ ապա հայրապետին՝ եւ ի տանէն Աղվանից եւ եկն ի տունն Սիսական ի բնակութիւնս սուրբ հայրապետանոցին ի Տաթև : Զոր եւ լուեալ եսլիսկոպոսին Յակոբայ՝ գնայ յամուրն Բաղայ թաքուցանելով զերեսս իւր, ըստ այնմ թէ փախիր եւ թաքիր առ ժամանակ մի մինչև անցանէ բարկութիւն Տեառն : Քանզի գիտէր զանիրաւս, բարձ բարդումն պէսպէս բասրանայն որ զօդեալ էին ի վերայ ինքեան, իբր զերկաթ ընդ փայտի, կամ զանդիկ ընդ ոսկւոյ : Իսկ իբրև ետես զայն Տէրն Անանիա՝ բազում աւուրս օթեալ անդր . եւ յուով թղթովք և պատգամաւորօք հայցէր ի դուրս զՅակոբ ի ձեռացն Զւանշիրի . եւ ոչ տայր ի դուրս : Ասլա ոչ կարացեալ տեւել ի տեղւոջն զի ձմեռնային էր ժամանակն . սաստիկ ցասամբ բարկացեալ սուրբ կաթողիկոսին աւերեաց զտեղին և քանդեաց և չարաչար նզովիւք կոպեալ կաշկանդեալ խառնեաց ի տողունս կապանաց զիշխանն եւ զեպիսկոպոսն . եւ անց, գնաց յիւր աթոռն :

Եւ ապա անդէն կալով՝ միշտ թղթազնացութեամբ ոչ կարաց հաւանեցուցանել զալ ի ծառայութիւն ինքեան Քազկայ Աղվանեցւոյ . վասն որոյ միայն աղօթիւք խնդրէր յԱստուծոյ զեւս իրին : Եւ այս լինէր ի թուականին Հայոց 398 . իսկ ի 407 թուականին Հայոց, իբր վերին ակնարկմամբն, վախճա-

Նեալ լինին երկոքինքն՝ Յակոբ՝ Սիւնեաց մետրապօլիտ եւ գլուխ ամենայն եպիսկոպոսոսաց Հայոց, եւ Գապիկ՝ Աղվանից արքեպիսկոպոս, որ և յետ դառնալոյն Անանիայի եւ սա ապստամբեաց անգգամաբար եւ ստեաց յիւր ուխտէն : Ասան որոյ գլուխն հասեալ առ կաթողիկոսն ազգէր նմա . զոր և համարեալ նորա զայն ի սաղրեւյ ալօթիցն իւրոց լեալ՝ գոհանայր մեծապէս զՏեառնէ . եւ ոչ պատշաճ համարեցաւ զառ ի յիւրմէ աւերեալ աթոռսն առաքելական խափանել ի հայրապետական գլխոցն : Այլ յուղի անկեալ զայր ի Սիսական աշխարհս յանրնակ տեղի եպիսկոպոսարանին Սիւնեաց . եւ հրաման տայր ժողովիլ կրօնաւորացն եւ չինել զտեղին, եւ ինքն գնայր ի Ասպան քաղաք : Ընդ որում առաջ ելեալ բանադրեալ իշխանն Զեանչէր՝ մեծաւ զղմամբ զմեղայ խոստովանէր . նմանապէս եւ եկեալ գահերէց իշխանն Սիւնեաց Վասակ՝ որդի Սմբատայ՝ որդւոյ Աշոտոյ . և նա գեղեցիկ խոստովանութեամբ զմեղայ կարգացեալ ի միսսին գթողութիւն յանցանացն (գտին) . և տարեալ մեծապէս չքով հանգույն յարքունական գահոյս ի Ասարան քաղաքի :

Եւ ժողովեալ զամենայն արս խաչակրօն և ճգնազգեաց վանականայ՝ խնդրէին վերստին առաջնորդ ինքեանց, որոց լուեալ կացոյց յեպիսկոպոսութեանն Սիւնեաց զՎասակն՝ որդի Զեանչիւրի, որ էր առաջնորդ

մեծի ու խտին Վահանու վանից : Առնու ձեռնարկ
եւ վճիռ պայմանի ի Վահանայ եւ յիշխանացն զի
այլ ոչ եւս շեղեալ հետեացեն ի սուրբ Գրիգորի
աթոռոյն և ոչ արասցեն ընտանութիւն ընդ Աղվա-
նից արքեպիսկոպոսացն . զի մի ծնանիցի սոյնդու-
նակ դայթակղութիւն . եւ զյետկար մեծապայման
վճռին փակեցին ահագին եւ սոսկալի նզովիւք զի մի
ոք իշխեսցէ յեպիսկոպոսաց զՅակոբայն գործել կամ
խոկալ կամ խորհիլ ոճիրս . եւ յիշխանաց զի մի ոք
իշխեսցէ այնպիսոյն թեկն ածել եւ օգնական կամ
ջատադով լինել . և թէ յանդգնի ոք յեպիսկոպոսաց՝
փութապէս ի ձեռս տայցեն կաթողիկոսին Հայոց .
և մի լիցին դարան և ասպնջական նմա : Եւ կնքեալ
զայս վճիռ իւրեանց մատանեալ՝ ետուն ի ձեռս կա-
թողիկոսին զորս աւելորդ համարեցաք գրել . զի կան
լիով գրեալքն ի գիրս թղթոյն, զոր ժողովեալ է սոյն
Անանիա, որ Հաւատոյ նամակ անուանի : Բայց էառ
առ ժամայն զպատիւն ի տանէն Սիւնեաց, այսինքն
զիտաջն որ զառաջեալ տանէին, և զգաւազանն բազ-
մածախ եւ մեծագին եւ զբազմականն ոսկեթել զորս
ընդ ինքեանց շրջեցուցանէին, զսահմանեալսն առա-
ջին թագաւորացն և հայրապետացն Հայոց : Եւ բար-
ձեալ լինէր այս և պակասեալ մինչ ի Տէր Յովհաննէս՝
Սիւնեաց եպիսկոպոս, և ի Տէր Սարգիս՝ Հայոց կա-
թողիկոս :

Իսկ ի ձեռնադրութեանն Տէր Յովհաննիսի վե-
րջստին եղև նորոգեալ ամենայն պատիւ և իշխանու-
թիւն Սիւնեաց աթոռակալացն ի Տէր Սարգսէ՝ Հա-
յոց կաթողիկոսէ, զոր յիւրում տեղւոջ ասացից ։
Իսկ ապա յետ այսր իրազործութեան զնայ կաթո-
ղիկոսն յԱղվանս ի հաստատել զնոցայն աթոռակա-
լութիւն . զկնի որոյ և գութկան հասանի ի թաղաւո-
րէն Վասպուրականի և Արծրունի Գրիգոր կոչեցեալ
եթէ վախճանեալ՝ մնայ դին նորա քեզ . եւ դարձու-
ցանեն անդրէն ։

Լուեալ ապա զայն տէրանցն Աղվանից՝ Իշխանկայ
և Սենեքերիմայ և միւս Սենեքերիմայ՝ որդւոյ Գրի-
գորոյ, զոր կանխաւ յիշեցաք, և Ջլանչիրի և Գուր-
գենայ . եւ մեծաւ զղջմամբ զմեզայ կարդացեալ՝
առաքեն առ նա զԴաւիթ կրօնաւոր որ ի Խոտակե-
րաց վանից, ձեռնադրել ինքեանց առաջնորդ . զոր
և ընկալեալ Տեառն Անանիայի մեծաշուք պատուով
ձեռնադրէ, և փարթամ ընծայիւք և առատատուր
պարգևօք յուղարկէ անդրէն յաշխարհն Աղվանից ։
Վասն որոյ գոհութիւնս եւ փառս վերառաքեցաւ
յամենայն լեզուաց բարերարին Աստուծոյ որ այսպէս
խափանեաց զմեծ պատերազմն եկեղեցւոյ, և արար
խաղաղութիւն կեղեքեալ եւ տառապեալ ազգիս
Հայոց . եւ զպատուական անդամն եկեղեցւոյ որ
օժտեալ էին՝ վերստին միացոյց ի գլուխն գովելի ի

մեծ պատրիարքսն Հայոց, որ սրտոյն Գրիգորի են
աթոռակալք :

Եւ արդ՝ յետ այսց պատերազմաց եթէ դ խորհի
կամ մտաբերէ ընդ այն կորստական շաւիղս ընթա-
նալ եւ ի բաց կալ ի Հայոց կաթողիկոսացն, կամ
Սիւնեաց եպիսկոպոս կամ Աղվանից արքեպիսկո-
պոս, զինչ եւ իցէ պատճառաւ բաց ի հոգեւոր վնա-
սուց, եթէ հերձուած ինչ կամ անպատշաճ նորա-
ձեւութիւն երևեսցի, այնպիսին ի սուրբ Երրորդու-
թենէն նզովեալ լիցի, մասն եւ բաժին նորա ընդ
հերձուածո՞ղմն եւ ընդ ուրացո՞ղս եղիցի. եւ ընդ
սատանայի դատաւարտեսցի: Ապա եթէ վնաս ինչ
խմայեն ի հաւատոս կամ յեկեղեցի. եւ ճշմարտիւ
ստուգեսցեն ի վերայ կաթողիկոսացն Հայոց. եւ
կամ այլ արատ ինչ մեծագոյն և վնասակարութիւն,
որ բաղմաց խմորման եւ կորստեան պատճառ լինին,
ինքեանք գիտասցեն զարժանն մինչև ուղղեսցի թիւ-
րութիւնն և մաքրեսցի ամենեւին :



ԾԳ. — Վասն Տեառն Վահանայ. և կատարածի
կենաց նորս :

Զեռնադրեալ Տեառն Անանիայի զՎահան ի
վանսն Յովհաննու եպիսկոպոս Սիւնեաց, էր եւ ի

հրամանն նորա մեծ եպիսկոպոսարանն Տաթև, որ և սակաւ մի անդ ընակէր և զայլ ուսուրան յիւր սեպհական տանն : Եւ վասն աւերման տեղւոյն բաղում պայծառութիւնք շիջեալ լինէին եւ բաղում բարեկարգութիւնք խափանեալ ի բաղում աւուրս . եւ յոլով ժառանգութիւնք սակասեալ և յափշտակեալ յեկեղեցւոյն՝ ի մեծ մայրաքաղաքէն Տաթևոյ, զոր և առ սակաւ սակաւ անդրէն դարձուցանէին իշխանքն ի ժամանակս (ժամանակս) : Որպէս և աստուածատէր տէր Սմբատ՝ Սիւնեաց իշխան, որդի Սահակայ՝ որդւոյ Աշոտոյ եւ եղբայր մեծ Սմբատոյ, դարձոյց անդրէն զգիւղսն Ծածարդ և զՀաթիս՝ ի սուրբ եկեղեցիսն ի ձեռն Տեառն Վահանայ . եւ գրէ զվճիռ պայմանին իւրով ձեռամբն այսպէս :

« Յանուն Աստուծոյ վասն արարեալ Հաստատութեան առաւել առաջին գրոյն որ մեր հարցն տուեալ էին աստուածապատիւ եւ հոգեւոր եպիսկոպոսացս Սիւնեաց, եւ Սմբատ՝ որդի տեառն Սահակայ, ետու զՀաթիս եւ զԾածարդ որ սակաւ մի յափշտակեալ էին ի տանէս, յաստուածապատիւ եւ հոգեւոր Տէրս Վահան և յաստուածաբնակ, ի լուսաճեմ՝ եկեղեցիս Տաթևոյ յայս պայմանիս որ զառաջնոցն յիշատակն նորոգեն . եւ զիս ևս յիշեն ի սուրբ եւ ի մաքրափայլ յաղօթս իւրեանց և մեր մեղացն թողութիւն խնդրեն : Եւ յետ մեր մի՛ ոք սյլ յանդգնեսոյ՛ յափշտակել

զստա ի տանէն, մի ի մերոց եւ մի յօտարաց. եւ թէ յանդգնին՝ յԱստուծոյ ամենակալ բերանէն ընդ սատանայի եւ ընդ օձին նզովեալ եղիցին. և մասն եւ բաժին ընդ Յուդայի եւ Կայենի եւ Արիոսի եղիցի » : Գրեցաք եւ կնքեցաք մերով մատանեաւ ի թուականիս 412 : Իսկ Վահան կեցեալ յեպիսկոպոսութեանն ամս 6 . ապա հասանէ վախճան կաթողիկոսին Հայոց Տեառն Անանիայի . փոխեն զնա ի հանգիստ ի վանսն Արգինայի. և թագաւորն Աշոտ՝ որդին Սմբատայ, առնէ ժողով եպիսկոպոսաց եւ հարց սրբոց ի թագաւորանիստն Շիրակ վան . կոչէ և ՂՎահան ի Սիւնեաց . և հրամայէ ընտրել զմի ոք յեպիսկոպոսացն եւ կացոյցանել յաթոռ հայրապետութեան Հայոց :

Ապա ամենայն ժողովոյն ընտրեալ ՂՎահան վասն առաւել սրբութեանն եւ իմաստութեանն՝ դնեն ձեռն ի վերայ բազմութիւն եպիսկոպոսացն եւ օծանեն զնա կաթողիկոս Հայոց . որ եւ կեցեալ ամ մի՝ սկսաւ պատկերս բերել ի Վրաց եւ դնէր ի վերայ սեղանոյն . և հրամայէր յամենայն եկեղեցիս զնոյն առնել, ըստ Հռոմոց սահմանին կառնիւք (2) զսրդարել եւ առանց կառնի ոչ առնել պատարագ : Վասն որոյ կարծիս իմն առեալ ամենեցունց եթէ դաշնագիր է ընդ Յոյնս. եւ կամի սարդել յեկեղեցի զազանդ նոցին, բողոք բարձին առ թագաւորն . և նա հրաման տայր ժողո-

վոյ յԱնի քաղաքի զի քննեսցեն զարժանն : Իմացեալ զայն Վահանայ ոչ եկաց ի ժողովն . այլ ել, գնաց յաշխարհն Վասպուրական, առ Համազասպ՝ որդի Գագկայ Թադաւորի . եւ հաւանեցոյց զնա ինքեան, եւ զրպարտեալ ասէ զինքն ի նախանձաւոր արանց . և բնակեցաւ ի վանսն որ կոչի Զորոյ վանք :

Իսկ նոքա որ յԱնի ժողովեցան, իբրեւ գիտացին զերթն նորա . ապա հրամանաւ Աշոտոյ Թադաւորի կարգեցին ի տեղի նորա զայլ ոմն կաթողիկոս եւ լուծին զՎահան : Եւ այսպէս կեցեալ քաւրէշ ի տեղի քաւրէշի՝ Ստեփաննոս յԱնի, եւ Վահան ի Վասպուրական զամս երկու . և լցին նշովիւք զմիջոց աշխարհիս մինչև վերին ակնարկմամբն ի միում աւուր երկոքինքն բարձան ի միասին . եւ Վահան եղաւ անդէն ի վանսն Զորոյ, առ դրան եկեղեցւոյն ընդ այլ կաթողիկոսունքն որք կային անդ : Իսկ յաթոռն Հայոց զարժանաժառանգ այրն զՏէր Խաչիկ՝ հարազատ արեան տեսուն Անանիայի, նստուցին հայրապետ :



ԾԴ. — Եպիսկոպոսք Սիւնեաց որ կարգեցան զկնի Տեսուն Վահանայ :

Յետ Վահանայ նստուցանեն ի տեղին եպիսկոպոս զայրի երէց մի Աշոտ անուն վասն առաւել ճգնու .

թեանն եւ խոհեմութեանն . զի էր սիրեցեալ յաջս իշխանացն եւ երևելի ամենայն զաւատին, զոր եւ ձեռնադրեաց նոյն Վահան կաթողիկոս : Եւ ունէր այս Աշոտ եպիսկոպոս որդի մի Յովհաննէս անուն զոր սնուցանէր մեծաւ զգուշութեամբ : Եւ հասուցեալ յարբունս այրութեան հասակին, պարկեշտ եւ սրբակրօն, պատշաճագեղ եւ հանճարեղ . զոր եւ ետուն ձեռնադրել եպիսկոպոս Սիւնեաց : Եւ հայրն նորին Տէր Աշոտ կալեալ զաթոռն ամս 17՝ յանձն արար որդւոյն իւրոյ Տեառն Յովհաննիսի . եւ ինքն աղօթից պարապեաց : Իսկ Յովհաննիսի կացեալ ամս վեց եւ կէս՝ վախճանի, եւ բռնադատեալ զհայրն նորին զԱշոտ կացուցանեն ի նոյն աթոռ, որ եւ կեցեալ ամս հինգ եւ կէս՝ վախճանի : Զկնի սորա զՏէր Սամուէլ՝ այր հեղ եւ բարի որ եւ եկաց ամս հինգ եւ փոխեցաւ մահուամբ :

Ապա ընտրեն զայր մի լաւ եւ յոյժ պիտանի սնեալ սրբութեամբ եւ կուսութեամբ Յակոբ անուն, եւ կացուցանեն զնա յաստիճան եպիսկոպոսութեան Սիւնեաց : Յաւուրս սորա վախճանի Սմբատ՝ Սիւնեաց տէր, որդի Սահակայ, եւ դնի ի հանգիստ յեպիսկոպոսարանին Տաթե : Այս Սմբատ թագ կապեալ ինքեան թագաւորեաց . եւ բարեպաշտ կին սորա սուրբ թագուհին Շահանդուխտ եւ որդիք իւր Վասակ եւ Սեադայ ետուն ի սուրբ եկեղեցին 6000 դրամ եւ

զգիւղն Տեղ որ ի Համբանդ գաւառի, զոր իւր խակ
Շահանդխտոյ ի կորդոյ շինեալ էր, վասն հոգեաց
բարեպաշտ եւ աստուածասէր թագաւորին Սմբա-
տայ : Եւ մեծամեծ նշովիւք գրեցին զվճիռն զի մէ
իշխեսցէ որ խախտել, որ է այսպէս :

« Յանուն Աստուծոյ կամ եղև ինձ Շահանդխտոյ՝
դստեր Սեադայի, տալ ի Համբանդ գաւառի զան-
ուանեալ շէնդ զՏեղ իւր ամենայն բոլոր սահմա-
նովն, լերամբ և դաշտիւ և այլ մտիւք, զոր իմ թա-
գաւորին Սմբատայ ինձ տուեալ էր, և իմ ի կորդոյ
շէն դրեալ. եւ ես յետ ելից երանելի թագաւորին
իմոյ յաստեացս՝ իւր հոգւոյն ի Տաթև ի սուրբ մայ-
րաքաղաքն եւ ի սուրբ նշանն ետու ի ձեռն Տեառն
Յակոբայ՝ Սիւնեաց եպիսկոպոսի . եւ յայսմհետէ
անիշխան եմք ես և իմ որդիքս Վասակ և Սեադայ,
զի ի ձեռն Աստուծոյ եմ տուեալ և ի սուրբ նշանս .
եւ պարտական են յամենայն տարի իմ թագաւորի
հոգւոյն զՎարդավառին քառասունն պատարագ
առնել եւ յամենայն օր զԵրանի ում թողութիւն
սաղմոսն ասել ի նոյն քառասունն : Արդ՝ սուրբ
հայրապետք՝ որ յաթողդ յաջորդիք, պարտական էք
զայդ անխափան կատարել, եւ զշէնդ ազատ յամե-
նայն հարկաց ուտել . Աստուած ընդունելի արասցէ :
Արդ՝ թէ որ ի մեր զաւակաց կամ յայլ օտարաց
կամ յաւագաց, ինչ եւ իցէ պատճառաւ, զլնի մեր

անցման զայդ չէնդ զՏեղ հանել խորհի ի Տաթևոյ և կամ հակառակ կալ մեր հոգւոյս և կամ չար և կամ այլ ինչ արքունի հարկ ի վերայ գնել, այնպիսին զիւրն մի վայելեսցէ, եւ ամենայն չարագործաց մեղացն պարտական եղիցի, ընդ Յուդայի եւ ընդ Պաղատոսի դատեսցի. ընդ նեռին անիծեսցի, յանչէջ հուրն տանջեսցի, եւ յ318 հայրապետացն նղովեալ եղիցի : Եւ (եթէ) տաճիկ աւագութիւն լինի. եւ յափշտակել ջանայ, յիւր հաւատէն եւ յիւր փեղաճրարէն, որ յառաջին մարդէն մինչ ի յետինն լեալ են և լինին, նաչար եղիցին. երկինքն նմա հուր ցօղեսցէ, և երկիրս նմա փուշ և տատասկ բուսուացէ, և անուն նորա և որգւոց և սիրողաց իւրոց կորիցէ և ջնջեսցի յերկրէ. եւ յիշատակ նորա այլ մի ևս երեսցցի :

Եւ վասն առաւել հաստատութեան գրեցի իմ ձեռօքս զայս վճիռս ես Վասակ՝ որդի Սմբատայ թագաւորի, հրամանաւ իմ մօրս » . Աստուած շնորհաւոր արասցէ . ի թուիս Հայոց 447. եւ կնքեցաւ մերով մատանեաւ : Այս պատուէր հրամանի է իմ Յակոբայ ի տունդ Աինեայ առ նախագահ աթոռը և լուսաճեմ տաճարդ Տաթևոյ յոր յոյս եդ երանելի թագաւորն մեր՝ զի պարտիք անխափան կատարել զեղեալ յիշատակս եւ քառասունս նորա որ վասն շինոյն Տեղայ . որում և մեք վկայեալ մերով ձեռագրովս՝ կապեցաք անլուծանելի կապանօք զհակա-

ռակողն այսմ, եւ կնքեցաք մերով մատանեալս ի կամս Աստուծոյ : Շնորհին Աստուծոյ եւ ես Գրիգոր՝ Սխնեաց եպիսկոպոս, հաստատեցի զայս վճիռ որ վասն Տեղոյ շինոյն էր տուեալ սուրբ Թադուհայն Դահանդխոյ ի սուրբ եկեղեցիս եւ որդւոց իւրոց յաղագս խաղաղարար եւ վայելուչ Թադաւորին իւրեանց Սմրատայ . զի մի ոք իշխեսցէ խախտել ի սուրբ աթոռոյս . եւ որ հակառակի, ընդ Սիմոնի կախարդին զիշամահ սատակեսցի . եւ յԱստուծոյ եւ յամենայն սրբոց նշովեալ եղիցի . եւ զյիշատակ նորա որ կարգեալ են ի տօնս անխափան կատարեսցեն :

Եւ արդ այս Յակոբ կեցեալ ամս սակաւ վտխձանի . զսա կարծեմ սպանեալ դաւաճանութեամբ Յուրացեայն ի վերայ խոռոյն Յուրայ . ուր կայ գերեզման նորին, յորում բժշկութիւնք լինին : Յետ Յակոբայ յաջորդի ի տեղին Գրիգոր որ էր ամենայնիւ սայծառացեալ ըստ ներքին մարդոյն եւ ըստ արտաքին . սա եւ բազում արար գործ երևելի ի տան հայրապետանոցին, եւ քակեաց զանիծարնակ քարն Յուրայ եւ բնաջինջ յատակեաց . սա էառ հոգեցատուր ի Փարաջոյ՝ Զագիկ իշխանի որդւոյ, զԲոլորաքարն իւր ամեն սահմանովն բաց ի Նորեաց վանից բաժնոյն, զոր յետոյ էառ միւս Տէր Գրիգորն ի Դլենէ՝ Խաղբակայ որդւոյն . եւ է վճիռն Փարաջոյ այսպէս :

« Յանուն Աստուծոյ այս իմ՝ ձեռին գիր է Փարաշոյ՝ որդւոյ Զազկայ իշխանի, որ կարգացաք զառաջնոց գիրն եւ վերստին հաստատեցաք զՅորդաբարն իւր սահմանօքն որ էր իմ սեպհական ժառանգութիւն, ի Տաթևոյ սուրբ եկեղեցիքս և ի Տէր Գրիգոր. զի յառաջն նոցա հաստատած հայրենիք էր. և սակաւ ժամանակօք հեռացեալ էր վասն խանդարման եպիսկոպոսացն. մեր վերստին հաստատեցաք զնոյն այգւով և ծառով և տնկով, հողով և ջրով ի Տաթևոյ սուրբ մայրաքաղաքս, ի սուրբ նշանս եւ ի սուրբ առաքեալս ի ձեռն Տեառն Գրիգորի՝ Սինեաց եպիսկոպոսի : Եւ ետու զայս իմ կամաւորութեամբ, ոչ ի հարկէ, ոչ յաւազաց բռնութենէ, ոչ յարբեւութենէ. այլ երկուցեալ յառաջին հայրապետացն եւ իշխանացն ի սոսկալի նդովիցն՝ ետու իմ սրտի սիրով վասն իմ հոգւոյս փրկութեան. և դուք աստուածաբեալ տեարք եւ սուրբ ժողովք՝ զիմ անտէր եւ զմեղուցեալ ոգիս մի մոռանայք, այլ յիշման և աղօթից արժանի արարէք : Եւ թէ ոք այս տրոցս խափանման կամ խանգարման պատճառ լինի և զիմ հոգիս զրկէ, եւ ոչ պատկառի յառաջնոցն նդովից եւ ի մեր՝ նդովեալ լիցի նա յամենասուրբ Երրորդութենէն եւ ամօթալից ելցէ՝ յիւրում դատաստանէն. եւ մասն զՅուդային առցէ » : Եւ վասն հաստատութեան սորա եղար ի վերայ զմատանի աստուածասպասկ Թագա-

ւորին Վասակայ և զսուրբ Հայրապետիս մերոյ զՏէր
Գրիգորի :

Յետ այսր եւ կեցեալ Տեառն Գրիգորոյ սակաւ
ժամանակս՝ փոխի յաստեացս . եւ յաջորդի ի տեղին
բազմերջանիկ եւ յոգներանեան այրն Աստուծոյ,
կրկին լուսաւորիչն եւ երկրորդ նորոգողն նուազեալ
տանն այնմ եւ բոլոր աշխարհիս Սիսական Տէր
Յովնաննէս, որ եկաց բազում աշխատութեամբ եւ
երւեկի փառօք ի սուրբ աթոռն աւելի քան զ50 ամ,
յարենառու ազգակցութենէ անտի Տեառն Սարգսի՝
Հայոց կաթողիկոսի . զորոյ զգործս և զբանս յիւրում
տեղւոյ ասացից . բայց այժմ պարտ վարկանիմ
դառնալ անդրէն եւ սակաւ մի ցուցանել եւ զիշխաւ
նայն Հանգամանս :



Ծե. — Համառօտ գրոյցք . եւ կարգ իշխանացն Սի-
նեաց . և քաղաւորն և ոցիկն ի վերջին ժամանակս :

Առաջին սկիզբն Սինեաց իշխանացն, զորս ըստ
կարգի ծանեաք եւ եղաք ի մատենիս, յԱնդոկայ
սկսաք մինչ ի վերջինն Քուրդոյ, և ապա անծանօթ
մնացաք երկուց կամ երկու իշխանաց . իսկ դարձեալ
եղեն գահակալ իշխանք Սինի, առաջին՝ Վասակ

որ էր մեծ նահապետ Սիւնեաց. եւ ապա երկու որ, զիբ նորա Փիլիպպէ եւ Սահակ եւ միւս իշխանն Գրիգոր ի նոյն ցեղէ, որ ունէր մասնաւոր ժառանգութիւն ի սեպհական հայրենեացն : Եւ զի ի ցեղէ հայկական յողմբ էին զարմբ եւ աղինբ . բայց մեղ փոյթ զգլխաւոր գահակալ իշխանացն միայն էր . վասն որոյ եւ տարժանեալ գտաբ եւ կարգեցաբ աստէն :

Յետ Վասակայ բաժանեն զհայրենի ժառանգութիւն իւրեանց երկու որդիքն՝ Փիլիպպէ եւ Սահակ. եւ լինի Փիլիպպէ գահերէց իշխան Սիւնեաց. եւ առնու Սահակ բաժին զգաւառն Գեղամայ բոլոր : Մեռանի Փիլիպպէ և թողու երիւ որդիս՝ զԲարգէն, զՎասակ եւ զԱշոտ : Յետ սակաւուց մեռանի եւ Սահակ ի պատերազմի Հաւլ ամիրային յեզր Հուրազդան գետոյն մերձ Ալաւակերտոյ աւանին. և թողու ժառանգ ինքեան զԳրիգոր՝ որդի իւր Սուխան կոչեալ : Իսկ յետ աւուրց վասն դոյզն պատճառի ի վերայ հայրենեացն՝ պատերազմին ընդ իրեարս Բարգէն՝ երէց որդի Փիլիպպէի, եւ Գրիգոր՝ որդին Սահակայ. և հարստեալ Բարգէնի զԳրիգոր զիաթաւալ կայսրեանէ. վասն որոյ եւ զԱյսենին ժառանգելով բաժին, եւ նա փութապէս ջնջի ի կենաց թողլով որդի մի Վահան անուն : Եւ Փիլիպպէ պայսազատէ զտէրութիւնն. իսկ Գրիգոր թողեալ

երկուս որդիս զՎասակ, որ Գարուռ կոչիւր, և զՀրահատ : Բայց էին և նորա երկու եղբարք՝ Հրահատ և Գազիկ : Պայազատէ զտէրութիւն նորա Վասակ Գարուռ, որ և փեսայացաւ Աշոտոյ Բագրատունոյ որ առաջ և Թագաւորեաց Հայոց. և առկին զգլուստր նորա զՄարիամ : Իսկ Փիլիպպէի վախճանեալ՝ Թողու ժառանգ զԲարգէն որ և մեռաւ, և զՎասակ որ և Իշխանիկ կոչիւր, և Աշոտ : Մեռանի և Վասակ. և պայազատէ զտէրութիւն նորա Աշատ՝ եղբայր իւր : Սա կեցեալ բազում աւուրս՝ մեռանի և Թողու չորս որդիս՝ զՍմբատ, զՍահակ, զԲարգէն, զՎասակ. և բարժանեալ զժառանգութիւնս իւրեանց՝ առնու Սմբատ զՎայոց ձոր բոլոր և զՇահապաւնան որ է Ճահուկ գաւառ : Իսկ Սահակ և այլքն՝ զՍիւնիս և զԲաղս և զայլն : Եւ ապա էր մեծ Վասակայ որդի մի Փիլիպպէ անուն, որ ունէր զՇնչէր և զՀամբանդ :

Մեռանի եւ Վասակ Գարուռ՝ որդի Գրիգոր Սուփանայ և Թողու երիս որդիս՝ զԳրիգոր որ և Սուփան կոչեցաւ, և զՍահակ և զՎասակ. և պայազատէ զտէրութիւն նորա Գրիգոր Սուփան որ և աստուածային իմն տեսչութեամբ պարապէր շինութեան եկեղեցեաց և հոգեւոր գործոց : Իսկ Սմբատայ եղբայրն կրսեր Վասակ մեռանի ի պատերազմին Գողթան ամիրային առ ամրոցին Երնջակայ. և Հատ. Բ :

ինքն Սմբատ առեալ զգահերէց իշխանութիւնն՝ բազում ցուցեալ գործ գովելի հոգեւոր և մարմնական վախճանի և թողու ժառանգ իւրոյ պայազատ տէրութեան զորդի իւր Վասակ : Իսկ Սահակայ՝ եղբոր Սմբատայ, էր որդի Սմբատ անուն. մեռանի Սահակ և առնու զիշխանութիւնն իւր Սմբատ՝ որդի իւր : Էր և ի Բաղս իշխան մի ի սոյն ցեղէ Զեւան, չէր անուն՝ որդի Զագկայ իշխանին : Իսկ Գրիգոր Սուփանյետ բազում քաջութեանց և երեսելի գործոց մեռանի դեղակուր ի Նարայ. և պայազատէ զտէրութիւն նորա Վասակ՝ եղբայր իւր : Մեռանէր և Սահակն. և դնէր ի դրան Նորատուայ եկեղեցւոյն : Իսկ Վասակ՝ որդի Սմբատայ, յետ բազում իշխանութեանց և գովելի գործոց մեռանի. և տիրէր համազունգ սլխարհիս Սիսական Սմբատ՝ որդին Սահակայ, գահերէց իշխանութեամբ :

Այժմ լուր ինձ եւ պատմեցից քեզ ո՞վ պատուական ընթերցող՝ զպանծալի բանից լուրս. զի սեռս Սիսակայ որ ի Հայկայ, երբեմն խառնեալ էր ընդ թագաւորական ցեղն Աշակունի եւ Պահլավայ, և երբեմն ընդ Խազրայ թագաւորութեանն, եւ հոսկ յետոյ՝ ընդ Բագրատունիսն, բայց երբէք ոչ ըմբոստացան ի հայրենի տէրութեանցն : Իսկ յետ յորով ժամանակաց մինչ դուռն բացին նախ՝ Արծրունիքն, եւ թող կապեցին ընդդէմ Սմբատայ՝ Հայոց թա-

գաւորի, թագ կապեաց եւ Ատր-Ներսէ՛հ՝ Վրաց
բղեաշխն . թագ կապեաց եւ Աղվանին Համամ :
Մեծարէ Աւիշինն զՎասակ Սիւնի թագ կապեալ . և
նա ոչ կամեցաւ ապստամբական անուն ժառանգել :
Ապա ի նուազել տէրութեանն Բագրատունեաց , և
ի զօրանալ ձեռինն իսմայէլականի՝ հատեալ, բար-
ժանեալ եղեն ամենայն գահք գլխաւոր նախարա-
բացն Վասպուրականին եւ Վրացին եւ Աղվանին
եւ Զորոյդեստացիքն որ Կիւրիկեանքն կոչին, նաեւ
Կարուցն եւ Վանանդայն որ Բասեանք կոչի :

Ապա Սմբատ՝ որդի Սահակայ՝ որդւոյ Աշոտոյ ,
որ ունէր կին գլուխաւոր Սեւադայի՝ մեծ եւ փառա-
ւորեալ իշխանին Աղվանից, Շահանդուխտ անուն .
եւ տուեալ էր զթոռն իւր՝ գլուխաւոր Վասակայ, որ-
դւոյ իւրոյ որ զկնի իւր թագաւորեաց, զԿլստրա-
միդէ կին Գազկայ թագաւորի՝ որդւոյ Աշոտոյ, որ
եւ շինեաց զսխրատեսիլն եւ զհրաշածեւ եկեղեցին
ի յԱնի զմեծ կաթողիկէն , յարեալ իմեծ, Աթաբակն
որ էր ի Թավրէժ յԱտրպատական աշխարհի, նաեւ
յՌնայ ամիրայն, որ իշխէր և դրանն Գարբանդու,
եւս եւ Աղվանից տէրանցն , որք վասն առաւել սի-
րոյ ծանուցանեն մեծի սուլտանին Խորասանու, եւ
հրաման առեալ ի նմանէ թագ կապեն գեղեցկահա-
սակ եւ վայելչադիտակ սունն հայկազնոյ Սմբա-
տայ՝ (3) Սիւնեայ տեառն : Եւ զի յայնմ ժամանակի

Բազդատունիքն իշխէին միայն Շիրակաց ե Այրարատու մինչ ի Գեղամ և մինչ ի յՈւխտիան և մինչ ի Կարին եւ մինչ ի Վասպուրականի սահմանն եւ մինչ ի Զորոյ գետն և մինչ ի Գարդման . և Սիւնիք կտրեալ էր ի նոցանէ . վասն որոյ ոչ ինչ բրէական մեղս համարեցաւ Սմբատ . զի թէ Բազդատունիքն (որք) գերութեամբ իմն ածեալ էին ի Հրաչէ՛, այնմ արժանի գտան, ապա քանի՞ եւս առաւել սոցա անկ էր որ ի Հայկայ երեւելի հարաղատութեամբ որդիք զհարս փոխանակելով՝ բնիկ տէրութեամբ եկեալ, հասեալ էին մինչեւ ցայժմ : Արդ՝ թագ կապեալ Սմբատայ ճոխ եւ երեւելի փառօք յարդարէր զարքայութիւնն ըստ օրինի ինքնակալ թագաւորաց : Եւ յետ բազում ճոխութեանց եւ երեւելի արքունական գործոց վախճանի, եւ դնի դին նորա ի մեծ սրբարանին և յաստուածաբնակ աթոռին Տաթևոյ, բազում և աշխարհագումար հանդիսիւ :

Եւ պայազատէ զտէրութիւն նորա մանուկ որդին իւր Վասակ, որ և սա մեծահանդէս ժողովով և ազատակոյտ բազմութեամբ օծանի թագաւոր Սիւնեաց եւ Բաղայ ձեռամբ Տեառն Գրիգորի՝ Սիւնեաց եպիսկոպոսի : Եւ զեղբայր իւր զԱեաղայ կացուցանէ իշխան իշխանաց ազատակոյտ զօրաց իւրոց : Բայց մայր սոյնին երանելի թագուհին Շահանդուխտ կայր կենդանի : Ապա սա Հարժեալ աստուածային իմն ակ-

Նարկիմաժը չի նէ զգեղեցկայարմար եւ զվայելչադի-
տակ վանսն Վաղլատնոյ որ էր ի վաղուց հետէ տեղի
ուխտական արանց, զի եկեղեցի մի էր անդ ի հին
Ժամանակաց յանուն սրբոյն Ղրիգորի լուսաւորչին,
զոր եւ կարծեմք նորին հիմնարկեալ, եւ յետոյ չի-
նեալ ի Ստեփաննոսէ հօրէ և ի սուրբ ճգնաւորէ . և
առնէր բժշկութիւն խածելոց ի թիւնաւոր օձից,
որպէս Փարբւոյն (4) որ զկատաղի ցաւն անբժշկելի
բուժէ ի մարդոց եւ յանասնոց : Զսորայս եւ այժմ
խի տեսանեմք անպատմելի հրաշս. զի զհարեալսն ի
թիւնաւորաց եւ զսեւացեալսն եւ զուռուցիկսն մերձ
իպոյթեւ, հանեն ի բարձրաւանդակ լերինան և ցու-
ցանեն զվանսն . և կամ սակաւ մի հող յեկեղեցւոյն
հասուցանեն, առ Ժամայն լուծումն առնէ մակար-
դեալ թիւնիցն, և փութապէս բժշկէ :

Վասն որոց չինեալ մեծ բարեպաշտուհոյն Շա-
հանդիստոյ կուիածոյ քարամբք եկեղեցի յանուն սրբ-
ոյ նախավկային Ստեփաննոսի ի 449 թուականին
Հայոց . և կարգէ ի նմա տաւն կրօնաւորաց և բազ-
մամբոյս պաշտօնէից : Շինէ և տուն աղօթից կրաշա-
գախ վիմօք ի դրան եկեղեցւոյն, և համբարանոցս
և գործատունս . և շուրջ պարսպէ զվանքն . և որոշէ
նմա անդաստանս ի Վաղլատնոյ և տայ զԳումեր ւագա-
րակ ի վանսն . և պայծառապէս զարդարէ զեկեղեցին
զանազան զարդուք : Եւ ինքն փախճանեալ դնի ի
Հատ. Բ :

դրան այնք սրբարանի : Ապա յետ ամաց ինչ ի 455
 Թուականին Սեւադայ՝ որդի նորին Շահանդխտոյ՝
 եղբայր Վասակայ Թագաւորի, շինէ և մեծածախ
 աշխատութեամբ եկեղեցի մի յոյժ պայծառ և գե-
 ղեցկայարմար, գմբէթայարկ յանուն սրբոյ Կարա-
 պետին, և գաւիթ ի դրան նորին. որք և Կան Հան-
 գուցեալ ի դրան նորին. որոց յիշատակն օրհնու-
 Թեամբ եղիցի. և վարձս բիւրապատիկ ի Քրիստոսէ
 Աստուծոյն մերոյ :



ԾԶ. — Վասն եպիսկոպոսութեան Տեառն Յովնան,
 Եիսի և գործոց նորին :

Յետ վախճանին Տեառն Գրիգորոյ՝ Սիւնեաց
 եպիսկոպոսի, ընտրեն զերջանիկ և զխառաւորեալ
 այրն Աստուծոյ զՅովհաննէս, զոր կարծեմք իզարմից
 գոլ Տեառն Սարգսի՝ Հայոց կաթողիկոսի : Եւ ըա-
 րեւաշտ եւ աստուածասէր Թագաւորն Սիւնեաց
 եւ Բաղսաց աշխարհիս Վասակ առաքէ զնա աղատ
 արամբք եւ մեծամեծ պատարագօք յԱնի առ սուրբ
 հայրապետն Հայոց Տէր Սարգիս զի ձեռնադրեսցէ
 եպիսկոպոս Սիւնեաց. եւ հայցէ ի նմանէ շնորհել
 վերստին զաստիճան մետրապօլտութեան և զպա-
 տինն զոր ունէին՝ զիսչն որ առաջի ընթանայր եւ

զգաւազանն եւ զբազմականն զոր բարձեալ էր Տէր Անանիա վասն գայթակղելոյն Յակոբայ : Եւ թաւաւորն Գազիկ փեսայացեալ էր սմին Վասակայ թագաւորի . եւ էր թագուհին Ատորամիդէ դուստրը սորա, որ և հանդիսանայր շինութեամբ երկնածեմ առաքաստին սրբոյ կաթողիկէին : Յուզարկեալ էր եւ նոցա արքունի ընծայս, և գրով ծանուցեալ զինդիրն ի կաթողիկոսէն . վասն որոյ եւ թախանձեալ Գազկայ եւ սուրբ թագուհին Ատորամիդէ զհայրապետն՝ տսն ձեռնադրել մեծահանդէս չքեղութեամբ զՏէր Յովհաննէս մետրապօլիտ Սիւնեաց : Եւ ընձեռէ նմա հայրապետն զսեպհական խաչն Սիւնեաց և զոսկէտտուն վառն եւ զմեծագին գաւազանն եւ զպատուական գահոյս բազմականին, զորս պահեալ էին ի սենեկին սրբարանի հայրապետանոցին : Եւ նորողեն զաստիճան եւ զպատիւ մեծի եւ առաքելական աթոռոյն Սիւնեաց ըստ առաջնոյն օրինի :

Եւ ապա արձակեն զնա մեծապատիւ ճսխութեամբ եւ երեւելի փառօք յիւր աթոռն՝ ընկալեալ եւ բազումսլարգեալ ի թագաւորէն եւ ի թագուհւոյն, նաեւ մասն ի փրկական փայտէն պնդեալ յոսկում զոր առաքեալ էր նոցա ինքնակալ կայսրն Յունաց Վասիլ ծիրանածին, որ ունէր յինքն նիշ ներկուածի արեանն Յիսուսի, յորմէ ահադին զօրութիւնք եւ

մեծամեծ հրաշք երեւէին : Եւ այնպէս եկեալ անկը-
չիւ պարգեւօքն ի սեպհական աթոռն Սիւնեաց :
Ընդ որում ընդ առաջ ելեալ թագաւորն Վասակ իշ-
խանակոյտ բազմութեամբ եւ մեծարգոյ չբեզու-
թեամբ ընդունէր . եւ ոչ սակաւ լինէր խնդութիւն
ի մէջ նոցա : Իսկ սուրբ մետրապօլիտն առատ վար-
դապետութեամբ եւ քաղցր բանիւ լուսաւորէր եւ
մխիթարէր զիւր հաւատացեալ հօտն : Ապա այնու-
հետեւ սկսաւ փարթամանալ եւ պսոթառանալ տունն
այն (առաւել) քան զառաջինն . եւ զամենայն յափըչ-
տակեալ ժառանգութիւնսն անդրէն դարձուցանէին .
քանզի Մաբենոցայիքն զԳեղաբունի էին յափշտա-
կեալ , և ոմն մի զՎայոց ձոր , և եպիսկոպոս նստեալ .
և ոմն մի՝ Ղէրնջակայ գաւառն , և անդ նստեալ եպիս-
կոպոս Երնջակայ վանքն . և Գողթնացիքն՝ զԲոտե-
ձորն եւ զԲուստ եւ զՕրդուատ : Նմանապէս եւ իշ-
խանքն զգեղանն էին բաշխեալ ազատաց իւրեանց ,
զորս շրջաբերական թղթովք Տեառն Սարգսի , որ
ահագին նզովիւք փակեալ էր զի մի ոք իշխեսցէ յան-
դըգնիլ ի հերքումն յայտմ վիճակիս . այլ զբովանդակն
ի սեպհական աթոռն դարձուցեն ի սուրբ նշանն և
ի Տէր Յովհաննէս , դարձոյց անդրէն եւ հնազան-
դեցոյց ինքեան եւ հերքեալ հալածեաց զօտար եւ
զգայլացեալ հովիւսն :

Որում աջակցեալ բուն զօրութեամբ բարեպաշտ

Թագաւորն Վասակ դարձուցանելով անդրէն զյա-
 փըշտակեալ հագեցատուրն զգեօղն Յաւղունի եւ
 զԳողեվանն, նաև զբոլոր վիճակն իւրոյ տէրութեանն.
 եւ գրէ իւրով ձեռամբն նամակ վիճակիս այսպէս .
 « Եանուն Աստուծոյ այս իմ հրամանքէ Վասակայ թա-
 գաւորիս որ գրեցի ի 468 թուականիս . եւ ետու իմ
 Աստուծոյ փոխանիս Տեառն Յովհաննիսի զի յոր-
 ժամ ընտրեաց Աստուած զայս յորովայնէ որպէս զմեծ
 Կարապետն . եւ շնորհեաց մեզ այցելու որ եւ լու-
 սաւորեաց զամենեանն այնքան զի երանեցաք ամե-
 նայն վիճակեալքս սորա յամենայն աշխարհաց . առյա
 դարձուցաք զՅաւղունի գիւղն եւ զԳողեվան ի սուրբ
 քաղաքն Տաթեւ զոր յառաջ յետս էաք առեալ վասն
 խանգարման եւ խափանման հայրապետանոցին . եւ
 այժմ վերստին հաստատեցաք . ընդ նմին եւ զբոլոր
 վիճակս որ ըստ երկոտասան դարազանայն անգրէն
 դարձուցաք եւ հաստատեցաք զՎայոց ձոր, զՎե-
 դաքունի, զՓորակն, զՀամբանդ, զԶուղայ, զԵրզն-
 ւակ :

Յայտնեալէ մինչև յաւիտեան չունի որ հրաման
 յԱստուծոյ ամենակալէն եւ յամենայն սրբոց հակա-
 ռակ կալ այսմ աթոռոյ կամ յափշտակել ջանալ զայս
 շէներս եւ զգաւառքս . եւ թէ յանդգնին՝ յԱստու-
 ծոյ եւ ի սուրբ հայրապետացն հոգևով եւ մարմնով
 նշովեալ եղիցին » : Պրեցաք եւ կնքեցաք մերով ար-

քունական հրամանաւ եւ մատանեալ ի կամս Աստուծոյ : Ես Սմբատ իշխան վկայ եմ իմ քեռուոյս աստուածապսակ թագաւորիս հրամանացս զոր չը կարէ ոք խախտել . եւ ես Գրիգոր՝ որդի Աշոտի իշխանաց իշխանի, վկայ եմ իմ քեռուոյս աստուածապահ թագաւորիս հրամանացս . Աստուած շնորհաւոր (արասցէ) սուրբ աթոռոյն : Դարձեալ տայ թագաւորն Վասակ զգիւղն Գրուակս . եւ գրէ վճիռ այսպէս : « Կամաւն Աստուծոյ ես Վասակ՝ որդի Սըմբատայ թագաւորի, զԳրուակ գիւղ որ յառաջ տըռեալ տէրանցն ի սուրբնշանն, ես վերստին հաստատեցի իւր բոլոր սահմանունն ի Տաթև ի ձեռն աստուածապատիւ եպիսկոպոսին Սիւնեաց Տեառն Յովհաննիսի, ազտտ յամենայն չարէ եւ հարկաց դի կատարեսցեն զառաջնոցն յիշատակն եւ զմերս : Եւ արդ թէ ոք խախտեն ջանայ՝ յամենակալէն յԱստուծոյ եւ յամենայն սրբոյ նզովեալ եղիցի, եւ մասն ըզկայենին առցէ . եւ թէ տաճիկ իշխանութիւն փոխի . եւ յաիշտակել ջանայ՝ յԱստուծոյ եւ յիւր փեղամբարէն ապիգար լինի, և հազար հազար նարաք եզիցի » . ի թուիս 465 : Հաստատ է կամաւն Աստուծոյ :

Տեսեալ զայս ամենայն նախանձին եւ իշխանք ոմանք զնախանձ բարի . եւ տան զգիւղն Շոռոթն ի Տաթև . եւ գրեն կտակ արայմանի այսպէս : « Յանուն Աստուծոյ այս գիր վճռի է մեր Խարբի, Արտաւա-

զայ, Սուխանայ, Սակոի որդեացս, որ կամ եղել
մեզ տալ զմեր հօր արեան զին դիւղն զՇոռոթն ի
Տաթևոյ սուրբ մայրաքաղաքս ի ձեռն Տեառն Յով-
հաննիսի՝ Սիւնեաց եպիսկոպոսի, ի Ժամանակս թա-
գաւորիս մերոյ Վասակայ, մեր հօրն հոգւոյն . եւ
կարգեցին մեղ յիշատակ զսուրբ Սարգսին օրն ամեն
եկեղեցիք վանիցս պատարագ Սակոի . ի թուականիս
Հայոց 475 : Արդ՝ թէ ոք խափանել եւ խախտել
ջանայ զայս տուրս՝ յԱստուծոյ ամենակալէ եղիցի
որոշեալ . և ի սուրբ առաքելոցն և մարգարէիցն և
յ318 հայրապետացն եւ յամենայն սրբոց նշովեալ
լիցի . և մեր մեղացն պարտական եղիցի . ամէն » : Եւ
ես Վասակ թագաւոր իմով ձեռամբս հաստատեցի
եւ եղի զիմ կնիքս արքունական . եւ ես Յովհաննէս
եպիսկոպոս հաստատեցի իմ ձեռին գրովս եւ կնքե-
ցի իմ սովորական մատանեաւս . մի ոք իշխեսցէ
խախտել զայս վճիռս . եւ թէ տաճիկ աւագ լինի եւ
յաւիշտակէ՝ յԱստուծոյ և յիւր փեղաճարէն որոշած
լինի և յամենայն սրբոց նշովեալ և 100,000 նարս :



ԾԷ. — Շրջարերական Տեսուն Սարգսի՝ Հայոց Կա-
րողիկոսի, Սիւնեաց բոլոր վիճակին :

Ենորհօք ամենակալին Աստուծոյ Հօր, եւ գթու-
թեամբ միածնի Արդւոյ նորա, եւ նախախնամու-
թեամբ ազատիչ սուրբ Հոգւոյն, այս գիր հրամանի
եւ օրհնութեան է իմ նուաստ ծառայի Աստուծոյ Տէր
Սարգսի, եւ ողորմութեամբ նորին կաթողիկոսի ամե-
նայն Հայոց, զոր գրեցաք նամակ շրջագայական առ
նախագահ եւ յաստուածամեծար տունդ Սիւնեաց,
յաստուածապսակ թագաւորդ Վասակ եւ յաստուա-
ծապահ իշխանսդ Սեւդայ եւ Աշոտ եւ առ այլ
ազաւոսդ եւ յընդհանուր ժողովրդականսդ ըստ եր-
կոտաստան կարգեալ դաւալանացդ : Որոց նախ օրհ-
նութիւն եւ սբսչաբանութիւն ժամանեցէ ի սուրբ
Գրիգորի աթոռոյս, եւ յաստուածաներկ եւ յայլ
աստուածագումար սրբոցս եւ ի մէնջ. որովք փրկեալք
լիջիք յամենայն պատահարաց եւ ի տարածամ դիպ-
ուածոց :

Գիտութիւն ձեզ հոգեւոր որդիք մեր՝ որ թէպէտ յա-
ռաջ քան զմեզ ի կաթողիկոսացն՝ ի Տէր Թէոդորոսէ
եւ ի Տէր Անանիայէ վասն իրիք ինչ պատճառի խախ-
տեալ էր առաքելադիր աթոռդ Սիւնեաց. եւ օծտեալ
եւ բաժանեալ վիճակ դաւազանիդ այդորիկ. այլ մեք

ի գալ ընտրեալ առնա Աստուծոյ Յովհաննիսի՝ ձեռնադրեցաք զսա ըստ առաջին աթոռակալացն մետրապօլիտ Սիւնեաց . և հաստատեցաք վերստին զնոյն վիճակ երկոտասան դաւաղանին յաթոռ դնալու հաշիւս եւ ի տունդ Սիսական ի Տաթև ի ձեռն աստուածարեալ եւ բազմերջանիկ սուրբ եպիսկոպոսիս եւ ընտրեալ մետրապօլիտի ձեր Տէր Յովհաննիսի . եւ վերստին աւանդեցաք զմա զնախնական պատիւն իւրեանց՝ զխաչն եւ զքաղնականն : Եւ այս ոչ եթէ մերով ձեռներէյ իշխանութեամբ . այլ զի երբ առ մեզ զմեծափառ նամակս եւ զվճիռ պայմանի գրեալ ձեռամբ նախնի հայրապետացն Հայոց, սկսեալ ի սրբոյն Գրիգորէ Լուսաւորչէ և յորդուց և ի թոռանց իւրոց որոց նամակն մինչ ի սուրբ Սահակ յունարէն գրով էր գրեալ . եւ իւրաքանչիւր մատանի կապարեաց կնքով եղեալ ի վերայ . և անտի հայերէն գրով մինչ յԱնանիա . եւ յետ Անանիայի գրեալ մինչեւ ի մեզ բայց միայն յԱնանիայէ :

Եւ սա էր գրեալ վասն Վահանայ եպիսկոպոսի . բայց ոչ ըստ այլոցն կարգի . եւ էր բովանդակն 55 նամակ շրջադասական թղթի իւրաքանչիւր հայրապետի կնքով . եւ այն երկար բանիւք եւ հրահոսան նզովիւք գրեալ զի մի որ իշխեսցէ պակասեցուցանել ի սահմանադրեալ վիճակէ սոցա եւ կամ նուաստացուցանել եւ բառեալ ի պատուոյ եւ յատիճանէ սոհատ . Բ :

ցա : Վասն որոյ և մեք երկուցեալ յայնպիսի առաքելական հարցն հրամանէ . և պատկառեալ ի ծերացեալ, բազմաժամանակեայ աթոռոյն Սիւնեաց՝ անդրէն դարձուցաք զբոլոր սահման վիճակի նոցա . եւ վերստին հաստատեցաք զեղեալ պատիւ նոցա՝ զխաչըն, զբազմականն եւ զգաւազանն : Եւ այս իսկ են գաւառք վիճակեալք հօտի նոցա . Սիւնիք, Բաղք, Արեւաց տունն, Որդուատ, Արքուլիք (5), Վանանդ, Երնջակ, Նախիջաւան, Զուգայ որքան Երասխայ դետն հատանէ, Ճահուկ, Վայոց ձոր խաչերոյ խոռոմն, Գեղսւքունի Կռգայ բակոմն, Երիշատ, Զաղացաձորն, եւ Փորակն իսկ բոլորովին, յորում բազում հակառակութիւնք լեալ էին . եւ մեծամեծ նզովիւք ամրացուցեալ էին կաթողիկոսքն Հայոց :

Հատանէ եւ զսահման Աղվանից Ըռմբի խոռն, Ծար գաւառ, Աղահէճ, ընդ որ Աղունոյ դետն հատանէ մինչ ի քարավաղին կամուրջն, եւ Հարանդ գաւառ . եւ յԵրնջակայ սահմանին Բոտի ձոր զոր Գողթնացիքն էին առեալ, նաեւ Վանանդ և Գողթն բոլորովին . որոց թէպէտ եսլիսկոպոս լեալ էր եւ կայր սակաւ վայրացն . այլ ի ներքոյ Սիւնեաց նուաճեալ էր : Եւ արդ դուք գաւառքդ Սիսական՝ ամենայն մտերմութեամբ հնազանդ լերուք Սիւնեաց աթոռոյն, և ընկալարդ և զառաքեալդ ի մէջ զեպիս .

կոպոսդ ձեր զՏէր Յովհաննէս որպէս զհրեշտակ Աստուծոյ և զառաքելական այր . և ամենայն հպատակութեամբ ծառայեցէ՛ք դմա որպէս Աստուծոյ . եւ թէ ոք հակառակել կամի այդմ աթոռոյ եւ կամ խանգարման պատճառ լինի այդմ հայրապետադիր աահմանի պատուոյ եւ վիճակի եւ ժառանգութեանց եկեղեցւոյն՝ զանբաւ հրահոսան անէծան ժառանգեսցէ՛ որ յառաջին սուրբ հայրապետացն կարգեալ էր եւ կրկնապատիկ ի մէնջ իսկ : Իսկ կատարիչք հրամանիս օրհնին յԱստուծոյ ամենակալէ եւ ի սուրբ հայրապետացն եւ ի մէնջ եւ ի սրբոյն Գրիգորոյ աթոռոյս : Եւ արդ գրեցաւ գիր հրամանիս մերոյ մերով ձեռամբ ի թուականիս Հայոց 455 . եւ վասն առաւել հաստատութեան կնքեցաք մերով սովորական մատանեւս ի փառս Աստուծոյ, որ է օրհնեալ յաւիտեանս . ամէն :



ԾԸ. — Գալն իսկայէրացոց . եւ կործանելն զեկեղեցին եւ այրելն զվանսն Տարեոյ . եւ նորոգ շինութիւն եկեղեցեացն եւ վանացն ի Տէր Յովհաննիսէ :

Այս բազմերջանիկ եպիսկոպոսս զարդարեալ զեպիսկոպոսարանն՝ զմեծ նախագահ տունն Սիւնեայ

ԿՏաթեւ զանազան զարդուք եւ մեծամեծ սպասուք
 և գեղեցիկ կարգօք աստուածայնօք . և ելից բազմո՞ւ
 թեամբ կրօնաւորօք , անյաղթ փիլիսոփայիւք եւ
 աննման երաժշտօք եւ բանիրուն վարդապետօք եւ
 աստուածազգեաց ճգնաւորօք , նուն յոգնապատիկ
 արհեստաւորօք : Եւ էր այնուհետեւ տեսանել զտունն
 զայն իբր զմայրաքաղաք բազմաժողով . քանզի եւ
 շինեալ կայր բազմութիւն երգոց եւ ամբոխութիւն
 իբրեւ հազար արանց , որոց մշտաջան աղօթքն բարձ-
 րացեալ էր առաջի Աստուծոյ . եւ կայր կանգուն
 յերկրէ յերկինս իբրեւ սիւն հրեղէն : Յորոց աղօթից
 խաղաղացեալ էր աշխարհս Սիսական յամենայն հի-
 նից թշնամեաց զամս 50 . և ի վերուտ անպատուհաս
 լինէր յամենայն պատժոց և ի պատահարաց և ի տա-
 րածամ գիսութեան :

Ապա խանդացեալ ընդ այս չարին ոչ կարաց
 տանել . այլ մտեալ ի սիրտ իսմայէլական զօրա-
 գլխացն որ ի Մովկան եւ յ Թալիշ , յԱհր եւ յԱր-
 տաւէլ եւ յԱտրպատական . եւ գրգռեալ շարժեաց
 վասն համբաւոյ երևելի տանն : Որք ձայն տուեալ
 միմեանց ժողովեցան ի միասին բազում զօրօք , եւ
 խորհուրդ արարին գալ գաղտագողի ի վերայ վա-
 նայն , եւ յաւարի լռենուլ զանհուն կարասիս նորա ,
 այսինքն զկահ սպասուց և սրբութեանց եկեղեցւոյն :
 Եւ յարուցեալ անցին ընդ Էրասիս , եւ զուն/սլարաբ

եկեալ հասին յանկարծակի ի վերայ սրբոյ ուխտին, եւ իբր զհօր սաստիկ հեղան ի մէջ վանիցն . եւ որք կարացինն թափեցան ի վայր ի խլամն, եւ զերծեալ փոխեան . եւ եպիսկոպոսն Տէր Յովհաննէս ոչ սլա-
տահէր ի տեղին : Իսկ զայլսն ամենայն սրոյ ճարակ տային, եւ զեկեղեցին որ յանուն սրբոյն Գրիգորի Լուսաւորչին էր՝ լցին փայտիւ, և հուր հարեալ հրդե-
հեցին զգեղեցկայարմար շինուածն, և քանդեալ կոր-
ծանեցին . կսմեցան եւ զսքանչելի սլահն կործանել զմեծ Տէր Յովհաննիսին որ երկու ամալ յառաջ քան զմեծ եկեղեցին էր կանգնեալ . և տեսեալ հրաշս ինչ ոչ իշխեցին հսկլ . հմանապէս եւ ոչ ի մեծ եկեղե-
ցին . այլ զամենայն շինուած վանոցն այրեցին եւ քակեալ յատակեցին զգործատներն եւ զտրապէզն մարմնաւոր սեղանոյն եւ զամենայն յարկս կրօնաւո-
րացն եւ այլ բնակչացն . եւ զոր ինչ գտին՝ յաւարի-
առեալ դնացին ուստի եկին :

Ապա լուեալ զայն եպիսկոպոսին եկն ի տեղին, և տեսանէր զայնքան մեծամեծ վնասն եւ անհնարին աղէտսն, անտանելի սգով և անչափելի ողորով լացր եւ կոծէր զառնապէս, եւս առաւել, վասն կործան-
ման եկեղեցւոյն . և յանմխիթար տրտմութեան վա-
րանէր . տայր հրաման եւ զսպանեալսն խնկել եւ սլատուել մարտիրոսական օրինօք եւ փոխել ի հան-
գիստ : Ժողովեալ ժամանեցին եւ ամենայն ողատը

և գաւառակալք Սիսական աշխարհիս, և տէր Սմբատ եւ տէր Գրիգոր. եւ բազում միաթարանօք ափովեցին զեպիսկոպոսն, և յորդորեցին ի վերստին շինութիւն տանն ինքեանք օժանդակելով ամենայն պիտոյիւք : Իսկ ապա երանելի եպիսկոպոսն ըստ խոհեմ իմաստութեանն իւրոյ պնդեալ իբրեւ այր զմէջ իւր՝ ձեռն ի գործ ածեալ սկսանի ի շինութիւն կործանեալ տաճարին սրբոյն Գրիգորի զոր յառաջ Փիլիպպէ իշխանն էր շինեալ . եւ կանգնէ զնա գեղեցկայարմար շինուածով, և դնէ ի նմա զգանձն հոգեւոր զանհամեմատն ի յէիցս զսուրբ Լուսաւորչին զպատուական եւ զերջանիկ նշխարն միակողմն գլխոյն եւ զմիւս բազուկն յաջակողման աւագ կամարին ի գլուխ սեանն ամիրովեալ անյայտ ի մարդկանէ, զոր յետ ժամանակաց գտեալ եղեւ ի նմին տեղով մերոյ նուաստութեանս նորին կապարեայ կներդնէ :

Այնպէս եւ սա կամարս ի վերայ աւագ դրան վանացն որ հայէր ընդ արեւմուտս, և շինէ ի վերայ նորա երկու խորան յանուն սրբոյ Աբրապետին ի քերեալ քուաքատակեայ քարանց . շինէ եւ զամենայն տունս հասարակաց եւ զյարկս կրօնաւորացն յոյժ վայելուչ քան զառաջինն զայրեալն եւ զքանդեալն յայլազգեացն . շինէ եւ յետոյ գաւիթս սրբաքարով ի հարաւոյ դրան մեծ եկեղեցւոյն սրահս յոյժ յարմարս ի հանգիստ եղբայրութեանն, եւ ժողովեալ զըրուեալ

եղբարսն պայծառացոյց քան զառաջինն . շինէ եւ խորան մի ի վերայ փոքր դրանն ընդ որ մտանեն ի գաւիթ եկեղեցւոյն : Իշխան մի Դլեն ածուն՝ որդի Խաղբակայ, տայ յիւր հայրենի ժառանգութեանցն զՍոտ գիւղն եւ զՍոտաղետոյ մեծ այգին, եւ ի վ ժանիս զԾաղկիկ որ է տեղի բազում անդաստանաց, վասն իւր հոգւոյն ի Տէր Յովհաննէս եւ ի սուրբ նշանն . եւ գրէ ինքեան կտակ վճռի . եւ խնդրէ ամ յամէ հինգ օր պատարագ յԵղիական սրահոյ շարաթօրն . եւ չարաչար եւ մեծամեծ նզովիւր փակէ ոչ ումեք յախշտակել զայն հողեցատուր ի սուրբ եկեղեցւոյն . եւ զնէ զՏէր Յովհաննիսի կնիքն վաւերական ի վերայ :

Եւ արդ՝ մի որ իշխեսցէ այսմ հակառակել եւ կամ զնորա յիշատակն խափանել . ապա թէ ոչ՝ նզովս առցէ յԱստուծոյ եւ ի սուրբ հայրապետաց, ի թուիս Հայոց 495 : Դարձեալ եւ երջանիկ եպիսկոպոս Տէր Յովհաննէս կազմէ ի համակ ոսկւոյ զսխրալին բնաւից զահարկու եւ զմեծասքանչ սուրբ նշանն զտխեղէրահրաչ եւ զաստուածաներկ սուրբ խաչն որ էր իբր արեգակն ջահաւորեալ յաշխարհիս Սիսական . եւ հրահոսան ճառագայթիւքն հիացուցանէր զամենայն մարդիկ : Եւ խորհրդապէս յօրինուածովք զարդարեաց զնա եղեալ ի վերայ պատուական քարանց թռուլ 24 . եւ ընդերուզեալ մարգարտայեռ գեղեց

կութեամբ . եւ եղեալ ի նմա զկենսաբաշխն արարածոյ, զփրկական և զաստուածընկալ սուրբ փայտն յորոյ վերայ սնդեալ էր բեւոք Բանն Աստուած . և ունէր յինքն յայտնի տեսողաց զկաթուած արեանն Յիսուսի Քրիստոսի . յորմէ ելանէին զօրութիւնք եւ նշանք ահաւորք : Եւ էր այս փայտ խաչանիշ ձեւալ . և կայր ի ներքոյ միջի ականն որ էր ի սպիտակափայլ՝ բիւրեղանման յակնդաց . ընդ որով թափանց երեւէր փրկաւէտ սուրբ նշանն :

Եւ ետ գրել փորուածով ի թիկանց կուտէ յիշատակ բանի զայս « Տեառն Յովհաննիսի՝ Սիւնեաց եպիսկոպոսի, է սուրբ նշանս . ի թուականիս 466 կազմեալ զսա կտնգնէ ի տանն Սիսական առ ի յոյս հաւատաւցելոյ և ի փրկութիւն բոլոր վիճակելոցս » : Եւ արդ՝ այսպիսի մեծաւանդէս բանիւք եւ երեւելի դործով պայծառացոյցեալ զտունն զայն բազմերջանիկ եւ յոգներանեան եպիսկոպոսս այս Տէր Յովհաննէս . և յետ 50 ամի մետրապօլիտութեան իւրոյ, ի թուականին 507 գնայ զլինի կոչողին ի քաղաքն անդրանկաց յԵրուսաղէմն վերին, ուր ժողովք սրբոցն են և քաղաքապետ Քրիստոս . զի ըստ մեծաւաստակ իւրոյ արդեանցն եւ ճգանցն առնու զվարձն հազարաւորս և բիւրապատիկս : Եւ դուք աստուածարեալ հայրապետք եւ սրբազան եղբարք՝ որք յաջորդիք ի սուրբ յաթոռս, եւ լինիք ժառանգաւորք տանս, անմոռա-

նալի եւ անխափան պարտիք կատարել զյիշատակ
բաղմերախտ սորբ հօրս հանապաղ աղօթիւք եւ
կենդանարար խորհրդեամբն : Եւ աղօթիւք եւ խնդրե-
ռւածովք սորա եւ ամենայն սուրբ հայրապետացս
դուք եւ մեք ի միասին փրկեալ լիցուք յամենայն
վտանգաւոր կրից հողւոյ եւ մարմնոյ. եւ անխափան
մնասցէ սուրբ տունս եւ ամենայն վիճակեալք սորա,
զորոյ զամէնն սուրբքն եւ սիրելիքն Աստուծոյ
ասասցեն :



ԾԹ. — Վասն քաղաւորացն Սիւնեաց :

Արդ առաջին Թաղաւորեաց ի Սիսական աշխար-
հըս արին եւ քաջն, հզօր եւ բարեսլաշտ արքայն Սըմ-
բատ՝ որդի Սահակայ՝ եղբօրն Սմբատայ, որք էին
որդիք բարեպաշտին Աշոտոյ՝ եղբօր մեծին Վասա-
կայ որ Իշխանիկ կոչիւր. եւ սորա որդիք երանելոյն
Փիլիպպէի՝ եղբօր Սահակայ որ ի Դավին սպանաւ ի
պատերազմին Հաւլայ ամիրային, որդիք Վասակայ՝
մեծ նահապետին Սիւնեաց : Իսկ յետ Սմբատայ
Թաղաւորէ որդի նորուն Վասակ՝ այր քաղցր եւ
աստուածասէր եւ յաջողած յամենայն գործս : Որ
տուեալ էր զբոյրն կին Աշոտոյ ի նոյն Սիսական
տոհմէ որ էր իշխանաց իշխան ամենայն Թաղաւ-
Հատ. Բ :

Յ.

րութեանս . և ունէր երկուս որդիս՝ Սմբատ և Գրիգոր : Ապա վախճանի Վասակ թագաւոր և դնի ընդ (հօր) իւրում Սմբատայ . եւ ոչ ունէր ժառանգ տէրութեանն . վասն որոյ թագաւորեցուցանեն Պլեմբատ՝ որդի Աշոտոյ . եւ կարգեն ի տեղի հօր իւրոյ զԳրիգոր՝ եղբայր սորա, իշխան իշխանաց Ախական աշխարհիս : Բայց Սմբատ առաւել էր քաղցր եւ հեղահամբոյր և ահարկու յամենայն շրջակայ ազգան . որ և կալեալ զթագաւորութիւնն ամս ինչ՝ վախճանի, եւ դնի ի Յովնաննու վանս առ դրան տաճարին : Եւ առնու զթագաւորութիւն նորա եղբայր իւր Գրիգոր . եւ սոքա երկոքեան որդիք մեծին Աշոտոյ որ աւագ Աշոտեանք կոչին :

Իսկ Գրիգոր առեալ էր իւր կին զամենօրհնեալ եւ մեծահաւատ բարեպաշտուհին Շահանդուխտ ի տանէն Աղվանից՝ դուստր նոցին թագաւորադինն մեծին Սեադայի . եւ էին անգաւակ . եւ կամէր մնալ թագաւորութիւն նոցա անժառանգ . ապա խորհեալ ի միասին ընդ իշխանսն՝ ածեն յԱղվանից զՍենեքերիմ՝ եղբայր նորին Շահանդուխտոյ թագաւորազն մանուկ, յոյժ գեղեցիկ տեսեամբ եւ առոյգ հասակաւ՝ հանճարեղ եւ իմաստուն, նաեւ երկիւղած յԱստուծոյ : Եւ ստանայ զսա ժառանգ իւրեանց թագաւորութեանն ամս ինչ . եւ վախճանի եւ սա :

Եւ յայնմ ժամանակի էր բարձրացեալ եւ զօրաւ

ցեալ տէրութիւնն Տաճկաց (6). և ամենայն աշխարհ
ի ներքոյ հարկի նոցա նուաճեալ կայր. վասն որոյ
եւ յողով գաւառաւ շորթեալ հոնին ի Սխահան աշ-
խարհէս իճեռաց բնիկ տէրանցն. եւ էր յաթոռ
սուլտանութեանն Մէլիք շահն՝ այր բարեբարոյ եւ
խաղաղարար, յորմէ մեծարեալ լինէր Սենեքերիմ
ի պատիւ թագաւորութեան. և յոյժ երևելի փառօք
թագաւորեաց ի տանա Բաղայ, և ընդարձակեաց
զամենայն սահմանս տէրութեան իւրոյ, եւ բազում
ամօք վարեալ զթագաւորութիւնն քաղցր եւ խա-
խազական կենօք մինչ ի մահ Մէլիք սուլտանին որ
մեռաւ ի 541 թուականին : Եւ ռապա սկսաւ քայքայիլ
խաղաղութիւնն եւ ապականիլ ամենայն շինու-
թիւնք աշխարհիս զոր յիւրում տեղւոջ ասացից :
Եւ էին Սենեքերիմայ երեք որդիք՝ Գրիգոր,
Սմբատ, Սևադայ եւ դուստր մի : Բայց մահ Սե-
նեքերիմայ եղեւ պատճառաւ. զի յետ
Մէլիք շահին ամենայն ոք գլուխ ի վեր առեալ՝ եղև
անձնիշխան եւ զմիմեամբք ելեալ ո՞ր որ կարողա-
նայր, աւերէր զերկիր գերդմամբ եւ յափշտակու-
թեամբ :

Սակա որոյ խանդացեալ անիծեալ Խամայէլակա-
նայն ընդ գեղեցիկ և ամուր թագաւորութիւնս Բա-
ղաց զոր խոչ մեծ համարէին ինքեանց. եւ ելեալ
ամիրայն Պարտաւայ եւ Ռանայ եւ Գանձակայ բա-

ղում զօրօք գայ ի պատերազմ ընդ Սենեքերիմայ,
ընդ որում էր Շիրակայ իշխանն Գրիգոր Ապիրա-
տեան : Իմացեալ զայն Սենեքերիմայ և ամրացու-
ցեալ զամենայն աշխարհն յանառիկ սամուրսն. եկեալ
ապա անիծեալ ամիրային. և տեսաւ զի անհնարին էր
ի մարդկանէ, յուզարկէր զԳրիգոր իշխանն Անեցի,
որ պատճառաւ ինչ կայր առ նմա, առ Սենեքերիմ
արքայն եւ ասէ . երդմամբ հաւանեցո՛ղնա գալ
առ իս եւ առնեմք ընդ միմեանս սէր . եւ մեծամեծ
պարգևօք արձակեմ զնա . ապա թէ ոչ հաւանեցու-
ցանես, եւ զքոյդ գլուխ աստէն հատանեմ : Գնա-
ցեալ ապա Գրիգորին այն զչար ճանապարհն, եւ
մտեալ առ Սենեքերիմ, եւ մեծամեծ երդմամբ
հաւանեցուցանէ զնա գալ առ ամիրայն. որք և եկինն
ի միասին :

Իսկ տեսեալ զնա չարաթոյն գաղանին եւ ստեաց
ուխտին, և յարձակեալ մոմռանօք ի վերայ՝ եսպան
զթագաւորն . եւ ինքն անց, գնաց յաշխարհ իւր :
Ահա այսպէս չիջաւ ճրագն բրիստոնէից որ կայր
մնացեալ յամուրսն Բաղայ : Զոր եւ եկեալ մեծա-
մեծայն եւ որդեացն իւր՝ կոծ մեծ արարին ի վե-
րայ եւ բարձեալ տարան ի սուրբ ուխտն Վահանու.
եւ անդ եղին ի շիրմի ընդ այլ թագաւորսն : Եւ յետ
նորա հառ զտէրութիւն նորա որդի իւր Գրիգոր՝
նուազ եւ ընդագօտ թագաւորեալ : Բայց այս Սե-

ներքերիմ եւ քոյրն իւր Շահանդուխտ բազումն արա-
րին արդիւնս եւ շինուածս երևելիս ի վանան Յով-
հաննու. նաեւ բազում պարգևս և ժառանգութիւնս
ընծայեցին ի սուրբ մայրաքաղաքն աթոռ ի Տաթև,
զոր եւ կարգեցից աստ :



Կ. — Վասն եպիսկոպոսին Սիւնեաց Տեսուն Գրիգորի
որ զկնի Տեսուն Թովհաննիսի . և գործոց նորին :

Իբրեւ կատարեցաւ երանելի մետրապօլիտն Սիւ-
նեաց Տէր Յովհաննէս . ապա աստուածասպակ թա-
գաւորն Սմբատ ընտրէ այր մի պատշաճաւոր, վկայեալ
յամենեցունց, զարդարեալ ամենայն առաքինու-
թեամբ և լի զխոութեամբ Գրիգոր անուն, յուղարկէ
առ կաթողիկոսն Հայոց Սիւնի, և տայ ձեռնադրել զնա
եպիսկոպոս Սիւնեաց : Որ եկեալ բազում ջանիւ,
մեծավաստակ առաքինութեամբ քաղաքավարէր ի
մարմնի, տուեալ զանձն օրինակ ամենայն բարեաց,
տեւեալ ձիգ ժամանակօք մինչեւ ամս 58 : Սա
արարեալ զարմանալի շինուածս յեպիսկոպոսարա-
նին Տաթև, զի կանգնեաց կամարս ի վերայ դրան
վանացն որ հայէր ընդ յարևելս . և մերձ նմին տուն
սրբաչէն . և ի վերայ սոցա եկեղեցի մի գմբէթաւոր

գեղեցկայարմար յանուն սրբուհւոյ Աստուածածնին : Եւ էր նա իբր դիտանոց բարձր որ հայէր ի վերայ վանացն . եւ ի չորեսին կողմանցն յօրինեաց զաւիթս . բայց յառաջի կողմն բարձրաբերձ սեամբ շինէր սրահս վայելուչս իբր քաղցր հովանոց . եւ գրէ ինքեան արձան յիշատակի ի վերայ եկեղեցւոյն . եւ հաստատէ քառասուն մի՝ աւյամէ կատարել անխափան ի յիշատակ իւր :

Սա առնոյր եւ գԲոլորաբարն Նորեաց բաժինն ի Ղլենէ՝ որդւոյ Խաղբակայ . եւ հաստատէր նզովիւք ի սուրբ եկեղեցին : Ի ձեռն սորա աւանդեաց երանելի եւ սուրբ Թադուհին Շահանդուխտ եւ բարեպաշտ Թադաւորն Սենեքերիմ՝ եղբայր նորին, զԱրիտն աւան որ է մերձ եւ սահմանակից սրբոյ և մեծի աթոռոյն Տաթեւոյ . և գրեն զվճիռ պայմանին ահագին եւ սոսկալի նզովիւք՝ ինքն իսկ Թադաւորն իւրով ձեռամբն որ էր այսպէս « կամաւ կարող հզօրին Յիսուսի եւ Սենեքերիմ՝ Թադաւոր Հայոց, կացեալ ի Սիաական եւ Բաղայ աշխարհիս, ընթերցեալ զառաջին հայրասկետացն եւ զիշխանացն հաստատագիծ նամակ՝ կամեցաք վերստին նորոգել եւ անդրէն դարձուցանել . եւ գրեցաք զայս վճիռ պայմանի իմսրտի յօժարութեամբ եւ հրամանաւ բարեպաշտ եւ բրիտոսազգեաց քերցս իմոց Թադուհւոյս Շահանդիսոոյ եւ սրբասնունդ օրիորդիս Կա-

տայիս. որք լքին ղերկրաւոր փառս աշխարհիս եւ
զհետ երանաւէտ ձայնին Քրիստոսի ընթացան
ճգնաղգեստ առաքինութեամբ : Եւ ետու զԱրիս
իւր ամենայն սահմանօքն շուրջանակի, հոգով եւ
ջրով եւ արտավարօք եւ զամենայն որ ինչ իւրն էր,
ի Տաթևոյ սուրբ եկեղեցիքն՝ ի հայրապետանիատ
մայրաքաղաքն, ի սուրբ առաքեալքն եւ ի սուրբ
Գրիգորն, ի հայրապետութեան Տեառն Գրիգորոյ՝
Սիւնեաց եպիսկոպոսի, եւ իւրեանն որդիացելոյ
Տեառն Ստեփաննոսի : Ետու անհաշիւ, անհամի-
մաղ, առանց զոր զրկելոյ, առանց զուրուք յափշտա-
կելոյ, առանց ումեք տրտնջելոյ. քանզի մեր սեփա-
կան (էր) եւ ոչ այլ ումեք զոր ընծայեցի սուրբ ուխ-
տիդ Տաթևոյ յազազս փրկութեան հոգւոյ իմոյ. եւ
քաւութեան մեղաց իմոց եւ հարազատաց իմոց
քերոց, եւ որդեկաց իմոց կենաց, եւ փրկութեան
Գրիգորոյ, Սմբատայ եւ Սևադայի եւ մօր իւրեանց
եւ քեռն : Եւ կարգեցի քառասունք մի՝ որ ամյամէ
կատարեն ի սուրբ եկեղեցիքն ի տէրունի քառա-
սունքն՝ զքսան օրն թագաւորին Գրիգորոյ՝ որդւոյ
Աշոտոյ, եւ զքսան օրն՝ իմ մօրն Սոփիայ որչափ մեք
կենդանի եմք, եւ յետ ելիցն մերոց՝ զքսան օրն իմ
քուերն Շահանդիստոյ առնեն, եւ զքսան օրն՝ ինձ
Սենեքերիմայ :

Արդ եթէ որ ընդ հակառակս ելանէ կամ խան-

գարել մտածէ՛ կամ յափշտակել յանդգնի՛ կամ բսէ ումեք, կամ ի բանսարկութիւն մտաբերէ չորթել զմեր արդիւնսդ ի սուրբ եկեղեցեացդ, այնպիսին մի գտցէ ողորմութիւն յԱստուծոյ մի յայսմ աշխարհի եւ մի ի հանդերձելումն. այլ անէծք յափշտակողացն եկեսցէ ի վերայ նորա, և մեղք մեղսապարտիցն եւ նզովք շարագործացն, որպէս Կայենին եւ Յուգային և Արիոսին եւ Հոգեմարտին Մակեդոնին եւ Նեստորի երկաթնսկին եւ Լևոնի հումայեցւոյն և որ այլ նմանիք նոցա. եւ հաստատիչքն օրհնեալ եղիցին յԱստուծոյ ամենակալէն և յամենայն սրոց » :

Գրեցաւ իմով ձեռամբս Սենեքերիմայ՝ որդւոյ Սեաղայի ի կամս Աստուծոյ. ես Շահանդուխտ վկայ եմ իմ եղբօրս Սենեքերիմայ հաստատուն արարածիս եւ վճռիս. որ ետուն ի Տաթեւոյ սուրբ առաքեալքն. Աստուած շնորհաւոր արասցէ սուրբ եկեղեցեացն. որ խանգարել մտածէ՝ զգրեալ անէծքն ժառանգեսցէ : Եւ հաստատիչքն օրհնեալ եղիցին. ես Գրիգոր՝ Սենեքերիմայ որդիս ու իմ եղբարքս վկայ եմք սյս անսուտ և հաստատուն տրոյս և հրամանացս ի թուիս 534 ի կամս ողորմութեան բարերարին Հօր Աստուծոյ և օծելոյ նորա Յիսուսի բանին բարձրելոյ և կենդանարար սուրբ Հոգւոյն. ես Գրիգոր ամենաճուստ ծառայ Քրիստոսի եւ ողորմութեամբ նորին եպիսկոպոս Սիւնեաց եւ որդիացեսալս իմ

Ստեփաննոս ընկալաք զընծայս յԱստուծոյ օծեալ
և պսակեալ Թադաւորիս Սենեբերիմայ և զհոգեցա-
տուրս զորս արարին անխախտելի եւ հաստատուն
վճռաւ ի մայրաքաղաքս Տաթեւ՝ ի սուրբ Գրիգորս
եւ ի կենսակիր սուրբ նշանս, յիւրեանց արեանգինք
գաւառացս ի Ծղուկ նահանգի զԱրիտն աւան . եւ
կարգեցին յիշատակ իւրեանց զոր կատարեն ի սուրբ
եկեղեցիքդ ամ յամէ անխափան ըստ գրեւոցդ իւր-
եանց՝ ի կեանս իւրեանց և զկնի հանգստեան իւր-
եանց ի Քրիստոս :

Եւ արդ եթէ մեք և եթէ որ զկնի մեր յաջորդին
ի սուրբ յաթոռս հայրապետք , և կամ տանս այլ
առաջնորդք վանական, աւագ երէց, եկեղեցական և
այլ կարգաւորք՝ յեղեալ բառասնոցդ ծուլանան , եւ
զինչ և իցէ պատճառաւ՝ միով աւուրբ պակասումն
առնեն՝ Թո՛ղ Թէ այլ աւելորդ խափանեն՝ անիծեալ
լիցին ի Քրիստոսէ Աստուծոյ, և ջնջեսցին անուանք
նոցա ի դպրութենէ կենաց . և մի՛ կատարեսցի յի-
շատակ նոցա առաջի սուրբ սեղանոյ զենմանն
Քրիստոսի և անթողութիւն լիցի յարդար դատա-
ւորէն յանկաշառ ատենին : Եւ որ զԱստուծոյ
պսակեալ Թադաւորին արարածդ եւ զհոգեցա-
տուրդ խափանել ջանայ եւ յափշտակել ի սուրբ
առաքելոցդ եւ ի սուրբ նշանէդ, եթէ ի մեծա-
մեծայ եւ եթէ ի փոքունց, եթէ յաւաքաց, եթէ

յազատաց, եթէ յօտարաց, եթէ ի ծանօթից՝ զինչ
և իցէ պատճառաւ ընդ հակառակս ելանէ և խա-
փանման և յափշտակելոյ պատճառ կամի ինչ (լինել),
և յափշտակէ՝ անիծեալ լիցի անձն այն ի բերանոյն
յորմէ օձն անիծաւ, եկեսցեն ի վերայ նորա անէծք
ցաւագինք, և օրհնութիւնքն անէծք դարձցին. և յամե-
նայն երկնային և յերկրաւոր դասակարգութեանց
սիրողաց Երրորդութեանն անիծեալ լիցին հոգիք
նոցա, զիւր կեանքն և զժառանգութիւնն մի վայե-
լեսցէ, զարդի կեանքս ցաւագին կատարեսցէ և յերս
վախճանի իւրոյ հողն օրհնութեան մի բաւեսցի նմա.
Իսկ հաստատիչքն օրհնին յԱստուծոյ և յամենայն
սրբոց իւրց» :

Տեսեալ ասիս զայս բարեպաշտ և մեծ իշխանին
Հասանայ՝ որդւոյ Գրիգորոյ, յազատացն Սենեքե-
րիմայ, և շնորհէ նա զգիւղն Նորաշինիկ և զՋեռա-
տիվանս որ ի Կովսական գաւառի ի սուրբ եկեղե-
ցիս. որք և վաղ ժամանակօք տուեալ էին ժառան-
գութիւն սուրբ եկեղեցւոյն Տաթևոյ. զՆորաշինիկ
տուեալ էր Հրահատ իշխան ի Տէր Դաւիթ, և զՋե-
ռատիվանս տուեալ էին յաւուրս Յակոբայ մետրա-
պօլիտի. վասն որոյ և սա դարձուցանէ անդրէն ի
ձեռն Տեառն Գրիգորոյ : Եւ գրէ կտակ հաստա-
տուն՝ վճռի առաջի Թագաւորին որ էր այսպէս «Յա-
նուն Աստուծոյ այս իմ գիր է Հասանայ՝ Գրիգոր»

կայ որդւոյ. այս օրս որ Աստուած ինձ յաջողումն երեստ. և ես զիմ բերզն ի Մշտաբախթենէն առի և զԿովսական զաւառ իմ արեամբս յամիրայ Փատընոյ թափեցի, զՆորաշինիկ և զՋեռատիվանս այլ ի Տաթևոյ սուրբ նշանս դարձուցի իմ թաղաւորիս Սենեքերիմայ հրամանաւ, ի ժամանակս աստուածու պատիւ եւ հոգևոր Տեառն Գրիգորոյ՝ Սինեայ եպիսկոպոսի, և ամեն ազատացս առաջի տուի զայս, սոցա ամենեցուն վկայութեամբ ազատ յարքունի հարկայ. որ չկայ ի հետ այս զիւղօրէիցս ումբ հաշիւ կամ շատ և կամ սակաւ. և մի ոք իշխեսցէ այլ կալ սմա հակառակ կամ համիմազ յայսմ հետէ մինչև յաւիտեան, կամ ի մերոց կամ յօտարաց, կամ յաւազաց, կամ ի ձեռնաւորաց : Ապա թէ յանդգնին՝ անէծք և հայհոյութիւնք և մեղք և հերձուածք ամենայն չարագործացն ի վերայ նորա եկեսցեն եւ զիւր կեանքն մի վայելեսցէ. և ի սուրբ Երրորդութենէն որոշեալ եղիցի : Իսկ հաստատիչքն օրհնեալ լիցին :

Եթէ տաճիկ աւագութիւն փոխի և յափշտակել խորհի՝ յիւր հաւատէն ապիզա՛ր եղիցի. եւ զիւր փեղամբարն թողեալ եւ անարգեալ լիցի. 1000 նարար ի վերայ նորա մնասցէ՝ » : Ես Սենեքերիմ թաղաւոր իմ ձեռովս հաստատեցի զՀասանայ վճիռս որ զայս շինարիս որ ի Տաճկաց թափեալ էր իւր արեամբն,

այլ ի Տաթեւ երեստ իմ հրամանաւ . եւ ես իմ որդւովքս և ազատովքս վկայ եմ, որ որչափ այս եկեղեցիքս ի հաստատութեան կան՝ մի իշխեսցէ յանդիմանիլ և ձեռնարկել ոք վասն յափշտակելոյ զայս տաճար : Եւ ես ետու ընդ սմին և զԽոշտատայ տափն . արդ՝ թէ ոք հակառակի այլ՝ զվերոյգրեալ անէծսդ ժառանգեսցէ՝ . և ես Ռահիրս վկայ եմ այս արարուածիս զոր մի ոք իշխեսցէ հակառակ կալ . ի թուականիս Հայոց 535 :

Յետ այսր դարձեալ զայ թագաւորն ի սուրբ ուխտն առ հոգեւոր Տէրն Գրիգոր , ի տես և յաշօթս : Եւ էր գիւղն Հարժիս և Բերդկաներեջի և Յուրայ գետ յափշտակած ի սուրբ եկեղեցւոյն , և առ ազատացն Սենեքերիմայ մեծ իշխանին Մահեւանայ և միւս ազատին Գէորգեայ . վասն որոյ ծանուցանէ եպիսկոպոսն թագաւորին զգրկանքն եկեղեցւոյն . եւ առաջի արկանէ զհին նամականին որ տուեալ էր առաջին թագաւորացն անխախտ պաշմանաւ . զոր ընթերցեալ նորին՝ զարհուրեցաւ ի սոսկալի նզովիցն , զի երեք անգամ հաստատած էին այս գիւղօրայքս ի սուրբ աթոռն . առաջին՝ ի Սմբատայ՝ թագաւորէ Հայոց , և յԱշոտոյ՝ մեծ իշխանէն Սիւնեայ . և Բերդկաներեջի գանձագին էր Տէր Դաւթի . երկրորդ՝ ի Սմբատայ՝ թագաւորէ Սիւնեայ՝ որդւոյ Սահակայ , հաստատեցաւ ի ձեռն

տեսուն Վահանայ Բաղայւոյ, և ի Վասակայ՝ որդւոյ նորին. երրորդ՝ Հասան ոմն իշխան՝ որդի Կորայ քըրդին, յազատաց մեծ իշխանաց իշխանին Վասակայ. որ էր իշխեցող Հայոց և Վրաց, որդւոյ մեծին Սմբատայ՝ Սիւնեաց գահերէց իշխանի, զնոյ առեալ էր զգիւզն Հարժիս և ի հայրենեաց իւրոց փոխան տուեալ : Սա հրամանաւ մեծին Վասակայ և որդւոց իւրոց Սմբատայ և Գագկայ, տայ զայս գիւղս ազատ յամենայն հարկաց ի փանսն Տաթևոյ :

Եւ դրեն կտակ մեծամեծ դաշամբք և հաստատեն նմա մի քառասունք ամ յամէ գՅայտնութեանն : Ահա զայս ամենայն ընթերցեալ և ծանուցեալ բաւրեպաշտ Թագաւորին Սենեքերիմայ, ըստ հաւատոյ երկիւղին հրամայէ դարձուցանել անդրէն իւրոց իշխանացն . և գրեն կտակ յաւիտենական անխախտ պայմանաւ, ինքն եւ իշխանք իւր այսպէս « այս ձեռագիր է իմ Սենեքերիմայ Թագաւորի՝ որդւոյ Սեւադայի, որ մինչ Աստուած անյիշաչար եղև առ իս, եւ ողորմեցաւ ինձ . և կրկին հաստատեաց ի յիս զհայրենի տէրութիւն իշխանութեան իմոյ որ խախտեալ էր ի ձեռն Իսմայէլսկանացն : Ես ընթերցայ զառաջնոցն զգրեալսն և զյաւիտակեալ ժառանգութիւնսն սուրբ եկեղեցւոյս և երկնահրաշափոռոյս Սիւնեաց, դարձուցի անդրէն ի մայրաքաղաքս Տաթև. եւ կրկին հաստատեցի իմով ձեռամբս

անխախտ հայրենիք սմա զՀարժիս, զԲերդկանե-
րեչի, զՅուրայ գետ. և էր այս չորրորդ անգամ հաւ-
տատութիւն : Եւ աւանդեցի զսոսա իմ ձեռագրովս
յատուածարեալ եւ ի սուրբ հայրապետս մեր Տէր
Գրիգոր : Եւ արդ չէ ոք կարող զիմ գիրդ և զհաստա-
տեալ պայմանդ ի սուրբ առաքելոցդ խախտել կամ
յափշտակել յայսմ հետէ մինչև յաւիտեան, եւ կամ
խանդարման պատճառ լինել : Եւ թէ յանդգնի ոք և
մտածէ զայդ՝ յԱստուծոյ եւ ի սուրբ առաքելոցն
նշովեալ եղիցի. եւ Յուդայի եւ Արիոսի մասնա-
կից լինի. եւ ընդ սատանայի դատեսցի. եւ զիւր
կեանքն մի վայելեսցէ. եւ թէ տաճիկ իշխանութիւն
փոխի և խլել և խեղալ եւ ապականել խորհի, նա
յԱստուծոյն, որ արար զերկինս եւ զերկիր, նշո-
վեալ եղիցի եւ յամենայն ընտրեալ սրբոց նորա . և
ի մարգարէից զոր փեղատբար կոչեն ապիգահր և
անիծեալ լիցի, եւ յիւր օրէնադիր Մահմետէն որո-
շած և նախք եղիցի յազգաց յազգս» : Գրեցաւ ի
Թուականիս Հայոց 540 : Յանուն Աստուծոյ եւ ես
Մահման և ես Գէորգ հրամանաւ աստուածապահ
Թազաւորիս մերոյ Սենեքերիմայ դարձուցաք զՀար-
ժիս, զԲերդկաներեչի, զՅուրայ գետ ի Տաթևոյ
սուրբ առաքելոջս որ զրկեալ էին յաւերման և ի նեղ
ժամանակի, եւ այժմ կայր առ մեզ : Եւ արդ ոչ
մերոց եւ ոչ ումեք չկայ իշխանութիւն եւ հաշիւ

հետ այս շինորէիցս, ոչ չարի, ոչ Տաճկաց հարկի, ոչ բերդաչարի, ոչ գունդգահի եւ ոչ այլ իրաց. այլ միայն սուրբ խաչիս եւ հոգևոր տեսառնս է իշխանութիւն : Եւ թէ որ յանդգնի՝ զվերոյգրեալ նշովդ ժառանգեսցէ՝ : Ես Ռահիրս վկայ եմ թագաւորիս անսուտ հրամանացս և հաստատութեանս, և չմարթի որ խանգարման պատճառ լինել. այլ հաստատ է կաման Ստուծոյ :

Դարձեալ և այլ բազում ժառանգութիւնս ետուն ի սուրբ ուխտս զոր աւելորդ համարեցաք զրել աստ. ետուն եւ այգի մի մեծ ի Մեղրոյ ձորի՝ զրերգ Աւագեանց այգին Աբուսահլ ոմն՝ տէր Մեղրոյ բերդին, ի թուականին 532. ետուն եւ գեղ ի Բարկուշատի. ետուն եւ զԽողվանի գեղ ի Վանանդայ ձորի. ետ և իշխանն Աշոտ զԱմրաւաբար ի սուրբ նշանն. եւ զրէ կտակ այսպէս « յանուն Աստուծոյ ես Աշոտ իշխան՝ որդի Կարապինայ, ետու զիմ հայրենի ժառանգութիւնն զԱմրաւաբար ի սուրբ նշանն ի Տաթև ի ձեռն Տեառն Գրիգորոյ՝ Սիւնեաց եպիսկոպոսի, հրամանաւ աստուածապսակ թագաւորին Սենեբերիմայ. եւ կարգեցին մեզ պատարագ անխափան զոր Համբարձման Տեառն : Եւ արդ՝ չունի որ հրաման խախտել զայս, եթէ հակառակի եւ կամ չար եւ հարկ ի վերայ դնէ՝ ի սուրբ Երրորդութենէն նշովեալ լիցի եւ յամենայն սրբոյ նորա . եւ մասն

ընդ Յուդայի առջեւ . եւ թէ տաճիկ աւագ փոխի,
եւ հանել ջանայ՝ հարիւր հազար նարս՝ լինի եւ յիւր
հաւատէն ապիզար եղիցի . ի թուիս Հայոց 538 :
Աստուած շնորհաւոր արասցէ . եւ Սենեքերիմ թա-
գաւոր եւ իմ որդիքս Գրիգոր եւ Սմբատ հաստա-
տեցաք : Նմանապէս եւ այլ բազումս որոց տրի-
սուր փոխարինին հազարապատիկ եւ բիւրապատիկ
լիցի յամենսուստ Տեառնէն յանանցական վայելմանն
եւ յանդրաւական յո՛րախութիւնան :



ԿԱ. — Պատճառ արեւման Էդսրանին և առման րեք-
դիցն . եւ քնաշինչ ազատումն քաղաւորութեանն Բա-
ղաց . և վախճան կատարածի Սիսական ազգին :

Յամի յորում էր թուականն Հայոց 552, եղեւ
սկիզբն աւերածոյ Կապան գաւառի եւ ամբօր աշ-
խարհին Բաղաց, եւ սպառելոյ տէրոթեան նոյա
Թագաւորաց և իշխանաց, զոր լուաք և ընթերցաք
ի թղթոյն Տեառն Ստեփաննոսի՝ Սիւնեաց եպիսկո-
պոսի, զոր գրեալ էր ի հոյակապ քաղաքն Անի ի
խնդրոյ սուրբ քահանային Մխիթարայ՝ աւագերիցու
քաղաքին եւ փականալի սուրբ կաթողիկէին : Եւ էր
պատճառ մեծի կատարածին այսպէս : Գնոյ Սենե-

քերիմ Թագաւորն ի տեսութիւն Մէլիքչահ սուլթա-
նին ի մայրաքաղաքն Պարսից յԱսպահան . եւ հանդի-
պեալ նմա՝ մեծարեալ լինէր բարձրագոյն փառօք եւ
նստուցեալ ի գլուխ բազմականին : Եւ էր ծառայ մի
սուլթանին . յոյժ սիրեցեալ որ առաջի իւր բաժակ
մատուցանէր՝ Չորթման անուն : Սա յոյժ նեղէր գի-
նեաւ ի ժամ ճաշոյն զթագաւորն . եւ թէ բաղում
պարգևս խոստանայր՝ ոչ անսայր . ապա խոստանայր
տալ Չորթմանին զղուատր իւր . վասն որոյ ըստ իւր-
եանց սովորութեանն հանգոյց դնէ ի վերայ գօտոյն
Սենեքերիմայ որպէս թէ նշան լիցի այնմ բանի . եւ
տարեալ ցուցանէր սուլթանին : Եւ այնուհետեւ զկա-
տակեալ բանսն պահէր ի սրտին խորամանկութեամբ
ի ծնունդս ասլականութեան :

Իսկ յորժամ եհաս ի պատիւ եւ ի կարգ իշխանու-
թեան՝ խնդրէր ի Սենեքերիմայ զխոստացեալ աղ-
ջիկն . եւ նորա խիստ բանիւք պատասխանեալ անար-
գէր զնա ծագր առնելով զխնդիրն : Յայնժամ իբրեւ
գիտաց Չորթմանն զկամս Թագաւորին զի անհարին
էր այնմ բանի, սկսաւ դառն տառապանօք եւ ազգի
ազգի նեղութեամբ կեղեքել եւ աւերել զամենայն
իշխանութիւն նորա : Բայց ի 525 թուականին շէն էին
դաւառք Կապանին եւ պայծառացեալ վանորայքն ի
պաշտաման եւ ի լուսաւորութեան . իսկ ի 541 թուին
մինչ մեռաւ Մէլիքչահ սուլթանն՝ զամ մի ողջոյն
Հատ . Բ :

սասանեցան առ հասարակ : Եւ սակաւ մի խաղաղա-
ցեալ ամս եօթն ի տէրութեան Բէկի-Արուխին՝
որդոյ Մէլիք-Շահին : Ապա ի 548 թուին մինչ մե-
ռաւ Բէկի-Արուխին՝ դարձեալ վերադին սասանեցան
դաւնապէս : Իսկ ի ընդ մետասան յորեւնին և եր-
կուց թուոյ որ է ի 552 թուին՝ օր մի յանկարծակի
մինչ կային յանհոգութեան քաղաքացիքն, մատնեաց
Տէր զանառիկն ի մարդկանէ զԿապան քաղաք . եւ
անիծեալն Չորթման վասն քինուն իւր յեղակարծում
ժամու հեղաւ ի վերայ քաղաքին : Նսխ՝ բազում
հետևակազօր մարդիկ սորամուտք եւ քարաղնայք
եղին ի գլուխ ապառաժուտ լերինն . և իջին ընդ մեծ
աւարի հեզեղատն ի քաղաքն, զի այն վայր ոչ էր
պարսպաւիակ վասն անհնարին գոլոյ մտից մարդկան.
եւ սկսան կոտորել ի Չհտաթաղոյն . եւ ապա բացին
զդուռն քաղաքին որ ի խնձորոյ գլուխ հայէր . և մտին
զօրքն ամենայն և հարեալ սատակեցին զամենեսեան
առ հասարակ . բայց ի բերդն ոչ ինչ կարացին ձեռ-
նարկել . այլ գնացին անդրէն ի տեղի իւրեանց :

Ահա այս իսկ եզլ սկիզբն աւերման աշխարհին, և
օր ըստ օրէ սկսաւ նուազիլ և պակասիլ իշխանութիւնն
այն որ ունէր ընդ ձեռամբ բերդս 43 . և անուանիքն
ի նոցանէ 12 . և վանորայս 48, և գիւղս 1008 (7) .
եւ մայրաքաղաք զԿապանն . այս Բաղայ իշխանու-
թիւնն է : Ղարձեալ յետ մի ամի, ի 553 թուակա-

երն առաւ Ուրտան . և ի 554 ին առաւ Բղեն . և գե-
րեցաւ Խոսրովիկ իշխանն . և ի սուր սուսերի մաշե-
ցան բազմութիւնք քրիստոնէից, եւ բնաւին յաւեր
անցաւ տունն Բաղայ . եւ լռեցին ամենայն ուխտք
վանորէիցն ի պաշտամանէ . և խաւար Թանձրամաճ
կալաւ զաղգս Հայաստանեայց . եւ սուգ անհնարին
ղգեցան ամենայն քրիստոնեայք և եկեղեցիք Հայոց-
բայց մնացին Բաղաբերդ եւ Գեղի, Կաթաւաբերդ,
Շլորուտն, Կարճևան, Մեղրի, Գրհամ առ Գրիգո-
րոյ Թազաւորի եւ Սմբատայ՝ Թոռանց Աշոտոյ որք
էին անգաւակ . բայց միայն մի դուստր ունէր Գրի-
գոր Կատայ անուն : Իսկ ի 565 Թուին կատարեցաւ
մեծաւ ճգնութեամբ սուրբ Թազուհին Շահանդուխտ՝
քոյրն Սենեքերիմայ Թազաւորին : Ի սոյն ամի եւ
վախճանի յոգներանեան այրն Աստուծոյ եւ սուրբ
եպիսկոպոսն Տէր Գրիգոր :

Ի 575 Թուականին եկն ամիր Հարսնն և բնաջինջ
արար զտուն Կապանին և զԱրեիք գաւառ . և հառ
գրերդն Կաթաւու եւ գբարն Բաղակու որ էր վանք,
յորում մթերեալ կայր բազում սրբութիւնք, խաչ
եւ վկայարանք ոսկի եւ արծաթի եւ կտակարանք որ
գաղթեալ էին ի գաւառացն . և ամենայնն ի գերու-
թիւն մատնեցան : Ապա ի ընուէ Թուականին 600
ամին եւ ի սկսանել զառաջին ամն, զՇլորուտն բերդ
զողացան հնարաւ որ լազգն Թուրքաց . և ի 606 Թուին

զՄեղրի գողացան . եւ ի 619 թուին կրկին բարկա-
ցաւ Աստուած Բաղայ աշխարհիս եւ Սիւնեաց նա-
հանգիս . և զապաւէնն ամենեցուն և զտեղի ապստ-
տանի զանաոիկ ամուրն զԲաղարբերդ մատնեաց ի
ձեռս Իսմայէլի անիծեալ եւ գիշախանձ առն , որ
բազում զօրօք եկն և ոչ կարաց հնարել ինչ : Ապա
պատրող բանիւք խաբեաց զպարզամիտ արս քրիս-
տոնեայս Աչաղուացիս . եւ նոքօք նախ ա՛ռ զքարն
Կկոց . եւ ապա ի գիշերի՝ այնու արամբք գողացաւ
զԲաղարբերդ . եւ առեալ կոտորեաց սաստիկ . եւ զի
վասն անառիկ ամրութեանն յամենայն վանորէիցն
անդ էին կուտեալ զարբութիւնս և զգրեանս և զսպաս
եկեղեցւոյ . ևս առաւել՝ զանհամար և զանման սըր-
բութիւնս եւ սպաս եկեղեցւոյն Տաթևոյ՝ փարթամ
և հարուստ աթոռոյն , խաչ և վկայարանք յոսկւոյ և
յարծաթոյ , եւ անգին ոսկամբք եւ անհուն մարգար-
տով զարդարեալ , և կտակարանք յոլովք որք թուով
աւելի քան զ10,000 զորս ամբարեալ էին անդ : Ամե-
նայնն առ հասարակ գերի վարեցան , եւ ցան եւ ցիր
եղեն ընդ երեսս աշխարհի : Աւա՛ղ և եղո՛ւվ է մեղ
զի առաւել եղեւ մերս կորուստ եւ ապականութիւն
քան զԵրուսաղէմին ի Նարուգողոնոսորայ արքայէ .
քանզի նմա երբեմն եղեւ դարձ եւ նորոգումն որ ի
Կիւրոսէ . իսկ մեզ վերջինն տիրեաց թշուառութիւն
անդարձ և յաւիտենական :

Ապա մինչ մատնեաց զմեզ Տէր, եւ օր ըստ օրէ եղծանելով կամէր եղծանել, զայլ բերդերն եւ զամուրսն իւրեանց կամաւ ետուն յԵլտկուզ աթարէկն. եւ ընդհանրական տիրեաց Տաճիկն. եւ ժամանակ զառն եւ դժնդակ հասաւ. և առ հասարակ տմենայն երկիր եւ շինանիստքն յաւեր դարձան եւ անմարդարնակ եղեն : Բայց Գրիգորն որ իշխէր Բաղայ, ետ ածել ի Խաչենոյ իշխանացն մանուկ մի Հասան անուն ի Գեռաբարեցեացն. և ետ զգուտոր իւր Կատայն նմա ի կնութիւն. և կայոյց ժառանգ Թագաւորութեան իւրոյ. եւ ինքն եւ եղբայր իւր Սմբատ յառաջ քան զառնուլ բերդին մեռանին ի 615 թուին : Մինչ զբերդն կամէին առնուլ Հասան կայոյց բերդապահ, եւ ինքն առեալ զկին իւր եւ զընտանիս ի գիշերի եւ ի բերդէն եւ ածց, գնաց ի գաւառ իւր եւ ի տուն ի Խաչէն :

Իսկ մնացեալ ազատքն Զուրջն եւ Խոսրովին տղայ հոստեղաւ մեռան ի Նախջառանի. և Թաղեցան ի Ճահուկ. և եղբորորդի մի Զուրջին գնաց փախըստական ի բաղաքն Անի Մահեան անուն. եւ միւս իշխանն Համտուն որ էր որդի մեծ իշխանին Բաղայ Հասանայ, եւ թոռն աւագ Համտունայ, գնաց ի Վայոց ձոր առ փառաւորեալ եղբայրն իւր Տէր Յովհաննէս, որ բնակէր ի խորածոր անասլատին որ Նորավանս կոչի, մերձ Հրաշկարերդոյն. եւ անդ կրօնատ . Բ :

նաւորեալ՝ ի նմին վախճանի ի 680 թուականին : Ահա զայսօրինակ բարձաւ տէրութիւն Սիւնեաց եւ Բաղայ . ե եղև վախճան տոհմին Սիսակայ և նախա-
րարութեան Սիւնեաց . քանզի ամենայնքն որ կային
յառաջագոյն յաւուրս Սմբատայ և Սահակայ, իւրա-
քանչիւրքն՝ էր որ անզաւակ մնացին . եւ էր որ կիսո-
րեայ փոխեցան, էր որ սպանան եւ գերեցան . եւ
մնացեալ էին միայն այս Գրիգոր և Սմբատ որք այսու
օրինակաւ բարձան :



**ԿԲ. — Վանորայք և ուխտք եկեղեցեաց թէ քանի՞ էին
յայտմ աշխարհի :**

Առաջին՝ գլուխն ամենեցունց վանորէից և տղբիւր
չնորհարաշխութեան տանն Սիսական Տաթև, և մեծ
առաքինարանն Թանահատի վանք, Սիւնի վանք
որոյ եկեղեցին չքնաղ և նորակերտ ձևով կանգնեալ
գմբէթայարկ խորան երկնանման, ի մեծ բարեպաշ-
տուհւոյն Վարազդիստոյ՝ Սիւնեաց տիկնոջ յառաջ
քան զհայ թուականն, յանուն սրբոյ Լուսաւոր-
չին : Եւ առաջև վանացն ի մէջ քաղցրահայեաց
մէյրանիկ դենն իշխանքն տուն արքունի և ապարանք
իշխանանիստ, եւ յամենայն աւուր ասեն զային ի
Ժամ պատարադին : Ապա Կնէվանք զորմէ ասեն

մանկունք անդէորդք արածէին ջողիբա եզանց, եւ սկսան խաղալ . և կարեալ կնիւն մի և արարին խաղ եւ եղին ի վերայ քարի մի եւ սկսան երկրպագել եւ ասել « զոր ինչ երէցն ասէ և ընթեռնու, այն ի վերայ քո եղիցի » . և յայսց եզանցս այս երեքս բեզ մատաղ եղիցի » : Եւ զոր նոքա ընդ խաղս արկին՝ Հոգին Աստուած իջեալ տնօրինէր նոյնպէս :

Ապա ի ժամ երեկոյին սկսան գնալ . եւ թէպէտ ջանացին՝ զայն նուիրեալ մատաղսն ոչ կարացին յարուցանել ի տեղւոյն . գնացին եւ ազդ արարին տէրանցն . եւ նոքա եկեալ ոչ կարացին շարժել . եւ հարցեալ զպատճառն ի մանկանցն՝ խոստովանեցին զուղիղն : Կոչեալ այնուհետեւ բահանայս օրհնեցին զխաչն եւ զենին զեզինսն եւ պատուեցին զտեղի կնիւնին : Ազդ լինէր այս իշխանացն Սիւնեաց . եւ գային ի տեսութիւն . և հրամայեցին շինել եկեղեցի ի տեղւոջն, և սահմանեցին զնա տուն կրօնաւորաց . բայց զտեղի կնիւնին թողին ի մէջ եկեղեցւոյն փոս մի դուզնաբեայ . և մինչ յաւեր տեղւոյն ձէթ բղխէր ի փոսոյն այնքան՝ զի օտար ձիթոյ ոչ կարօտանային . այլ եկեղեցւոյն կանթեղունքն նովաւ կերակրիւր . և գեռ ևս կայ եկեղեցին և տեղի կնիւնին, և խաչ ևս որք վկայեն անսուտ գոլ : Ասբս Վաղատնին վանքն . Նորավանք, Երիցու վանք որք էին մշտապաշտօնք . Շատանեայ վանք . եւ սոքա մշտնջենաւորք . Գողո-

րեայ վանք . Վահանու վանք . Տանձափարախ . եւ սորա խարազնազգեստը եւ սահմանաւորը . Լուսկէ վանք . Լէշ վանք . Քրաւնից վանք . Թաղէի վանք . Կուռափածորոյ վանք . Ծիծառնոյ վանք . Խաչատորոյ վանք . Զինարու վանք :

Ի վայոց ձորոյ կողմանն Խոռոհերից վանք որ Քարկոտի կոչի . եւ սորա մշտապաշտօնը . Նորավանք որ յետոյ եղեւ եպիսկոպոսարան . միւս Նորավանք . Յաղապար՝ բարձրահաշակ եւ սուրբ առաքինարան յորում ի 490 թուականին ի Թագաւորութեանն Պապկայ, հայր ոմն վանիցն Վարդիկ անուն չինէ պայծառ եկեղեցիս երկու ի հանգստարանի առաջին սուրբ հարցն, զմին գմբէթայարկ յանուն սրբոյ Կառապետին, եւ զմիւսն սագաչէն, հրաշալի յօրինուածովք : Ապա Հերմոնի վանք . Թանատէի վանք յորում կայ նշխարը օրբոյն Սոեփաննոսի . Գնդայի վանք : Իսկ ի Գեղամն մեծ մենարանն Մաքենոցն եւ Վանաց վան եւ միւս Վանէ վան . Շողուազայի վանք : Ահա այս ամենայն վանեար յականէ եւ յանուանէ ի գլխաւորագունիցն, յորոյ բաղումք ամայի եւ թափուր են ի չինութեանց, եւ սակաւքն ի լուսաւորութեան այժմ, որք են թուով 30 . բայց այլ եւս բազումք կային զորս ոչ թուեցար :



**ԿԳ. — Եպիսկոպոսք որք կարգեցան զկնի
Տեառն Գրիգորի :**

Վախճանի Տէր Գրիգոր կեցեալ ամն 58. եւ յա-
ջորդէ զտեղին Տէր Ստեփաննոս ամն 27 : Ի սորա
աւուրս եղեւ չարժն Գանձակայ ի 587 թուականին,
եւ դողաց երկիր ի հիմանց . եւ գմբէթն մեծ եկեղե-
ցոյն ի Տաթեւ բոլորապոյր չրջեկան թռեաւ եւ
անկաւ ի վերայ սուրբ Գրիգորոյն եւ գաւթին որ ի
դրանն կայր . եւ փլոյց առ հասարակ : Իսկ ի 592
թուին կատարեցաւ սուրբ եպիսկոպոսս այս . և ծա-
մանակ դժնդակ եհաս զոր լեզու ոչ կարէ պատմել .
և ամենեւին ջնջեցան մարգ և անասուն . և անքնակ
եղեւ բոլոր աշխարհս Սիսական . միայն թէ ի ծերպս
քարանց մնացեալ էին ուրեք ուրեք երկու կամ
երեք արք :

Յետ Տեառն Ստեփաննոսի առնու զաթոռն Տէր
Բարսեղ . եւ սակաւ ինչ կեցեալ անկանի պատահ-
մամբ ինչ ի գետն Նրասիս մօտ յԱստապատ (8)
գեղ ջորւովն հանդերձ յոր հեծեալ կայր : Եւ
մտեալ լեզորդաց հանին յայն կողմն . եւ լոյս մեծ
ճառագայթեաց ի վերայ ջրոյն . եւ տարեալ թա-
ղեցին ի Մազարթոյ վանք որ ի սրբոյն Բարդողիմէ-
շինեցաւ . եւ պահեցաւ յորմ եկեղեցւոյն ի մանա-

նայէն Խարայէլացւոց երեք հատ, զոր հաստատէ Մի-
խայէլ պատմադիրն : Ապա ամայացեալ էր աթոռն
ի բնակչաց . եւ ոչ գոյր տէր եւ կամ իշխեցող զի
հոգայր վասն եկեղեցւոյս կամ վասն սուտ մնացոր-
դաց հօտին եւ ի խնդիր լինել առաջնորդի :

Էր աւագ երէց մի ի մեծ աւանին Մեղրոյ Գրի-
գոր անուն . այր ճշմարիտ եւ լաւ, որ էր եղբայր
Տեառն Բարսղի, սա յերիւրեալ ի սրբասէր եւ ի
մեծահաւատ տիրուհոյ իւրմէ Մամամ կոչեցեալ,
որ ասէր . ո՞վ երէց՝ ամայացաւ աթոռն Սիւնեաց,
փութա՛, եւ լե՛ր քահանայապետ զի և որդեակս մեր
լիցի որդի քահանայապետի . տե՛ս զսուրբն Գրիգոր
եւ զորդիս եւ զթոռունս իւր զի էին եւ նոքա կա-
նամբիք : Յորմէ համարձակեալ զնայ առ Տէր Գրի-
գորիս՝ եղբայր Ներսիսի՝ Հայոց կաթողիկոսի . եւ
անդ ձեռնադրեալ եպիսկոպոս՝ զայ ի վիճակս Սիւ-
նեաց . եւ տեւեալ ամս 20 մեռանի ի Վայոց ձոր
ի Խարձայ գիւղ . զի շրջէր ընդ վիճակեալսն, ի թուա-
կանին 617 : Եւ տարեալ ի սուրբ ուխտն Նորա-
վանս եղին ի հանգիստ ընդ երանելի եւ սուրբ եպիս-
կոպոսին Տէր Յովհաննիսի Կապանեցւոյն . Եւ յա-
ջորդէ զտեղին որդի նորին Ստեփաննոս մանուկ
տիօք, լի ամենապատիկ շնորհօք, սիրեցեալ եւ մե-
ծարեալ յաչս աւագաց որք էին ի ժամանակին իշխե-
ցողք՝ Եւտիուզ Աթաբէկին և որդւոյ նորա Փաշա-

ւանին եւ Խզիլ Ասլանին եւ Բուրաք Աթաբէկին, որք եւ զգուական անուամբ Փախրեմսեհ կոչէին, որ Թարգմանի սիրող Քրիստոսի, եւ պատուէին զնա տուրայիս գրոյ եւ փարմանաւ եւ մանչութաւ զոր մեք սիգէլ կոչեմք :

Ի սորա աւուրս էին Թամարն եւ Լաշա Գօր, գին՝ Թագաւորք Վրաց, եւ մեծ ամիր սպասաւարն Զաքարէ եւ եղբայր իւր Իվանէ աթաբէկն որք եւ մեծապէս սիրէին եւ պատուէին զնա : Եւ ետուն ի Այսեն տեղի հանգստեան նմա զգերահռչակ ուխտն Հաղարծին եւ գիւղն զԱբասսաձորն : Սա նորոգեաց զխախտեալ եկեղեցին ի Տաթւ զսուրբ առաքեալքն, եւ եղ զնել զգմրէթն ի ձեռն հօրն Յակոբայ Ճահկեցւոյ : Սա ձեռնադրեաց եպիսկոպոս ի Հախրատ զտէր Գրիգորիս՝ քեռորդի Զաքարէի եւ Իվանէի, եւ տեալ յեպիսկոպոսութեանն ամս 46՝ վախճանի ի Վայոց ձոր յԱռիայ գիւղն. եւ տաւ իւրաւ զնի ընդ հօր իւրում ի նոյն Նորավանս, ի 665 թուականին : Ապա առ կենօք սորին էր ձեռնադրեալ եպիսկոպոս Տէր Սարգիս՝ քեռորդի սորա հրամանաւ քեռուոյն իւրոյ յԱղվանից կաթողիկոսէն : Եւ յետ մահուան Տեառն Ստեփաննոսի միւս այլ հօրեղբորորդի նորին Յովհաննէս անուն զնայեալ յԱթմաք, և անդ ձեռնագրեալ եպիսկոպոս. և նա նստէր ի Տաթւ : Եւ այս Տէր Սարգիս բնակէր ի

Վայոց ձոր, ի Նորավանս մենաստանի. եւ բաժանեալ զթէմ վիճակին՝ զՎայոց ձոր բովանդակ առնոյր սպ. և զայն թողոյր ի Տէր Յովհաննէսն : Եւ յայմ հետէ եւ առ յսպա հաստատեցաւ եւ այն ուխտ ակոռ եպիսկոպոսութեան. զի էր տուն եւ տեղի ապաստանի յաւերման ժամանակին տանն Սիւնեաց, տեղի հանգստեան եւ շիրիմք գերեզմանաց բազում եպիսկոպոսաց. զորոյ զորպիսութիւն չինութեան եւ զպատճառ հանդիսանալոյն յետոյ ասացից :

Տէր Յովհաննէսն կեցեալ ամս 38՝ վախճանի ի Նորավանս մեծահռչակ ուխտի. եւ դնի ի գաւթի նորակերօս եկեղեցւոյն 700 թուականին : Եւ առնու զթոռն եղբորորդի նորին Տէր Հայրապետ և միւս աղգականն Տէր Սաղօմօն : Իսկ Տէր Սարգիս Հիմնարկեալ գեղասպաճոյճ եկեղեցւոյն ի Նորավանս հրամանաւ եւ օժանդակութեամբ մեծ իշխանաց իշխանին Լիսպարտի՝ որդւոյ Ելիկովին ի ցեղէ մեծի նահապետութեանն Օրբէլեանց որ ի Վրաց աշխարհէն, ի թուականին 665. և կատարէ հրաշազան յօրինուածովք յանուն սրբոյ Նախավկային. եւ ի նմին խորանս խորհրդաւոր ութ՝ զամս եօթն (աշխատեալ) : Եւ ինքն յետ բազում արդեանց և երևելի արարուածոց գնաց ի Ալիլիկիա առ բարեպաշտ արքայն Հայոց Հեթում. և պատիւ յոլով ընկալեալ ի

նմանէ, և տեղի հանգստեան՝ զաւագ Մէլիճին. և բազումն ճգնեալանդ՝ գնաց ի սուրբ քաղաքն Երուսաղէմ, ի գերեզման Աստուծոյն մերոյ և Փրկչին Յիսուսի Քրիստոսի. եւ երկրպագեալ աստուածակոխ տեղեացն՝ գտանէ զանկշիռ պարգւն՝ զաջն սրբոյ նախապկային Ստեփաննոսի. և առնու ի Փռանդէն, զիյայն ժամ Փռանդք տիրէին սուրբ քաղաքին: Յորոյ վերայ գրեալ կայր փռանդ եւ հռոմ եւ ասորի գրով եթէ սրբոյն Ստեփաննոսի է նախապկային. եւ առաքէ ի սուրբ ուխտն Նորավանից. որ և կայ անդէն ի սուրբ եկեղեցւոյն:

Եւ ապա առեալ Խորազմին (9) զԵրուսաղէմ ի Փռանդէն՝ կոտորեաց սաստկապէս. եւ ելից զուճար Տեառն արեամբ. եւ գտեալ զերանելի եպիսկոպոսն զՏէր Սարգիս ի վերայ գերեզմանին Տեառն ի սաղմոսերգութեան այլ ևս երեք ընկերօք՝ հատին զգլուխն և հեղին զարիւնն ի վերայ (10) գերեզմանի Տեառն կափարչին. եւ այսպէս մարտիրոսական արեամբ պսակեցաւ ի Քրիստոսէ Աստուծոյն մերոյ: Եւ յաջորդեցաւ ի տեղի նորա բռնորդի իւր Տէր Ստեփաննոս սմս 20. եւ ապա յետ նորա Տէր Սարգիս՝ եղբօրորդի Տեառն Ստեփաննոսի եւ որդի Վահրամայ ճգնաւորի, այր իմաստուն և արդիւնաւոր եւ վարդապետ ընտիր եւ բազմաշխատ, որ եւ բազում արար արդիւնոյ ի տանս ի գործս երեւելիս, Հատ. Բ:

եւ զարդարեաց զեկեղեցիքն պատուական սպա-
սուք. և առաւել հանդիսացոյց զգերափառ սուրբ մե-
նաստանն քան զնախնիսն իւր : Իսկ Տաթեացիքն
շինեցին զվանքն որ ի բազում (ամաց հետէ) աւեր
և ամայի մնացեալ էր, զոր և փարթամացոյին
ամենայն պիտոյիւք մեծ եւ փառաւորեալ իշխանաց
իշխանքն Սմբատ և Տարսայիճն՝ որդիք Լիպարտի.
և ինքեանք կեցեալ ի միասին՝ նախ վախճանի Տէր
Սաղոմոն անդէն. և ապա կեցեալ Տէր Հայրապետ
ամս 40. եւ զի առ կենօք սորին էր ձեռնադրեալ եղ-
բորորդի իւր Յովհաննէս անուն. և յետ սորա կեցեալ
բազում հակառակութեամբ ամս երեք՝ վախճանի և
զնի ընդ հօրեղբօր իւրում Տէր Հայրապետին :

Յետ որոյ և մեր ապիկար և թարմատար անձին
յաջորդեալ ի կրկնանորոգ գահ մետրապօլտութեան
տանս Սիսական, և զերկու գահերէց աթոռքս և
աշխարհախումբ հանդիսարանքս միապետեալ՝ զՏա-
թեան և զՆորավանքս հանդերձ բոլոր վիճակելովքս,
այժմ կամբ կանգնեալ ի կամար երկնահանգէտ լե-
րինս մինչ ի սահմանեալ կէտ իմ, ուր Տէր սպա-
ռեսցէ :

ԿԴ. — Միկզբն և պատճառ շինութեան և նախապատիւ գահերիցութեան սուրբ եւ գերահռչակ եւ փառաւոր ուխտին և աշխարհադէտ խմբարանին Նորավանից :

Յառաջ քան զայս բազում ժամանակօք, վաղաւորքք եւ հնազոյն ամօք, ի նեղ եւ անձուկ ձորաւկին այնմ, ի պտոշաճաւոր տեղւոջ էր շինեալ եկեղեցի մի կրաշագախ վիմօք յանուն սրբոյ Արարապետին՝ յոյժ սքանչելագործ եւ ահարկու եւ անուանի մերձակայ սահմանացն : Եւ բղխէր մերձ նմին աղբիւր քաղցրահամ և ձորն ամենայն գեղեցկացեալ էր այգեօք և թանձրախիտ ծառօք մրգաբերօք : Նաեւ ի թանձրամած կաշկառութին, ի նոյն ձորին կայր եկեղեցի մի յանուն սրբոյ հայրապետին Փոկասու շինեալ և ի մէջ եկեղեցւոյն բղխէր ջուր սակաւ ի ներքոյ բեմին. և ընդ ջրոյն ելանէր և ձէթ բժշկարար. զորմէ լուաք ի հնազոյն աւանդութեանց եթէ բերեալ եզև ի նշխարաց սրբոյ հայրապետին Փոկասու, և անդ հանգուցեալ յորոյ անուն և տեղին Փոկաս կոչեցաւ : Եւ առնէր հրաշս զարմանալիս զի ամենայն անբուժելի ցաւք և անհնարինք ի մարդկանէ՝ գոգութիւնք և բորոտութիւնք և վէրք բազմաժամանակեայ նեխեալք և ապականեալք, ի ժամանելն ի տեղին յայն հուսատովք, և ի լուանալ ի

ջուրն, և յօծանեին ձիթով, բժշկեալ լինէին. և թէ մահացու լինէր՝ առժամայն վախճանէր : Եւ վասն այսր մեծապէս լինէր հնչեալ համբաւ տեղւոյն ընդ ամենայն աշխարհ :

Ապա ի նուազեալ ժամանակիս, մինչ եհաս աւեր ամենայն աշխարհի և բարձաւ թագաւորութիւնն Բաղայ. եւ սպանաւ թագաւորն Սենեքերիմ, եւ բնաջինջ եղև տէրութիւնն Բաղայ. եւ խափանեալ լռեցին ամենայն ուխտք պաշտօնէից. ի 554 թուականին էր եպիսկոպոս ոմն ի վանսն Յովհաննու Յովհաննէս անուն, լցեալ ամենայն առաքինութեամբ. եւ բողորովին զգեցեալ զՔրիստոս, յազգէ ազնուական, որդի մեծափառ իշխանին Բաղայ Հասանայ, որ ունէր ընդ ձեռամբ զամենայն ազատս թագաւորութեանն այնմ. և էր որդի մեծին Համտունայ : Այս Յովհաննէս յետ աւերման իւրոյ աշխարհին, բազումս ալէկոծեալ այսր անդր, եկն ի Այոց ձոր գաւառ. եւ կամեցաւ բնակել ի խորաձոր անապատին Նորավանից, մերձ անառիկ դղեկին Հրասեկայ բերդոյն, առ հիազօր եւ մեծաքանչ եկեղեցւոյն սրբոյ Կարաբերին : Եւ երթեալ յանդիման լինի մեծի արքային Պարսից Մահմուտ սուլտանին, ծանօթանայ նմու և առնու ի նմանէ փարսեան և մանչուր (11) վասն տեղւոյն այնմ : Համարձակ բնակէ ի նմա ժողովեալ արս կրօնաւորս եւ ճգնազգեսոցս, եւ հեռացուցանէ

ի վայրիցն զամենայն արա աշխարհականս. եւ չրջապատիւ սահմանէ զվայրն ամենայն կանգնելով ըզնշանն տէրունի զի մի անցանիցեն ընդ այն կանայք եւ լիտի մարդիկ : Եւ առնու ի սահմանակցացն հողս եւ անդաստանս ի ժառանգութիւն եկեղեցւոյն՝ ի Գանձակեցեացն եւ ի Տխարբեցեացն :

Սա նեղեալ յանիծեալ եւ իպիղծ բերդապահէն Հրասեկայ, որ էր Խազրիկ Խորասանի (12), եւ որ, *7rairick* սայր սպանանել զսուրբ եպիսկոպոսն, եւ աւերել զկրօնաւորանոց տունն սուրբ ուխտին, իոխէ զձեւն ըստ պարսկական օրինի զի հմուտ իսկ էր նոցին լեզուի, եւ զնայ իախստեայ առ սուլտանն յԱսպահան քաղաք : Եւ էր նորա որդի միամօր, եւ հիւանդացեալ էր անհնարին ցաւօք. եւ էր մերձ ի վախճան. եւ ամենայն հնարք բժշկաց հատեալ էր. եւ էին ծնողք մանկանն եւ մայր սուլտանին ի մեծ սգի իւ տրտմութեան : Ասլա տեսանէ ի տեսլեան մայր սուլտանին եթէ այրն օտար, որ եմուտ ի քաղաքս, եպիսկոպոս է, եւ անունն՝ Յովհաննէս. նա բժշկեսցէ զմանուկդ. վասն որոյ վաղվաղակի ի խնդիր լինէին նմա. եւ գտեալ ածին առաջի մեծ սուլտանին : Իսկ նորա լուեալ զնմանէ եւ ծանեալ. ընդ յառաջ եղեւ նմա եւ երկիր եպագ հայցելով զի թէ հնար ինչ իցէ՝ բուժեսցէ զցաւ մանկանն : Եւ մտեալ սուրբ եպիսկոպոսին, ըստ մեծայոյս հաւատոյն, առ

կիսամեռ մանուկն, և առաքելական զօրութեամբ ի
բայ հերքեալ զցաւն՝ աստուածարար հրաման տայր
կանգնել ի մահճացն մահացեալ մարմնոյն : Յա-
ղաքս որոյ հիացեալ մեծաւ ղարմայմամբ սուլտա-
նին՝ հարցանէր ի նմանէ զպատճառ գնալոյն. և նորա
ծանուցեալ զդառն աղէտս ամիրային Հրասեկայ բեր-
դոյ, և զմիւս խառնմին որ յԱնապատ բերդի :

Ընդ որ յոյժ ցասուցեալ՝ երախտահատոյց լինի
նմա և տայ զՀրասեկայ բերդ մանչուք գրով ի ձեռն
եպիսկոպոսին. եւ առաքէ ընդ նմա արս հաւատա-
րիմս սատակել զբերդապահն իւրովք ընտանեօք, և
տալ զտեղին յեպիսկոպոսն : Ընդ նմին և շնորհէ
մայր սուլտանին զԱնապատ բերդն երկոտասան
ազարակօք նմին Տեառն Յովհաննիսի, և անսուտ
սիգեւլաւ և անանցական մանչուքս շնորհէ ժառան-
գութիւն սուրբ եկեղեցւոյն Նորավանից. զորոյ ար-
քունական նամակս և մեք իսկ ընթերցեալ ճշգրտե-
ցաք. եւ ըստ տաճիկ օրինին էր անհուն երգմամբք
հաստատեալ զգիրն՝ նաբարք եւ ապիզարք բազում
կարգեալ ի նմա : Քայ ապա մեծաւ խնդութեամբ
եպիսկոպոսն ի տեղի իւր հանդերձ հրոսակօքն, և ըմ-
բռնեալ զամիրայն ընտանեօք իւր ի Հրասեկայ բերդ՝
բարավէժ սատակէ. եւ զտեղին քանդեալ աւերէ :
Եւ զմիւսն որ յԱնապատի հալածեալ՝ զբերդն ազա-
րակօքն հանգերձ սեպհակունէ եկեղեցւոյն :

Բայց յետոյ Հրասեկայ բերդն շինեցաւ, և բնակեցան ի նմա Պարսիկք, զոր եւ վերստին առին յաւուրս Աթաբէկ Իվանէին ի ձեռն Առփայեցի Ախթատհարին եւ Վասակայ իշխանի Խաչենեցոյ որ էր հայր Պռոշայ՝ բարեպաշտ եւ մեծարգի իշխանի, հրամանաւ և ուժով Իվանէի. իսկ Անապատն մնաց առ սուրբ Եկեղեցւոյն մինչև ցայսօր : Բայց ինքն իսկ եպիսկոպոսն էր լցեալ ամենայն առաքինութեամբ. և կայր մեծամեծ ճգամբք. եւ բազում սքանչելիս երևեցուցտնէր այնքան՝ զի գորտանց հրամայէր լռել՝ և լռեցին մինչև ցայժմ : Եւ կին մի եւ մանուկ ստնտեայ անկեալ պատահամբ ընդ մեծքարն որ հանդէպ վանիցն, ի Տխարբայ շինոյն. տեսեալ սրբոյն եւ կնքեալ նշանաւ խաչին հանդէպ՝ անվատք մնացին եւ ամբողջ դարձան անդրէն ի տուն իւրեանց՝ եւ առէին « Տէր Յովհաննէս կայր ի յատակ քարիս և երկու ձեռամբ ըմբռնեալ ապրեցոյց զմեզ » :

Եւ այսպէս կեցեալ բազում ամս՝ վախճանի ի թուին Հայոց 663. եւ դնի յիւրում աղօթարանին ի մէջ երկուց վիմացն ի նմին ուխտի. եւ զօրութիւնք մեծամեծք ելանէն ի գերեզմանէ նորա. զի սատակէ զմովն և զթրթուռ և բոչկէ զամենայն պատահարս ի մարդ. եւ յանասուն եւ յանդաստանս : Եւ ապա յետ նորա մինչ էառ Ելտիուզն զմայր սուլտանին.

եւ տիրեաց արքայական գահոյիցն, եկն Տէր Ստեփաննոս շնորհազարդն, որ եւ Փախրըլմսնէ կոչեցաւ յԱթարէկէն, եւ բնակեցաւ ի սուրբ ուխտն Նորավանից. զի հին աթոռն աւերեալ էր եւ ապա կանեալ. եւ հայր սորին Տէր Գրիգոր անդէն կայր ի շիրմի : Եւ հաստատեալ զնա տուն աթոռոյ եպիսկոպոսութեան՝ առնու փարսան և սիգէլ ի մեծ Աթաբէկէն վասն վիճակիս այսր զի ի նմա ժառանգեսցեն ժառանգորդք սուրբ եկեղեցւոյն : Նմանապէս եւ խնդրէ թուղթ շրջաբերականի ի մեծ կաթողիկոսէն Հայոց ի Տէր Գրիգորէ զի լիցի սեպհական վիճակ ժառանգութեան այս գաւառք սուրբ ուխտին Նորավանից :

Եւ ապա յետոյ գնացեալ առ աթարէկն Ելտկուզ՝ ցուցանէ զնամակ սուլտանացն. եւ ի նմանէ ևս առնոյր վանդաւր հաստատուն գրոյ ամենայն ժառանգութեանց եկեղեցւոյն Նորավանից. եւ խնդրէ ևս զԱգարակի ձոր գիւղ, զոր եւ քաղցր կամօք եւ զայն եւս ընծայէ հաստատուն եւ անսուտ վանդաւրաւ սուրբ եկեղեցւոյն, եւ զամենայն որ ինչ էր վանիցն արար ազատ յամենայն աշխարհական հարկաց՝ զհող եւ զջուր, զայգի, զգիւղ եւ զագարակ եւ զբերդն իսկ Անապատայ : Ապա կեցեալ բազում ամս՝ վախճանի անդէն. եւ զնի ընդ հօր իւրում ի 665 թուականին : Եւ յաջորդէ զտեղին Տէր Սարգիս որ մար-

տիրոսացաւն յԵրուսաղէմ : Սա առ կենօք սորին
(իմա Ստեփաննոսի) եղև եպիսկոպոս, եւ բնակէր
ի Նորավանս : Եւ էր Տեառն Ստեփաննոսի եղեալ
գրաւական զաստուածամուխ սուրբ նշանն, զՏէր
Յովհաննիսի զաւագ խաչն եւ զթիթեզնակապն եւ
զկամարակապն . թիթեզնակապն ունէր թիթե-
զունս ոսկի ի վերայ երեսացն . եւ կամարակապն՝
կամար ականձեւ թեւէ ի թեւ, առ եպիսկոպոսի
մի յԱծոպոյ վանս, ի Շահապօնս, Պետրոս
անուն : Զոր եւ իմացեալ կողմնադալի այսմ
կողմանց Վասակայ իշխանի՝ հօր Պռոչայ, առնու-
բունաբար զերիս զայս աստուածացեալ սուրբ
նշանքս . եւ տարեալ զաւագ խաչն ընծայէ Աթա-
բէկին Իվանէի, եւ ղերկուն՝ զթիթեզնակապն եւ
զկամարակապն տարեալ ղնէ յիւրում վանսն ի
Կեչառուս ուխտի : Ապա ի 665 թուականին մինչ
կայր Թարբէկն Իվանէ ի խսար (պաշարումն)
ի վերայ բերդոյն որ Զարէքն կոչի, գնայ Տէր
Սարգիս հրամանաւ եւ գրով քեռւոյն իւրոյ Տէր
Ստեփաննոսի առաջի Աթարբէկին ի խնդիր ասու-
ռածընկալ սուրբ խաչին : Եւ զի էր նորա գործա-
կալ եւ հրամանատար ի վերայ ամենայն իշխանու-
թեանց իւրոց, եւ աւագ Հէջպայ մեծ եւ բարեպաշտ
իշխանն Բուլակ կոչեցեալ . եւ էր սա աներ Լի-
պարտի՝ որդւոյ Ելիկումին, եւ Լիպարիտն յոյժ սի-
Հատ. Բ :

րեցեալ էր յաչա Իվանէի . եւ խաչն կայր ի պա-
հեստի ի Պղնձահանքն (13) :

Յանդիման առնեն զեպիսկոպոսն Աթաբէկին եւ
մատուցանեն զգիրն . եւ ինքեանք մեծապէս հոգ-
յանձին կալեալ ջանացին թափել զգերեալն . եւ
բազում գանձա ծախեալ ի մեծամեծսն և ի ներքին
խորհրդականսն : Բարեպաշտն Լիպարիտ 500 դա-
հեկանի չափ ընծայէ , եւ աղերս Աթաբէկին 500
դահեկան կարմիր յազնուական ոսկոյ , և այնպէս
իբր գնոյ առնելով հաճեցաւ զմիտս նորա դարձուցա-
նել անդրէն : Ապա հրամայէ կոչել զեպիսկոպոսն
և դնէ պայման նմա և ասէ « եթէ որ կամի զսրբոյ
նշանին անդրէն դառնալն՝ տայց՝ վաղիւն գրերդա
զայս ի ձեռս իմ , եւ ես տամ զնա ի ձեռս բո , ապա
թէ ոչ՝ դառնաս ունայն » :

Իսկ ընդ լուսանալ առաւօտուն՝ զօրութեամբ
սուրբ խաչին , բերեն բերդացիքն ինքնայօժար կա-
մօք զբանալի բերդին և դնեն առաջի Աթաբէկին :
Բերեն ընդ նմին այլ եւս երիս բանալիս բերդից , եւ
դնեն առաջի : Ընդ որ յոյժ խնդացեալ եւ զար-
մացեալ ընդ սքանչելիսն՝ հրամայէ աւագ ծիկնաւ-
սլարին իւրոյ դիւանին Աւաւֆրէ (14) անուն գնալ
ընդ Տեառն Սարգսի եւ տալ զխաչն ի նա ի Պղնձա-
հանքն ուխտի . որ եւ առ ժամայն կատարեցաւ :
Եւ նորա գնացեալ առնու զխաչն խնդութեամբ ,

և անցեալ փութանակի գայ, հասանէ ի Նորաժանս ուխտ. և բնակեցուցանէ անդէն զսուրբ Նշանն. որ և եգիտ վախճանեալ զքեռին իւր Տէր Ստեփաննոս, բայց տուաւ ի գինս գերեալ խաչին ի Լիպարտէ 1000 դահեկան կարմիր, որպէս ասացաքն : Իսկ թիւ թեղնակապն եւ կառնարակապն մնացին անդէն ի Կեչառուս :



ԿԵ. — Վասն շինութեան եկեղեցոյն Նորաժանից եւ հոգեցաւոր ժառանգութեանց նորա . եւ այլ շինութեանց եւ արդեանց որ եղև ի Լիպարտէն եւ յիշխանացն Օրբէլեանց :

Այս բազմերջանիկ եպիսկոպոսոս Տէր Սարգիս, յետ վախճանին Տեառն Ստեփաննոսի՝ կամեցաւ շինել եկեղեցի եւ հանդիսացուցանել զսուրբ ուխտն : Եւ էր այլ ոմն թեկն ածեալ սմա, եւ կամէր լինել աթոռակալ Սիւնեայ՝ Յովհաննէս անուն՝ հօրեղորօրորդի Տեառն Ստեփաննոսի . եւ երթեալ յԱխթամար ձեռնադրի անդ : Վասն ոչ սիրելոյ զհակառակու թիւն եւ զօճտումն եկեղեցոյ երջանիկն ի հայրապետս Տէր Սարգիս թողու զամենայն վիճակն ի Տէր Յովհաննէս, եւ առնու զՎայոց ձոր գաւառ, զՃահուկ եւ զՆախջաւանս սեպհակոսն ժառանգու-

Թիւն սրբոյ ուխտին իւրոյ Նորավանից. եւ զայլն
Թողու ի նա :

Եւ զնայեալ ինքն առ կաթողիկոսն Հայոց Տէր
Կոստանդին, և առնու ի նմանէ վիճակ հաստատուն
անխախտելի դաշամբ, եւ Թուղթ շրջաբերական
վասն այսց զաւառացս զի լիցի հաստատուն վիճակ
Ժառանգութեան սուրբ եկեղեցւոյն Նորավանից. և
անբաւ հրահոսան նղովիւք փակեալ ամրացուցանէ
զի մի ոք ի կաթողիկոսացն կամ յիշխանաց կամ յե-
պիսկոպոսաց իշխեսցէ հակառակել կամ խանգարել
զայս սահմանադրեալ վճիռ : Նաեւ լինի աղմուկ
վասն սուրբ խաչին. և զնան երկոքին եպիսկոպոսքն
եւ Լիպարիտն եւ որդի իւր Ելիկումն ի դատաստան
առ Աթաբէկ Իվանէն ի Դավին : Եւ նորա նստու-
ցեալ զմեծամեծս իւր, հրամայէր բննել՝ զԲուպակն
եւ զմարտաւանն, զԻվան դպէչն եւ զմեմնադպէչն,
զմեծ ճղատնդիտէչն՝ որ եկեալ էր ի Թազաւորութե-
նէն, զԺիրաւ ժղատրն Վարձէոյ եւ զԺիրաւ ժղատրն
Պղնձահանիցն եւ զմեծ մաւրաւարն Փարչտէուցն,
զԳազեցիւն և զՄածնարերդեցիւն եւ այլ բազում
դէպեպոյք եւս եւ զղատին Տիղեաց եւ զղատին
Անույ եւ զղատին Դավայ եւ զանուանի շէին (15)
Սուրմարույ. ընդ որոց եւ զմեծ եպիսկոպոսն Անույ
եւ զեպիսկոպոսն Բջնույ եւ զեպիսկոպոսն Հախրա-
տայ. որք և բննեալ իրաւունք դատեցան այսպէս

« եթէ մեռեալն և գերեալն զմի ունին օրինակ. որ
ոք զմեռեալն յարուցանէ՝ ոչ է ծնողացն ծնունդ,
այլ նորոգողին զնա . և որ ոք զգերեալ թափէ. ոչ է
ստացողին յայնմհետէ. այլ գերեթափին :

Արդ՝ որպէս աշխարհս այս առմամբ սրոյ և ձե-
ռին սեպհական կոչի ժառանգութիւն Վրաց թա-
գաւորութեան, այնպէս եւ այն իռաչ սեպհական էր
Իվանէի, եւ ի տալն զնա ի Լիպարիտ և ի Տէր Սար-
գիս բազում ծախուք մինչ ի 1000 դահեկան, Լի-
պարտի եւ իւր եկեղեցւոյն է պարտ լինել յաւիտե-
նական ժառանգութիւն »: Ապա այսմ դատաստանի
յոյժ հաճութեամբ հաւանեալ Աթաբէկին և ամե-
նայն բաղմութեան ազատակոյտ իշխանացն՝ հրա-
մայեցին ունել զխաչն անդային (16) և անհամիմաղ
Լիպարտի և իւրոցն :

Իսկ եպիսկոպոսն Տէր Սարգիս խորհեալ ընդ
մեծ Լիպարտի՝ սկսանին միաբան մեծավաստակ
աշխատանօք և անչափ ծախիւք չինել զգեղեցկայար-
մար եկեղեցին ի Նորավանս. և աւարտեն զնա ամն
7՝ ութ խորանօք, ի թուականին Հայոց 672. և մեծա-
հանդէս ժողովով եպիսկոպոսօք, վարդապետօք,
գահազլուիս իշխանօք, աղատօք և տանուտէրօք առ-
նեն նաւակատիս սրբոյ տաճարին . ընդ որում էր եւ
մեծ իշխանն Բուպակ որ եւ ընծայէ սուրբ եւ նո-
րակերտ քաւարանին յիւրոց հալալ արդեանց եւ

Հայրենեայ պտուղ բոլորահաւատ զազարակն Աղ-
բերիս իւրով սահմանօքն, ջրարբի եւ անջրդի վայ-
րօք, մեծ ձորովն որ Թամաձոր կոչի, և Գնջեայ
սահմանովն մինչ ի Գանձակայն որ Հայրեայն տափ
կոչի : Եւ հրամայէ գրել վճիռ արձանի անխախտ
պայմանաւ եւ հաստատել ինքեան յիշատակ յամեն
տարի առնել տաան պատարագ մօր իւրոյ. և աւանդէ
զայս ի ձեռն Տեառն Սարգսի. եւ էր օրինակ վճռին
այսպէս :

« Ի Ժամանակի Թաղաւորութեանն որդւոյ Թա-
մարին Լաչային (17), յամիր սպասալարութեանն
Հայոց և Վրաց Շահանշահի, և յաթարէկութեան
Իվանէի հօրեղբօր նորին, ես մեղուցեալ ծառայ
Քրիստոսի Բուպակ՝ իշխանայ իշխան, եկի ի նա-
ւակատիս սուրբ եկեղեցւոյս Նորավանից առ եր-
ջանիկ Հայրապետս մեր Տէր Սարգիս. և ընծայեցի
ի հաշաշ Հայրենեայ իմոց զոր իմ բազկաւ առեալ էի
յայլազգեայ և իմ արեամբս Թափեալ, եւ իմ պարո-
նայքն մեծ սիգելով այլ ինձ էին որոշեալ, զԱղբերիս
գիւղ իւր ամեն սահմանաւն, ի սուրբ եկեղեցիս Նո-
րավանից ի սուրբ Արարապետս և ի սուրբ Նախավը-
կայս տուի՝ ազատ յամեն հարկայ. եւ չունի ոք հրա-
ման յայսմ հետէ մինչև յակստեան հակառակիլ այսմ
ոչ յաւազայ, ոչ յիմոց, ոչ յօտարայ : Եւ Տէր Սար-
գիս և այլ միաբանքս հաստատեցին ի տարումն տաան

պատարագ՝ ի Վարդավառին տօնին իմ մօրն հոգւոյն : Աւրդ՝ թէ ոք յանդգնի և հակառակել ջանայ այսմ տրիցս՝ մասն և բաժին գՅուդային և զխաչահանուացն առցէ՝ և ընդ ամենայն չարագործացն ի կայենէ սկսեալ մինչև ի նեռն դատասարտեալ պատժեսցի, և ի սուրբ Երրորդութենէն եւ յամենայն սրբոց եւ յերկից սուրբ ժողովոցն նշովեալ եղիցի ի մահ եւ ի կեանք. եւ իմ ազգք եւ զաւակք չունին ո՛չ ձեռն, ո՛չ իշխանութիւն ի վերայ այսմ տեղեաց : Բայց թէ տաճիկ աւաղ փոխի և հակառակել ջանայ՝ յիւր Աստուծոյն ապիգոսի լիցի, և յիւր փեղանքարէն որոշած. և անհամար հազար նաշաք ի վերայ նորա և յորդոց և յազգի նորա եղիցի յայսմ հետէ մինչեւ յաւիտեան . ի Թուխ Հայոց 672 » :

Եւ զի յառաջ քան զայս յափշտակեալ էին զգիւղն Ագարակի ձոր . վասն որոյ խնդրէ Լիպարիտն բազում Թախանձանօք յամիր սպասաւարէն Զաքարէէ. եւ տարեալ ցուցանէ զմանչորն Աթարէկ Եւտկուզին. եւ Թափէ զգիւղն. եւ հրամայէ գրել ինքեան յիշատակ ի վանսն Նորավանս, եւ նշովիւք հաստաւ տել զի մի ոք իշխեսցէ հեռացուցանել զնա ի սուրբ եկեղեցւոյն . եւ ինքն գրէ իւրով ձեռամբն այսպէս . « ես մեղուցեալ ծառայս Քրիստոսի Զաքարէ ամիր սպասաւար՝ որդի մեծին Սարգսին, Հայոց եւ Վրաց

ասպարապետի, դարձուցի զԱգարակի ձոր գիւղն ի Նորավանս ազատ յամենայն հարկաց . եւ ինդրեցի ի Տէր Սարգսէ՝ առաջնորդէ սուրբ ուխտին ի տաճուսն ինձ տասն օր պատարագ զոր պարտին անխափան կատարել . եւ յետ մեր մի ոք իշխեսցէ ի մերոց կամ՝ յօտարաց յափշտակել զայս գիւղս ի սուրբ եկեղեցւոյն . ապա թէ յանդգնին՝ նզովեալ լիցին յԱստուծոյ ամենակալէն և յամենայն սրբոցն, և մասն և բաժին նորա ընդ Յուդայի եւ այլ խաչահանուացն և ուրացողացն եղիցի . և մեր մեղացն պարտական լիցի » : Հաստատ է կաման Աստուծոյ, ի թուականիս Հայոց 660 :

Յետ այսր բազում արդիւնս ցուցեալ մեծին եւ բարեպաշտին Լիպարտի ի սուրբ ուխտն, զի նմա շնորհեալ էր զգաւառն եւ զվանքն հայրենագիր սիգելաւ յԱթաբէկէն Իվանէէ, հրամանաւ թագաւորին եւ Լաշա Գէորգիին . եւ եղեալ ի վերայ զկնիք թագաւորին անոնցական մատանեալ : Վասն որոյ ի ձեռն եպիսկոպոսին Տէր Սարգսի շինէ զպայծառակերտ քաւարանն . եւ զարդարէ սպասուք . եւ փարթամացուցանէ ամենայն գոյիւք եւ ժառանգութեամբ՝ ինքն եւ որդիք իւր, զորս ըստ կարգի յիշեսցուք . եւ գրէ ինքեան արձան յիշատակի ի վերայ սուրբ եկեղեցւոյն այսպէս . « ի 672 թուականու թեանս Հայոց, կաման Աստուծոյ, եւ Լիպարիտ՝

որդի Ելիկումին, Թոռն մեծի Օրբէլեանց, որ և Հայրն իմ վասն մեծի քինոյն ել ի Հայրենի աշխարհէն իւրմէ եւ ի Թագաւորէն Ափխազաց . եւ զնաց ի տունն Պարսից, առ Աթաբէկն Ելտիւղ . եւ նա մեծաւ փառօք եւ գորովագութ սիրով ընկալաւ զնա, եւ պարգևեաց նմա զմեծ քաղաքն Համիան . եւ յետ ժամանակաց եթող զիս որբ : Եւ մեք անգիտու, Թեամբ խաբեալք ի նոցանէ՝ ծանեայ ապա զհաւատն իմ Հայրենի . եւ ի մանկական հասակիս դարձայ վերջստին ի լուսաւոր հաւատ սրբոյն Գրիգորի . եւ եկի առ մեծ Աթաբէկն Իվանէ . և նորա բազում սիրով ընկալեալ զմեզ՝ ետ փոխան Հայրենեաց իմոց զՀրաչկաբերդ իւր կերովս (եկամտիւր) . եւ այլ բազում գիւղս ի Վայոց ձոր, ի Գեղաբունի, ի Կոտայսն և ի Կայեն : Եւ ես մեծ յուսով շինեցի զվանքս որ կոչի Նորավանս, յառաջնորդութեան Տեառն Սարգսի՝ Սիւնեաց վերադիտողի, եւ կանգնեցի զսուրբ եկեղեցիս բազմածախ դանձիւր . եւ դարձուցի զաւագ սուրբ Նշանս բազում ծախիւր ի տանէ Աթաբէկ Իվանէի . եւ բնակեցուցի ի սմա : Թափեցի եւ զԱգարակի ձոր իւր սահմանովն . ետու եւ զՏխարբ գիւղն իւր ամեն սահմանովքն, եւ Թաղք մի ի Համասրի գիւղ » :

Իսկ Տէր Սարգիս եւ միաբանքս հաստատ գրեն արձան յիշատակի իւրոց եղբարոցն եւ ծնողացն այս .



ագէս . « Ի Թուականիս Հայոց 710 այս գիր յիշատակի
եւ արձան անջնջելի իմ Սմբատայ է՝ իշխանաց իշ-
խանի , որդւոյ մեծին Լիպարտի որ զազօթարանս
չինեցի և զեկեղեցիքս նորոգեցի վերստին , և զաստ-
ուածամուխ սուրբ նշանքս եւ զսուրբ նշխարքս որ
հաւաքեցաք աստ , զարդարեցի ոսկի պահարանօք . և
ետու նախ յիմ հարաչ հայրենեացն երկու գիւղ՝ զԱ-
ւէշ և զԱնտպատս որ յափշտակած էր ի տեղւոյս , և
յԱկոռի զնորատունկ մեծ այգին իւր կիւրակաջրովն :
Եւ Տէր Սարգիս և միաբանքս սահմանեցին յիշատակ
մեզ զաւագ բեմն՝ բովանդակ տարին անխափան
պատարագօք՝ զկիրակին եւ զշաբաթն Լիպարտի,
զհինգշաբաթն՝ Ասիային , զերկուշաբաթն և զերեք-
շաբաթն՝ Եփեղմին , չորեքշաբաթն՝ Իվանէին , ուր-
բաթն Փախրադուլային :

Դարձեալ ետու եւ զՀոգոցմոց այգին եւ զԶուոյ
այգին . եւ հաստատեցաք յամեն եկեղեցիքդ մին օր
պատարագ հանին մերոյ Խաթունին : Յետ այսմ եւ
տուաք զԱզատ գիւղն իւր ամեն սահմանովն , շրջա-
կաց լերամբ եւ դաշտով՝ սկսեալ ի բարձր դիտաւոր
սարէն որ Քուռակախաղաց կոչի , մինչ ի յԵրեւանն ,
Հոգոցմոց եւ Ճաւածոր եւ ի գլուխն Ակոռւոյ :
Ընդ սմա եւ զիմ ձեռատունկ այգին ի Ծաղկածոր
վասն հոգեաց եղբօրորդւոյն իմոյ Բուրթէին որ տղայ
հասակաւ սպանաւ ի պատերազմի յաշխարհն Խա-

լանդրայ ի դաշտին Խաղրայ զոր այժմ Խփչաթք
կոչեն : Եւ սահմանեցաք նմա պատարագ 15 օր, որ
ամ յամէ անխափան կատարեն՝ զ10 օրն յԱւագ
տօներին Դաւթի եւ Յակոբայ եւ այլոցն, եւ զՀինգ
օրն ի Նոր կիւրակէին : Արդ՝ եթէ ոք ի մերոց կամ
յօտարաց, յաւագաց կամ ի ձեռնաւորաց զմեր յի-
շատակս խափանել ջանայ, եւ ինչ եւ իցէ պատճա-
ռաւ հակառակել կամ յափշտակել խորհի՝ յամե-
նաստեղծ հրամանացն Աստուծոյ անլուծանելի անի-
ծիւք ընդ Բելիարայ եւ իւրոցն եւ ընդ օձին ճղովեալ
եզիցի. եւ յառաքելոց եւ ի մարգարէից եւ ի հայրա-
պետաց եւ ի մարտիրոսաց եւ ի սրբոց հրեշտակաց
որոշեալ եւ անիծեալ լիցի. ընդ Կայենի եւ Քամայ,
Կորիսայ եւ Դադանայ եւ Արիւոնի, Եզարէլի եւ
Գեեզի, Յուդայի եւ Արիոսի եւ ուրացեալ վասակայ
դատապարտեալ անշէջ հրովն պատժեսցի ինքն :

Եւ ելցեն մեզ պատարագ յամեն չաբաթում յա-
ւագ խորանն երեք օր՝ զկիրակէն, զչաբաթն եւ զՀինգ-
չաբաթն. զկիրակէն եւ զչաբաթն՝ իմ մեղապարտ
հոգւոյս լիպարտի. եւ զՀինգչաբաթն՝ իմ կենակցին
Ասփային : Արդ՝ ո՞րք լինիք ժառանգաւորք սուրբ
եկեղեցւոյս՝ խնդրեցէ՛ք մեզ մեղաց թողութիւն. եւ
որդեկաց մերոց Ելիկովին եւ Սմբատայ եւ այլոցն՝
արեւշատութիւն. եւ զմեր յիշատակս կատարէ՛ք ան-
խափան : Եւ թէ ոք հակառակի այս հոգեցատուր

գիւղիս եւ կամ այլ արարուածիս . եւ յափշտակել ջանայ ի սուրբ եկեղեցւոյս՝ ի սուրբ Երրորդութենէն նզովեալ եղիցի հոգւով եւ մարմնով, եւ յերից սուրբ ժողովոցն եւ յամենայն սրբոց անիծեալ լիցի . ընդ սատանայի եւ ընդ Յուդայի եւ ընդ նեռինն եւ ընդ ամենայն ուրացողաց դատապարտեսցի յահաւոր ատենին Քրիստոսի . իսկ կատարիչքն օրհնեալ եղիցին : Եւ թէ տաճիկ աւագ փոխի եւ չորթել ջանայ՝ յիւր հաւատէն ապիգահր եղիցի եւ յԱստուծոյ եւ յիւր փեղամբարէն հազար հազար նահափ լինի . երկինքն նորա մի ցօղեսցէ, եւ երկիրս նորա մի պտղաբերեսցէ » :

Եւ ահա մինչ այս այսպէս լինէր յաջողեալ յամենայն կողմանց . ապա եւ ինքն Տէր Սարգիս, յետ բազում արդեանց, գնայ ի սուրբ քաղաքն Երուսաղէմ, որպէս վերադոյն ասացաք, եւ անդ մարտիրոսական մահուամբ կատարի : Եւ յաջորդէ ի տեղին Տէր Ստեփաննոս, որ եւ սա գնացեալ առ մեծ կաթողիկոսն Հայոց Տէր Արստանդին . եւ վերստին հաստատէ զայն ուխտ յաթող եպիսկոպոսաց, եւ զթէմն զոր ունէր՝ զԱյոց ճոր բողոր եւ զՆախնական եւ զՃահուկ գաւառովն . եւ առնու շրջաբերական թուղթ . յորում եւ էր ահագին նզովիւք փակեալ եւ ամրացուցեալ զի զկնի ժամանակաց մի ոք իշխեսցէ խախտել . եւ ունէր օրինակ զայս (18) :

Ապա եւ ի սորա ժամանակս մեծ եւ արքայաշուք իշխանն Սմբատ՝ որդի Լիպարտի, շինէ ժամատուն մի հրաշակերտ յօրինուածովք՝ տեղի աղօթարանի ի դրան սրբոյ Նովսավկային ի տաշածոյ վիմայ եւ ի կոփածոյ քարանց : Եւ յաւուրս Տեառն Սարգսի, որ զկնի սորա, աննման սպասուք զարդարէ զեկեղեցին մեծածախ գանձուք յոսկւոյ և յարծաթոյ և ի պատուական մետաքսէից . եւ շնորհէ հայրենական ժառանգութիւն սուրբ ուխտին գիւղս երիս եւ այգիս յԱկոռի և ի Հողոցմոց, յԱռփայ և ի Զուայ եւ յԱմաղվաձորի : Եւ ուխտիս ցուցանեն Ախթամարն եւ Արփատլանն . և զբեն ինքեանց յիշատակ և պատարագ : Նմանապէս և քահանայ ոմն Շնորհաւոր անուն . սա բազում հայրենիս ի նոյն գիւղ (ընծայէ) և հաղար դրամ . և սահմանէ ինքեան պատարագ : Յայնմ ժամանակի զարթոյց չարն պատերազմ ի մէջ եկեղեցւոյ . և յարեան ոմանք, (որ) զՍիմէին և զԱլիստոփեւին խորհելով ի վերայ սուրբ եւ առաքելական աթոռոյս, և սկսան օձտել և խախտել զսահման մեծավիճակ գաւաղանիս Սիւնեաց, որ հին եւ հարուստ ժամանակօք առաքելական եւ հայրապետական կանոնիւ հաստատեալ կայր : Իշխան ոմն Պոռչ անուն՝ որդի Վասակայ, զիւր գաւառն եւ զգեղանն որ ի Վայոց ձոր, կամէր յափշտակել և այլում եկեղեցւոյ ժառանգեցուցանել : Եւ աներկիւղ ոմն սնողգայա-

բար մոլեգնեալ ի չար ախտէ սնափառութեան եւ ազաւորութեան, ի գաւառին Երնջակայ Յովհաննէս անուն՝ որդի երկիցու մի, Սեդրաք անուն յԱսորակու նիս գեղջէ, գնայ առ երջանիկ կաթողիկոսն Հայոց Տէր Կոստանդին. և պատրեալ զնա խարող բանիւք՝ ձեռնադրի եպիսկոպոս, եւ դայ յԵրնջակու վանս յօղելով պատճառս այսպիսի. եթէ եւ այս աթոռ է եպիսկոպոսաց զի գոն աստ գերեզմանք հայրապետաց որք էին պատահմամբ եկեալ վասն ամրութեան բերդին ի ժամանակս եպիսկոպոսացն Սիւնեաց. եւ անգ վախճանեալ :

Եւ թիկունս արարեալ յայլսզգեացն հազարապետ մի. եւ բռնաբար յափշտակեաց զԵրնջակ գաւառ. վասն որոյ ելեալ եպիսկոպոսացն Տէր Սարգսի ի Նորավանից, և Տէր Յովհաննէս՝ ի Տաթևոյ, հրամանաւ եւ օժանդակութեամբ մեծի եւ բարեպաշտ իշխանաց իշխանին Տարսայիճին՝ եղբոր Սմբատայ, գնացին առ մեծ կաթողիկոսն Հայոց Տէր Յակոբ որ զկնի Տեառն Կոստանդեայ. եւ ծանուցին նմա զաղէտ տարակուսանացն եւ զպատառումն առաքելական վիճակին : Իսկ նորա լուեալ եւ ընդոստուցեալ՝ հրամայէ գրել թուղթ եւ ահագին նզովիւք կտրէ ի կենաց զեղկելին Յովհաննէս որ յԵրնջակի. եւ հրահոսան անիծիւք փակէ մի եւս համարձակիլ ումեք ի հերքումն այնր վիճակի : Նմանապէս և առ իշխանն

Պռոշ գրէ թուղթ մեղադրելով ղինքն եւ զորդիս իւր . եւ հրամայէ ի բաց կալ յայնմ մոսածութեանց . ապա թէ ոչ՝ անէծս ցաւագինս ժառանգեսցէ : Ահա զայս հոգացեալ եպիսկոպոսացն՝ դարձան այսրէն եւ եկեալ ի տեղիս իւրեանց . նախ մատուցին զնամական Պռոշայ, եւ նա ըստ հանձարեղ մտացն եւ մեծայոյս հաւատոյն մեծաւ զղջմամբ զմեղայ խոստովանելով եթող զհակառակութիւնն եւ ձեռագիր պայմանաւ հաստատեաց ուխտ երդման զի այլ ոչ ևս մոսածեսցէ կամ ինքն կամ իւրքն զայնպիսի բանսարկութիւնս . և դարձոյց անդրէն զթէմն . և օրհնեցաւ յեպիսկոպոսացըն : Իսկ զմիւսն որ յԵրնջակ որջացեալ՝ ըմբռնեալ ցուցին զնզովաբեր նամակն . և հանեալ կողոպտեցին ի նմանէ զձէն եպիսկոպոսութեան եւ քահանայութեան . եւ անդրէն հաստատեցին զգաւառն ամենայն : Բայց օրինակ շրջաբերական թղթոյն Տեառն Յակոբայ զոր բերին, այս իսկ էր (19) :

Դարձեալ եւ յետ աւուրց ինչ այր մի մեծաղգի ի տոհմէ իշխանացն Բաղայ, թոռն Զուրջեանց Մահեան անուն, զորոյ զնախնիսն յաւերման ժամանակին բերեալ էր Աթաբէկն Իվանէ . և բնակեցուցեալ ի Վայոց ձոր եւ տուեալ հայրենեօք զՆորոյն բերդ այլովք ագարակօք : Եւ այս Մահեան անգլաակ դուլով՝ բարժանէ զհայրենիս իւր ընդ եղբորորդւոյ իւրում Ամիրային . եւ առնուլ զկէս բերդին եւ որչափ ջուրն

հատանէ զանդաստանն որ ի Վարդենեայ կողմանն . եւ եկեալ ի սուրբ ուխտն առ Տէր Սարգիս՝ ստանայ ինքեան զաւակ զսուրբ եկեղեցին եւ զսուրբ նշանն . և ընծայէ զիւր հայրենաբաժին զՆորոյն և զտուն և զայգիս որ յԱռփայ եւ զամենայն ստացուածս իւր ի սուրբ նշանն . եւ գրէ ինքեան արձան յիշատակի . եւ ահագին եւ մեծամեծ նզովիւք փակէ եւ ամրացուցանէ զի յետ ժամանակաց մի՛ ոք իշխեսցէ խախտել զայն հողեցատուր ի սուրբ եկեղեցւոյն . և սահմանէ ինքեան քսան օր պատարագ ամ՝ յամէ անխափան :

« Եւ արդ՝ եթէ ոք ի մեծամեծաց կամ ի փոքունց . յաւագաց կամ ի ձեռնաւորաց այս տրոցս հակառակ կայ, եւ զՆորոյն ի սուրբ եկեղեցւոյն Նորավանից հանել խորհի զինչ եւ իցէ պատճառաւ . եւ կամ յառաջնորդաց տեղւոյն և ի ժառանգաւորաց զպատարագն ծուլանան կատարել եւ անհոգս առնել, այն պիտիքն ջնջեալ եղիցին ի դպրութենէն կենաց, եւ մասն և բաժին զսատանային և զՅուդային և զամենայն չարագործացն առցեն, և յԱստուծոյ և յամենայն սրբոց նղովեալ եղիցին : Եւ անուն եւ յիշատակ նորա ջնջեալ եղիցի յաշխարհէ . եւ մեր մեղացն պարտական եղիցի . իսկ կատարիչքն օրհնեալ եղիցին : Եթէ տաճիկ աւադութիւն փոխի, եւ խափանել ջանայ՝ յԱստուծոյ և յիւր փեսայարէն ապիք զայր լիցի . և իւր հաշտն նորա հարամ լիցի, երկինքն

նորա հո՛ւր ցօղեսցէ, եւ երկիրս նորա փո՛ւշ բերցէ .
եւ ինքն որդւովք եւ ազգով իւրով ջնջեալ եղիցի ի
կենաց իւրոց . ամէն » :

Բայց այլ եւս բազում արդիւնս առնեն ի սուրբ
եկեղեցին ի ընկ ազատաց եւ յընտիր տանուտէրաց,
որպէս Ախթամարեան զարմբն որ ի հին ժամանա-
կաց բնակեալ էին յԱռփայ գիւղն՝ տան յիւրեանց
հայրենեացն զԲայեկի քարոյ այգւոյն զվերին
բաժինն :



ԿԶ. — Վասն մեծի նախարարութեանն Օրբէշեանց
երէ ուստի էին եւ ո՛րպէս . եւ վասն գաղոյ եոցս յաշ-
խարհս յայս . եւ վասն բազում բանից եւ գործոց
գրոյցք յորովք (20) :

Հ. Երան. Երան. Ե. Ի ԵԶ

Յիսկզբան նահապետութեան աշխարհիս Հայոց
եւ Վրաց եւ ի ցեղապետութեան մերոյինս սեռի
նախնւոյն Թորգոմայ, էին նորա որդիք ութ արուա-
գոյնք եւ հսկայակերպք . որոց երիցագոյնն Հայկ,
երկրորդն՝ Փարթլոս, երրորդն՝ Բարդաւա, չորրոր-
դըն՝ Մովկան, հինգերորդն՝ Լեկան, վեցերորդն՝
Հերաւա, եօթներորդն՝ Աովկաս, ութերորդն՝ Եգրէս :
Ապա բարժանեալ Թորգոմայ զժառանգութիւնս
որդւոց իւրոց՝ տայ զՀայաստան աշխարհս բոլոր
Հատ. Բ :

սահմանօքն Հայկայ եւ զծմակային աշխարհն հիւսիսային՝ Քարթլոսայ եւ այլոց եղբարոյն :

Իսկ Քարթլոս գնաց ի լեառն որ կոչի Արմազ (21). եւ անդ շինեաց իւր տուն եւ ամրոց մի անառիկ ի պատշաճաւոր տեղով, և կոչեաց զբերդն Օրբէթ (22). եւ անուանեցաւ աշխարհն այն ի Խոունանայ (23) մինչև ի ծովն Սպերոյ յանուն նորա Քարթլ : Ապա յետ բազում ժամանակաց որդիք զհարս փոխանաւ կելով՝ եկն նահապետութիւնն Քարթլայ մինչ ի ժամանակս թագաւորութեանն Պարսից մեծին Խոսրովու որ Քէքաւուս (24) կոչեցաւ : Եւ սահման էր Վրաց կոչել զգլխաւորն իւրեանց տանուտէր զի ոչ ունէին թագաւոր (25) . եւ նստէր տանուտէրն ի Քարթլ ի մեծ քաղաքին Մցխիթայի, որ շինեցաւ ի Մցխիթայէ՝ յաւազ որդւոյն Քարթլոսայ . որք եւ ներդաւ յայնմ ժամանակի ի բռնաւոր թագաւորէն Պարսից՝ կամէին զմահ ընդ կենաց փոխանակել : Եւ կացեալ յայնմ ժամանակի պետ աշխարհին Վրաց Արդարմոս պարսիկ հրամանաւ Աբրիտոնայ (26) որ տիրեալ էր Պարսից եւ Վրաց եւ Աղվանից : Այս այն Արդարմոս է, որ շինեաց վերստին զՄցխիթայ եւ պարսպեաց կրաշաղախ վիմօք, եւ եդ պարիսպ յԱրմազ լեռնէ մինչ ցգետն Կուր : Որ եւ յետ վախճանին սորա արք չորք տիրէին Վրաց . եւ խռովութիւն եւ ապականութիւն տիրէր ամենեցունց առ

հասարակ . էր որ ի Փէքաւու խօսարովոյն , եւ էր որ
զկնի նորա ի Քուէ խօսարովոյն . եւ էին Վ իրբ ի մեծ
վշտի և կային յուսահատեալք յամենայն կողմանց :

Ահա ընդ ժամանակս ընդ այնոսիկ անկանէր աղ-
մուկ շիոթի և խռովութիւն մեծ ի մէջ Թազաւորու-
թեանն Ճենաստան աշխարհի որ յարեւել կոյս , որ
անդր է քան զաշխարհն Խալանդրաց (27)՝ սահմա-
նակից Խազրաց եւ Հոնաց . որ եւ ձգի երկայնու-
թեամբ մինչև ցեմաւոն լեառն : Քանզի ի մեռանել
Թազաւորին Ճենքակուր կոչեցելոյ Թազաւորազուն-
քըն սկսան սլատերազմել ընդ միմեանս . եւ զօրա-
ցեալ մի կողմն՝ փախստական լինի միւսն , որ էր այր
յաջողակ եւ պատշաճագեղ , ուժեղ եւ անձնեայ ,
երիտասարդ հասակաւ . որոյ առեալ զընտանիս իւր
եւ զզուռնն Թազաւորական զանձուքն՝ օգնաւարիկ
երիվարօք սրաթռիչ լեալ անցանեն ընդ բաղուժ
աշխարհօք այնքան ահագին կերպարանօք զի ոչ ոք
համարձակէր ընդ առաջ լինել նոցա : Եւ անցեալք
ընդ դուռն Ռարիալայ՝ իբր վերին ակնարկմամբն
եկին յաշխարհն Քարթլայ , առ տանուտէրն Մցխի-
թայ . եւ տեսին զնոսա նեղեալ եւ ի մեծ վտանգի
տարակուսեալ ի Պարսկացն :

Ապա խօսին ընդ տանուտէրն և ընդ աւագագոյն
արսն եւ ասեն « մեք ի Թազաւորացն Ճենաց եմք .
եւ հատուածեալ յեղբարց մերոց եկաք աստ . եւ

հաճեցաք ընդ ամուր աշխարհս ձեր . եւ աստուածք ձեր վասն վշտիդ ձերոյ ածին զմեզ յօգնու թիւն ձեզ : արդ մեր կամք է կամ դադարել առ Պարսից թաշաւորութիւնն եւ կամ անցանել առ ինքնակալն (28) Յունաց . բայց թէ ձեզ հաճոյ թուիմք՝ պատրաստեցէ՛ք մեզ տեղի հանգստեան . եւ կամք աստէն եւ թափեմք զձեզ ի նեղչաց ձերոց, եւ թէ ոչ՝ երթամք զճանապարհ մեր ուր եւ Աստուածն մեր հոգասցէ » : Իսկ տեսեալ աւագ տանուտէրաց աշխարհին զայն պիտի արս քաջակորովս եւ ուժեղս, եւ լուեալ զհաճոյական բանս նոցա՝ մեծապէս խնդացին ի վերայ եկեղոցն . եւ արարին խրախուժիւն մեծ . եւ բարձր փառօք եւ մեծաշուք պատուով ընկալան զնոսա եւ սիրեցին յոյժ յոյժ . եւ զանառիկ ամուրն Օրբէթ, որ շինեալ էր ձեռամբն Քարթլոսայ, ետուն նոցա տուն բնակութեան եւ տեղի ամրութեան . եւ զաւառս բազումս եւ աւանս մեծամեծս եւ բերդեարս ետուն ի ժառանգութիւն նոցա :

Ապա միամտեալ նոցա ի տեղւոջն բնակեցան յՕրբէթն, եւ վասն անուան բերդոյն յետ յորով ժամանակաց Օրբուլք (29) կոչեցան, այսինքն Օրբէթեցիք . զի սովորութիւն է ազգին այնմ անուամբ տեղոյն կոչել զիշխանան, որպէս Մեթէուլքն եւ Մեփէուլք եւ Մրաջուլքն, եւ ի Հերերթոյ Հերիսթավլքն, եւ ի Զաւախերթոյ՝ Զաւախուլքն, եւ ի Կախերթոյ՝

Վախեցիրն, և ի Լեխիթայ՝ Լեխիթիմայքն (30) և այլ
բազումք. որ եւ մինչեւ ցայսօր սակս այսր պատճառի
Օրբէլք կոչի ազգն այն. որք եւ յառաջն Ճենեուք
կոչէին, այսինքն Ճենայիք: Եւ արդ՝ մինչ այս այսպէս
լինէր՝ ապա ինքեանք ժողովեցին զտունն Վրաց, եւ
զօրս գումարեալ յարեան ի վերայ ամենայն նեղչա-
ցըն և կոտորեալ հալածական արարին ընդդիմանա-
լով Պարսից. եւ եղեւ խաղաղութիւն յաշխարհին
յայնմ. վասն որոյ կարգեցին զնոսա ասպարապետ
եւ զօրագլուխ ամենայն տանն Վրաց: Եւ ի թա-
գաւորելն Վրաց առաջին թագաւորին Փառնաւա-
զայ (31) առաւել պատուեցան Օրբէլքն ի նմանէ. և
ի Վրաց աշխարհին ոչ գոյր որ նման նոցա կամ
հաւատարբաց միայն ի թագաւորէն:

Եւ ահա զայս ծանեաք ընդ աղօտ ինչ ի Վրաց
պատմութենէն. բայց վասն նախանձուն Գէորգի
թագաւորին որ ազգաւ ջնջեաց զնոսա ի Վրաց աշ-
խարհէն, ջնջեցին զանունս նոցա ի պատմութենէն
իւրեանց եւ յամենայն գրեանցն եւ յեկեղեցեացն:
Վասն որոյ և մեք քննեալ և տեղեկացեալ ծանեաք
զսական ի բազմաց ի գիտող արանց եւ ի մնացեալ
յիշատակարանաց ուրեք ուրեք, եւս եւ յաւանդու-
թեանց նախնեացն իւրեանց զոր ծանուցին հարբ
որդւոց մինչեւ ցմեզ: Այլ զի ժտեալ էր յիշատակ
նախնական զրուցարանութեանց նոցա, նա և ամե-

Հատ. Բ:

8.

նայն արութիւնք եւ գործք երևելիք ի տանն Վրաց ազգին Օրբէլեանց ի նոցին ժամանակագրոցն զոր Քարթլիս ցխորերայ (32) կոչեն, վասն այն մեք ոչ գիտացաք զորպէսն եւ զկարգ բանիցն զի եւ ըստ կարգի շարայարեալ էաք ի մատենիս . բայց զոր գտաք ի հայալեզու գիրս սակաւ ինչ յիշատակ՝ զիցուք, եւս եւ զվախճան կատարածի նոցա զոր հաստեաւ ծանոյց մեզ գեղեցիկ պատմութիւնն Մխիթարայ Անեցւոյ (33) :

Արդ՝ ի թուականութեանն Հայոց 498 ի թագաւորութեանն Վրաց Դաւթի, եւ Հայոց Գագկայ չահանշահի որ ի Վանանդ (34), և ի կայսերակալութեանն Յունաց Մանաւմախին, տեսին նուազեալ զազգս քրիստոնէից հազարածին խմայէլացիքն . եւ ձայն տուեալ միմեանց ի Խորասան, ի Խորազմաստան, ի Փարս եւ ի Քրման, ի Բուխար եւ ի Մազանդարան, յԱրաղ, ի Բաղդատ և ի Բասր, յԱռան եւ յԱտրպատական . եւ ժողովեցան բազմութիւնք Պարսկաց եւ Խազրաց, Խորազմաց եւ Արարկաց, ևս և սկիւթացի Թուրքաստանեայց (35) . եւ եկեալ բանակեցան ի դաշտին Աարնոյ, անթիւ և անհամար բանակօք . և խորհեցան զխորհուրդ զոր ոչ կարացին հաստատել, այսինքն բառնալ եւ ջնջել զկրօնս եւ զանուն քրիստոնէից ի Հայոց, ի Վրաց եւ Յունաց աշխարհէն :

Ապա համբաւ դառնալուր եւ տիեզերակործան հռչակին հասանէր յառաջագոյն առ կայսրն Յունաց . եւ դողումն սարսուալի հասեալ կալաւ զերիկամունս ամենայն մարդոյ : Վասն որոյ յղեն այսր զԿոմմենոսն (36) Տրապիզոնոյ զօրօք . եւ խնդրեն միաբան օգնականութիւն ի Հայոց եւ ի Վրաց թերեւ կարասցեն զերծանիլ յայնմ անդնդապտոյտ եւ ահագնեռանդ բարկութեանցն Հարաւայնոց : Զոր լուեալ թագաւորին Գաւթի եւ Գաղկայ՝ (37) ոչ համարձակեցան ընդ առաջ ելանել իսմայէլեան զօրուն . այլ մեծապաղատ թախանձանօք (համոզեն) զքաջն անպարտելի՝ Ղլիպարիտն Օրբէլեանց (38) զնալ եւ խառնիլ ի զօրն Յունաց եւ ընդղիմանալ մարտին եկելոյ . եւ ինքեանք զօղեալ որջացան յամուրս աշխարհին : Ապա յանձն առեալ Ղիպարիտն անվախ սրտիւ ասէ « ես երթամ ընդ առաջ այլազգեացն և դնեմ զանձն իմ ի վերայ քրիստոսական հաւատոյս, եւ զօրութեամբն Աստուծոյ կամ դարձուցանեմ անդրէն եւ կամ մեռանիմ վասն Քրիստոսի . բայց ո՛վ թագաւոր՝ յանձն առնեմ զյետնորդս իմ քեզ զի մի վասն նախանձոտ եւ չարաբարոյ ազատացդ Վրաց նենգեսցես ինչ սոցս և զրկեսցես ի պատուոյ եւ ի հայրենեացս մեր » :

Զայս ասացեալ ինքն Ղիպարիտ հանդէս արար ազատաց եւ զօրաց իւրոց, որ ունէր զկէս թագաւորաց

ւորութեանն, եւ անցին ի հանդիսին 700 ազաւոր
մեծամեծք, որք էին սեպհական ծառայք նորին . եւ
16,000 արք պատերազմողք : Իսկ ի զօրացն արքունի
էառ տասն հազար պր (39) . եւ գնացեալ ի Վա-
նանդ ի դաշտն Կարուց՝ խառնեցան ի նա զօրքն
Հոռոմոց (40) 15 հազար պր . եւ եղեն միանգամայն
41 հազար հեծեալ : Եւ զի այլազգիքն կոտորեալ էին
նախ զՌդդու (41) գիւղ . եւ ասպատակեալ էին
զամենայն շրջագայ գաւառսն, եւ բռնակէին ի նոյն
դաշտի . ապա ճակատեցան ընդդէմ իրերաց ընդ
լուսանալն այգուն . եւ յօրինեցին զռազմն հանդիսին
երեքկարգեան զնդովք՝ նախամարտիկս եւ միջնա-
մարտիկս և վերջսոգահա : Եւ զի առ անթիւ բազմու-
թեան Խամայեւացւոյն Լիպարտեան զօրն ոչ ինչ
երեւէին այլ իբր ջրտուս (42) կամ՝ զինաբաղս (43)
թեւէին առ նոցա . տեսեալ զայն անպարտելի ախո-
յեանն քաջն Լիպարիտ՝ զօրացոյց զգունդն իւր եւ
ասէ « մի՛ երկնչիք . այլ միայն զօրացիք անուամբն
Քրիստոսի եւ կնքեցէք զձեզ նշանաւ խաչին . եւ
մեր է յաղթութիւնն » : Եւ ինքն իջեալ յերիվարէն
ծռնար դնէր և կնքէր զինքն նշանաւ սուրբ խաչին և
յանձն առնէր Քրիստոսի . եւ կապէր ի պարանոցն
զմասնն որ ի փրկական խաչէն . եւ այնպէս զինեալ
դինքն՝ հեծեալ ի տաճիկ երիվարն, եւ ընկենոյր զոս-
կենկար վահանն ի թիկունսն, և զճաւճ նիզակիկն (44)

յահեակ բազուկն, եւ զլայն պողովատիկ շփիրն երկ-
բերանի ի յաջ ձեռինն . և զվաղրն ահագինն ի ներքոյ
բարձիցն իբր զուռն դարբնաց եւ կամ զսակր կտցա-
ւոր բարահատաց՝ անցեալ ի մէջ ռազմաւոր հանդի-
սին արշաւէր սիգալով յայսկոյս և յայնկոյս : Եւ յու-
կեկուռ (45) զրահէն և ի սաղաւարտէն նշոյլք հատա-
նէին իբր յարեղականէ :

Փշէր, գոռայր իբր զառիւծ, խնդրէր ի նոցանէ
մենամարտիկս, և ասէր. ես եմ Լիպարիտն Ափխա-
զաց (46), եկայք քաջքդ Պարսից եւ Արեաց՝ եւ
նախամարտեսցու՛ք ընդ միմեանս » : Եւ թէպէտ բա-
զում անգամ խնդրեաց . ոչ ոք իշխեաց ելանել ընդ
առաջ նմա . եւ յոր տեղ սլանայր Լիպարիտն եւ իբր
զարծիւ խոյանայր ի վերայ նոցա , յետս յետս մատ-
չէին՝ զմիմեանս առաթուր կոխելով : Ապա գիտաց
Լիպարիտն զի բեկան սիրտք նոցա . եւ թուլացաւ
զօրութիւն նոցա . դարձաւ յիւր ռազմն, եւ բաջալե-
րեալ յառաջ չարժեաց . եւ զոչեցին ահեղ աղաղա-
կաւ եւ խառնեցան ընդ միմեանս : եւ խմբեցաւ
պատերազմն ահագին իմն դղրգմամբ . որ թուէր իբր
որոտումն ամպոց եւ ճայթմունք փայլատակմանց :
Եւ ինքն Լիպարիտ իբր զամպ հրախառն մտանէր եւ
ելանէր և կայծակնահար առնէր զբազումս . և զօրէն
հոյ ընդ եղէզն փոթորկեալ՝ ճեղքէր զուսմ՝ նոցա
եւ անցանէր յայն կողմն . եւ յաջ եւ յահեակ հոսէր

գետս արեանց . եւ դնէր կոյտս դիսկանց եւ հատա-
նէր յայլազգեացն գունդս գունդս եւ զայն իրրեւ զե-
րամս նապաստակաց տապաստ արկանէր ի դաշտին :
Եւ այնպէս կոտորեալ յաղթեաց Խամայէլացւոցն .
եւ փախստական արար զսակաւ մնացեալսն քաջն
Լիպարիտ զօրութեամբն Յիսուսի Քրիստոսի Աս-
տուծոյն մերոյ :

Եւ ապա ի հասարակել աւուրն դարձան ի մեծա-
ջան աշխատութեանց եւ վաստակոց մեծաւ գոհու-
թեամբ եւ բազում ուրախութեամբ . իսկ անիծեալ
և տիրասպան ազատքն Վրաց երկուցեալ յահագին
զօրութենէ նորա . եւ խորհուրդ առեալ ընդ դէպ-
պառ զօրագլուխսն Լիպարտի . եւ յանկարծակի հա-
տին զջիւ երկվարին նորա . եւ ընկեցին յերկիր զԼի-
պարիտն : Եւ ի մէջ առեալ բազմութեանն սպանին
զնա ի տեղւոջն . եւ ածին խաւար եւ սուգ քրիստո-
նէից : Զոր եւ իմացեալ Խամայէլացւոցն . եւ մեծաւ
խնդութեամբ դարձան անդրէն և սուր ի վեր առեալ
կոտորեցին զզօրսն Վրաց : Եւ ոմանք փախստական
եղեալ ցրուեցան ընդ երկիր . եւ այն էր կատարած
կորստեան աշխարհիս Հայոց եւ Վրաց զի տիրեաց
Տաճիկն ընդհանուր գաւառաց : Առին սակաւ մի
յետոյ զԱնի որ ի 513 Ալիասլան (47) սուլտանն,
առին եւ զԿարս, առին զբոլոր գաւառն Շիրակայ եւ
Վանանդայ եւ Արշարունեաց եւ զԱրարատեանն

եւ զԱխական աշխարհս եւ զԲազայն եւ զամենայն երկիրս ժինչ ի դուռն Տփղեայ :

Եւ արդ զայսպիսի դուռն մեծի կորստեան և աշխարհագումար կործանման քրիստոնէից յայնմաւուր բացին անիծեալ եւ տիրասպան զօրքն Վրաց. բայց ես զսպանումն լիպարտի համարիմ ոչ կորուստ անձին. այլ գիւտ մեծի փրկութեան՝ զի եղեալ զանձն ի վերայ հօտին Քրիստոսի՝ մեծապէս հանդիսացաւ, եւ անպարտ սպանմամբ յիւրոցն մաւրտիրոսական արեամբ պսակեցաւ, եւ զնաց առ ամենաթագաւորն Քրիստոս զի ի նմանէ ընկալցի զվսրճս և զպարգևս մեծավաստակ աշխատութեան իւրոյ : Իսկ ապա հաւատարիմ ծառայք նորա բարձին զղիակ զեղեցիկ երիտասարդին և անպարտելի քաջին մեծաւ ողորմ. և տարեալ ի Կարս՝ կազմեցին դաճաղս եւ զարդարեցին ոսկեհուռ հանդերձիւ եւ արքայական ճոխութեամբ, եւ առեալ տարան ի մեծ հանդիսաւոր վանսն իւրեանց ի Բեթանիա (48), որ էր շինեալ նախնեացն նորա տուն գերեզմանի ինքեանց :

Եւ եկեալ թագաւորն Դսւլիթ ամենայն մեծաւ մեծօք, եւ արարեալ կոծ մեծ ի վերայ նորա՝ եղին ի տապանի ընդ հարս իւր : Իսկ պատիւ եւ բարձրեղին Օրբէլեանց ի տան թագաւորին էր այսպէս. լինել սպասաւար ամենայն զօրացն և հրամանատար ամենայն աշխարհին Վրաց. եւ ամենայն գործաւորս :

կալք տանն արքունի ընդ ձեռամբ նոցին (էին)։ ունել սեպհական երկոտասան դրօշս և յամեն դրօշ՝ հազար այր։ եւ զի սահման էր թագաւորին սպիտակ լինել վառն և կարմիր նշան ունել, հրամայեցին սոցա կարմիր ունել զվառ դրօշին և սպիտակ նշան ի վերայ՝ եւ ի շրջելն առաջի թագաւորին եւ ի կանգնելն ունել ի ձեռին գաւազան առիւծազլուիս, եւ ի ժամ ճաշոյն առանձին (49) նստել ի բազմականոցն ի վերոյ բան զամենայն դէպքոյն նախարարսն, եւ ուտել հաց արծաթի սեղանով։ եւ սոքա էին թագադիրք թագաւորին :

Եւ արդ յետ բազում ժամանակաց ի թագաւորութեանն Ռաւթի հզօրի՝ որդւոյ Պէորդիի, մեծ սպասաւարն Օրբէլեան Իվանէ յոյժ արիացեալ ընդ դարձակեցոյց զսահմանն Վրաց պատերազմեալ ընդ Տաճկաստան. զի առին զՏփղիս (50) ի Տաճկէն եւ զՏաւուշ, զՔազ, զՏէրունականն, զԼաւէ եւ զԱնի ի 572 թուականին : Վասն որոյ առաւել սիրեցաւ և պատուեցաւ ի թագաւորէն, և ի վերայ հայրենեաց իւրեանց տուաւ նմա ի թագաւորէն Լաւէ իւր գաւառովն, և Ագարակն (51) տեղի դարապասի, և Շամշոյլտէ որ էր հայրենիք նոցին, վերստին տուաւ գաւառովն : Եւ այս մեծ սիգելաւ եւ թագաւորական մատանեաւ հայրենիք հաստատեցաւ սոցա : Իսկ ի մեռանելն Ռաւթի հզօրի առնու զթագաւոր-

բութիւնն որդին նորա քաջն Դեմետրէ որ էանց
զովութեամբ ընդ նախնիս իւր. և թագաւորեաց
ամս 33 : Սա առաւել սիրեաց և պատուեաց զԻ-
վանէ և զորդին իւր Սմբատ : Ի սորա աւուրս
առին Իվանէ եւ Սմբատ զԽունան որ ի բազում
ամաց էր առ Տաճկին, եւ այն ևս հաստատեցաւ
հայրենիք նոցա ի թուականին 577 : Յետ այսմ մե-
ռանի Իվանէ ծերացեալ աւուրք : և առնու զտէ-
րութիւն նորա որդին իւր Սմբատ : Եւ ծանիր զի
սորա խնամութեամբ խառնեալ էին ընդ թագաւորին
Վրաց եւ ընդ թագաւորին Հայոց Աիւրիկեանց որք
էին Բաղրատունիք . վասն այնր պատճառի առին ի
նոցանէ զԲաղրատունի անուանան, այսինքն զԱրմ-
բատն և զԻվանէն որ է Յովհաննէս, եւ զՎիպարիտն
եւ զԵլիկումն և զԲուրթէլն ունին ի հին նախնեացն
որ ի Ճենաց եկին. եւ զայլ անուանան ի Վրաց
առին .

Դարձեալ եւ առնու միւս Իվանէ՝ Աբուլէթի որ-
դին, զԴմանիս (52) : Եւ յետ բազում յաջողութեանց
եւ մեծամեծ քաջութեանց մեռանի Դեմետրէ թա-
գաւոր ի 607 թուականին : Եւ առնու զթագաւորու-
թիւնն որդի նորա Դաւիթ՝ նման հօրն, այր հզօր եւ
իմաստուն . եւ կեցեալ ամս երկու . եւ սա մեռանի :
Եւ ի ժամ վախճանին կոչէ զկաթողիկոսն եւ զմե-
ծամեծ ղէղէպուլսն, կոչէ եւ զԵղբայր իւր զԳէորգի
Հատ . Բ :

եւ զիողորիկ տղայն իւր զԴեմնայն . եւ դնէ առաջի
 իւր զաւագ խստոն եւ զիրկական խաչն և զսուրբ
 աւետարանն եւ ասէ . ո՞վ մեծամեծքդ Վրաց՝
 դուք ինքնին բա՛ջ գիտէք եթէ ո՞րպէս ջանաց հայրն
 իմ ի վերայ ձեր, և կրկին նորոգեաց զթագաւորու-
 թիւնս զայս . եւ ի ժամ մահուն մեծամեծ ուխտիւ և
 գրով ինձ շնորհեաց զթագաւորութիւնս . եւ ես
 այժմ մերձ եմ ի վախճան : Եւ իմ եղբօրդ Գէորգիի
 ոչ ինչ հաշիւ եւ բան ոչ գոյ ընդ այսմ աթոռոյ .
 արդ՝ որպէս հայրն իմ ինձ շնորհեաց սեպհական
 զայս տախտ (աթոռ) արքայութեան , նմանապէս եւ
 ես իմում զաւակիս Դեմնայիս շնորհեմ ձեր ամենե-
 ցուն վկայութեամբ : Եւ դու Գէորգի՛ եղբայր իմ ,
 կայ ի տեղի իմ և արա՛ զգօրապետութիւն աշխար-
 հիս , եւ կե՛ր զքո բաժին ժառանգութիւնն զոր հայր
 իմ ետ քեզ մինչև զարգասցի մանուկս իմ : Եւ
 յառաջ կոչեալ գիւմնէ՛ որդի Սմբատայ Օրբէլեան ,
 երդմնեցուցանէ զնա վասն մանկանն պահել զուիտ
 անդարձին : Եւ առեալ զձեռանէ մանկանն եղ ի
 ձեռն Իւլանէի և ապսպարեաց նմա . եւ զայլ դէղէ
 պուրն զամենեսեան երդմնեցոյց ոչ նենգել տղային .
 այլ ի ընու հասակին օծցեն զնա թագաւոր :

Չայս արարեալ վախճանի ինքն . և դնի ընդ հարս
 իւր ի Գելաթ (53) : Եւ յայնմ օրէ՛ եւ յառաջ լինէր
 մանուկն ի տան Իւլանէի , եւ սնունէր եւ զարգա-

նայր : Իսկ Գէորգի յինքն յանկուցեալ զսիրտ մեծամեծ իշխանացն , ևս եւ զկաթողիկոսին՝ կամէր թագաւորել . եւ ոչ իշխէին յայտնել զխորհուրդն մեծին Սմբատայ Օրբէլեան և որդւոց նորին Իվանէի եւ Լիսլարտի : Ապա յետ ամսեան մի ժողովեցին զամենայն դէղէպոլս եւ զազատս առ Գէորգի, ընդ որս եւ զնաց Իվանէ իւրայովքն . որում եւ յայտնեալ Գէորգի զխորհուրդն՝ բազում ողորանօք հաւանեցոյց զնա ասելով թէ . ի ընուհասակի եղբորորդւոյն իմոյ ոչ զրկեցից զնա . այլ ըստ անդարձի եղորօրն իմ զնեմ զնա ի տախտ թագաւորութեանս : Վասն որոյ ամենեցուն միաբանեալ օծանեն թագաւոր (54) . որ և էր յաջողակ յամենայն գործս արութեան եւ յոյժ հանճարեղ :

Եւ յաւուրս նորա եղև բազում ընդարձակութիւն ի թագաւորութեան նորա . և բազում պատերազմունս մղեաց իւրով անձամբն . եւ ի ձեռն արի եւ քաջ սպասաւարին Իվանէի դողացոյց զամենայն տունն Պարսկաց եւ Տաճկաց եւ Թուրքաց : Այս Գէորգի էառ զԱնի քաղաք ի 610 թուականին եւ զամենայն տունն Շիրակայ . եւ շնորհեաց մեծին Իվանէի՝ ամիր սպասաւարին Վրաց, որդւոյն Սմբատայ Օրբէլեան . և սեպհականեցաւ նմա հայրենիք : Այս Իվանէ միանգամ եհար զՇահի-Արմէնն (55) ի դուռն Անույ որ եկեալ էր 40,000աւ ի վերայ քա-

զաքին . զի թէպէտ գայր թագաւորն Գէորգի յօգնութիւն . այլ սա իսկ էր մղող մարտին . և մի անգամ փախոյց զմեծ Աթարէկն Ելտկուզ ի դաշտին Գա . գայ որ եկեալ էր 100,000 աւ ի վերայ Գէորգիի . և կամէր կոտորել զամենայն Վիրս , եւ ըմբռնել զթագաւորն . զոր մեծաւ հնարիւք եւ արիական քաջութեամբ այնքան ի նեղ էարկ Իվանէ . զի ի գիշերի թողին զվրանս եւ զզէնս եւ զանհուն կարասիս իւրեանց և զքեռնակիրս . և փախեան մազապուր : Բայց թէպէտ զայս ամենայն առնէր , եւ այլ բազում երախտիս եւ գործս մեծամեծս առ թագաւորըն . սակայն նա վերին երեսօքն ի մեծամեծ փառս եւ ի սրտիւ բարձրացուցանէր զնա . եւ ի սրտին միշտ կասկածէր ի նմանէ վասն տղային որ նմա յանձնեցաւ . եւ խնդրէր ժամ դիպող դաւել նմա ծածուկ հարիւք և ոչ գտանէր . և գիտէր ի սրտին զայս ևս Իվանէ :

Ապա հայրն Սմբատ ծերացեալ աւուրբք մեռանի՝ եւ զնի ընդ հարս իւր . և ժառանգեն զիշխանութիւն նորա որդիքն իւր՝ Իվանէ եւ Լիպարիտ : Իսկ ի թշուականին Հայոց 626 եղև աղմուկ շփոթի ի մէջ թագաւորութեանն Վրաց . եւ բնաջինջ կործանեցաւ տունն Օրբէլեանց . զի ի թագաւորեւն Գէորգիի ամս՝ 21 (56) եւ ի ընու հասակի երիտասարդութեան Դեմնային . մինչ նստէր Իվանէ եղբարբքն և

որդուվք իւրովք յԱգարակն կոչեցեալ դարապատի-
 և խրախանային ի միասին. գային առ նա ի մեծա-
 մեծ դէդէպուչացն, գայր և Դեմնայն . և ասէին ընդ
 նմա « յիշեալ Իվանէ՝ զուխտն քո և զերդումն զոր
 երդուար թագաւորին Դաւթի. և մի ուխտադանց
 լինիր. ահա՛ հասեալ է ժամանակ թագաւորեցու-
 ցանելոյ զմանուկս Դեմնայ : Եւ Գէորգի կայ նստեալ
 ի Սախատէ (57) սակաւ արամբք . և մեք ամենե-
 քեան հաստատուն եմք յայն երդմանն զոր երդուար
 հօր սորա » : Ապա ասէ Իվանէ « քաւ լիցի մեզ այդ
 զի խորհեացուք սպանանել զօծեալ թագաւոր. այլ
 վասն երդմանն մեր և ուխտին ըմբռնեացուք զԳէորգի
 մինչև թագաւորեցուցանեմք զԴեմնայն . եւ ապա
 առնումք ի նմանէ ուխտ երդման և ձեռագիր զի
 հնազանդ կացցէ եղբորորդւոյ իւրում . և արձակես-
 ցուք զնա զի կացցէ և նստցի յիւրում բաժնի ժա-
 ոանդութեանն զոր հայր իւր ետ նմա » :

Եւ զայս ասացեալ հաւանեցան ամենեքեան. եւ
 սկսան զօրս գումարել փութանակի : Լուեալ զայս
 խորհուրդ անարգագոյն մանկան միոյ, և երթեալ ի
 գիշերի աղղէր թագաւորին, և նորա հեծեալ յերի-
 վար փութանակի փախչի և անկանի ի Տփղիս եւ
 ամբանաց անդ : Զոր և անգիտացեալ Իվանէի հե-
 ծեալս գումարէր և զօրս կազմէր : Եւ էին միաբան
 ամենայն գլխաւորք և ազատք Վրաց ընդ Իվանէի-

և ամենեքեան համագումար դիմեալ եկեալ էին առ նա յԱզարալն դարապատ՝ Քարթլիա Հէրիսթաւքն (58) և Ղաւրղարայքն և Զաւախուրքն . Կախայն և որդիք իւր և Կամրագէլն մեծ եւ Զազելմեմնայն և Տաշրայիքն և Կսյենեցին Հասան եւ Անեցին Գրիգոր Ապիրատեանց, որոց զօրքն էին թուով աւելի քան զ30,000 : Իսկ թագաւորն Պէորգի միայն առանց զօրաց կայր ի Տփղիս, եւ կոչէր առ ինքն զԽիչախ ոմն Խուպասար (59) անուն . և եգիտ արս իբր հինգ հազարս . և այլ ոչ ունէր օգնական զորք :

Ապա իբրեւ լուան զմուտն արքային ի Տփղիս եւ զամրանալն նորա անդ՝ ոչ զնացին ի վերայ նորա . այլ սպասէին ելանել նմա անտի : Եւ մինչ յերկարէր գործն, որպէս օրէն է մարդկային անհաստատ բարուց, եւ մեծն Կամրագէլ ի միարանութենէ նոցա եւ զնաց ի ծածուկ առ Պէորգի : Զայն տեսեալ եւ Գրիգորի Մաթիստրոսեանց՝ եւ նա զնաց եւս առ Պէորգի . նմանապէս և այլքն, մի մի, սկսան քամիլ եւ գաղտագողի գնալ առ թագաւորն : Եւ այնուհետեւ սկսաւ զօրանալ կողմն Պէորգիի . և նուազիլ կողմն Ղեմնային : Քանզի որք երթային առ Պէորգի՝ մեծաւ պատուով ընդունէր և անչափ պարգեօք խորխացուցանէր, եւ ղամենայն հայրենիս եւ փարթամութիւնս Օրբէլեանց խոստանայր տալ նոցա :

Յայնժամ իբրև բազմանայր եւ զօրանայր Գէորգի. եւ գիտէր զի նաւազեալ էր կողմն եղբորորդւոյն և Իվանէի՝ զնայ մեծաւ պատրաստութեամբ ի վերայ նոցա. զոր և լուեալ Իվանէի՝ հորդեաց զամենայն ստացուածս իւր ի բերդն Շամշոյլտէ, յորում և կայր տուն գանձուց նոցա ի հին նախնեացն՝ լի անբաւ կարասեաւ. և կացոյց անդէն բերդապահս ի գլխաւոր արանց. եւ ինքն առեալ զզօրսն և զմեծ իշխանսն, որ առ նմին, եւ ՂԻճՄԱՅՆ. եւ գնաց ի Լօռէ եւ ամրացաւ յոյժ : Եւ զեղբայր իւր զԼիպաւրիտն երկու որդւովքն առաքեաց առ Աթաբէկն Ելտկուզ ածել ի նմանէ զօրս յօգնութիւն : Իսկ Թազաւորն Գէորգի եկեալ եւ ոչ գտաւ զնոսա յԱգարակին. ապա նստեալ ի վերայ բերդին խիսար (60) զաւուրս 25. եւ էառ զնա եւ կոտորեաց զպահակսն, եւ էառ յաւարի զբազմութիւն գանձուց նոցա և զամենայն ստացուածս. եւ եկեալ բանակեցաւ շուրջ զԼօռէիւ : Եւ զի յերեքուսասնն Հրոտից ամսոյ եմուտ Իվանէ ի Լօռէ. եւ եկաց մինչև ի հինգն Մեհեկի. վասն որոյ նեղեալ բերդացեացն՝ սկսան ազատքն, մի մի, կախաղանօք ի գիշերի իջանել ընդ պարիսպն եւ անկանիլ առ Թազաւորն :

Ապա ի մեծամեծ դէղէպուլացն, որք էին սիրելիք եւ համախոհք Իվանէի, սկսան ի ծածուկ զրել գիրս պատգամի եւ ընկենուլ նետիւք ի բերդն առ Իվանէ

վասն հաւանութեան և հնազանդութեան զի երկըն-
չէին ի գալստենէ Ելտկուզ աթարէկին. եւ էր գիրն
այսպէս :

1. Կերտ հիւան
II, 90

« Եւ ի վանէ Օրբէլեցի՝
Քաջ եւ հըօր անպարտելի,
Որ աշխարհաւ ես ձենացի՝
Տոհմ ինքնակալ թագաւորի :
Եկեալ յաշխարհս յայս վրացի՝
Գտեալ պատիւ անկշռելի,
Պետ եւ գլուխ տանա արքունի՝
Եւ սպասաւար Գէորգիի :
Թէ բո հարկիբդ (61) քեզ պիտի՝
Կեանքդ եւ պատիւդ ցանկալի,
Եւ հայրենիքդ անհափելի՝
Որ կէս վրաց տանս է աւելի :
Թո՛ղ դու զերդումն զառաջի՝
Զուխտն եւ զանդարձն զայն Դաւթի,
Ե՛կ, հնազանդեա՛ Գէորգիի՝
Վրաց հըօր թագաւորի :
Բէ՛ր եւ մատո՛ ընծայ բարի՝
Զմանուկ Դեմնայդ որդի Դաւթի,
Որ քեզ պատճառ եղև չարի՝
Նաև բազմաց յայսմ աշխարհի » :

Տեսեալ զայս թուղթ ի վանէի գրէ և նա պա-

տասխանի և կապէ ի նետն յայն. և ընկենու ար-
տաքս :

Ո՛վ դէդէպուք իմ սիրելի՝
Մեծ և հզօր իշխանք բարի, L
Ես ի վանէ Օրբէլեցի՝
Ընթերցայ ի գիրս ձեր խրատի : L
Բայց չեմ հաւան այս խորհրդի՝ L
Զոր գրեցիք յայսմ թիւթի, L
Մարդ որ կենօքս այս զբաղի՝ L
Թողու զաւանդն տէրունի : L
Ուխտադրուժ ինքն լինի՝ L
Առնու զբաժինն ուրացողի,
Յանանց գեհեմն պատակի՝ L
Եւ ի դիւաց գունդն դասի : L
Ես անցաւոր մարդ ցիղելի՝ L
Վասն առօրեայ կենաց պատուի,
Զկարեմ կոխել զուխտն որ եղի՝
Մտել զերդումն սոսկալի : L
Այլ մեռանիմ յայսմ բանի՝ L
Երթամ առ Տէրն ցանկալի,
Առնումս տացուած անճառելի՝
Որ յումեքէ ոչ կողոպտի » :

Եւ զայս թէպէտ վրացի լեզուաւ գրէին, սակայն
մեք յեղափոխեալ ի հայ բան յարմարեցաք : Ապա
Հատ . Բ :

իբրև իմացան զանխոնարհելի կամս նորա՝ սաստկացուցանէին զպատերազմն : Եւ Գեմնայն անմտաբար երկուցեալ՝ եւ ի գիշերին եւ կախեալ ընդ պարիսպն իջաւ և գնաց առ հօրեղբայրն իւր. եւ անկեալ առ ոտս նորա հայցէր շնորհել նմա միայն ըզկեանս : Զոր եւ տեսեալ Թադաւորին՝ խրախանայր մեծապէս . եւ յղէր պատգամաւորս առ Իվանէ եւ ասէր « վասն որոյ մարտնչէիր դու և վրէժխնդիր լինէիր՝ եկն առ իս. արդ՝ դու վասն ո՞յր ապստամբիս, ե՛կ առ իս » : Եւ նորա ասացեալ յիրաւի է զոր հրամայէ. բայց երդնուցու ինձ (թէ) ոչ վնասեսցէ եւ ոչ յաղիւոակեսցէ ի հայրենեաց իմոյ, եւ ես եկից առ նա : Եւ երդուեալ Գէորգի և կապեալ ուխտ մեծամեծ դաշամբ ընդ նմա, վասն որոյ համարձակեալ եկն առ Թադաւորն :

Իսկ Թադաւորն խնդացեալ մեծապէս՝ զառաջինն ընկալաւ զնա յոյժ սիրով, և փառաւորեաց մեծաշուք պատուով մինչև էած ընդ բռամբ զամենայն որդիս և զազգաստոհմն նորա. եւ ապա ստեաց Գէորգի իւրում ուխտին և սոսկալի երդմանն : Եւ կալաւ զԻվանէ և փորեաց զաչս նորա . եւ զԳեմնայն որ էր փեսայացեալ Իվանէի ըմբռնեաց (62), և զաչսն եղ փորել և յերանայն յապաւել զի մի լիցի, ասէ, ժառանգ ի նմանէ. իսկ զկրսեր եղբայր Իվանէի գրեալթարն եւ զորդին Սմբատ և զեղբօր.

որդին զԽնայն ետ սպանանել. և զամենայն ազ-
դատոհմ նոցին և զարու մանուկ նաեւ զկանայսն
ետ առ հասարակ ջնջել և կորուսանել՝ զոմանս
ջրասոյզ, զոմանս բարավէժ. եւ այնպէս երարձ ի
տանէն Վրաց զանուն նոցա . եւ հրամայեաց ջնջել
գլխատակ ազգին Օրբէլեանց ի պատմագրոց խր-
եանց նաև յեկեղեցեաց : Եւ ետ գրել զգրոց այսր
ապստամբութեան, ոչ որպէս եղեալն էր, զիրաւայի
պատճառն. այլ, ըստ իւրում բարուցն, մեծամեծ
զրաբանութիւնս յողեալ եւ պատուաստեալ ի վե-
րայ նոցա. եւ կարգեաց ի նզովս զի մի ևս յիշեսցեն
զանուն նոցա, և մի թողցեն ի նոցանէ՝ զոր ի Վրաց
աշխարհին. և եղ զայն կտակ չարի յիւրում դան-
ձարանին : Եւ այս եղև ի 626 թուականին (63) :

Ահա այսպէս եղև զրաւ զրկանայն և սպանումն
եւ հալածումն Օրբէլեանց ի բնիկ հայրենեաց իւր-
եանց. որ ի գալստենէ նոցա ի ճենաց աշխարհէն
մինչեւ ցայն վայր, թուի թէ աւելի բան 91000 ամ
(էր) : Ոմանք զրաբանեն զնոսա եթէ անձանց խո-
կալով փառս՝ կամեցան ինքեանց առնուլ զթսղա-
ւորութիւնն. որ եւ ամենեւիմբ սուտ են եւ որպէս
զշուն հաջեն (64). այլ վասն ուխտին և երդմանն
Դաւթի թագաւորի՝ ի վերայ որդւոյ նորա զկեանս
իւրեանց ի մահ եղին, որպէս օրէն է ուխտապահ եւ
տիրասէր արանց, զորոց զգրկողայն եւ զգրկելոյն

դատաստանն Աստուած տեսցէ (65) յիւրում անա-
չառ դատաստանին : Բայց Լիպարիտն՝ եղբայր
Իվանէի, որ գնացեալ էր առ աթաբէկն Եւտկուզ
երկու որդւովք՝ Ելիկուման և Իվանէիւ, շարժեալ
էր զտունն Պարսից, եւ բազում հեծելովք գայր յօգ-
նութիւն եղբօրն իբրեւ 60,000աւ : Ապա լուեալ
զգոյժ չար պատահմանն ասէ. անմեզ քրիստոնեայքն
զինչ մեղան զի երթեալ կորուսից զնոսա. և արեան
պարտքն մեր զուր (66) երեկն զի զնոսա ընդ բռամբ
ածից : Դարձաւ անդրէն և դադարեաց առ Եւտկու-
զին, և ի դառն կսկծոյն և ի չարաչար սգոյն սակաւ
աւուրս կեցեալ՝ մեռանի յօտար աշխարհի :

Եւ որդին նորա Ելիկումն դադարէ անդէն. և եղ-
բայրն իւր Իվանէ գնաց առ ամիրայն Գանձակայ,
եւ անդ բազում փառս եւ պատիւ գտեալ դադարէ.
զոր եւ յետոյ բազում ողորանօք եւ երդմամբ յա-
ւուրս Թամարին դարձուցին անդրէն եւ ետուն ի
հայրենեաց իւրեանց զՕրբէթ միայն : Յորմէ ծնան
որդիք եւ այժմ նոքա են Օրբէթ : Այլ ի հալածելն
զՕրբէթն բաժանեաց զհայրենիս նոցա Գէորգի,
զումանս ետ թշնամեացն եւ մատնողացն, եւ զայլքն
ետ Խփչախին որ Խուսպասար կոչիւր. զոր վերա-
գոյն ասացաք, եւ մատոյց զնա ի գահ իշխանու-
թեան նոցա, եւ եղ ստասալար ամենայն Վրաց :
Բայց ինքն Գէորգի ոչ ունէր ժառանգ թագաւո-

րութեան՝ բայց միայն դուատր մի Թամար անուն. և վախճանեցաւ ի 633 թուականին (67) : Եւ կալաւ զԹագաւորութիւնն դուատրն որում ածին այր զորդի Ըռուաց թագաւորին որում անուն էր Գէորգի (68) :

Սա էառ զԴավին քաղաք՝ եւ սակաւակեաց եղեալ մեռանի . եւ առնու Թամարն միւս եւս այլ այր Սօլան անուն . եւ լինի նմա որդի մի Լաչայ Գէորգի անուն : Բայց յետ վախճանին Գէորգի թագաւորին Թամարն մեծարեալ զորդիսն Սարգսի՝ որդոյ Զաքարէի իշխանի, հայ ազգաւ եւ ուղղափառ հաւատով, զԶաքարէ եւ զԻվանէ, եւ բարձրացուցանէ ի փառս եւ ի պատիւ. զԶաքարէ կացուցանէ ի տեղի Օրբէլեանց ամիր սպասաւար Վրաց. եւ տայ նմա ղհայրենիսն նոցա զԼօռէ. եւ ղեղբայրն Իվանէ կացուցանէ Աթաբէկ ի վերայ աշխարհիս Հայոց և Վրաց՝ : Որք թազում ջանիւ թափեցին զանխարհս Հայոց ի Պարսից. եւ առին յԱռանայ մինչեւ ցնեռքին Բասեն եւ ի Բարկուշատայ մինչ ի Մժնկերտ : Առին զԿարս, զՎաղարշակերտ, զԿաղզվան, զՍուրբ Մարի, զԱնի, զԱնբերդ, զԲջնի եւ զԳառնի, զԴավին մայրաքաղաք, զԳարդման, զԳանձակ, զԶարէք, զՀերթ (69), ղՇամբոր, ղՇաքի, ղՊարտաւ, ղԶարաբերդ (70) : Առին ի 660 թուին (71) ղՍիւնիս, ղՈրոտն, ղԲորոսսսն, ղզ

Բղեն (72), **զԲարկուշատ** : **Եւ թէպէտ յայլ և յայլ թուականս առան**. սակայն զհասարակն սորա առին եւ որդիքն իւրեանց. եւ ազատեցին զաշխարհս ի դառն ծառայութենէ Տաճկաց :

Իսկ Ելիկումն որ մնաց ի տան Աթաբէկին, գտեալ եւ սէր յղով ի նմանէ եւ յորդուոյ իւր ի Փահլաւս նէն (73) **եւ ի Խզլ Ասլանէն** (74), **եւ պատիւ եւ փառս բարձրագոյն ի վերքան զամենայն մեծամեծ աւագանին Արեաց եւ Պարսից աշխարհին** : **Եւ ետ նմա աթաբէկն զմեծ քաղաքն Համիան եւ կոչեաց զնա որդի իւր**. եւ հաստատեաց նմա հայրենիք տուղթայիւ գրոյ եւ մանչորաւ. եւ կացուցանէ զնա ամիրայ եւ քաղաքապետ մեծ մայրաքաղաքացն **Պարսից Ռէոյ** (75), **Ասպահանայ**. եւ **Խաղվինի ամա երկոտասան** : **Եւ նեղէր զնա սուլտանն փեռայանալ ինքեան եւ առնուլ զմեծ մասն աշխարհին եւ թողուլ զհաւատն Քրիստոսի** : **Եւ Ելիկումն, թէպէտ տղայ էր հասակաւ, այլ լի էր հանճարով**. ոչ տայր տեղի բանիցն եւ ոչ թուլանայր ի հաւատոցն. վասն որոյ նեղեալ ի Պարսկացն եւ երկուցեալ ի հաւատոյն զի մի բռնադատեսցեն (76), խնդրէ պատճառանօք տեղի ի Նախջաւաննու գաւառի. այն երկիր (ասէ) մօտագոյն է ի Վիրս. եւ անտի հեշտ է ինձ եւ դիրբաւ առնուլ զվրէժ արեան հարցն եւ եղբարցն իմոյ :

Ընդ որ հաճեալ Աթաբէկին՝ տայ նմա զբերդն
Երնջակայ եւ զՃահովն աւան եւ զքալարահն ի
Նախջաւան եւ այլ բազում տուրս. եւ կայուցանէ
գործակալ եւ ղօրագլուխ այնմ կողման : Եւ զի բա-
ժանեալ էր զաշխարհն իւր երկու որդւոցն . եւ
տուեալ էր զԽորասան եւ զԱրաղ եւ զներքին բա-
ժինն Պարսից Խզ Ասլանին, որ Թարգմանի կար-
միր առիւծ. և զվերին կողմն Պարսից եւ զԱտրպա-
տական եւ զԱռան եւ զՆախջաւան՝ Փահլաւանին.
վասն որոյ զձեռն Ելիկովին զնէ ի ձեռն նորա եւ
ապսպարէ նմա ասելով. դու դմա հայր լեր եւ դա՛
քո որդի : Եւ յուղարկէ զնա բազում փարթամու-
թեամբ եւ երևելի փառօք ի քաղաքն Նախջաւան :

Եկեալ ապա Ելիկովին եւ տիրեալ այնմ նա-
հանգի . կոչէ առ ինքն զեպիսկոպոսն Սիւնեաց
զՏէր Ստեփաննոս՝ որդի Տեառն Գրիգորի, եւ մե-
ծաւ խնդութեամբ ընկալեալ զնա՝ անկանէր առա-
ջի նորա եւ խոստովանէր զյանցանս իւր մեծաւ
զղջմամբ և խնդրէր ի նմանէ օրէնս. և նորա հաղոր-
դեցուցեալ զնա օրինացն եդ ձեռս ի վերայ եւ
օրհնէր զնա : Ապա յետ այնորիկ խնդիր լինէր Ելի-
կովին ամուսնութեան. եւ ոչ գտանէր ի բրիստո-
նէից զոք սրատչաճ իւրոյ խնամութեան զի աշխարհս
այս դեռ ևս ի ներքոյ իշխանութեան Պարսից էր :
Վասն որոյ հաւանեալ խնամութեան Սիւնեաց

եպիսկոպոսին Տեառն Ստեփաննոսի զի հոգւոր աստիճանաւ բարձր էր բան զնա : Եւ խնդրէր ի նմանէ զդուատր քեռ նորա ի Ճահուկ զի էր բոյր նորա կին ազատագգի և փարթամ առն միոյ Ճահեցւոյ, որում Աբաս ասէին : Զոր մեծաւ խնդութեամբ յանձն առեալ եպիսկոպոսին՝ փեսայացուցանէ զնա ինքեան տալով զօրիորդն գեղեցիկ եւ մեծահաւատ Ելիկոմին, որում անուն Խաթուն ճանաչիւր : Եւ քին ի նմանէ որդի մի գեղուղէշ պատանի, զոր անուանէ յանուն հօր իւրոյ Լիպարիտ :

Եւ այսպէս կեցեալ բազում աւուրս՝ եզլ օր մի հիւանդանալ նմա հիւանդութիւն մեծ, զոր լուեալ մեծի Աթաբէկին՝ եկնիտեսութիւն ի Ճահուկն աւան, և նստեալ մերձ նմին նեղէր զհիւանդն ասելով. ես վասն այն եկի զի ինձ մեծ տուրս արասցես. և նա ասէ. ո՞վ արքայ՝ հրամայեալ եթէ զինչէ խնդիրդ քո և կամ ինչ հաճոյ թուի քեզ զի ընծայեցից քեզ. եւ նա ասէ. ո՞չ գանձք և ո՞չ այլ ինչ պատուականք պիտոյ են ինձ. բայց եթէ զհաւատդ շնորհեսցես ինձ և աուցես զդէնս իմ : Եւ մինչ կարի ստիպեաց. ասլա ողորմելին այն նեղեալ և ցնորեալ ի ցաւոցն, եւ խուճապեալ ի յԱթաբէկէն՝ իբր խեղազար իմն ցնդեալ ընդ բանսն ասէ. եղիցի ըստ բանի քում. որ և խրախոյցեալ մեծապէս Աթաբէկին կրկնեաց՝ նմա ծունր եւ յարուցեալ զնայ. եւ մեծ սիգելով եւ անանցական գրով ետ

զՃահուկ եւ զՔալասրահն եւ ի Նախջաւան յաւագ փողոցին 30 (77) կուզակ ազատ եւ քարխան (ապահարկ) յամենայն հարկաց փոքրիկ մանկանն Լիպարտի լինել նորա յազգէ յազգ հայրենիք : Բայց Ելիկումն ողջացաւ ի ցաւոցն ըստ խնամոցն Աստուծոյ. եւ յոյժ զղջացեալ գնաց յառաջի սուլտանին եւ Աթաբէկին եւ ուրացաւ զտաճկութիւնն. եւ վերստին խոստովանեցաւ զճճմարիտ հաւատն Քրիստոսի եւ ասէ՛ւ. ո՞վ տեսարք իմ՝ եթէ կամ է՛ ձեզ, ես կացից իմ հաւատովս, եւ միամիտ սրտիւ ծառայեցից ձեզ. եւ թէ ոչ՝ ես պատրաստ եմ ի մեռանել վասն հաւատոյս իմոյ : Եւ նոքա վասն յոյժ պիտանու թեան առնն. զի ինչ նեղեցին. այլ թողին զնա ի կամս իւր :

Որ եւ կեցեալ սակաւ մի՝ գնաց ի պատերազմ ընդ որդւոյ Աթաբէկին ի Գանձակ. եւ անդ սպանաւ : Եւ մնաց փոքրիկ մանկիկն Լիպարիտ որք առ մօր իւրում, զոր իբրեւ իմացան գլխաւորք քաղաքին՝ ածին զմայրն եւ զմանուկն ի Նախջաւան եւ պահէին ի պատանդի զի մի առեալ մօրն փախիցէ : Եւ տաճիկ մի բռնաբարեալ զԹաթունն՝ ածէ ի տուն իւր եւ առնու զնա կին : Եւ սնանի մանուկն ի տանն յայն անծանօթ լեալ քրիստոնէութեան աւելի քան զ10 ամ : Ապա մինչ տիրեցին այսմ աշխարհի Զաքարէ եւ Իվանէ. եւ տկարացաւ տունն Պարսից, սկսած

յոյզ առնել եթէ գոյ ոք յորդուցն Լիպարտի ի Պարսկաստան . որոց ծանուցանէ մեծ եպիսկոպոսն Սիւնեաց Տէր Ստեփաննոս՝ աներն Ելիկովին, եթէ կայ մանուկ մի ի քուերէն իմմէ Լիպարիտ անուն . եւ է ի պահեստի ի Նախջաւան : Ընդ որ յոյժ խնդացեալ Զաքարէ եւ Իվանէ՝ Թախանձեցուցանեն ղեպիսկոպոսն հանել հնարիւք զմանուկն անտի : Եւ զի էր եպիսկոպոսն յոյժ ծանօթ եւ սիրող տան Աթաբէկին եւ ամենայն մեծամեծացն նորա . եւս առաւել որք ի Նախջաւան էին . վասն որոյ եկեալ եպիսկոպոսին ի մօտաւոր վայրսն (78) եւ ի բանի արարեալ զբարեկամս իւր՝ բազում հնարիւք ետ գողանալ զմանուկն Լիպարիտ եւ զմայրն իւր . զորս ի գիշերի կախաղանօք լծուցին ընդ պարիսպն . եւ առեալ տարաւ ի վայոց ձոր . եւ զմայրն ամրացուցեալ ի տեղի մի, զտղայն տարաւ առաջի Իվանէի : Որ եւ ի տեսանելն զնա անտանելի խնդութեամբ ընոյր . եւ առ ժամայն ծանուցանէր Թամարին եւ Լաչային . եւ նոքա յոյժ խրախանային քանզի միշտ ի կասկածի էին ի նոցանէ :

Ապա մեծապէս խիշայէ զնա Աթաբէկն եւ բազում շուք եւ պատիւ գնէ նմա . եւ կամէր փեսայացուցանել ինքեան տալով նմա գրոյր իւր Թամթի : Իսկ ի մեծ դէղէպուլացն ոմն Բուբա անուն, որ էր գործակալ ամենայն տանն Աթաբէկին, խարեալ պատրող բանիւր՝ ի ծածուկ փեսայացոյց ինքեան

տալով նմա զամենօրհնեալ եւ զգեղեցիկ օրիորդն զԱսիայն, ընդ որ առ ժամ մի ցասուցեալ Աթաբէկ Իվանէի : Յետ որոյ հրամանաւ Թաղաւորին տայ փոխան հայրենեայն Լիպարտի անանցական գրով զՀրաշկարերդ իւր դաւառովն եւ այլ բազում գեղորէս ի Վայոց ձոր, ի Կոտայսն զԷլառն եւ այլ գիւղս յոլովս . ի Գեղաքունի զՀամասրի եւ այլ գեղորէս բազում, ի Կայեն զԱղստե իւր կերովն (79) : Եւ զի նա եղեւ առաջնորդ առման Սիւնեաց եւ այլ բերդերոյն (80), տայ եւ ի ձեռս նորա զՍիւնիս . զՈրոտն, զԲարկուշատ եւ զայլ բերդորէսն :

Եւ կացուցանեն Թաղաւորն Լաչայ և Աթաբէկն Իվանէ զԼիպարիտն կողմնակալ այսմ աշխարհի, նմանապէս և զմիւս իշխանն զամենօրհնեալն զՎասակ Խաչենեցի, զհայրն քրիստոսասէր և բարեպաշտ պարոնին Պռոշայ, կացուցանեն կողմնակալ ի Վայոց ձոր գաւառիս : Որ և մեծաջան վաստակօք բազումն նահատակեալ ի վերայ քրիստոնէից եւ եկեղեցեաց՝ օրհնեցաւ եւ գովեցաւ յամենայն աշխարհաց . որոյ յիշատակն օրհնութեամբ եղիցի յայսմհետէ մինչեւ յաւիտեան : Իսկ ամենօրհնեալն Լիպարիտ մեծաւ բարեպաշտութեամբ քաղաքավարէր . շինեաց եկեղեցի ի Նորավանս եւ զարդարեաց եւ փարթամացոյց զնա, որպէս վերադոյն ասացաք (81) : Եւ մայր սորա մեծաւ ճգնութեամբ ասլաշխարեալ բազում

ամս ի նեղսագոյն խրճթի՝ վախճանեցաւ եւ եղաւ ի Նորավանս, ի դրան (82) սուրբ Կարապետին : Եւ եղեն Լիպարտի հինգ որդիք՝ Ելիկումն, Սմբատ, Իվանէ, Փախրադուլայն, Զորսայիճն :

Եւ ինքն յետ ամաց ինչ ի միջօրեայ հասակի առնու հարուածս ի ճանսպարհի յանկարծադէպ նետից՝ ի գլուխ լերինն որ հանդէպ բերդոյն Բորոտնայ, եւ եկեալ անկանի ի բերդն Գողշտի վանից . եւ կոչէ առ ինքն զեպիսկոպոսն իւր զՏէր Սարգիս . եւ հաղորդեալ՝ անդէն վախճանի . և բերեալ զնի ի Նորավանս, ի դրան սուրբ Կարապետին առ մօր իւրում : Եւ կին նորա եւ որդիք նորա մնան որք եւ անտեւրունչք . բայց գեղեցիկն Ելիկում փեսայացեալ էր Գրիգորոյ Մարծանեանց, որ յազգէ Մամիկոնէից համբաւի . եւ վարէր զտէրութիւն հօրն : Իսկ մեծասպասալարն Զաքարէ մեռանի ի 661 թուին . եւ Աթաբէկն Իվանէ յերկարեալ այլ ևս ամս հնգետասան՝ մեռանի ի 676 թուին (83) : Եւ զսպասալարութիւնն Զաքարէի առեալ էր որդին իւր Շահանշահ . էառ եւ զԱթաբէկութիւնն որդին Իվանէի Աւագն, որ եւ էառ իւր կին զԳոնցայն, կեցեալ յիշխանութեանն ամս 23 :

Բայց պատմեցից ձեզ աստանօր զրոյցս զարհուրեցուցիչս . զի նախ քան զայս հալածական եղեալ ի Թաթարէն սուլտանն Խորազմաց Զալալադինն՝ որդի

Խորազմէահին (84), եւ գոյ ընդ Պարսկաստան . եւ անցեալ ընդ Ատրպատական մտանէ յաշխարհս Հայոց . եւ յոր տեղ հասանէր՝ աւերէր, գերիէր, ապականէր ոչ խնայելով ի մարդ կամ յանասուն : Ապա եկեալ յԱրարատեան գաւառ՝ քանակ հարկանէր անդ . վասն որոյ ժողովեալ Իվանէ Աթաբէկին զամենայն զոյժ եւ զօրութիւն Հայոց եւ Վրաց՝ կամէր մարտիւ պատահել նոցա : Եւ կացուցանեն զմանս ոչտ եւ ազդարար ինքեանց՝ զՇալուէ ոմն եւ զԳրիգոր կանչող . որք տեսեալ յոյժ նուազ զգօրն Խորասանի կանչեն և ազդեն մերոց զօրացս եթէ . եկայք : Իսկ նա որ Տէրն է յաղթութեանց, կամելով կամէր եղծանել զանօրինեալ և զամբարշտեալ ժողովուրդն, փոխարկեսց զձայն ազդարարացն յականճս սոցս եթէ . փախի՛ք : Որք եւ թողեալ անդէն զկարասիս իրեանց եւ զվրանս՝ աճապարեալք յերիվարսն փախեան եւ իբր խելացնորեալք, առանց սրոյ եւ զօրութեան նա եւ պատերազմի վիթեալք (85) ընդ փրթուածս մեծ քարին որ ի խրամին Գառնայ, առ հասարակ հոսեալ կործանեցան . եւ Աթաբէկն Իվանէ 10 արամբք զերծեալ անկան ի յամուրն Գեղէ :

Եւ Լխարիտն իւրացուքն գտեալ կածան մի՝ զԸնայ (86) . եւ եկեալ ամբողջ ի տուն իւր գոհանայր զՏեառնէ . եւ էր այս ի 674 թուականին : Իսկ զկնի

այսր անհնարին պատուհասիւր եւ զանազան դիպ-
ուածովք ապականեալ եղեւ աշխարհս ամենայն . զի
գտեալ Խորազմիկըն զաշխարհս անտերունչ՝ անխնայ
կոտորեցին և գերեցին ի հարգեցին զամենայն շին-
ուածս տանց եւ յարկաց քաղաքաց, գիւղից եւ վա-
նորէից . այրեցին եւ զվաստակս ամենայն, եւ հարին
զայգիս եւ զծառս . վասն որոյ սով սաստիկ տիրեաց
առ հասարակ : Եկն եւ օձ Թանձրագին որ եռայր
յամանս (87) եւ յանկողինս ի տուէ եւ ի գիշերի :
Եկեր եւ մարախն մեծ մինչ ի ծոցն Ովկիանոս եւ
էած սով առ հասարակ մարդոյ եւ անասնոյ : Եւ
ամենեքեան առ հասարակ տապաստ անկեալ լինէին
լերանց եւ դաշտից եւ ձորոց . սակս որոյ եւ անկաւ
գայլ մարդակեր . և զմնացեալսն ի սրոյն, յօձէն, ի սո-
վոյն և ի մահուանէն նոքա գիշատեալ սատակէին :

Եւ այս երկու պատճառաւ, մի՛ զի սովորեալ էին
յուտել զմեռեալս, եւ մի՛ զի մարդիկն ներգլեալ եւ
նրողեալ էին ի սովոյն : Եւ ահա այս պատուհաս տիրէ
աշխարհիս ամս 7 : Իսկ յետ մետասան ամի զարթոյց
Տէր յարեւելից զազգն Նետողաց որ Մուղալք կոչէին,
եւ ըստ գեղջկացն Թաթարք, որ ի Չին եւ ի Մա-
չին (88) աշխարհէ անդրքան զԹաթաստան՝ անաստ-
ուածք և անօրէնք . բայց բնութեամբ օրինացն զար-
դարեալք, ատեցողք աղտեղի գիշո՛թեանց եւ ամե-
նայն վնասակար գործոց, արդարամիտք առ միմեանս,

միամիտք եւ հնազանդք առաջնորդի իւրեանց, իրաւարարք եւ իրաւադատք, իսկ բարուք աղքատք եւ ընչաքսողցք, նեղիչք եւ կեղեքիչք մարդկան . սլատկերով յոյժ գեղեցիկք (89) եւ լերկք ըստ կանացի դիմաց . եւ ծանօթք քրիստոսեան հաւատոյ . եւ յոյժ սիրողք քրիստոնէից, յաղեղունա կորովիք եւ յամենայն պատերազմունա յոյժ հնարաւորք :

Բայց յետոյ թողին զքնական բարս իւրեանց եւ ելին ի հայրենի սահմանէն զոր ունէին . մտին ընդ Մահմետի օրինօքն և ուսան զամենայն պղծութիւնս եւ ոնկարգութիւնս, եւ յանառակ կեանս վարէին : Ահա սոքա բարժանեալ յերիս առաջս (90)՝ գնաց մինն ընդ սրեւելից հիւսիսով յաշխարհն Խաղրաց եւ Սուտաղաց, Ըռուսաց (Ռուսաց) եւ Չէրքեզաց եւ Բուլղարաց . եւ տիրեցին նոցա մինչ ի սահմանսն Ալամանի և Աւնկրաց (Հունգարաց) որք են Փռանգ, որոց գլխաւորին անունն Բաթու զան : Իսկ միւս կողմն յգնաց առ Հնդկաստանօք, որք տիրեցին մեծ մասին Հնդկաց . եւ հնազանդեցին զՈւղուրս եւ զՈւղուզս եւ զԽորազմիկս եւ զԴեղեմիկս եւ առին զԱլամայելս եւ զԲէշպալելս եւ զամենայն կողմանսն զայն, որոց գլխաւոր Հաւքաթայ զան : Իսկ միւս կողմն եկին ընդ մէջ աշխարհիս անցեալ ընդ մեծ գետն Ջահան և ընդ ջուրն զոր ինքեօնք Ամու մաւրան (Ամուր) կոչեն (91) : Եւ պտուտեալ, փոթոր-

կեալ Հասին յաշխարհս մեր . և առ հառարակ տիրեալ
Հնազանդեցին զամենայն տիեզերս . կոխեցին, կոր-
ծանեցին զամենայն թաղաւորութիւնս, առին զԽո-
րասան, եւ կործանեցին քաղաքադարսն նոցա ըզ-
բալխ եւ Հրէ, զՄարտի, զՆշաւուն, զՏուն եւ
զԴամղանն (92), առին զԽոլթաստան, զԱւուս-
տան, զՊարսկաստան, զՔրդստան, զԱրաբստան .
առին զԻհարբաքն որ է Ատրեստան (93), զԵւլտար
և զՔրման, զԲաղդադ և զԲասր մինչ ի Խումզ (Հոր-
մուզ) քաղաք և ի ծովն Հնդկաց : Առին և զԱտրպա-
տական, զԱւան և զՀայաստան, զԱյրս և զՀոռոմ .
մինչ ի յԱնկիւրիա եւ ի Գանդրա եւ ի Զմիւռնիա
Եփեսացոց, եւ զԱլիլիկիա մինչ ի ծովն Ովկիանու
(Միջերկրական) եւ ի ծովն Պոնտոսի ի Տրապիզոն
քաղաք :

Առին եւ զտունն Շամայ, զՈւռհայ եւ զԽառան
մինչ ի Համս եւ ի Համայ : Բայց զառաջինն եկն
յաշխարհս Զաւրմանն եւ Զաղատայն, Ասլանն եւ
Ասաւուն և Ղատա զանն (94) . և առին զաշխարհս
ի 685 թուականին : Եւ յետոյ եկն Հուլաւու զանն (95)
թոռն մեծի Զանգզ զանին . եւ զմնացեալսն յառաջ-
նոցն էառ՝ զԲաղդադ քաղաք յորում եւ ետպան ըզ-
խաւիփայն ի 707 թուին . եւ զՄուխարդինն էառ ի
708 թուին զամ մի սրաշարեալ . եւ զնայ մինչ յԵ-
րուսաղէմ . էառ զՀալալ որ է Բերիս, եւ զԻմրէիս

որ է Դամասկոս, եւ զՊալպաք որ է Արեգ (96) :
Էառ եւ զմեծն Անտիոք : որք կամաւ Հնազանդեցան :
Էառ եւ զԵրուսաղէմ ի Մարաշոյն : Եւ այնպէս
բազում եւ անհուն քան թիւնս եցոյց : Եւ զի յոյժ
սիրող էր քրիստոնէից, զիս որոյ ամենայն ազգք
հաւատացելոց կամաւ Հնազանդէին նմա . եւ յոյժ
ձեռնտու : եւ օգնական լինէին . եւ արդ այսքան
առ այս :

Մեք դարձցուք անդրէն ի կարգ բանիս : զառա-
ջինն մինչ եկն Թաթարն յաշխարհս յայս . մեր դա-
ւառքս անկեալ էր ի բաժին Ասլան Նոյինին . եւ էր
Ելիկումն ամրացեալ իւրայովքն յանառիկ ամուրն
Հրաշկաբերդի : Եկն Ասլանն այն եւ չըջեցաւ ընդ
բերդովն եւ ծանեաւ զի անհնարին էր ի մարդկանէ .
ապա իջանի հանդէպ բերդոյն . եւ յղէ պատգամա-
ւորս առ նա եւ ասէ . արա՛ ընդ մեզ սէր . եւ ե՛կ առ
մեզ . եւ բազում բարութիւնս գտցես ի մէնջ . ապա
թէ ոչ՝ մինչ յերբ նստցիս ի քարիւղ յայդ, մեք չեմք
զնալոց յայսմ աշխարհէ . այլ Աստուած հայրենեօք
ետ զսա մեզ . երբ եւ է ելանես ի դմանէ, եւ կորուստ
լինի քեզ եւ տան բոյ :

Լուեալ զայս Ելիկումին՝ ոչ ընդդիմացաւ բանիցն,
այլ քաղցրութեամբ պատասխանեալ խնդրեաց եր-
դումն . եւ ել ընդ յառաջ նորա բազում ընծայիւր :
Եւ տեսեալ զնա Ասլանին՝ յոյժ սիրեաց եւ ընկալաւ
Հատ . Բ :

զնա, եւ արար խաղաղութիւն. եւ կալեալ զնա առաջնորդ զնայ մինչև յԱնի եւ հնազանդէր զամենայն : Իսառ նա զՎայոյ ձոր եւ զԵղեգիս մինչեւ յԵրերօն գիւղ որ է հանդէպ Գատնոյ . եւ ետ զամենայն Ելիկումին և ասէ . թրով առածն և ոսկւով գնածն միապէս հայրենիք են մարդոյ, արդ զոր ես սրով իմով առի՝ այս գաւառք քեզ լիցին ի հայրենիս եւ աղգի չոք . եւ դու միամիտ սրտիւ տե՛ս զմեզ՝ եւ ծառայեա՛ զանին մեծի որ առաքեալ զմեզ աստ : Եւ նորա բազումն շնորհակալեալ յամենայն սրտէ ծառայէ նոցա . եւ յայնմ օրէ եւ ապա հաստատեցաւ այս լինել հայրենիք տանն եւ աղգին Օրբէլեանց : Իսկ այլ զօրագլուխք հնազանդեցին զայլ աշխարհս եւ բերին զԱւագն ի դուրս ի բերդէն Կայենոյ . ըզրումբ ածին և զթագաւորութիւնն Վրաց . և եղեն միահեծան ամենեքեան :

Ապա յետ ամայ ինչ զնայ Թաթարն . եւ տարաւ ընդ իւր զօրսն Վրաց եւ զԱւագն եւ զՇահանշահ . ընդ որոց եւ զնայ Ելիկումն ի վերայ քաղաքին Մարտիրոսաց որ Նիրկերտ կոչի . եւ պատնէչ ածեալ շուրջանակի նստան ի վերայ բոլոր րանակօք ամօք եւ ամսօք . եւ ոչ կարացին առնուլ զնա : Անդէն հիւանդանայ Ելիկումն խտրագոյն ցաւօք, եւ որպէս ասեն, դեղակուր լինի ի բժշկաց ի հրամոնէ Աւագին : Զոր եւ բարձեալ բերին ի Նո-

րավանս . եւ եղին ի դրան սրբոյ Նախավկային .
 Թողլով որդի մի Բուրթէլ անուն՝ յոյժ գեղեցիկ տես-
 լեամբ եւ առողջ հասակաւ : Ապա տիրէ իշխանու-
 թեան նորին եղբայրն իւր ամենօրհնեալն և գովելին
 բնաւից Սմբատ որ էր հանճարով մեծ, խորհրդով
 ուժեղ, խելօք աննման, հնարիւք բազմագէտ, բանիւ
 առատ եւ քաղցր, լեզուաց հմուտ եւ ճարտար . ի
 զատարանի դիւանին անպարտելի . զի խօսէր լեզուս
 հինգ՝ հայ եւ վրացի, ուղուր (97) եւ փարսի եւ զմու-
 ղալն իսկ (98) :

Սա վարժեալ ի մանկութենէ աստուածային պատ-
 ուիրանաւն, էր մեծահաւատ եւ բարեպաշտօն, սի-
 րող սրբոյ և եկեղեցեաց, շինող վանորէից, սփոփիչ
 եւ մխիթարիչ քահանայից, ողորմած աղքատաց,
 կանգնիչ և զօրացուցիչ մշտագնեալ լաղգիս Հայոց,
 գերեթափ եւ ազատարար ամենեցուն : Բայց յետ
 Ելիկովին բազում նախանձու եւ Թշնամութեամբ
 վարէր սուսնն Աւագին ընդ տանն Օրբէլեան . եւ
 առաւել Գոնցայն՝ կին Աւագին . եւ կամէին վարա-
 տել եւ հալածել, կամ կորսեալն զորք մնացեալ
 մանկունան՝ զՍմբատ եւ զեղբարս իւր . եւ յաիշտա-
 կէին զհայրենիս նոցա : Եւ նոքա չրջէին Թաքստեամբ
 աստ եւ անդ . ընդ որ խանդաղատեալ արարչական
 սիրոյն կամեցաւ կանգնել և զօրացուցանել զտունն
 Օրբէլեան ի ձեռն Սմբատայ : Քանզի ընդ այն ժա-

մանակս էր զգրագրուիս Նետողացն, որպէս Թագաւոր ի վերայ ամենեցուն, Բաշու նոյինն . եւ նստէր ի գաւառին Հարանդայ՝ ի գլուխ Ձագէձորոյ . եւ էր ածեալ զբռամբ զփոքր Թագաւորն Սոնայ (99) ըզԳաւիթ . և կայր նա ի մէջ բանակի նոցա ի կալանս : Ապա ըստ վերին խնամոցն զերծեալ Հնարիւք ի գիւղերի՝ անց գնաց փախստեայ երեք արամբք . և ունէր առ ինքն գոհար մի պատուական յոյժ լուաւոր, եւ տեսիլ նորա կարմիր, յորմէ հատանէին նշոյք իրր ի հրոյ . եւ ի գիւղերի լուաւորէր զտունն որպէս ջահ . ունէր եւ մասն մի ի փրկական փայտէն զորս ի կշիռ եղեալ էր իւրում Թագաւորութեանն բովանդակ :

Եղև սմա անցանել ընդ գլուխ գեղջն որ Գուտենի կոչի . ազդ լինի եւ տեսուն գեղջն որ Թանկրէղու կոչէին, այսինքն Աստուծոյ ծառայ . և էր սա յազատացն Սմբատայ . և հեծեալ յերիվար ձիարձակ լինի զկնի, և հասեալ կամէր արգելուլ զնա : Իսկ նորա ի մեծ ահի եղեալ արձակէ ի կրծիցն զփոքրիկ քսակ պայուսակին, և տայ ցԹանկրէղուն և ասէ . ո՛ւմ ես դու . և նա ասէ . ես Սմբատայ եմ Օրբէլեան . ասէ . տա՛ր զայդ և տո՛ւր ցՍմբատ և ասա՛ . Թէ այդ գին է Թագաւորութեան իմոյ . ա՛ս և պահեա՛ զդա՛ . եթէ ես ի դուրս գամ և Թագաւորեմ իմոյ աշխարհիս, առ իս բերցես և տա՛մ քեզ երկիր և քաղաք զոր դու

խնդրես, ապա թէ ոչ ելանեմ ի Սոնայ աշխարհէն՝
այդ քեզ լիցի : Եւ ինքն անցեալ զնայ և եմուտ յա-
մուր և յանձուկ աշխարհի Սոնայ և այլ ոչ ել անտի
մինչև մեռաւ անդէն :

Իսկ Թանկրէդուլն բերեալ զայն մեծաւ խնդու- ✓
թեամբ ի տուն իւր, և պահեալ առւրս ինչ՝ ետ Ամ-
բատայ, զոր և առեալ նորա գոհանայր զԱստուծոյ .
եւ խորհէր ի միտս իւր եւ ասէր . եթէ պահեմ զսա՝
վնաս է ինձ զի ոչ ծածկի և ոչ դադարի առ մեզ . այլ
տանիմ զսա առ մեծ զանն որ թագաւորաց թագա-
ւոր է . և տիրեալ է ծովու և ցամաքի, որ կոչի Ման-
կու զան այսինքն սպիտակ թագաւոր (100), որ էր
թոռն Չանգզ խանին . և խնդրեմ ի նմանէ ողորմու-
թիւն վասն աշխարհիս այս : Եւ յարուցեալ զնայ առ
Բաչու նոյինն եւ ցուցեալ նմա զլուսատու գոհարն
ասէ . կամ ա՛ռ դու և պարգևեա՛ ինձ զոր խնդրեմ .
եւ կամ յուզարկեա՛ զիս առ մեծ զանն զի տարայց
նմա զսա : Տեսեալ նորա եւ զարմացեալ ասէ . այդ
անգիւտ եւ անգին շովհար է . ես ոչ իշխեմ առնուլ
զդա . այլ յուզարկեմ զքեզ առ մեծ և աշխարհակալ
զանն : Եւ ապա ածեալ պատրաստութիւն ճանա-
պարհին ըստ պիտոյիցն՝ տայ եւ յիւրոցն օգնական
նմա . եւ յուզարկէ զԱմբատ ի Չին եւ ի Մաչին աշ-
խարհն Ատողայ, որ աւագ տախտն է արքայու-
թեան նոցա, առ Մանկու զանն՝ որդի Գայուկ զա-
Հատ . Բ :

նին (101), որդւոյ Զանգու Ղանին՝ առաջին թագաւորի նոցա :

Իսկ Սմբատ շրջեալ ի վանորայս մեր, որք կային ի դառն հարկապահանջութեան՝ տայր աղօթս առնել զիջերապաշտամամբ . եւ յանձնէր զինքն սրբոցն . եւ ուխտէր ուխտ զի թէ դարձցի յաջողմամբ՝ զամենայն քահանայս ազատեսցէ ի հարկէ եւ ամենայն եկեղեցեաց ընծայատու լիցի . եւ զամենայն յափշտակեալ հայրենիս դարձուցէ անդրէն : Եւ այսպէս պաշար առեալ զաղօթս բազմաց՝ զնայր զճանապարհն, և անցեալ ընդ անհուն ասպարէզս երկայն ճանապարհին՝ հասանէր յաշխարհն արևելեան ի զահն աշխարհապալ զանութեանն զոր Ղարաղուրուհ (102) կոչէին . և զի քրիստոնեայ էր օրինաւոր (103) Մանկու Ղանն, և ունէր ի զդան մեծի պաշտանն եկեղեցի և քահանայս, յորում միշտ պաշտօն և պատարագ անխափան լինէր . եւ ինքն յոյժ սիրէր զքրիստոնեայն զորս եւ արքայուն (104) կոչէին . և աշխարհն ամենայն կային ի քրիստոնէութեան :

Ապա տեսանէ նախ Սմբատ զամենայն մեծաւ մեծսն եւ զգրան աւագանին . եւ ծանուցանէ նոցա զպատճառ զնալոյն . որք տարեալ յանդիման առնեն մեծի արքային . և ընծայեն զգոհարն պատուական : Ընդ որ յոյժ հաճեալ գովեաց . եւ հարցանէր եթէ զինչ ազդ ևս . և ասէ . հաւատով քրիստոնեայ եմ և

ազգաւ՝ հայ : Վասն որոյ առաւել սիրեաց զնա . եւ զպատճառ զալոյն հարցանէր : Եւ նա զամենայնն բովանդակ ցուցանէր նմա՝ զենդութիւն եկեղեցեաց եւ զգրկութիւն իւր, եւ զհաւատարմութիւն եղբօրն որ առ Ասլանն նոյին, եւ զամենայն որպիսութիւն աշխարհիս ծանուցանէր : Արու՛մ յոյժ հաւանեալ և մտադիւրութեամբ ընկալեալ զբանսն՝ ապա տայ զՍմբատ մօրն իւրոյ եւ յանձնէ նմա, որում անուն Սուրախթամբէկ (105) կոչիւր. եւ ասէ. զայս մի առ քայունս մե՛զ պահեսցուք եւ ո՛չ տացուք այլ ումեք իշխել ի վերայ դորա : Եւ անուանեցին զնա Ենչու (106) այսինքն տէրունի . եւ հրամայեցին կալ ի դրանն աւուրս ինչ . եւ յանձնեցին գործակալացն տալ օր ըստ օրէ յարքունուստ զուճիկն . որ և յամեաց զամս երեք . և զցայգ և զցերեկ յաղօթելոյ ոչ դադարէր :

Եւ զի ունէր ընդ ինքեան Սմբատ մասն մի փոքրաւ գոյն յոյժ նշանագործ, զոր եղեալ առաջի իւր ի գիշերի միում յիւրում խորանին . և յերեկօրեայ մինչև ցառասօտն կայր բազկատարած առաջի նորա, եւ յորդարուղիս արտասուօք հառաչէր եւ պաղատէր : Ապա նշան ահեղ երևեալ լինէր յերկնից ի վերայ խորանին, զի կամար լուսեղէն կայր ի վերայ նորա և խաչ ի վերայ կամարին . յորմէ ցոլմունք եւ նշոյլք բոյեղէնք հատանէին : Եւ ի սաստիկ ճառագայթիցն լայնութիւն անհուն, համատարած բանակին լուսաւ

տրեալ լինէր . եւ ամենեքեան առ հասարակ գրոհ տուեալ ի դուռն արքունի՝ գումարէին զարհուրեալք ի տեսլենէն : Եւ ազդարարեալ արքայի՝ զայ արտաքս և տեսանէ , և ի մեծի զարմացման եղեալ՝ գոհութիւն և փառս տալի Աստուծոյ . և կոչեալ զմի ի խորհրդա կանացն իւր քրիստոնեայ՝ ասորի ազգաւ և ասէ . երթ եւ նշանեա՛ զվրանն զայն զի վաղիւն ծանկցուք թէ ո՛ւմ իցէ : Եւ ինքն Սմբատ անդիտանայր այսմ ամենայնի :

Իսկ ընդ լուսանալն կոչեն զնա առ արքայ . եւ տեսեալ ասէ . դեռ ա՛ստ է սա . և ասեն . այո . ապա հարցանէ ցՍմբատ . զի՞նչ էր այն զոր տեսաք յայսմ գիշերի ի վերայ վրանին բո . և նա երկուցեալ ասէ . ո՛չ գիտեմ ինչ . արքայից արքայ ասէ . զայն ամենայն ճառագայթն եւ զահեղ երեւնուն ո՛չ իմացսոր յայնքան ժամանակս երկարեալ . ասէ Սմբատ . գիտէ Աստուածն իմ՝ ոչ եմ հասու . ասէ զանն . և զի՞նչ ունիս ընդ քեզ ի սրբոց ձերոց ռասէ Սմբատ . ոչ ինչ բայց միայն՝ փոքրիկ նշանիկ մի . ասէ . բէ՛ր առիս զի տեսից . և երբեք փութանակի : Յարուցեալ արքայի էջ ի գահոյիցն . եւ ծունր կրկնեալ բացաւ գլխով համբուրեաց զնա և ստէ . յայս չափս և յայս ձեւ էր խաչն լուսեղէն զոր տեսաք . սա՛ է նա ճշմարտիւ . և յայնմէտէ և յառաջ այնքան սիրեաց և սլատուեաց զՍմբատ . եւ հաւատաց նմա . զի բարձրացաւ քան

զամենայն դրան աւագանին . եւ հրամայեաց տալ Սմբատայ զոր ինչ և խնդրեսցէ :

Եւ ետուն նմա փայլգայ (107) ոսկի որ էր տախտակ ունելով զանուն Ստտուծոյ եւ զարքայի գրեալ յին, քեան . եւ այս էր մեծագոյն պատիւ նոցա . եւ գրեն եսոյն (108) որ է հրաման . զոր մեք սիգէլ կոչեմք, եւ տան նմա զամենայն առածն թրով Ասլանին, եւ զՈրոտն իւր երկրաւն որ էր առ Բաչուին և իւր մեծամեծայն, եւ զքերդն Բորոտնայ իւր կերովն, վասն սպանման հօր նորա անդէն Լիպարտի, որպէս զին արեան լեալ : Եւ եհան զՍմբատ ի դուռս յամենայն դարարաց ի Վրաց եւ յայլոց . եւ ահա այս կրկին հաստատութիւն եղև հայրենեաց նոցա . զի առաջինն թրով առած էր, որպէս ծառայ, որ ի ձեռն Ասլան նոյնին . եւ երկրորդա՝ արքայատուր եւ որպէս զնոյ մեծագունի առեալ ընդ լուսատու գոհարին : Եւ հրաման էառ ազատել զամենայն եկեղեցիս Հայոց եւ զքահանայս . եւ այնպէս մեծաշուք ճոխութեամբ գարձաւ այսրէն՝ բերեալ և ընդ ինքեան այր ի դրանէ արքունի (109) : Եւ եկեալ փութանակի հասաւ յաշխարհս յայս : Եւ ծագեաց խաղաղութիւն, որպէս արեգակն ի մէջ գիշերի . եւ նախ յանդիման լինի Բաչուին եւ այլ գլխաւորացն . եւ ի նոցանէ եւս առեալ օգնութիւն՝ էառ և թափեաց զերկիրն Որոտան բովանդակ մինչ ի սահմանն Բորոտնայ եւ

Բղենոյ, յորում եւ կայր ընդաւեր աթոռն Սիւնեաց Տաթև ։

Եւսո եւ զԵղեգիս եւ զամենայն գաւառն Վայոց ձորոյ, զՓողաշանսն (110), զՈւրծ եւ զՎէդի իւր ձորովն մինչև Երեւրաւնս, և ի Կոտայսն և ի Գեղաքունի բազում շէնս եւ աւանս ։ Եւ ազատեաց զեկեղեցիս եւ զբաշանայս զիւրոյ իշխանութեանն եւ ամենայն աշխարհիս Հայոց ։ Շինեաց զվանորայս եւ զամենայն աւերեալ եկեղեցիս. եւ արար բազում խնդութիւն քրիստոնէից ։ Եւ զի աթոռն Սիւնեաց կայր աւեր ի բազում ժամանակաց. եւ ծերայեալ էր եսլիսկոպոսն Տէր Յովհաննէս. եւ եղբորորդի նորա Տէր Հայրապետ հրամանաւ կնոջ Բաշուին սկսեալ էր շինել զվանքն, և կայր ի նմին աղբատութեամբ. զի յայնքան ժառանգութեանցն որ լեալ էր, ո՛չ տուն մի անգամ կայր եկեղեցւոյն ։ Զոր եւ սեպհականեալ Սմբատայ ինքեան՝ սկսաւ ամենայն ջանիւ հոգ տանել շինութեան և փարթամութեան եկեղեցւոյն, և զյափշտակեալ ժառանգութիւնսն մի մի դարձուցանել անդրէն ։

Իսկ մինչ այս այսպէս լինէր, ապա բարխատեացն սատանայ սկսաւ նախանձ արկանել, եւ գրգռել ըզտունն Աւագին և զմեծամեծսն Վրաց. և զի Աւագն վախճանեալ էր ի 699 թուին. և կին նորա Գոնցայն ունէր դուստր մի Խոշաբ անուն. եւ իշխէր ամենայն

իշխանութեան նորա . վասն որոյ ժողովեցան ի Տիգրիս առ Արղունն որ էր վազիր և պատագ (տե. սուչ) (111) կարգեալ ի մեծ զանէն ի վերայ ամե. նայն աշխարհիս , այսինքն հրամանատար ամենե. ցուն եւ իշխեցող արքունի հարկացն եւ մեծ դիւա. նին, որ արար աշխարհագիր զաշխարհս ամենայն յ703 թուականին : Եւ բազում կաշառօք խնդրէին կորուսանել զՍմբատ եւ ոչ ժառանգեցուցանել զերկիր նորա , զոր և ոչ համարձակէր Արղունն , այլ առին ի Սմբատոյ բազում տեղիս . և զմնացեալն կեղեքէին սաստկապէս . վասն որոյ հարկ եղև նմա վերատին գնալ առ Մանկու զանն : Եւ առեալ ի տանէն Ասլան նոյինին իւր օգնականս եւ զնոց յաջողմամբն Աստուծոյ : Բայց զի նախ քան զեր. թալն սորա կոչեալ էին զԱրղունն ի դուռն վասն մատնութեան ինչ . եւ ի հասանել սորա անդ՝ կայր նա ի կասկանս . և Սեւինճ բէկ ոմն և Շարափա. դին՝ (112) դիւան այսր աշխարհի, կամէին սպանանել զԱրղունն եւ ինքեանք զալ ի տեղի նորա . եւ Սեւինճ բէկն թշնամի էր Սմբատայ . և կամէր սպան. մամբ դաւել զնա :

Իսկ այն ինչ ի հասանել նորա ի պալատն՝ յանդի. ման լինէր Մանկու զանին : Եւ նորա տեսեալ ծա. նեաւ զնա . եւ զի յոյժ սիրէր զՍմբատ և հաւատայր նմա . կոչէ առ ինքն և ասէ . ե՛կ արքայուն՝ եւ ծանո՛

ինձ զառնանայն որպիսութիւն այնր աշխարհի եւ զօրաց խոց : Եւ նա կարգաւ պատմէր նմա. ապա վասն Արղունին հարցանէ եթէ՝ ո՞րպէս աւերեաց զաշխարհն զայն եւ կախէ զքահանայս եւ զմին սպանեալ է . պատասխանեալ Սմբատայ արդարացուցանէ զԱրղունն. եւ ամենեւին ստէ զմատնողսն : Ընդ որ ցասուցեալ արքայի մեծամեծացն իւր եթէ ընդէր ոչ ուղիղ քննեն : Եւ հրամայէ վաղվաղակի ատեան դնել եւ քննել Սմբատաւ հանդերձ, զոր եւ ի վաղիւն արարին իսկ : Եւ ստեալ Սմբատայ զնոսա՝ առ ժամայն սաստակեցին զՍեինճ բէկն եւ Շարափադինն . եւ զԱրղունն հանեալ ի կապանաց ածին առաջի արքայի, եւ մեծարեաց տրքայ զնա եւ եդ յառաջին գործն . եւ կալեալ զձեռանէ Սմբատայ յանձնեաց նմա . եւ հրամայեաց գրել նորանոր հրամանս եւ առաւել պնդութեամբ հաստատեաց քան զառաջինն զժառանգութիւնն Սմբատայ : Եւ այնպէս մեծամեծ յաջողմամբ ելեալ անտի Արղունաւն հանդերձ՝ եկին վաղվաղակի յաշխարհս : Եւ վասն մեծի երախտեացն ոչ գիտէր Արղունն եթէ որով պատուեսցէ զՍըմբատ (113) :

Իսկ ի գաղն Սմբատայ յամօթ եղեն ամենայն թշնամիք եւ հակառակորդք նորա : Որ եւ տիրեաց ամենայն զաւառաց եւ զիւղից իւրոց . բայց յետոյ իւր կամաւ վասն սիրոյ եւ միաբանութեան՝ ոմանց

դարձոյց եւ եթող յետս աստ եւ անդ ի գիւղից եւ յազարակաց (119). և զայլն հաստատեաց սեպհական հայրենիք իւրոյ ազգի և զսւակաց : Բայց եղև առաջին գնալն Սմբատայ ի Մանկու զման յ700 թուականին. և երկրորդն յ705 թուականին : Սա մեծաւ փառօք պատուեալ և սիրեցեալ լինէր յաչս Հուլաւու զանին, եւ կացուցեալ ի վերայ բաղում գործոց իւրոց : Սա չինեաց զհրաշակերտ ժամատունն ի Նորավանս, ի վերայ գերեղմանաց իւրոց . և արար բազում արդիւնս եւ փարթամացոյց զնա և զարդարեաց զեկեղեցին և ետ գեղանս և այգեստանս, որպէս վերագոյն ասացաք : Սա գնաց ի Բասեն հրամանաւ Հուլաւոյ յին վասն սնոսար (120) մայրափայտից զի չինէին զմեծ արքունիքն որ ի Ռառն դաշտի զոր Ալա դաղ (121) կոչեն. և եկեալ յԱշորնիս՝ զնաց ի վանսն Թաթրոյ եւ բաղում ծախսօք եւ մեծաւ ջանիւ էառ մասն ինչ ի գլխոյ սորբ Լուսաւորչին Գրիգորի զի կայր անդ մի կողմն գլխոյն . էառ եւ զգազաթ սրբոյն Գրիգորի Սքանչեւագործի զոր բերեալ եւ ժողովեալ էր անդ վերջին Գազիկ թագաւորն Բագրատունի. եւ եղեալ ի պահեստի ի կործանման ժամանակին : Եւ բերեալ զանպատմելի գանձն աստուածային՝ զարդարեաց ոսկով եւ արծաթով եղեալ յաղիւսաձեւ պահարանի եւ բնակեցոյց ի գերահռչակ ուխտին Նորավանից. ետ և կաշ-

Հատ. Բ :

մել պահարան Աւագ Սուրբ Նշանին յոսկւոյ, ի կերպ
աղիւսակի ունելով դրունս երկրացիկս եւ գրեաց ի
թիկանց կուսէ յիշատակ ինքեան :

Ընդ աւուրսն ընդ այնոսիկ վախճանի եղբայր
սորա գեղեցկածաղիկն իվանէ, եւ դնի ընդ Ելիկու-
մին. Թողու զաւակ մի բարերոյս Լիսարիտ անուն.
եւ յետ սակաւուց մեռանի եւ միւս եղբայրն,
քաջ սալառազէնն Փախրադուլայն. եւ դնի ընդ
նոսա : Իսկ եղբորորդին սոցա Բուրթէլն գնաց ընդ
գորս Հուլաւույին ի պատերազմ ընդ Բերքայ զա-
նին (122) ի դաշտն Խազրաց որ այժմ Խփչախք կո-
չին. եւ առ մեծ գետովն գոր Թերզ (Տերեկ) կոչեն,
սպանանի ի պատերազմին յ710 թուին : Եւ յետ
այսր փոխի ամենօրհնեալ մայր սոցին Ասփայն
յ712 թուին, և դնի ընդ որդւոց իւր : Եւ մնայր Սըմ-
բատայ օգնական միայն կրսեր եղբայրն իւր Տար-
սայիճն, որ էր այր գօրեղ եւ պատերազմող և յաջո-
ղակ յամենայն դործս, նաև բարեպաշտ և աստուա-
ծասէր յոյժ. որ առեալ իւր կին յԻսմայէլացւոցն՝
զղուստր տեառն Սիւնեայ՝ զԱւուզ խաթունն, որ
եղև քրիստոնեայ եւ երևելի հաւատով եւ երկիւղած
յԱստուծոյ. յորմէ ծնան որդիք երեք՝ Ելիկումն,
Ստեփաննոս, որ կոչեցաւ յեպիսկոպոսութիւն, եւ
Փախրադուլայն : Եւ տիրէր Տարսայիճն կողմանն
Որոտան :

Սա զարդարեայ զմեծ եկեղեցին Տաթևոյ ի սպա-
սըս և ի զգեստս զեղեցիկս, և ետ ի սուրբ եկեղեցին
զվաղնջուց յախշտակեալ ժառանգութիւնսն՝ զՀար-
ժիս իւր սահմանովն, զՅուր իւր սահմանովն, և զիւր
ձեռատունկ այգին ի Խոտագետ, և զՔէթիվանս
իւր սահմանովն . եւ զրէ ինքեան արձան յիշատակի
ի վերայ սեան հարաւային որ ունէր օրինակ զայս
« Այս զիւր յիշատակի եւ արձան անջնջելի է իմ
Տարսայիճիս՝ իշխանաց իշխանի, որդւոյ մեծին Լի-
սպարտի՝ եղբոր Սմբատայ՝ մեծ իշխանի, կողմնակալի
յայսմ նահանգի, որ իշխեցող էի (123) այսմ գաւա-
ռաց ի դրանէն Բարկուշատայ մինչեւ ցսահմանն
Բջնուոյ, միարանեցայ Տաթևոյ սուրբ առաքելոցս, և
տվի զիմ հոգւոյ մասն ի յիմ սեփական ուխտս ի սուրբ
եկեղեցիս գիւղս 6 (124), զոր լուեալ էաք ի հին ժա-
մանակաց ժառանգութիւն լեալ սմին՝ զՇնհէր, ըղ
Խոտն աւան սահմանօք իւրովք, լերամբ և դաշտիւ,
եւ ի Խոտագետ եւ ի Խոտ զմեր ձեռատունկ այգին,
եւ զՅուր եւ զՀարժիս իւր սահմանովն, զորոյ զկէսն
դանձագին էի արարեալ . եւ զԲորտի, զՔէթի-
վանս իւր սահմանովն . եւ եպիսկոպոսք տեղւոյս
Տէր Սողոմոն հաստատեցին մեզ յիշատակ, եւ
կարգեցին սրատարագ յամենայն ամի մին քա-
ռասունք՝ զ10՝ Յայտնութեանն, զ10՝ Զատկին,
զ10՝ Աստուածածնին, զ10՝ Ասագ տօներին,

+

1

դ²⁰ օրն ինձ Տարսայիճիս եւ դ²⁰ օրն իմ եղբօրն
Սմբատայ :

Արդ՝ որ յետ մեր ի մերոց կամ յօտարաց կամ
յիշխանաց կամ ի ձեռնաւորաց այս հաստատ պայ-
մանս եւ անքակ վճիռս խափանել ջանայ, կամ զայն
գիւղորէքն կամ զայդին յայս եկեղեցւոյս հանել
խորհի՛ բաժին ընդ Յուդայի եւ ընդ այլ խաչահան-
ուացն եղիցի, և զՎայենին և զամենայն չարագոր-
ծացն առցե՛ պատիժս, և յերից սուրբ ժողովոցն նզու-
վեա՛լ լիցի. եւ թէ տաճիկ աւագ փոխի եւ յաիշտա-
կել ջանայ՝ յԱստուծոյ եւ յիւր փեղամբարէն ապի-
զսի՛ր (125) եղիցի, և ընդ սատանայի ի գժոխս իջցե՛.
և տամբք և զաւակօք ջնջեա՛լ և բարձեա՛լ եղիցի.
իւր հարպն լինի հարսմ և հազար, հազար, հազար
նարսք (նաչաթ) լիցի. ի թուիս 723 յամսեաննս
Նոյեմբերի 13 :

Եւ է վկայ այսմ վճռիս Տէր Սարգիս՝ Նորավա-
նից եպիսկոպոս. և Սարգիս՝ փականակալ սուրբ եկե-
ղեցւոյս. և յիմ ազատաց Հասան Ասարապետի որդի,
Որոտչահ՝ Լորայ թոռն, Միրան՝ Նուերայ որդի.
հաստատ է կամաւն Աստուծոյ. Աստուած շնորհա-
ւոր արասցէ սուրբ ուխտիս : Յուսովն Աստուծոյ եւ
Տարսայիճս իմ ձեռագրովս հաստատեցի զընծայքս.
արդ՝ որ յետ իմ յիմ զաւակայս և թոռանց կամ
յայլ իշխեցողաց զմեր հոգիս զրկել խորհի եւ զմեր

յոյսն խափանել եւ զմեր սահմանեալս քակել ջանայ՝ յ318 հայրապետացն նշուեալ եղիցի իմահ եւ ի կեանս, կտրեալ եւ ջնջեալ լիցի յայս կենացս եւ ի հանդերձելոյն. ամէն :

Իսկ Սմբատայ հայրագիր լեալ տանն Աւագին՝ խորհի ընդ այլ իշխանացն. եւ տան սպանանել ի ծովամիջի զԳոնցայն, հրամանաւ Հուլաւու զանին. եւ ինքն իշխէր ամենայն իշխանութեանց Աւագին : Եւ առ զգլուտոր նորա զԽոջաբն ի կնութիւն մեծ Խօջային սահիպ զիւանին որ ունէր ի բռին զամենայն աշխարհս տէրութեան Ապաղայ զանին (126), որ ասի լինել ըստ մեծի դաւթարի զիւանին համարս 150 զումանի, և մի դումանն մի բիւր է. և նա էր զիւանի գլուխ և վերակացու ամենայնին. և էր այս յ718 թուին : Բայց մեծ եւ բարեպաշտ արքայն աշխարհակալ, յոյսն եւ ակնկալութիւնն քրիստոնէից՝ Հուլաւու զանն մեռանի ի յ713 թուին. ընդ նմին եւ ամենօրհնեալն Տօնդուզ խաթունն՝ կին նորա, որք դեղակուր եղեն ի բաղմահնար Խոջայէն սահիպէն. որ եւ գիտէ Տէր (թէ) ոչ ինչ էին ընդհատ բարեպաշտութեամբ քան զԿոստանդիանոս և զմայր իւր Հեղինէ, որք թագաւորեցին ամս 8 :

Եւ ապա նստաւ ի տեղի նորա որդի նորին Ապաղայն, այր հեզ և բարի և խաղաղարար. և սա սիրող քրիստոնէից. վարեալ զղանութիւնն բարեյաղթ յա-

✓ / —

Ջողմամբ ամս 18 . և մեռանի ի դաւելոյ ոմանց ի
Համիան, յ731 Թուականին : Բայց Սմբատ անզա-
ւակ գտլով՝ առեալ զմի յորդոց եղբօրն Տարսայիճին
և որդիացուցեալ ինքեան՝ տայ յուսումն գրոց եւ
ի հրահանգս քահանայութեան : Եւ ինքն յետ քա-
ղում շինութեանց աշխարհաց եւ վանորէից և եկե-
ղեցեաց և մեծամեծ և երևելի գործոց, որ անց ընդ
ամենայն նախնիս իւր, գնաց ի մեծ դիւանն ար-
քունի առ Արղունն և Սահիպն ի Դավրէժ շահատ-
տան : Եւ անդ հիւանդացաւ հիւանդութիւն մեծ,
որ եւ մեռաւ իսկ : Եւ տուեալ զամենայն իշխանու-
թիւն իւր յեղբայր իւր Տարսայիճն՝ յանձնէ (127) զնա
Արղունին եւ Սահիպին. ե ինքն փոխի ի կարգըս
հրեշտակաց, մերձ գտլով նմին երանելին եւ սուրբ
բարունին Շալուէ, վարեալ զիշխանութիւնն մե-
ծաշուք պատուով եւ երևելի փառօք ամս 20 :

Եւ եկեալ ամենայն մեծամեծացն լացին զնա, և
մեծապէս պատուով զարդարեցին զդազաղս նորա
արքայակերպ ճոխութեամբ, և այնպէս բարձրացու-
ցեալ (128) բազմականօք, խաչիւք վառելովք, ջահիւք
և մոմեղինօք, պաշտամամբք մեծաձայն, բազմու-
թեամբ քահանայից զարմացուցանելով զաշխարհա-
գումար մայրաքաղաքն՝ հանին հանգիսիւ ընդ դուռն
նորա. և բերեալ ի հայրենի դամբարանն սուրբ ուխ-
տին Նորավանից . եւ աշխարհախումբ հանդիսիւ

եգին ի տապանի ընդ հարս իւր ի թուականին 722 :
 Վասն որոյ և շինէ եղբայր իւր Տարսայիճն նմա տուն
 տապանի, եւ եկեղեցի յանուն սրբոյն Գրիգորի, եւ
 անդ փոխէ ի հանգիստ զեղբայր իւր Սմբատ : Որոյ
 Քրիստոս Աստուած՝ յոյսն հասարակաց, շնորհեսցէ՛
 հանգիստ և ողորմութիւն. եւ մաքրեսցէ՛ զամենայն
 աղտեղութիւն հոգւոյ նորա, եւ կարգեսցէ՛ ընդ
 սուրբ եւ փառաւորեալ իշխանացն Հայոց . եւ յիշատակ
 նորա օրհնութեամբ եղիցի : Բայց լժւր թէ՛
 զորպիսի երախտիս գործեաց սա առ ազգս իւր :

Էր թագաւորութիւնն Վրաց առ կնոջ մի Ռուսուղան անուն, եւ էր որդի մի Լաչային Դաւիթ անուն զոր բազում հնարիք ջանայր Ռուսուղանն այն կորուսանել (129) զնա. երբեմն դնէր ի քարուտ և ծովասոյզ առնէր. երբեմն տայր յիշխանսն սպանանել, և նոքա ի գետնափոր յարկի պահէին. երբեմն վարէր ի հեռաւոր աշխարհ զի անդ կորուսցեն, և յամենայնէ գերծեալ լինէր ինամօքն Աստուծոյ : Եւ երթեալ փախստեայ առ մեծ արքայն Մանգու զանն՝ դառնայր ի նմանէ. և եկեալ թագաւորէր յիւրում աշխարհին, և գտանէր սատակեալ զՌուսուղանն : Նա առնոյր իւր կին զԹաւանգն (130) Նախջաւանու զԵսուգանն. առեալ էր և միա կին զԳոնցայն և ունէր ի նմանէ զաւակ մի Դեմետրէ անուն : Եւ Սմբատ ամենայն հաւատար-

մութեամբ հպատակէր նմա . եւ թազում եւ մեծ երախտիս ցուցանէր նմա առաջի Հուլաւու ղանին և առաջի մեծամեծացն, ևս առաւել ի մեծ դրանն : Եւ այնքան սիրեաց զնա Դաւիթ Թադաւոր, զի հաւասար զլիւոյ իւրոյ տեսանէր . և զփոքրիկ տղայն Դեմետրէ ղնէր ի ձեռս նորա և տայր նմա որդի : Եւ Սմբատ զրազում Թշնամիս Թադաւորութեան նորա ի մեծամեծ գոռոզանւոյն տայր սպանանել ի դրան արքունի . զի այնքան լսող էր Հուլաւուն նմա . զի ում կամէր՝ մահ տայր ածել, և ում կամէր՝ կեանս շնորհէր, վասն որոյ ամենայն ռք զողայր ի նմանէ և ամենեցուն աչք ի նա հայէին :

Ապա կոչէ Թադաւորն զՍմբատ ի Տփղիս, և կամէր մեծամեծ սլարգւօք երախտահատոյց լինել նմա . հարց ցնա եւ ասէ . ո՞րպիսի կամք ենքո զի պարգեւեցից քեզ սլարգեւս մեծամեծս, զի զոր կամիս եւ հաճոյ Թուի քեզ յիմ Թադաւորութենէս՝ անխնայ է քեզ . յոտն կացեալ Սմբատայ եւ երկիր պաղեալ նմա ասէ . ո՞վ Թադաւոր՝ զոր ունիմք՝ ամենայնն քո է եւ նախնեացն քոց . եւ այս մեզ բաւական է, այլ խնդիր է իմի քէն բան մի Թէ կամիս . եւ ասէ Թադաւորն . երդուեալ եմ զի զոր ինչ խնդրես՝ տաց քեզ : Ասէ Սմբատ . բսրձ զչար յիշատակն մեր զոր զրպարտեաց նախնին քո Գէորգի զնախնիսն իմ . եւ ետ գրել եւ նղովք կարգել զի մի Թող-

յեն զմեզ ի հայրենիս մեր. եւ պահեաց ի տան
գանձու իւրում. տո՛ւր զայն ի ձեռս իմ : Եւ զար-
մացեալ թագաւորն՝ նախատէր զհան իւր թէ ընդ-
է՛ր զայսպիսի արա զօրեղս եւ յաջողակս եհան ի
տանէս մերմէ : Եւ հրամայեաց սպասաւորացն յոյզ
առնել և գտանել զգիրքն. որք երթեալ գտին եւ
վաղվաղակի բերին : Առեալ թագաւորն ի ձեռն՝
յոտն եկաց եւ ասէ. ահա Սմբատ՝ ան զգիրքս զոր
խնդրէիր : Յարուցեալ Սմբատայ երկիր պագանէր
եւ ասէր. ո՞վ արքայ՝ մինչ այդչափ ողորմեցար,
զկատարեալն ցոյց առ իս բարիս. այդ գիրք դրեալ է
ձեռամբ թագաւորի, սա՛րտ է եւ ջնջիլ ձեռամբ թա-
գաւորի. հրամայեալ լուցանել առաջիքդ կրակ, և քո
ձեռամբ ընկեալ ի նս զգիրքդ :

Եւ առ ժամայն հրամայեաց թագաւորն և լուցին
կրակ. և հանեալ զսուրն կոտորեաց զթուղթսն եւ
ընկեաց ի կրակն և այրեաց. ընդ որ յոյժ խնդացեալ
Սմբատ՝ մեծապէս շնորհակալէր նմա : Յետ որոյ եւ
այլ բազում եւ մեծամեծ պարգևօք և թագաւորա-
կան զգեստութեամբ պատուէր եւ խիշայէր զնա թագա-
ւորն, եւ այնպէս դարձուցանէր ի տուն իւր : Ահա
այսու օրինակաւ երարձ Սմբատ զնախատինս նախ-
նեաց իւրոց. և արար զկնի եկեղոցն յիշատակ բարի :
Իսկ զկնի սորա տիրեսլ ումենայն իշխանութեանց
նորա եղբայրն իւր Տարայիծն. որ սլաոտուեալ եւ
Հասո. Բ :

սիրեցեալ յաչս աշխարհակալացն եւ ամենայն մեծամեծաց՝ վարէր զիշխանութիւնն իւր բարձր եւ չքեղ փառօք, ահարկու ի վերայ ամենայն թշնամեաց. և այնքան յարգեալ լինէր առաջի Ապաղայ զանին որ բազում անգամ զարքայական հանդերձն իւր մերկացեալ յանձնէ՝ հագուցանէր Տարսայիճին յոտից մինչև ցզլուխն, եւ զկամարն ի համակ ոսկւոյ բազմագին ակամբք և մարգարտօք լցեալ՝ (131) տայր ածել ընդ մէջ նորա : Եւ զի այր ուժեղ եւ սրտեայ եւ պատերազմող էր, և հասակաւ ահարկու, յամենայն պատերազմունս, յոր եւ երթայր, մեծամեծ քաջութիւնս (132) եւ անպարտելի զօրութիւնս ցուցանէր, ի Խորասան, ի Շամ, ի Հոռոմս, ի Համս եւ ի Համայ ընդ Մսրացւոյն, և ի Դարբանդ՝ ինն անգամ վանեալ անձամբ զպատերազմ և մղեալ մարտս. վասն որոյ մեծամեծ պարգևօք պատուեալ լինէր յարքայից արքայէ. եւ առեալ զոսկի բաշխն որ էր տափարակաձև ի չափ թղոյ մի եւ կշիռ լտեր միոյ. զի այն իսկ էր յաղթութեան պատիւն :

Սա առեալ զթագաւորն Վրաց Դաւիթ՝ գնայր ի տունն Խաչենոյ, առ որդի մեծ իշխանին Զալալին Աթաբէկն. և առնոյր զքոյր նորա ի կնութիւն զՄինա խաթունն առ կենօք առաջին ամուսնոյն : Ընդ որ ոչ հաճեցան օրէնք եւ վարդապետք եկեղեցւոյ : Եւ բերեալ ի տուն իւր ստացաւ ի նմանէ որդի մի

գեղեցկուղէչ. և անուանեաց զնա Զալալ. եւ դըստերս երկու, յորոյ զաւագն ետ ի կնութիւն մեծի և փառաւորեալ իշխանին Խաչենոյ Գրիգորոյ՝ որդւոյ Հասանայ, որդւոյ մեծի Գրիգորին, որ էր քեռորդի Աթարէկ Իվանէի. եւ զմիւսն յետ հօրն ետուն եղբարքն հարսն ի տուն Վրաց թագաւորին՝ կին եղբօրն Դաւթի թագաւորի, Մանուէլին՝ որդւոյ Դեմետրէ թագաւորին, որ էր որդի Դաւթի թագաւորին. որ սլակասեաց (133) ի 719 թուականին :

Սա շինեաց եկեղեցիս. և արար բազում արդիւնս ի վանորայս. ետ եւ ի վանսն Յաղայքարոյ գիւղ, ի Գեղաքունի զԴառնոսկերն. եւ այգի մի ի Մաճուկայ ձորի. և գրէ ինքեան արձան ի վերայ սրբոյ Ասրապետին. և կարգէ սրտարագս երկա ամ յամէ. ե փակէ ահագին նզովիւք զի մի խախտեսցեն զհոգեցատուրն զայն : Նորոյէ և բազում եկեղեցիս խախտեալս եւ հնացեալս : Վախճանի եւ յաւուրսն յայնժմէս ի բարեպաշտուհի կին նորա Արուզ խաթունն. եւ դնի ի տապանի, ի դրան սուրբ առաքելոյն ի Տաթեւ : Բայց յետ թագաւորութեան Դաւթի զորդի նորա Դեմետրէ բերեալ Տարայիճի ի տուն իւր մնուցանէր, ըստ պատուիրելոյ հօրն : Եւ ապա բազում ջանիւ եւ օժանդակութեամբ նստուցանէ յաթոռ հօր իւրոյ թագաւոր Վրաց ի 721 թուականին : Իսկ յետ Ասլաղային որ մեռաւ ի 731 թուին նստի

Թագուտարն՝ (134) եղբորորդի նորին, զան, ամենայն աշխարհի. որ եւ Ահմադ անուանեաց զինքն. եւ խորհեցաւ քակել զօրէնս քրիստոնէից եւ առնել մըսման զամենայն ազգ : Եւ յերբորդում ամի տէրութեան իւրոյ եսպան ի Մուղան զմիւս եղբայրն զՂաւնդրաթայն եւ զսուլտանն Հոռոմոյ զԽիաթադինն (135) եւ զերկուս որդիսն Յագանին : Եւ ի դարնանային ժամանակին գնաց անհուն զօրօք ի Խորասան ի վերայ Արղունին՝ որդւոյ Ապաղայ զանին, զի սպանցէ զժառանգ թագաւորութեանն. եւ կալեալ զնա դարձաւ այսրէն :

Իսկ Աստուածն քրիստոնէից յայնմ գիշերի դարձոյց զսիրտ մեծամեծացն առ Արղունն, զոր հանեալ ի բանտէ կապանացն՝ թագաւորեցուցին (136). և սուր ի վերայ եղեալ կոտորեցին զամենայն թշնամիս նորա : Հասեալ զկնի սատակեցին զԱհմադն եւ զհամախոհս իւր՝ զՀասան Մանլի շեխն (137), զՍահիսլ դիւանն, զԱլինախն եւ զայլս բազումս : Եւ էր ընդ նոսա թագաւորն Դեմետրէ, զոր սիրեաց Արղունն, եւ ետ նմա զամենայն աշխարհս Հայոց՝ ըզտունն Աւագեան և զտունն Շահանշահեան եւ ըզՊազեցին եւ զորդիսն Սադուն աթաբէկին : Եւ ինքն էր յոյժ սիրող քրիստոնէից եւ եկեղեցեաց : Էր ընդ նոսա եւ Տարսայիճն, զոր յոյժ մեծարեաց և սիրեաց Արղունն : Ապա դարձաւ Դեմետրէ մեծաւ

խնդութեամբ եւ ամենայն աղատօր, եւ մեծամեծք Վրաց եւ Հայոց ընդ նմա : Եւ եկեալ ի Շարուր՝ գնաց նմա ընդ առաջ Տարսայիձն մեծամեծ պատուով, եւ արքունական ընծայիւք մեծարեաց զթագաւորն : Եւ նա առեալ տարաւ ընդ իւր զնա յերկիրն Աւաղեան՝ յԱյրարատ. եւ բազում թախանձանօք բռնազրօսեաց զնա, եւ եդ Աթաբէկ իվերաց ամենայն տէրութեան իւրոյ մինչև ի Տփղիս եւ յԱնի եւ ի Կարս : Եւ եդ ի ձեռս նորա զտղայսն իւր զԴաւիթ եւ զՄանուէլն սնուցանել զնոսա եւ պահել :

Եւ յայնմհետէ ունէր Տարսայիձն զաթաբէկու թինն աշխարհիս Հայոց, և բազում գիւրութիւն եւ ողորմութիւն առնէր նեղեալ ազգիս Հայոց : Եւ գնացեալ ի Տփղիս՝ ետ բերել զդիւանն արքունի եւ ընթերցաւ զամենայն դարարան, եւ զի էին գրեալ ի դարարն անուանք վանորէից Հայոց զի ի ներքոյ հարկի եւ դիւանի կայցեն. ապա ետ բերել զժիկնաւորսն աւագ դիւանադարութեանն. և փոխեաց ըզդարարն. և եհան զանուանս վանորէիցն սուքի քան զ150. եւ զհինն այրեաց հրով. և այնպէս աղատեաց զամենայն եկեղեցիս : Նաև այնքան ողորմած եւ զթած եղև առ ամենեւեան զի ի Նետիս գիւղ, որ է ի վերայ Հորազդան գետոյ, խաչ կանգնէին եւ անուամբ նորա կոչէին զնա :

Սա արար ժողով բազում եպիսկոպոսաց և վարդապետաց եւ վանականաց աշխարհախումբ հանդիսիւ ի գերաւիառ ուխտին Նորավանից, եւ ետ ձեռնադրել զորդի իւր Ստեփաննոս ի բազանայութիւն ի 729 թուականին. և յետ հինգ ամի յուղարկեաց ի թագաւորութիւնն Հայոց ի Ալիլիկիա, առ մեծ կաթողիկոսն Տէր Յակոբ ի ձեռնադրութիւն եպիսկոպոսութեան. Որ եւ ի հասանելն անդ, վախճանեալ էր կաթողիկոսն, եւ բազում պատիւ եւ մեծամեծ փառս ընդունէր ի թագաւորէն Հայոց Լեւոնէ որ և յորով թախանձանս առնէր նմա մնալ անդէն և նըստել յաթոռ կաթողիկոսութեան Հայոց (138) : Եւ մինչ ոչ առնոյր յանձն՝ ապա արարեալ մեծ աշխարհաժողով և բազում ընտրութեամբ կացուցանեն կաթողիկոս Հայոց զՏէր Աոստանդին յաւուր ճրագալուցի Զատկին : Եւ ի մեծի աւուր Զատկին ձեռնադրեն զՍտեփաննոս մետրապօլիտ մեծ աթոռոյն Սիւնեաց ի վերայ այլոց եպիսկոպոսացն որ կային աստ և անդ, ոմանք ի Վայոց ձոր եւ ոմանք ի Տաթեւ. որք և միաբան թղթովք և ընծայիւք յուղարկեալ էին զնա առ կաթողիկոսն վասն նորոգման սուրբ աթոռոյն հին պատուոյ եւ աստիճանին որ բարձեալ էր ի վաղնջուց վասն աւերման և կործանման աշխարհիս :

Եւ այսպէս պսակեալ զՍտեփաննոս ընդ (139)

սուրբ և առաքելական եկեղեցւոյն Տաթևոյ փեսայա-
ցուցանեն այսմ աթոռոյ . եւ գրեն չրջաբերական
նամակ ոսկեգիր մագաղաթաւ, մեծարգի բանիւք և
հաստատուն պայմանաւ նորոգելով զպատիւ աթո-
ռոյն զմետրապօլտութեանն . և չքեղացուցեալ անհա-
մեմատ փառօք զգեցուցանեն նմա զհայրապետական
զգեստն ոսկեթել հիւսուածով . եւ ղնեն թագ պատ-
ուական ի գլուխ նորա . զայս կաթողիկոսն (140) .
իսկ թագաւորն նմանապէս զգեցուցանէ ի թագա-
ւորական զգեստուց ըստ հայրապետական ձևոյն .
եւ ղնէ կրկին անդամ թագ պատուական ի համակ
ոսկւոյ ի գլուխն, որ եւ ղանուն թագին ինքեանք
միթր կոչէին . տային և ղեմիփորոնն մեծախորհուրդ
զերեք կրկինն, որ մետրապօլտացն է, և խոյր ոսկե-
թել մարգարտայեռ յօրինուածով . նաեւ այլ բա-
զում պարգևս մեծամեծս . և այնպէս բարձրագոյն
փառօք դարձուցանեն այսրէն ի թուականին 736 :

Իսկ ի գալ (141) նորա խնդաց հայրն իւր Տար-
սայիճն եւ եղբարքն եւ ամենայն աշխարհն : Բայց
յետ սակաւուց խանդացեալ եպիսկոպոսացն որի Տա-
թեւ՝ զնացին առ այլազգիսն և բազում ոճիրս սեր-
մանեցին եւ յողով վիշտս հասուցին եկեղեցւոյ . եւ
մինչ ի վսխճան ինքեանց երկոցունցն Տէր Հայրա-
պետին եւ Տէր Յովհաննիսին ոչ դադարեաց խաղճն
եւ խռովութիւնն : Իսկ Տեառն Ստեփաննոսի զնա-

յեալ առ մեծ աշխարհակալն Արղուն. եւ ցուցեալ նմա զնամակ կաթողիկոսին եւ ծանոյց զամենայն որպիսութիւնն : Եւ նորա մեծապէս պատուով ընկալեալ զնա՝ յոյժ հաճեցաւ, եւ հրամայեաց գրել նմա ըստ իւրեանց օրինին եառչեալ. եւ հաստատեաց զամենայն եկեղեցիս եւ զաշխարհն եւ զեպիսկոպոսունան ի Տէր Ստեփաննոս. եւ ետ նմա այր ի դրանէն և փայլգաց. և այնպէս յուզարկեաց յաթոռ իւր : Որ եւ եկեալ տիրէր ամենայնին ի փառս Աստուծոյ : Եւ կային հնազանդութեամբ ի ներքոյ նորա Տէր Գրիգորն, որ էր ազգական Տեառն Յովհաննիսի, և Տէր Սարգիս որ ի Նորավանս : Այս Տէր Սարգիս, որպէս յառաջն ասացաք, բազում արդիւնս ցուցեալ ի Նորավանս, եւս առաւել արար գործ մի երևելի, զի ի գիւղն Աւփայ ի վերայ գետոյն կանգնեաց կամուրջ զարմանալի տաշածոյ վիմօք՝ յոյժ բարձր և ընդարձակ և լայն, հիացուցիչ տեսողաց, բազում ծախիւք եւ անչափ աշխատութեամբ՝ հրամանաւ բարեսլաշտին եւ մեծափառ իշխանին Տարսայիճին, որոյ վարձատրեսցէ Քրիստոս հազարապատիկ :

Յայսմ ժամանակի երկսլառակեցան զօրքն զան Արղունին. եւ անկաւ շփոթումն մեծ ի մէջ մեծամեծացն զյիսաւորաց, և հանին բազում արեան ճապաղիս. զի կալաւ Արղունն զմեծ զօրսպետն ըդ

Բուղայ չինքսանն, որ կոչի աւագայ աւագ կամ տէրանց տէր, եւ եսպան զնա զի խորհուրդ նեն, գութեան էին խորհեալ նմա. ընդ նմա եւ զամենայն համախոհս նորին զԼազանն եւ զԹուլուխ հաղարապետն, զԱրուխն, զԱւճանն և այլ բազումս. օակո որոյ եւ զրպարտեալ զթագաւորն Վրաց Գեմետրէ բաղբաղելով եղին ի վերայ բարուրս մահու և տարեալ սպանին տարապարտ ի մեծ դաշտին Մովկանայ (142) յեզր դետոյն Կուրայ ի Թուին 738 : Իսկ քրիստոսասէր եւ ամենօրհնեալ իշխանայ իշխանն Տարսայիճ, յետ բազում բարեպաշտութեանց եւ երեւելի գործոց, լցեալ զկէտ կենաց իւրոց՝ վախճանի յիւրում դարապասին յԱրփայ. եւ տարեալ ի Նորավանս մեծ աշխարհաժողով հանդիսիւ զնի ընդ եղբօր իւրում Սմբատայ՝ յիւրում (143) ձեռակերտ դամբարանին, ի Թուականին 739 : Եւ ապա որդիք նորա վիճէին ի վերայ տէրութեան եւ իշխանութեան հօրն. որք զնացեալ ի դուռն արքունի՝ յանդիման եղեն աշխարհակալ զսն Արղունին եւ ծանուցին զքանս իւրեանց : Իսկ նորա յառաջ կոչեալ զաւագագոյն զԵլիկումն. և կարգեալ զնա ի տեղի հօրն՝ կացուցանէ իշխան ի վերայ ամենայնին :

Բայց թէպէտ տիրեաց բոլոր հայրենեաց եւ իշխանութեանց հօրն. սակայն ոչ կամեցաւ զրկու-

Թիւն առնել եղբարցն. այլ եպիսկոպոսօք եւ վարդապետօք և աղատօք բարժանեաց զամենայն ժառանգութիւնսն եւ ետ ըստ պատշաճին զրաժին եղբօրն Զալալին՝ ի նա, եւ զրաժին հօրեղբօրորդւոյն Լիպարտին՝ ի նա : Եւ այնպէս կային միաբանութեամբ և վարէին զտէրութիւն յայսմ նահանգի մեծարգոյ եւ չքեղաշուք իշխանութեամբ պատուեալ և միառաւորեալ յաչս աշխարհակալացն եւ մեծամեծացն, պահելով զաշխարհս զայս ի խաղաղութեան, եւ զվանորայս ի շինութեան : Եւ զի յայսմ ժամանակի ամենայն աշխարհ ավերեալ եւ ապականեալ էր, և վանորայք խափանեալ ի պաշտամանէ, եւ ամենեքեան առ հասարակ դիմեալ ի տէրութիւն սորա, աստ զհանգիստ առեալ զետեղէին, որպէս եւ եկն կաթողիկոսն Ազվանից Տէր Ստեփաննոս, և բնակէր առ Տեառն Ստեփաննոսի՝ եզբօր սորա, և այլ բազում եպիսկոպոսք եւ վարդապետք և յազատ արանց. և էր տեսանել շնորհօքն Աստուծոյ զտունս զայս իբր զտապանն Նոյեան ի մէջ աշխարհակործան ակեացն, զոր և Տէր Աստուած անսասանելի պահեսցէ բարեխօսութեամբ սուրբ Աստուածածնին և ամենայն սրբոց մինչեւ ի կատարած աշխարհի :

Բայց այսու յոյժ գեղեցկացան. զինքեանք մարմնական իշխանութեամբն պայծառանային եւ եղ-

բայր իւրեանց Տէր Ստեփաննոս՝ հոգևոր շնորհօք և բարձր դիտապետութեամբ շքեղանայր, և յեռեայր սիրով ընդ միմեանս կային հանդարտութեամբ, ըստ այնմ եթէ զի՛ բարի կամ զի՛ վայելուչ՝ զի բնակին եղբարք ի միասին : Եւ ունէին սոքա բողբոջս բարեբոյս զաւակաց . Ելիկովին որդիք երկու՝ Բուրթէլ եւ Բուղտայ անուն, եւ դուստր մի զոր ետ ի կնո՛ւ, Թին գեղեցկածաղիկ իշխանին և մեծ կողմնակա, լին Էաչոյ՝ որդւոյ Հասանայ, որդւոյն Պոռչայ՝ մեծ իշխանին, որ էր որդի Վասակայ քաջի, զոր վերագոյն յիշեցաք :

Իսկ Լիպարտի՝ որդիք հինգ, որոց երիցագոյնն Սմբատ որ փեսայացեալ էր տանն Աթաբէկի Սադունեանց, և միւսն Յովհաննէս զոր առեալ Տեառն Ստեփաննոսի սնոյց և վարժեաց ուսմամբ, եւ ած ի քահանայութիւն (144) : Եւ արդ ո՞վ ընթերցողք՝ մի՛ լիցի ինձ որ պարսաւադէտ որպէս թէ զիւր ազգյարգէ և պատուէ, և կամ կարծիք ինչ տարցի, եթէ աւելի ինչ բանս յօդեալ պատուաստեցաք. վկայ է ինձ Տէր, որ յիսկզբանէ ճառիս մինչ ի կատարածս բազում ճշդիւ քննեալ գտաք զստոյգն, և զոր մեր ականատես էր եղեալ՝ ի բազմաց զսակաւն եւ զճգրիտն եղեալ կարգեցաք աստ : Եւ թէ զօտարաց ազգարանութեանց և յիշատակաց, որք վաղ ժամանակօք անցին, փոյթ եղև մեզ, ապա ո՞րքան

Հիշ
Բարձր
Հիշ.
Եւստ.

ևս առաւել զիմն (145) եւ զիմոցն : Եւ զի յայս մատեան զՍիսական աշխարհի զրոյցս կարգեցաք . եւ ի վերջոյ որդիքն Օրբէլեան կացին տէր եւ իշխեցող սմա. վասն այսորիկ հարկ եղև մեզ եւ զսոցայս ճառել . և դու ընկալ անախտ մտօք եւ զմեզ թո՛ղ առանց մեղադրութեան . փառք յաւիտեանս . Ամէն :



ԿԻ. — Վասն յիշատակի եւ միարանութեան ստատուածաբանական բազմութիւն Հայոց Լեոնի ի սուրբ, երկնահանգէտ արոուն Սիւնեաց ի Տարև որ ի ձեռն Տեստե Հայրապետին՝ Սիւնեաց եպիսկոպոսի :

Պատուեալ եւ սրատուական ծերունին Տէր Հայրապետ՝ եպիսկոպոս Սիւնեաց , յետ շինութեան սրբոյ ուխտին Տաթևոյ նորոգէ զխախտեալ և զծակոտեալ գլուխ սրբոյ եկեղեցւոյն, որ իշարժմանէ և իվաղ ժամանակաց հնութենէ ապականեալ էր : Եւ ի ձեռն մեծահար ճարտարաց քերածոյ քարամբք եւ կրաշաղախ ձուլմամբ յօրինէ զսալայարկս ծածկութի գմբէթին եւ ստորակայ սագիցն և գաւթին որ ի դրանն : Եւ ի սրբել զհին կազմուած աղիւսածոյլ եւ վիմակարկառ դերբկացն որ ի վերայ ձեղուանն՝ գտանեն ի գլուխ առաջին խորանին հիւսիս

սային կողման տուն գաղտանոց, եւ ի նմա մթերս անհուն սրբութեանց եւ նշխարաց առաքելական, հայրապետական եւ մարտիրոսական, յորում եւ կայր աստուածընկալ խաչն Բարգենեան : Եւ մեծապէս գոհութեամբ իջուցանեն յեկեղեցին : եւ անհուն լինի խնդութիւն եղբայրութեանն :

Ապա յետ բազում աւուրց ծերական ալեօք եսլիսկոպոսն բարեբարոյ Տէր Հայրապետ յաղթեալ ի սիրոյ Տեառն իւրոյ՝ դնաց ի տեսութիւն աստուածակոխ տեղեացն Երուսաղէմի . եւ հասեալ լիաւիազմանն ըսու զտենչումն երանելի ոգւոյն և դառնայ առ աստուածապսակ թագաւորն \ եւոն Հայոց : Եւ նորա ի վաղ ժամանակաց ցանկաւորդ եղեալ միաբանութեան սուրբ եւ գերաւիառ ուխտին Տաթևոյ՝ իւրախացաւ մեծապէս ընդ հանդիպումն եսլիսկոպոսին . եւ ըստ մեծայոյս հաւատոյն կազմեալ ընծայ թագաւորական սուրբ եւ երկնաձեւ եկեղեցւոյն զգեստ սեղանոյն յարքունական մետաքսից զբլւզանդային որ ի Յունաց ճարտարացն աննման կիտուածօք, եւ խաչ սլատուական ի սպիտակափայլ և սառնատեսակ քարանց համակ կերպացեալ և պընդեալ յոսկում, և սկիբ պատուականք ի զուտ արծաթոյ . և սյլ ըսգում սլարգես եսլիսկոպոսին : Եւ գրէ իւրով ձեռամբ յիշատակ ինքեան .

« Մարդիկ որ հոգւոյ աջօք յանվախճան կեանս հայե-
[ցան՝
Մինչդեռ ի մարմնի էին փրկութեան հոգւոյն ջա-
[նացան,
Յազագա որոյ ես Լեւոն թագաւոր ազդիս հայկա-
[զեան,
Եւ խոստովանող ուղիղ հաւատոյ համազոյ սուրբ
[Երրորդութեան,
Յայս Աստուածընկալ սուրբ ուխտ խնդրեցի լինել
[միաբան,
Որպէս զի հաղորդ եղէց ի նմանէ ամենից որ աստ
[բարութեան,
Որ եւ աղերսեմ առ ձեզ աստանօր անձինք սրբա-
[զան,
Զի մեզ եւ նախնեաց մերոց որք հանգեան յուսով
[յարութեան,
Լիցի՛ աղօթիւք ձերովք հասանել մեղաց թողու-
[թեան,
Եւ արքայութեան երկնից արժանի լինել հանգըս-
[տեան,
Ընդ որա եւ որդւոց մերոց եւ զարմից որ գան մեր
[փոխան,
Մնալ ի յերկրի կենօք ընդ երկայն աւուրս բարու-
[թեան » .
Ի թուիս Հայոց 731 :

Յեպիսկոպոսութեան Սիւնեաց Տէր Հայրապետայ եւ Տէր Յովնաննիսի, հզօր եւ բարեպաշտ արքայն Հայոց Լեոն տիրապետեալ արեւմտական նահանգին Ալիլիկիոյ, մեծագոյն յուսով եւ առատ սլարգւեօք միաբանեցաւ ի սուրբ ուխտս միեղէն եղբայրութեանս, որպէս յայտ առնեն վերոյգրեալ բանքք : Աւրդ՝ որ զկնի մեր գայք բնակել յայս աստուածարնակ տեղի աղօթից . եւ ամենայն բարեգործութեան որ աստ կատարին, հաղորդ կալլիք զբարեսէր թագաւորն Հայոց Լեոն հանապազորդ յիշմամբ առ Տէրն մեր Փրկիչ օրհնեալն յաւիտեան : Յաղագս այսր յուսոյ եւ սիրոյ աստուածազօր թագաւորին եղբայրութեամբս կարգեցաք զօր սրբոյ Զատիկի Յարութեան միաշարաթոռն յիշատակ նմա, որ կատարեն զպատարազն յամենայն եկեղեցիս անխափան մինչ ի վախճան :



ԿԸ. — Վասն կաթողիկոսութեան Հայոց որ զկնի Տեառն Յակոբայ . եւ ազգի ազգի պատահմանց եղցաւ եւ գերութեանց . եւ Հռովմայիս եւ մայրաքաղաքացն Փռանգաց որ ի ժովեզերիս :

Յետ սրբասէր կաթողիկոսին Հայոց Տեառն Յակոբայ մեծաւ հոնդիսիւ եւ աշխարհաժողով ամբողիւ

Նստուցանեն կաթողիկոս Հայոց ի Սիւ յաւագ եկեղեցին սուրբ Սուրբ զԿոստանդին վարդապետ, որ էր առաջնորդ սուրբ և գերահռչակ մենաստանին Խորին կոչեցելոյ, մեծապատիւ շքով և արքայնական ճոխութեամբ, ձեռամբ թագաւորին Հայոց Լևոնի՝ որդւոյ Հեթմոյ, ընդ որս և էր մեր նուաստութիւնս : Սորա կեցեալ ամս երեք (146) յաթոռն, ասլա վախճանեալ թագաւորին Լևոնի, պայազատէ զտէրութիւն նորա երէց որդին Հեթում . եւ սա նախանձ հակառակութեան բերեալ ի սրտին ընդ կաթողիկոսին Կոստանդեայ՝ առնէ ինքեան խորհրդակից յեպիսկոպոսայ և յիշխանայ գլխաւորագոյնսն, նա եւ ի վարդապետայ իսկ : Եւ հրապուրեալ զամենեւեան տիրանենդ խորհրդով՝ առնէ ժողով ի Սիւ մայրաքաղաք, եւ յառաջ կոչէ զբիւն չարաբանս . եւ դնեն բարուրս բաղուան զրադատ բանից ի վերայ հայրապետին, անարժան և անպատշաճ լսողաց . քննիչ եղեալ ծառայքն Տեառն և հօտն՝ հովուին, դատափեթ առնէին զիոխանորդն Աստուծոյ : Եւ այսպէս զրպարտեալ զկաթողիկոսն, զորոյ զիրան և զճշմարիտն Աստուած միայն գիտէ :

Իսկ հեզն այն եւ հանգարտն ըստ տիրապատուէր հրամանին ոչ ինչ ընդոստնոյր . այլ զամենայն յանձն առեալ առէր . արդար են բանրդ սոյդ . եւ ես ճշմարտիւ դործեցի զդոսա . բայց սոյդ յայտնիքն . իսկ

զծածուկն, որում վկայ է միայն ծածկագէտն, ըիւրապատիկ քան զդոյն ունիւմ ամբարեալ յողիս . և չեմ արժանի այսմ աստիճանի . արդ շոր կամ է ձեզ՝ արարէ՛ք ընդ իս : Որում պատասխանեալ թագաւորն և ժողովն . ի բայ հան ի քէն, ասեն, զկաթողիկոսութիւնդ և տո՛ւր ցմեղ : Լուեալ զայս կաթողիկոսին և յանձն առնոյր յօժարութեամբ . և զգեցեալ զգգեստն հայրապետական զբազմախաչն եւ զեմլիփորոնն հինգ կրկին որ պատրիարքացն է, և զթագն սլատուական եղեալ ի գլուխն, և զվաւերականն մեծագին ածեալ ի մատն, և առեալ ի ձեռն զաջ սըրբոյն Գրիգորի՝ օրհնեաց զթագաւորութիւնն զայն և զամենայն աշխարհ, և ասէ . զոհանամ՝ զքէն Տէր իմ Յիսուս՝ որ մատնեցեր զիս մարմնաւոր դատաստանաց և անցաւոր պատժոց և ամօթոյ, և ոչ պահեցեր յօրն մեծ յորում դատաստանքն աշեղ եւ պատիժքն անվճար եւ ամօթն յաւիտենական : Բայց տո՛ւր սոցա առաջնորդ բարի և հովիւ ընտիր զի ըստ կամոց քոց հովուեսցէ զբանաւոր հօտս քո . այլ արանցս այսոցիկ որք առին զդատաստանս քո . և նախ քան զօրն իմ աստուածաբար դատեցին զիս, դու արասցէ՛ս իրաւունս ընդ իս և ընդ նոսա :

Եւ ապա հանեալ զգգեստն եղ ի վերայ արծաթի սեղանոյ . նմանապէս և զսքեմն եսլիսկոպոսութեան հանեալ ծալեոց եւ եղ ի վերայ նորոս եւ ծածկեաց Հատ. Բ :

պատուական հանդերձիւ . եհանն ի մատնէն և զծան-
րագին մատանին . և զգաւաղանն և ետ զամենայնն
ցաւատգամաւորսն, և ասէ . ահա զոր խնդրէքդ : Եւ
ինքն ետ բերել մագեղէն մի սև և յոյժ խոշոր և ըզ-
գեցաւ . և ի նոյն մագեղենէն քուսիթայ եդ ի գլուխն .
և ողջունեալ զամենայնն՝ ել ի ստանէ եպիսկոպոսա-
րանին միայն եւ լռիկ, որ էր մերձ ի քաղաքն Սիս,
զոր Գլխիբացի կոչեն : Իսկ վատշուէրքն այն և ջե-
ռեալքն նախանձու և հեռիւ ոչ շատայան և ոչ յա-
գեցան այնու, և ոչ զղջացան ընդ առնելիս (թերեւ՝
ալիս) նորա . այլ կարծիս իմն բերեալ ի միտս եթէ
եւանիւցէ յայսմ իշխանութենէ եւ երթեալ ի վերին
աշխարհն յարեւելից . և անդ ընկալեալ լիցի պատուով
կաթողիկոսութեան . և ի բաց հերքեսցի ի մէնջ : Եւ
յուզարկեալ ըմբռնեն զնա և տարեալ ի բերդն Լամ-
բրոն դնեն ի մետաղս երկաթի կապանօք : Եւ յետոյ
բարձին զկապանսն . բայց ոչ հանին յարգելանոցէն
զամս 4 : Եւ եղև այս ի թուականին 738 :

Զայս սյոստէս արարեալ յուզարկէ թագաւորն եւ
ժողովն նուիրակ ի կողմանս արեւելից յաշխարհս Հա-
յոց, առ մեզ եւ առ այլ եպիսկոպոսոնս եւ իշխանս
աշխարհիս, զՍտեփաննոս վարդապետ Սկեռացի որ
առ մեզ իսկ էր վարժեալ եւ ուսեալ, հրաւիրական
նամակօք, յորում և գրեալ էին զպատճառ արքայման
կաթողիկոսին ումուլէտ բանիւ ք բաղբաղեալ հայթայ-

Թանս փաստաբանութեանց իբր գերթաքաղս յաղ-
բիւսաց . և յօղեալ բանս ի վերայ Արստանդեայ մին-
չև ցերեսուն, յորոց մի այս էր, եթէ յառաջ քան ըզ-
պատարազն ըմպէ շարքաք . զոր թէ արարեալ լինի՝
ո՛չ վասն ազահութեան եւ ո՛չ վասն աներկիւղու-
թեան . այլ վասն տկարութեան մարմնոյ : Եւ երկ-
րորդ՝ թէ առնու հարկս ի լկտանոցայն որ ի Հոռմ-
կլային : Ո՞վ դատախազ՝ այդ սահման է յամենայն
ընդհանրական քաղաքս Հայոց և Յունաց և ամենայն
ազգաց . ի դմանէ ե՞րբ կարգեցաւ բողանոցն . և թէ
էառ՝ ոչ եմոյժ պատարազ կամ երախայրի ի տուն
Տեառն . այլ տայր ի հոռգս սպայիկ բերդապահացն,
և թէ վնաս է այդ, ընդէ՞ր կարգեցաւ ի հայրապետա-
կան կանոնսն՝ ի պոռնկաց և ի շնացողաց և յամենայն
վնասակարաց տուգանս դահեկանաց տալ յեկեղե-
ցին . և թէ բարեկարգութիւն խորհեցար առնել ազ-
գիս, այդ Թագաւորի է գործ . նախ՝ դու բարձ ի
քումմէ Թագաւորութենէդ և ասպա հրամայեա՞ ամե-
նեցուն բառնալ : Մանապէս և այլքն ըստ սմին օրի-
նակի էին բանք որք երբէք ոչ տային կարծիս վնասու-
ինչ ի հաւատ կամ յեկեղեցի, զոր աւելորդ և ան-
կարգ համարեցաք գրեւ աստ :

Եւ յետ այսց բանից հրաւիրեալ էին զմեզ մեծա-
րանօք գնալ ի Ժողովն նորոգ ընտրութեան հայրա-
պետի . որում պատասխանեալ ասացաք . մեք ո՛չ

եմք հասու կամ խորհրդակից եղծման զի եւ նորոգմանն հաղորդեսցուք . ո՞րք որ ինքնահաճ կամօք եղծումն արար, նոյն և զնորոգ ընտրութիւնն հոգասցէ . եւ կամք Արարչին յայց լիցի իւրում եկեղեցւոյ : Դարձեալ ապա անդրէն նուիրակին և գտանէ նախ քան զպատասխանիսն հաստատեալ յաթոռ կաթողիկոսութեան զՍտեփաննոս ոմն անապատաւոր զոր Հոռմայեցի կոչէին, այր լաւ և լի ամենայն առաքիւնութեամբ : Բայց ի ժամանակս յայս զօրն եգիպտական որոց զօրագլուխ սուլտանն Ալիի (147), զան բաղմախուռն ամբոխիւ ի վերայ մեծ մայրաքաղաքին Տրապոլեայ որ ի ծովեղերին յորում կայր աթոռ պատրիարքին Անտիոքու եւ բրնձին որ կոչէր Թազաւոր : Քանզի ի յառնուէն զԱնտիոք (148) Փնտուխտար սուլտանին որ ի 1717 թուականին, յորում գերեայ և կոտորեայ աւելի քան զերկոտասան բիւր, և քակեայ զերկնաձեժ եկեղեցիսն . եւ ծովացոյց զմէջ պարսպին . յայնժամ փոխեցաւ աթոռ պատրիարքութեանն ի Տրապոլիս :

Եւ նստեալ սուլտանին շուրջ զքաղաքաւն, տայ ի դուրս զքաղաքն աստուածանենդ և անիծեալ գոնթ (իմա կոմս) մի փռանգ (149) որ էր ի չխան մեծի քաղաքին : Եւ առնուն զնա և անողորմ սրով կոտորեն և գերեն անհուն և անհամար քրիստոնեայս . քակեն և սյրեն զեկեղեցիսն, և զանձնաւ որ պատկերն Քրիս-

տոսի որ կայր յաւագ եկեղեցին պրկեալ ի վերայ խաչի՝ ղոր երբէք մարդ ոչ կարէր նկատել զնա եթէ յանշունչ նիւթոյ իցէ, այլ թուէր յինքեան ունել զոգի եւ զշունչ . զայն ընկեցին ի վայր եւ տոռունս կապեալ ի պարանոցն քարչէին ընդ փողոցս մինչև խորտակէր ամենայն : Եւ եղև սուգ մեծ ամենայն քրիստոնէից . և այս էր ի թուականին 738 : Իսկ յետ միոյ ամի, ի 740 թուականին առաւ եւ մեծ քաղաքն Կորնթացոց աշխարհաժողովն Աբբայիա (150) ի նոյն ծովեղերն յորում կայր տուն եւ աթոռ երկոյ թագաւորացն Փռանգաց դամիկուն և լապիթաւուն և ադամանուն (151) . կայր եւ ի նմա մեծ արծուէսքն Երուսաղէմի, այսինքն արքեպիսկոպոսն . քանզի յերկոյ թագաւորացն որ անդ էին՝ մինն էր սէր և միաբան ընդ սուլտանին Մարայ . վասն որոյ խաբեալ ի սուլտանէն եթէ տուր զքաղաքդ ի ձեռս իմ եւ ես բառնամ զայլ թագաւորսն եւ տամ զամենայն ի ձեռս քո, եւ այնպէս խաբկանօք առեալ զանառիկ քաղաքն և զանմարտնչելի ամուրն՝ քակեաց ի հիմանց եւ փոյց զգարմանակերտ շինուածսն ամենայն . զմանս կոտորեաց . և բազումք ընչիւք իւրեանց նստեալ ի նաւ գնացին :

Բայց լապիթաւին որ սէր էր ընդ նոսա, ոչ ինչ փնասեցին . այլ խաղաղութեամբ հանին ի քաղաքէն իւրայովքն, որ և անց յայնկոյս ծովու ի մեծ աշխար-

Հատ. Բ :

12.

հըն Փռանգաց . վասն որոյ և անմխիթար սուգ պա-
տեալ էր զամենայն ազգս քրիստոնէից : Ապա յետ
այսր ամենայնի բարկացաւ Տէր ի վերայ Ասքանա-
զեան ազինս Հայոց . եւ վասն ծովացեալ մեղաց մե-
րոց արբոյց մեզ ղմրուրն դառնութեան սկաւառա-
կան բարկութեան . յիշեաց զգրպարտութիւնն Կոս-
տանդեայ . եւ զարթեալ ի վրէժխնդրութիւն իւրոյ
եկեղեցւոյն . շարժեաց զսուլտանն Մսրայ անթիւ-
զօրօք և էած ի վերայ անպարտելի ամրոցին Հռոմ
կլային որ էր զահ հայրապետացն և աթոռ կաթողի-
կոսացն Հայոց : Յորում կային անպատմելի սրբու-
թիւնք և նշխարք առաքելական և հայրապետական
և ամենայն գլխաւոր մարտիրոսացն , և իսառաւորա-
գոյնն մերոյս գրոհի՝ աջ սրբոյն Գրիգորի Լուսաւոր-
չի և զաւագանն և աթոռն և սեղանն , յորոյ վերայ
պատարագէր զՔրիստոս , և հողաթափն նաւ շղարչն
որ է դաստառակ սրբոյն Հռիփսիմեայ , և պերեզոտն
ներկեալ արեամբ : Որ եւ ամսօրեայ ժամանակաւ
պատերազմեալ էառ նախ զքաղաքն , և ապա զներ-
քին բերդն . և ապա զբարձրագոյն կլայն յորում կայր
չինեալ գեղապաճոյճ եկեղեցին ի Գրիգորէ կաթո-
ղիկոսէ . և տուն դարապոսի հայրապետին :

Ըմբռնեալ զկաթողիկոսն Տէր Ստեփաննոս եր-
կոտասան եպիսկոպոսօք և բազում քահանայիւք և
սարկաւագօք ածին առաջի սուլտանին . եւ առեալ

յաւարի զբերդն՝ կապտեցին, կողոպտեցին զամենայն սպասեկեղեցւոյն և զանկշռելի զանձն աստուածային և զամենայն ստացուածսն, բայց զեկեղեցին ոչ քակեցին : Ապա ի մեծի ինդութեան եղեալ սուլտանին՝ խօսէր բաղում բանիւք ընդ կաթողիկոսն, եւ զայս իսկ հարցանէր . այսչափ ժամանակ է աւելի քան զ100 ամ որ գուք աստ նստէիք, և մեր սուլտանութիւնն բազում անգամ ջանացեալ են պատեւրաղմաւ՝ չեն կարացեալ առնուլ զսա, ընդէ՞ր եղեւ այս զի այժմ ի քո կաթողիկոսութեան այսպէս դիւրաւ առաւ ի մէնջ : Եւ պատասխանէ կաթողիկոսն և ասէ . ոչ գիտեմ՝ Աստուած միայն գիտէ, մի՞ թէ վասն մեղաց մերոց եղև . ասէ՛ սուլտանն . այս չէր ի յիմ ղօրութենէ . այլ Աստուածն ձեր մատնեաց զձեզ եւ զբերդդ ի ձեռս իմ, զի ես երեք անգամ խորհեցայ զնալ . և Աստուածն ձեր ոչ եթող զիս . այլ արգել և ետ զսա ինձ :

Զայս ասացեալ կացոյց բերդապահս և հրամայեաց շինել զպարիսպն որ բաբանօք էին փլուցեալ . և ինքն յարուցեալ գնաց անդրէն եւ մտեալ ի Գըմըշխ՝ (Գամասկոս) ցուցանէր բաղաքացեացն զկաթողիկոսն շրջեցուցանելով ընդ հրապարակսն, եւ անտի գնացեալ ի Մըսըր, տարաւ ընդ իւր երկաթի կապանօք . եւ անդ եղեալ ամ մի ի բանտի՝ վախճանեցաւ ի նմին երջանիկ եւ փառաւորեալ կաթողիկոսն

Տէր Ստեփաննոս : Եւ առեալ քրիստոնէիցն հրաման՝ տարան յեկեղեցի Հաբաչի Ասորեացն . և պատուով եղին ի հանգստի . և այս կործանումն լինէր ի Թուականին 741 : Եւ ամենայն սրբոթիւնքն որ գերեցան, կորեան անհետ եւ անգիւտ . եւ բնաւ ոչ երևեցան թէ եւ բազում անգամ յոյդ եղեւ ի Թագաւորէն Հեթմոյ : Բայց յետ առման Հռովմային Թողին ի նա և զամուրն Բեհեստին (152) :

Ահա տեսեր ո՞վ դատաւորդ եւ զրպարտիչդ հայրապետին քո՝ եթէ ո՞րպէս փոյթ ընդ փոյթ էառ . Աստուած զվրէժ պատուհասին ի վերայ և խնդրեաց իրաւունս . զի զոր դու ի Գլխիբացի եկեղեցւոյն արտաքսեցեր . նա զքոյն արտաքսեաց ի մեծ աթոռոյ Հռովմային . զոր դու քո ձեռամբդ մերկացուցեր ի ղգեստուն, նա մերկացոյց ձեռամբ սուրտանին Մշսրայ զքո եգեալ հայրապետն . զոր դու ի կապանս եւ ի բանտ առաքեցեր ի Լամբրոն բերդ . նա զքոյն առաքեաց ի կապանս և ի բանտ անգերծանելի զընտանին Մշսրայ : Ո՞ւր են այժմ ղգեստե՞ր հայրապետական, ո՞ւր Թագն պատուական, ո՞ւր աջն եւ զաւազանն եւ աթոռն սրբոյն Գրիգորի որով պարծէիք . աւաղ անմտութեանս մերոյ . եթէ յորպիսի առաքանս և ի պատուհաս մատնեցաք :

Եւ արդ՝ սոյս աթոռ որ ի Հռովմային եղաւ, հաստատեալ էր ի սրբոյն Գրիգորիսէ կաթողիկոսէ որ և

Վկայասէր կոչեցաւ (153). զի յայնմ ժամանակի ոչ
գոյր աթոռ Հայոց, այլ աստ եւ անդ շրջին. 1 Սա
գանձագին արարեալ ի կնոջէ և յորդոյ մեծ իշխա-
նին փռանգ որ Զսուլին կոչիւր, զբերդս զայս. եղ ի
սմա աթոռ և հաստատեաց տուն հայրապետաց Հա-
յոց, յորում նստան կաթողիկոսք տասն. առաջինն՝
Գրիգորիս, եւ ապա՝ եղբայր իւր Ներսէս, եւ ապա՝
եղբորորդի նոցա Գրիգորիս որ շինեաց զեկեղեցին,
և ապա՝ Տգայն Գրիգոր որ անկաւ ընդ քարն Կոպի-
տառայ, ապա՝ Գրիգորիս Ապիրատն, ապա՝ Յով-
հաննէս, ապա՝ Կոստանդին, ապա՝ Յակոբ. ապա՝
միւս Կոստանդին որ աքսորեցաւ. ապա՝ Ստեփան-
նոս որ գերեցաւ ի Մըսըր. և անդ մեռաւ : Եւ էին
ամբ աւելի քան զ140 մինչև ցօր առման նորոս :

— Իսկ յետ այսր ամենայնի դիպուածոց դարձեալ
առնէ ժողով թագաւորն Հեթում և տայ ձեռնսդրել
կաթողիկոս Հայոց զՏէր Գրիգոր՝ Անաւարդայ եպիս-
կոպոս, այր գիտնական եւ առաքինի, սիրող եկեղե-
ցոյ, տօնասէր եւ տօնախմբիչ տօնից տէրունակա-
նաց, և պայծառացուցիչ յիշատակաց մարտիրոսաց,
ի թուականին 742 : Գիտէր եւ զլեզու եւ զղարու-
թիւն լատին եւ յոյն ազգին : Յերկրորդ ամին սորա
եղև շփոթումն Զատկաց եւ խանգարումն լրմանց
ամենայն ազգաց. զի հասաք ի տուն սխալական որ
դրոշմեալ է ի հինգհաբիրեկին, որ էր լրումն ըստ

Յունաց յԱսորիւի ի 6, և ըստ Եբրայեցւոյն Նիսանի ի 16ն. և ըստ Հայոց անշարժ տումարին յԱրեղի 23ն. և գայր օր լրմանն ի կիւրակէի. զոր պարտ էր յառաջի միւս կիւրակէն տալ : Ասան որոյ մոլորեալ ի ճշմարտութենէն՝ կորուսին կորապէս զհենակս շաղպան, և տօնեցին զօր Ողորդմենին Յարութեան և արարին Զատիկ. և զպատեք չարչարանացն կերան եւ արբին ընդ աստուածասպանան խրախանալով : Իսկ Հայք կացեալ ի ճշմարտութեան ստուգապէս. եւ որք էին յԵրուսաղէմ ի մերոյ եղբարց՝ եկեալ հաւատարմացուցին առ մեզ թէ՛ լոյսն որ իջանէր ի չարսթ օրն ի պատիւ գերեզմանին՝ ի մերն իջաւ ճշմարտիւ ի ճրագալուցի աւուրն. որում ականատես եղեալ փառաւորեցաք զԱստուած. եւ կողմանք այլազգեացն զամօթի հարեալ պապանձէին :

Իսկ հայրապետն մեր Տէր Գրիգոր աստանօր սըխալեաց մեծապէս և ի բաց եկաց ի ճշմարտութենէն. զի թողեալ զքնական և զհայրենի շաւիղս նախնեացն սրբոյ՝ հետեւեցաւ ընդ թիւր և զարտուղի ընթացս Յունաց. եւ հաւանեցուցեալ զթագաւորն՝ բռնութեամբ տօնեաց եւ ետ տօնել ամենայն աշխարհին Եկիլիկեցւոյ զօր Մառզարդարին Յարութեան. եւ արար Զատիկ առանց ազատութեան. բայց ի պարկեշտ վաներն ոչ ընկալան. նաև բազումք յեպիսկո-

պոսաց և ի վարդապետաց ոչ հաւանեցան, և ոմանք ի ծածուկ պահեցին . վասն որոյ բազումք դանեալ և աքսորեալ հալածական եղեն : Եւ յայսմ անկարգ արարուածոց բազմաց գայթակղութիւն եղև ի կաթողիկոսէն :

Դարձեալ և եղ սահման զի մի լուծցեն զճրագալոյցն յեղ և ի թան եւ որ ինչ առանց մնոյ է, եւ մի արասցեն նաւակատիս մեծախորհուրդ տօնիցն : Եւ հրամայեաց ձէթ օրհնել հիւանդաց և մեղուցելոյ և երեխայից . եւ սկսաւ առ սակաւ սակաւ զամենայն աւանդութիւնս Հոռոմոց եկեղեցւոյն սպրդեալ մուծանել ի մերս եկեղեցի . և ի մերոյս ի բաց քեցել մի մի : Եւ բազում դեսպանս և նամակ հաւանութեան առաքէր առ պատրիարքն ի Կոստանդնուսօլիս եւ խոստանայր յանձն առնուլ զոր ինչ եւ խնդրեսցեն : Յուլարկեալ էր և իստ Արունայն (154) Ասորոց որ Նեստոր կաթողիկոսն է, նմանապէս թուղթ յանձնառական միաբանութեան զոր մեք իսկ տեսաք . բայց մեզ արեւելից կողմանցս ոչ ինչ ի վեր բերեալ ծանուցանէր . այլ միայն այսքան համբաւէր թէ՛ խնդրեմք զաթոռն Անտիոքու մեզ լինել . և վասն նուազեալ ժամանակիս կամիմք զմիաբանութիւն Հոռոմոց ընդ մեզ եւ զամենայն ազգաց : Բայց յեկեղոյն հոռոդառնողաժան մաղձիցն երեւալ լինէր ի տեղիս տեղիս . և ոմանք ևս ի մերոց աշխարհէս հաճեալ հասա-

նեցան եւ սկսան ետերել զնախնին մեր . եւ առնել նորսոճւոթիւնս . և այլսոճւոթիւնս :

Իսկ մեր հանապազ ազեցաւ եւ լերդախոյ լինելով ի վերայ այսր ամենայնի՝ հաշեալ մաշէար ծփական խորհրդովք ի տուէ եւ ի դիշերի . եւ ոչ գոյր տեղի յուսոյ կամ սպաստանի, զի սակաւ մի ախոյեան առից ընդդէմ կալ հոգեւոր մարտին : Երկնչէաք եթէ յաւուրս մեր զարթնու չարն ի պատերազմ ընդ եկեղեցւոյ . եւ յարուցանէ մրրիկ խռովութեան ի մէջ մեր . եւ ընթադրեալ կործանէ զսինկիւրո մնացուած ազգիս . յաղագս որոյ պատճառանսոյ ի գալնուիրակի նորա Կոստանդեայ՝ եպիսկոպոսին Կեսարու, միաբան խորհրդով եպիսկոպոսայ աշխարհիս եւ իշխանայ գրեցաք մեր թուղթ մաղթանայ նաեւ ողջամիտ հաւատոյ եւ կարգայ Հայաստանիս եկեղեցւոյ առ կաթողիկոսն մեր Տէր Գրիգոր ոչ հիւանդանալ անողջանալի ցաւօք, որ իբր դքսդցիկեղ ճարակէ յական թօթալիւն զհասարակ անդամս եկեղեցւոյ . զոր եւ նուիրակին սյն գիտելով զանձանց վէրս՝ ոչ կամէր յանձն առնուլ զտարումն թղթոյն բալլաղելով պատճառանս ինչ : Եւ էր օրինակ նամակին այս ինչ, զոր եւ սատէն կարգեցից :

ԿԹ. — Թուղթ վասն հաւատոյ եւ կարգաց եկեղեցոյ
յարեւելեան աշխարհէս առ կաթողիկոսն Հայոց Տէր
Գրիգոր, գրեալ ձեռամբ Տեսառն Ստեփաննոսի՝ Սիւ-
նեաց եպիսկոպոսի. ընդ նմին և դաւանութիւն ուղղա-
փառ հաւատոյ սրբոյն Գրիգորի Սքանչեւագործի եւ
Աքանասի Աղեքսանդրացոյ :

Աստուածային անյաղթ զօրութեամբն բարձրա-
ցեալ և անեղական աջով Հզօրին պարսպեալ, բարձր
բազկօքն Յիսուսի գգուեալ եւ հիազօր շնորհօք Հո-
գւոյն պերճացեալ, սուրբ, անբիծ, անարատ եկեղե-
ցիս Հայոց՝ անբասիր եւ անշաղախ հարսնս երկնաւոր
Փեսային, տնկեալս եւ հիմնադրեալս ի սրբոց առա-
քելոցն Թադդէոսէ եւ Բարդղղիմէոսէ, մշակեալս եւ
բեղմնաւորեալս ի սքանչելի բրտանց ահարկու եւ
անհամեմատ առնն Գրիգորիսի, նախ՝ գոհութիւն
անբաւ բիւրաւորօք և օրհնութիւն անհատ և անվճար
Արարչին իւրոյ վերընծայէ, որ ոչ ամենայնիւ ամե-
նեւիմբ գլետինն արբոյց բաժակ, եւ զանհնարին
տպառուած կորստական հրապուրանացն էարկ ի վե-
րայ ըստ արժանաժառանգ պատուհասի տոհմին
դառնացողի. այլ յետ սաստիկ պատժոցն եւ ահաւոր
արկածիցն կրկին կենդանութիւն վճատեալ հոգւոյս,
եւ վերստին միաթարութիւն սգապատ եւ լքեալ
սրտիս շնորհէ :

Հատ . Բ :

Նաեւ փոխան կնտութեանն պսակ պանծալի . եւ մոխրոյն եւ քրձոցն՝ դահոյք անարուեստք եւ խնճոյք խրախանայ : Սակս որոյ զԱմովսաճնին առեալ զձայն՝ ի ճահ գայ ինձ գոչել մեծաձայն . ցնծասցէ՛ անձն իմ ի Տէր . զի զգեցոյց ինձ հանդերձ փրկութեան և պատմունճան ուրախութեան, որպէս փեսայի եղ ինձ պսակ . և որպէս զհարսն զարդու զարդարեաց զիս : Այլ եւ ընդ Ռաւթայ յուսագնեալ ասացից . ո՛չ իսպառ բարկանայ մեզ Տէր, եւ ո՛չ յաւիտեան պահէ ոխս : Յետ որոյ ծնրահանգոյց զազաթամբ ողջունէ զգլուխդ իւր պանծալի, զսխրալիդ բնաւից, զչքնաղդ և զնորոգ գերահրաշայեալդ ի Հողւոյն ըզՊրիգորիոս՝ հայր հանուրց սեռից Հայկայ, եւ կաթո՞ղիկոս տիեզերական ի դրանէ Հոնաց եւ լիփնաց, ի ծովէ Կասպից եւ ի լեռնէ Կովկասեաց մինչ ի սահմանս եգիպտական եւ ի ծովն արեւմտային, ուր զգիշերն ագանի ակն տունջենային :

Եւ ընդ ողջունիս զայս իսկ ծանուցանէ պատուական գլխոյդ բերանով թարմատար եւ եղկելի անձին Ստեփաննոսի՝ Սիւնեաց այցելուի, եւ նախագահ սեղենի (155) որ ի տանն տէրունի, ո՛ հայր պատուական եւ պետ պանծալի՝ գոն բաղայք բսսրանաց ի բերանս բիւրաւոր մարդկան ի բայս եւ ի բանս օտարս եւ ի բաղայս բարրանաց, յորմէ երկուցեալ ակն ածեմք. ո՛ գիտէ՝ յաւուրս վերջինս տեղի գտեալ

չարն՝ զտգէտ կրսերութիւնս մեր ընթադրեալ ընդ-
ոտնէ , եւ զգեղեցիկ սաղարթ լուսալիր ոստոց
հաւատոյ եւ զերկնահանգէտ կարգի սահմանելոյ ի
սուրբ եկեղեցւոջ որ ի սրբոյն Գրիգորէ եւ յորդուոյ
իւր. եւ յայլ աստուածազգեաց հարցն սրբոյ՝ նախ-
նեացն մերոց որք ամբաւ ջանիւք, արեամբ եւ բըր-
տամբ ուղղեալ հաստատեցին, բոցաթոյն արկածիւ
այրեսալ մծրէ եւ ասլականէ եւ շիջուցանէ զգեղեցիկ
պայծառութիւնն :

Եւ երկակի պատճառաւ դնեմք առաջի զայս, մի՛
վասն ամենեւին մաքրութեան եւ սրբութեան հօրդ
մերոյ եւ աներկբայ հաստատութեան յեցելոյ մեզ
ի ձեզ. եւ մի՛ վասն պարսելոյ եւ կոչկոճելոյ զբերանս
զրաբան եւ ունայնախոյզ պարսաւադիր արանց որք
իբրեւ զՍկիւթիանոս, զօրէն Գաբաւոնացեացն չրջին՝
սպրդեալք տանէ ի տուն , եւ շշուկս չարակարծ զա-
մենեքումքք արկանեն այսպէս յօղելով. հոռում է մեր
կաթողիկոսն . եւ ընդ նոսա դաշնադիր : Զորոյ ըզ
ճշմարիտն Աստուած գիտէ եւ դուք : Որ եւ ոչ
միայն այժմ այլ եւ յայնժամ յորժամ էր մեր նը-
ռաաստութիւնս առ ձեր փառաւորութիւնդ, որ եւ
վանականք կողման Նարմիր լերինն զականճա մեր
խիտ առ խիտ տաղտկացուցին. որ և յայսպիսի բաղ-
բաղանաց փաստ առեալ աստուածապսակ թագա-
ւորին եւ բնաւին ժողովոյն՝ ոչ օծին զընտրեալդ ի

ի Հոգւոյն : Արդ յաղագս այսր պատճառի հայցեմք ի ձէնջ երկու իրս՝ զոմն հրաժարական և զոմն յանձնառական : Եւ այս ո՛չ ի մարդկանէ. այլ գրէ՛թէ Հոգւոյն ազգմամբ վասն զգայթակղութիւն բազմաց բառնալոյ եւ զմիտս տկարաց բժշկելոյ. յանձնառական՝ զսուրբ եւ առաքելական առնն Գրիգորի՝ Հայոց Լուսաւորչին եւ զորդւոց եւ զթոռանց իւրոց, որք էին համախոհք եւ միաբանք երից աստուածաբումար Սիւնհոդոսացն , ունել անթերի ղսահման հաւատոյ որ ի Տէր մեր Յիսուս Քրիստոս և ի սուրբ Աստուածածինն եւ ի սուրբ և ի փրկագործ խաչն . ընդ որում և զբոլոր կարգ կանոնական ի սուրբ եկեղեցի, զոր ո՛չ է արժան կատարելոյդ յիմաստս մի ըստ միովջ յիշատակել :

Եւ յետ այսր ամենայնի լրիւ պինդ ունել զկրկին նորոգեալ դաւանութիւն հաւատոյ եւ զճգրիտ սահմանս որ վասն կարգաց եկեղեցւոյ ի սուրբ ժողովոցն Հայոց որք վասն չար աղանդոյն Նեստորականացն և աշխարհակործան, պիղծ ժողովոցն Քաղկեդոնականացն յօլով պատերազմաւ և մեծաջան աշխատանօք յիւրաքանչիւր ժամանակս յընձիւղիլ չարին՝ ի հարկէ սաղաւարտեալ ժողովէին ի քաղաքսն Հայոց առաջնորդք եկեղեցւոյ եւ իշխանք ազգիս . և մեծախոյզ քննութեամբ ջան եղեալ՝ ի բաց խլէին զբոյսս չար որոմանցն, և սերմանէին զճմարիտն եւ

զբարիորդ ուղղափառութիւնն, զորոց զլոյսն երկանց
ո՛չ է պարտ տապալել եւ շիջուցանել. այլ միշտ վառ
ունեւ յանձին :

Եւ ժողով ասացաք . ասեմք նախ՝ զՇահապիվա-
նին , ընդ որում էր անյաղթն յիմաստս Անանիա՝
մետրապօլիտ Սիւնեաց, եւ աշակերտ Մեսրոբայ.
որոյ զլուխ ժողովոյն ախոյեանն հաւատոյ Յովհան
Մանդակունի բոլոր եպիսկոպոսօք եւ իշխանօք Հա-
յոց : Այս սակս ժողովոյն Քաղկեդոնի և այլ մասնա-
ւոր բանից որ ի չարէն տնկեալ էր յաղգս : Բ. դար-
ձեալ ժողով ի Նոր քաղաքի՝ Հայոց եւ Ասորւոց
ուղղափառաց վասն չար աղանդոյն Նեստորակա-
նացն որ ի Խուժիկս, եւ վասն կարգաց եկեղեցւոյ
Բարգեճնիւ կաթողիկոսիւ Հայոց . ընդ որում էր
երանելին Մուշէ՝ մետրապօլիտ Սիւնեաց : Գ. դար-
ձեալ ժողով ի Դավին յաւուրս Ներսիսի կաթողիկոսի,
որ վասն քաղկեդոնական սահմանին, եւ Նեստորի
աղանդոյն որ ի պղծալից վանքն Գրիգորի Մանա-
ժիհր Ըռաժկի. ընդ որում էր երանելի մետրապօ-
լիտն Սիւնեաց Պետրոս՝ աշակերտ Մովսիսի քերթո-
ղահօրն : Դ. դարձեալ ժողով ի նոյն Դավին Մովսիսիւ
կաթողիկոսիւ վասն նոյն աղանդոյ Քաղկեդոնակա-
նաց. ընդ որում էր և մերն Պետրոս. յորում Թը-
ռական Հայոց եղաւ՝ և սուրբ Աստուած խաչեցարն
սահմանեցաւ. և Յիզդբուղիդ վկայեաց : Ե. դարձեալ

Ժողով ի Դվին, երկիցս անգամ, Աբրահամաւ կաթողիկոսիւ, որ վասն բաժանման վրայ (ի ձեռն) պղծոյն Ալիւրիոնի, եւ զատելոյն Աղվանից, ընդ որում էր սքանչելին Քրիստափոր՝ մետրապօլիտ Սիւնեաց, այլովք պթոռակալօքն Հայոց : Յորում ամենեկին բարձին զքնտանութիւն եւ զխառնումն Քաղկեդոնականաց. և ահագին նզովիւք փակեցին մեզ անհուպ և անհաղորդ մնալ նոցին : Զ. դարձեալ ժողով Հայոց ի Պարտաւ առ Աղվանս Եղիայիւ՝ կաթողիկոսիւ Հայոց, վասն նոյն քաղկեդոնականացն. յորում որոշեցին զՆերսէս ոմն, Բակուր կոչեցեալ, կաթողիկոս Աղվանից, չար անարգանք, եւ զթագուհին Սպրամ. եւ զկտրեալ հօտն խառնեալ միացուցին ընդ Հայս : Է. դարձեալ ժողով նախ քան զայս ի Թէոդուպօլիս. Հայք եւ Հռոմք վասն միաբանութեան յաւուրս Եզրի կաթողիկոսի՝ հրամանաւ կայսեր Հերակլի. յորում հաւանեալ Եզրի տգիտաբար խմորեցաւ : Եւ Սիւնիք և այլք յաթոռակալացն ոչ ընկալան զաղանդն. այլ մնացին ամբողջ շնորհօքն Աստուծոյ. վասն որոյ անարգեալ յԵզրայ արտաքսեցաւ Յովհան Մայրադոմեցի : Ը. դարձեալ ժողով ի Մանագլերտ յաւուրս Յովհաննոս Օձնացոյ. որ զխմորեալ աղանդն Եզրայ, որ յաւուրս վեց կաթողիկոսացն, մաքրեաց. և ահագին նզովիւք հեռացոյց զմեզ ի Հռոմոց : Թ. դարձեալ

Ժողով սուրբ հարցն յԱնի, յորում քննեալ գտին համախոհ Վրաց զՎահան կաթողիկոս որ ի Բաղայ, եւ զի պատկեր եմոյծ յեկեղեցիս Հայոց, եւ յամենայն սեղանոյ բարձեալ էր խաչին պայծառութիւն եւ կանխք զարդարեալ ուրուցին զնա նզովիւք. եւ զՍտեփաննոս ոմն եղին ի տեղին : Ժ. Իսկ յաւուրս վերջին, ի Ժամանակս Զարարիայի սպասաւարի եւ Իվանէի աթարէկին Վրաց, դարձեալ Ժողով սուրբ հարցն եսկսկոպոսաց, վարդապետաց, քահանայից ի Գետականն մերձ Սևան կղզւոյն. եւ միանգամ յԱնի. եւ չարաչար նզովիւք բարձին եւ հեռացուցին զամենայն համախոհսն Վրաց եւ Հռոմոյ :

Արդ՝ այդ ամենայն հարբ եւ Սիւնհոդոսք մեծաւ քննութեամբ մաքրեցին զեկեղեցին Հայոց յամենայն զանազան որումանց. եւ զսահման հաւատոյ եւ զկարգ եկեղեցւոյ անխախտելի կտակաւ թողին մեզ : Վասն որոյ սլարտ է ամենայն հպատակութեամբ պինդ ունել զայս սահման առանց յաւելման եւ պակասութեան. եւ միշտ ընթեռնու զնոցա գրեալն. եւ նովիմք վարիլ եւ վարել զեկեղեցիս Հայոց ի դաւանութեան հաւատոյ եւ ի կարդս տօնից եւ ի սահման կենդանարար խորհրդոյն զոր ամենեւին մաքրեցին յամենայն անպատեհ խառնուածոց : Զորոց զեղեալ սահմանն քաջ իսկ գիտէք. եւ աւելորդ է ինձ.

երկրորդեւ աստ : Այսօրիկ յանձնառականք, յորոց ոչ ունիմք հնար արեամբ եւ մահու չափ մասամբ միով շեղիլ . եւ այնքան նզովից պարտապան լինել . եւ ի մեր հարանցն մասնակցութենէ հեռանալ, իբրեւ որդիք ժանտք եւ խրամատիչք ցանկոյ հարցն, որոց պատիժն յայտնի է ի գրեալն : Իսկ հրաժարականքն՝ ի բաց կալ ամենեւին յամենայն միաբանութեանց հաւանելոցն Քաղկեդոնի, որք անգիտացեալք զՆեստորին հաստատելով զաղանդ՝ ինքեանք զինքեանս նզովեցին եւ լուծին ի կենաց . նզովել ի բոլոր սրտէ զնոյն ժողով և զամենայն հաւանեալն նմա, որք յերկուս ճեղքեալ զանճառ միաւորեալն Քրիստոս՝ լինին աստուածաթողք եւ մարդադականք . հրաժարել եւ ամենեւեմ փակել յամենայն անկարգ խառնուածոց սուրբ խորհրդոյն յապակաւնիչ խմորոյն եւ ջրոյն, յորում զաւազանին ուրանան զշնորհ, եւ եղծանեն զլուսամանն խորհուրդ . զի զոր ի ծնունդ մեզ շնորհեցաւ՝ զայն յստինսն փոխարկելով առնեն ըմպելիս :

Ո՞վ թշուառք՝ անցայք գիտութեամբ և զօրութեամբ ընդ նոյն իսկ տուիչն այսմ պարգեւաց եւ յաւելիք ի վերայ նորա զխմորն եւ զջուրն . ո՞չ ասէր առ աշակերտսն՝ ի վեր առեալ զբազարջն եւ զանապակ գինին . զայս արարէ՞ր առ իմոյ յիշատակի . ընդէ՞ր ոչ յաւել զխմորն և (ոչ) ի կիր էարկ զջուրն :

Բայց առ այս՝ մերթ ի վերայ ածեն զկողին հոսումե-
ջրոյ ընդ արեան, և տղէտ կրսերութեամբն ոչ իմա-
նան զխորհուրդն եկեղեցւոյ ի կողիցն սկսեալ յօրի-
նակ նախնւոյն Աղամայ եւ կողին իւրոյ՝ յորմէ ծնա-
նին ամենայն ազգք բրիստոնէիւ զլուսաւորն և զան-
ախտն : Զի նախ՝ օրինական եցոյց զերկուսն՝ Յոր-
դանանու լուսայմամբն և վերնատան խորհրդեամբն.
եւ ասպ յաստուածային կողիցն ազգիւրացուցեալ
սրբզեւեայ մեզ զերկակի շնորհն :

Դարձեալ ի ժամ սրբոյ խորհրդոյն կատարման
ոչ ամբոխիւ, իբր ի մարմնաւոր խորհուրդ քուսել
(156), եւ զմի նշխարն յուր եւ ի տանն պատարագ
բաժանել. այլ ահիւ և դողութեամբ առանձինն ընդ
Աստուծոյ միանալ. և թէ պատուակիցք իցեն՝ մերձ
կացցեն, եւ ի նմանէ հաղորդեսցին, որպէս պարզեւ.
եւ թէ զԴիոնիսիոսին բերեն զթուղթ յօժանդակ
ինքեանց, աւանիկ՝ ո՛չ ասէ նա բազմացն կատա-
րողապետ լինել եւ սրբազնագործել. այլ զմինն
հրամայէ կատարողապետ լինել նման Յիսուսի, եւ
զայլն որք ընդ աստուածային սեղանաւն շուրջ
պարեն, սրբազնագործեալ հաղորդեսցուցանել կե-
նայ հացին : Դարձեալ զեկեղեցին Աստուծոյ ոչ
առնել տեղի մարմնաւոր սեղանոյ՝ համարձակու-
թեամբ նստել եւ քննել (կամ քնանել) և զգրուան
անփակ թողուլ ի կոխանս շանց եւ խողից, որպէս
Հատ. Բ :

եւ մեք ականատես եղաք. այլ պարկեշտութեամբ եւ սրբութեամբ եւ ամենայն զգուշութեամբ պահել, որպէս վայել է տան Աստուծոյ, յօրինակ առեալ ըզ տունս մարմնաւոր թագաւորաց թէ՛ քանի՛ պահապանաց եւ զգուշութեան պէտք լինին անդ :

Դարձեալ ո՛չ մտանել ի հոռոմ եկեղեցին, եւ տօնակից լինել կամ հողորդիլ, եւ ո՛չ ընդ նոսա տօնել զՄանուկ կամ զԱւետիս. այլ զճմարիտն ղկարգեալն ի սրբոյն Յակոբայ, ի վեցն Յունվարի՝ ըզ Մանուկն, եւ ի վեցն (157) Ապրիլի՝ զԱւետիան : Դարձեալ, որպէս օրէն է, ամենայն պնդութեամբ Հայոց եկեղեցւոյս զՃրագալոյցն առնել նաւակատիւ եւ նախատօնակ, եւ խթիլ յեղ եւ ի պանիր, եւ յորինչ առանց մսոյ է : Զի հինգ օր նաւակատիւն մեծ եւ պայծառ խորհրդովք լի են. եւ ո՛չ է օրէն ամենեւին զնախատօնակ մեծի Յարութեանն եւ Մանուկեանն ընդ այլ աւուրս պահոցն հաւասարել (158) : Եւ թէպէտ բան եւ խորհուրդ շատ ունիմք՝ չէ՛ պարտ մեզ երկայնել, եւ որպէս ոչ գիտողի ուսուցանել. այլ սակաւն իմաստնոյդ բաւականասցի :

Դարձեալ՝ թէպէտ առաքելական իմանամք կարգ զձէթ օրհնելն հիւանդաց եւ մեղուցերոց. ի հարցն ոչ ունիմք սովորութեամբ աւանդեալ մեղ. կարծեմ եւ համարձակութիւն յոյժ մատուցանէ ժրագունիցն ի մեղս՝ մեղօք ապականել զոգիսն յուսով ձիթին . եւ,

տակաւ դրամիկ մսխել, եւ ձէթ օրհնել. եւ արդարաւ
նալ : Այդ գիւտք շահիցն ի բաց ընկեացի ի մէնջ. և
ընդ հարցն շաւիղ անապթաք ընթասցուք ոտիւք :
բայց թէ զանկատար իւղն որ վասն երախախցն
սահմանէք՝ ընդունեղի է : Եւ ընդէ՞ր է երկայնել մեզ
զբանս. հաւան եմք մեք ընդ մեր հարան ի դժոխս
իջանել. եւ ո՛չ ընդ Հոռոմոց յերկինս ելանել :
Այդ այդչափ եւ այդքանիւք բաւականասցուք բա-
նիւք :

Գիտութիւն լիցի աստուածային գլխոյ հայրապե-
տութեանդ. զի թէսլէտ հնազանդ եմք ամենայնիւ
Տեառնդ մերոյ՝ սակայն աղաչեմք զնոտի կար-
ծիս կրօներ եւ տգէտ մտացս մերոց բառնալ եւ
բժշկել զի զտկարն յամենայնի շահիլ պարտ է : Եւ
զոր խնդրեմքս, հեննետիկոն (159) թղթովք ձեռա-
գրեալ, առնել ձեռնարկ հաստատուն եւ անխախտ
կտակ միաբանութեամբ սուրբ և երջանիկ եպիսկո-
պոսացդ. և յուղարկել առ մեզ իբր զյետկար ան-
ջինջ. զի յայնժամ առաւել հաստատութեամբ եւ
հշու հպատակութեամբ հնազանդ լիցուք աստուա-
ծային գլխոյդ. և թագաւորեսցես յեկեղեցիս մեր
ջահաւորեալ որպէս արեգակն :

Ապա թէ աւելի ինչ կամ պակաս կամիք մուծա-
նել յեկեղեցիս մեր, զոր ոչ ունիմք ի հարցն : Եւ
կամ գրեալքս խոտան են առ ձեզ, յայնժամ մի աշ-

խատ լինիք եւ մի զմեզ աշխատ առնէք. ըստ ձեր կամաց լիցի աշխարհդ այդ եւ այլ ոք որ կամիցի. եւ զմեզ թողէ՛ք ի մեր ստրուկ գերութեանս. եւ մեք կայցո՛ւք, մնասցո՛ւք ակն ունելով վերին այցելութեան : Եւ թէ թագաւորական սաստիւ պատժէք զմեզ, մեք պատրաստ եմք ի տանջանս, յաքսորս եւ ի բանտ, ի մահ եւ ի մեռանել ի վերայ սուրբ եւ առաքելական հարցն աւանդից : Ո՛ղջ լեր թագաւորական արդասիւքդ ծնողդ իմաստից եւ մայրդ ուղղափառութեան, աղբիւրդ հաւատոյ եւ անվախ ախոյեանդ սուրբ եկեղեցւոյ Գրիգորիոս՝ կաթողիկոս Հայոց : Եւ Տէրն Տէրանց հովանասցի տիրական գլխոյդ :



Ձեռնարկ միաբանութեան եպիսկոպոսաց արևելից եւ վարդապետաց եւ իշխանաց :

Ահա Տէր Սարգիս եւ Տէր Գրիգոր ի նոյն վիճակէ, համախոհ եւ միաբան եմք այս վերոյգրեւոյս հարցն աւանդից. եւ որք ոչ միաբանին այսմ հայրեւաւանդ եւ հայրապետական հաստահիմն դաւանութեանցս, նշովեան եղիցին որպէս Սարէլ եւ Արիոս :

Ես Տէր Յովհաննէս՝ աթոռակալ Բջնոյ, միախոհ եմ եւ միաբան եմ այսմ վերոյգրեալ ուղղադա-

ւան հայրենացանկ դաւանութեանս. և նզովեմ զոչ
հաւանեալ հակառակողսն ընդ չար հերձուածողացն :

Ես Գրիգոր՝ աշակերտ եւ սպասաւոր բանի, որ
մակադրեալ կոչեցայ ԲՆՆԵՅԻ, հրամանատար այսմ
աթոռոյ՝ սերտ և անբակ միաւորութեամբ համախոհ
եմ այսմ վերոյգրեալ դաւանութեանս սահմանիւ
մահուն. եւ նզովեմ նզովիւք սուրբ հարցն զոչ հա-
ւանողսն :

Ես Տէր Յովհաննէս՝ շնորհքն Աստուծոյ եպիս-
կոպոս Հախրատայ, համախոհ և միաբան եմ իմով
վիճակելովս, այս ուղղադաւան նամակիս. եւ նզո-
վեմ զոչ հաւանողսն ընդ այլ հերձուածողսն : Ես
Տէր Մխիթար՝ Հաւուց Թառայ եպիսկոպոս, ան-
բակ միաւորութեամբ համախոհ եմ այսմ վերոյ-
գրեալ դաւանութեանս սահմանիւ մահուն. եւ նզո-
վեմ նզովիւք սուրբ հարցն զոչ հաւանողսն :

Ես Տէր Մարգարէ՝ եղբորորդի Վանական վար-
դապետին, համախոհ եմ վերոյգրեւոցս ի յանդար-
ձոյ հօրեղբօրն իմոյ, որ հրամայէր թէ օձն կամի շար-
ժեղ զտուտն, ջանացարուք ոչ տալ տեղի գլխոյն. և
մի հաւատայք խաբողին. արդ հակառակօղք այսմ
առաջին հարցն աւանդիցս որոշեալ եղիցին ի վա-
ռաց Որդւոյն Աստուծոյ :

Ես նաւաստ եպիսկոպոս Գողթան Տէր Սար-
կաւադ միաբան եմ այսմ աստուածաւանդ կտակիս.

եւ ոչ հաւանեալքն նզովեալ եղիցին ի սուրբ Եր-
րորդութենէն : Ես Եսայի՝ կրսեր բանասիրաց, եւ
յետին վարժապետ, խմով աշակերտօքս համախոհ եմ
եւ միաբան եմ այսմ գրոյ եւ վերոյգրեալ արանցս.
եւ որոշեմք նզովիւք զոչ ընդունողսն :

Ես Ղաւիթ՝ նաւաստողի բարող բանի եւ վարդա-
պետ Հայաստանս եկեղեցւոյ, համախոհ եւ միաբան
եմ այսմ ուղղադաւան թղթոյս որ ունի ճշմարտիւ
զսուրբ հարցն աւանդութիւնն . եւ որոշեմք նզովիւք
զոչ հաւանողսն եւ զհակառակողսն :

Մեր անախտան ծառայքս Քրիստոսի Ելիկումս
եւ Լիպարիտս՝ որդիք փառաւոր իշխանայն Տար-
տայիճին եւ Իվանէի, եղբարք մերովք եւ որդւովք եւ
ամենայն ազատօք հաւան եմք եւ հնազանդք մահու
չափ այսմ առտուածատուր եւ հայրենաւանդ կտա-
կիս . եւ որ հակառակին, որոշեալ լիցին ի սուրբ
հարցն մասնակցութենէ :

Մեր մեղուցեալ ծառայքս Աստուծոյ Պապաքս եւ
Էջաշի՝ որդիք բարեպաշտ իշխանին Պռոշայ, մերովք
ազատօքս համախամ եւ համախոհ եմք ամենայն հնա-
զանդութեամբ սուրբ հարցն աւանդութեանց վերոյ-
գրելոցս ի նամակի աստ . եւ որ ոք ոչ հաւանի՝ նզո-
վեալ եւ որոշեալ լիցի ի սուրբ հարցն մերոց եւ յԱստ-
ուածարեալ եպիսկոպոսացս :



Սրբոյն Գրիգորի Սքանչեւագործի հաւատ, զոր ուստի
ռաւարտը յայտնութենէ եղելոյ յԱստուածարանէն
Յովհաննիսէ ըստ ակնարկութեան եւ հրատմանի ալեւ
նատուրք եւ միշտ կուսին Մարիամու Աստուա-
ծածնի :

Մի Աստուած եւ Հայր Բանին կենդանոյ, ի-
մաստութեան անձնաւորի եւ զօրութեան եւ կերպա-
րանի էութեանն, կատարեալ կատարելոյ ծնող՝ Հայր
Որդւոյ միածնին . մի Տէր միայն ի միայնոյ, Աստուած
յԱստուծոյ, կերպարան եւ պատկեր Աստուածու-
թեան, բան ներգործական, իմաստութիւն պարա-
ռական բոլորից ընդ գոյացականութեամբ եղելոցս .
եւ զօրութիւն ամենից էացելոցս արարող : Որդի
ճշմարիտ ի ճշմարտէն, անտեսանելի յանտեսանե-
լոյն , անապական յանապականէն, անմահ յանմա-
հէն, մշտնջենաւոր ի մշտնջենաւորէն :

Եւ մի Հոգի սուրբ յԱստուծոյ գէութիւնն ունե-
լով, Որդւով երևեալ եւ բացայայտեալ մարդկան,
պատկեր Որդւոյ, կատարեալ կատարելոյ, կեանք եւ
կենդանեաց պատճառ : Սրբութիւն եւ սրբութեան
բաշխիչ, որով ճանաչի Հայր, որ ի վերայ ամենե-
ցուն եւ յամենեսին , եւ Որդին Աստուած, որով
ամենայնքս . Երրորդութիւն կատարեալ փառօք եւ

մշտնջենաւորութեամբ եւ թագաւորութեամբ՝ անբաժանելիք եւ անկարօտանալիք. քանզի և ոչ ստացական ինչ եւ ոչ ծառայ յԵրրորդութեանն կամ ի ներքս ածական. որպէս թէ յառաջ ոչ եղեալ եւ յետոյ մտեալ. ո՛չ նուազեալ երբէք Որդի ի Հօրէ. եւ յՈրդւոյ՝ Հօգի. այլ անփոփոխելի եւ անլայլայլելի Երրորդութիւնն միշտ :



Երանելոյն Աթանասի եպիսկոպոսապետին արտադրութիւն յաղագս աստուածային մարմնաւորութեան Բանին ձայնակցելով սրբոյ Ժողովոյն որ ի Նիկիա :

Խոստովանիմք (160) զՈրդին Աստուծոյ, նախ քան զյաւիտեանս, մշտնջենաբար ծնեալ ի Հօրէ. իսկ առ վերջնովք յաւիտենիւքս վասն մերոյ փրկութեան ի Մարիամայ ծնեալ ըստ մարմնոյ, որպէս աստուածազան առաքեալն ասէ « իսկ յորժամ եկն լրումն ժամանակի՝ արտաքս առաքեաց Աստուած զՈրդին իւր եղեալ իկնօջէ » . և գլղնոյն Աստուած եւ Որդի Աստուծոյ ըստ Հոգւոյ. իսկ որդի մարդոյ ըստ մարմնոյ, ոչ երկուս բնութիւնս զմին՝ Որդի, զմին՝ երկրպագական. այլ մի բնութիւն Աստուծոյն Բանի մարմնացելոյ և երկրպագեալ հանդերձ մարմնով իւրով միով երկրպագութեամբ : Այլ և ո՛չ եր-

կուս որդիս՝ այլ ոմն Որդի Աստուծոյ ճշմարիտ և երկրպագեալ, իսկ այլ ոմն ի Մարեմայ մարդ ոչ երկրպագեալ, որպէս և մարդիկ. այլ զի յԱստուծոյն և Աստուած, որպէս ասացի, մի որդի Աստուծոյ, և Աստուած գնոյն եւ ո՛չ զայլս, եւ ի Մարեմայ ծնեալ ըստ մարմնոյ առ վերջնովք աւուրբբս, որպէս հրեշտակին, Աստուածածնի Մարեմայ յասելն « ի՞րբ եղիցի ինձ այս զի զայր ոչ գիտեմ » ասէր « Հոգին սուրբ վերեկեացէ՛ առ քեզ. եւ կարողութիւն Բարձրելոյն հովանասցի՛ քեզ. վասն զի ծնեալն սուրբ կոչեսցի եւ Որդի Աստուծոյ » :

Ծնեալն սուրբ կոչեսցի եւ Որդի Աստուծոյ այսուհետեւ ի կուսէն Մարեմայ՝ Որդի Աստուծոյ բնութեամբ եւ Աստուած ճշմարիտ եւ ո՛չ շնորհիւ եւ կցորդութեամբ. ըստ մարմնոյ միայն ի Մարեմայ մարդ. իսկ ըստ հոգւոյն՝ ինքն Որդի Աստուծոյ եւ Աստուած. կրեալ զմեր կիրս որպէս գրեալ է « Քրիստոսի կրեցելոյ վասն մեր մարմնով » . եւ դարձեալ. « որ իւր Որդւոյն ոչ խնայեաց. այլ վասն մեր ամենեցուն ետ զնա » . իսկ անկիր մնացեալ եւ անայլալակ ըստ Աստուածութեանն ըստ ասացելումն ի մարգարէէն « ես եմ Աստուած եւ ոչ այլայլիմ » : Մեռանելով զմերն մահ ըստ մարմնոյ վասն մեղաց. զի զմահն խողխողեացէ՛ ի ձեռն վասն մեր մահուան ըստ ասողի յառաքելոյն « ընկզմեցա՛ւ մահ՝ յաղթու-

թիւն քո . ո՞ւր մահ՝ խայթոց քո » . եւ դարձեալ
« Քրիստոս մեռաւ վասն մեղաց մերոց ըստ գրե-
ւոյն » : Անըմբռնելի իսկ եւ անմահ մահուամբ մնա-
ցեալ յաղագս Աստուածութեանն իբր անարատ
Հօր զօրութիւն ըստ ասողին Պետրոսի « ոչ էր, ասէ,
կար ըմբռնիլ նմա ի մահուանէ » . վերագնացեալ յեր-
կինս եւ նստեալ ընդ յաջմէ Հօր յերկրէ բարձրա-
ցեալ մարմին Բանին ըստ ասելոյն Դաւթայ « ասաց
Տէր Տեառն իմում . նիստ յաջմէ իմմէ » . և ի նմանէ
ի Տեառնէ հաստատեալ եւ յառաքելոցն . իսկ ըստ
Աստուածութեանն պարունակելով ընդ Հօր ի յա-
ւիտենից յաւիտակից որպէս հայրական եւ անճառ
զօրութիւն ըստ վարդապետին Պօղոսի « Քրիստոս՝
Աստուծոյ զօրութիւն և Աստուծոյ իմաստութիւն » .
գալոց է ինքն Որդին Աստուծոյ և Աստուած , որ-
պէս եւ խոստացաւ , դատել զկենդանիս եւ զմե-
ռեալս . որպէս ասէ առաքեալն . դատիչն զճաճկոյթս
խաւարի եւ յայտնողն զխորհուրդս սրտից եւ զգո-
վութիւն և զանգոսնումն ըստ արժանաւորութեանն
վերբերող զիրաքանչիւրն :

Իսկ եթէ ոք (առաւել) քան զայս յաստուածայնոց
գրեցելոցն ուսուցանէ՝ միւս ասելով զՈրդին Աստու-
ծոյ, և միւս՝ ի Մարեմայն մարդ . կամ եթէ ոք ըզ
Տեառն մերոյ մարմինն ի վերուստ ասէ եւ ոչ ի կու-
ռէն Մարեմայ . կամ յեղեալ զԱստուածութիւնն ի

մարմին, կամ խառնեալ, կամ այլայլեալ, կամ ախտակիր զՈրդւոյն Աստուածութիւնն, կամ աներկրպագելի զՏեառն մերոյ մարմինն, որպէս մարդոյ, և ոչ երկրպագելի իբրեւ Տեառն և Աստուծոյ մարմին. զսա նզովէ սուրբ եւ ընդհանրական եկեղեցի հաւանեալ աստուածազան առաքելոյն ասողին «եթէ զք ձեզ ամետարանէ (ամելի) քան զոր առէքն. նզովէա՛լ եղիցի. ամէն և ամէն. եղիցի և եղիցի» :



Հ. — Վասն աշխարհակալ արքայիցն որ եղեն զկնի դռն Արդունին. և վասն ամենայն անցից նոցա :

Նստի և առաջին՝ Թագաւորէ՝ աշխարհիս մերում յազգէն Նետողաց Հուլաւուն ամս 8. և ապա զկնի նորա՝ երէց որդին նորա Ապաղայն՝ ամս 18. ապա Ահմատն՝ եղբօրորդի Ապաղային, և ապա Արդունն ամս 7 : Եւ պատճառ մահու նորա եղև հարճ մի յոյժ սիրեցեալ, յորմէ դեղակուր լինի, և վճարի ի դաշտին Մուղանայ ի տօնի Թէոդորոսին (161) : Որ եւ ի մահուան նորա լինի կոտորուած բազում մեծառեւծ առաջանւոյն՝ Խօջանին որ էր գանձապետ արքայի, և Սուլտանին որ էր ի վերայ կերակրոցն և ըմպելեացն. և Զիշուն և Աւրդուղանին որք էին ի վերայ

դատաստանացն, եւ մեծ դիւանին Սադադաւ-
լին՝ (162) բարեբարոյ Զէտին որ էր ի վերայ ամե-
նայն հարկաց աշխարհիս : Եւ բազում և անհուն
գանձք արքունի ցան և ցիր եղեն : Իսկ զօրագլխացն
և մեծամեծացն եղեալ յերկփեղկս՝ ոմանք կոչէին
գԲայտուն (163) ի Բաղդադայ՝ ազգական Արղու-
նին, զի դիցեն ի տախտն (164) արքայութեան, եւ
ոմանք փութացուցանէին զեզգայր Արղունին զՔե-
ղաթուն (165) ի Հոռոմոց : Որ եւ եկեալ նստաւ ի
տախտն արքայութեան ղան ի վերայ ամենայն աշ-
խարհի, ի Թուականութեանն Հայոց 740 :

Սա ետ կտրել դրամ և դահեկան քարտիսէ (166)
ունելով յինքեան զիր եւ խայտուածս, եւ կամէր
բառնալ զարծաթի դրամն, զի այնու վաճառեսցեն.
և սաստկացոյց զհրամանն ի վերայ ամենայն քաղա-
քաց : Եւ յետ 4 ամի տէրութեան իւրոյ անկաւ աղ-
մուկ շիրթի ի մէջ պալատան նորա, զի կասկածեաց
յոմանս վասն երկմտութեան ինչ. որք նեղեալք ի
դատն և անխտիր զազրագործութեանց նորա, կա-
մեցան ձեռն տալ ի Բայտուն. եւ սկսաւ ըմբռնել
զամենայն մեծամեծս իւր՝ զԵլժիտայն որ էր ի վե-
րայ որսական Թռչնոց և գազանաց, զԻսաւրատայն
որ էր ի վերայ ամենայն կերակրոց և ըմպելեաց,
զԽոնճիրալն որ էր ի վերայ զօրաց բաղմաց, և այլս
բազումս զորս երկաթի տոռամբք խառնեալ դնէր ի

պահեստի առ զլիաւոր արանցն : Եւ ինքն յառաջեալ
զնայր զօրօքն ի հանդիպումն Բայտույին. իսկ կալա-
նաւորքն այն ի ծածուկ ձեռն տուեալ ի բիւրապետ
մի Դուքալ անուն եւ ի թագաւորաղն մի Եղար
անուն. որ միարանեալ զան ի վերայ. եւ հանեն
զկալանաւորսն. և դնեն ի դիպահոջ զպահապանսն
նոցա. յորոյ մի էր մեծ հազարապետն Խուռուհի,
զոր բերեալ ի վանսն մեր Տաթե՝ եղին առ մեզ ի
պահեստի աւուրս բազումն. որ եւ յետոյ ազատե-
ցաւ եւ հասաւ յիւր իշխանութիւնն հրաշիւք սուրբ
եկեղեցւոյն :

Եւ ինքեանք անցեալ յայսկոյս գետոյն Երասխայ
եղեն զօր բազում, եւ սկսան զնալ զինի Քեղա-
թույին, զոր եւ լուեալ ամենայն զօրացն նորա եւ
սրտարեկեալ՝ թողին զնա. և եղեն ցան եւ ցիր. եւ
ինքն Քեղաթուն մնայր միայնակ. եւ յոչ կամաց
դառնայր եւ գայր ի պալատն իւր, զոր առեալ
պահէին զօրն ապստամբաց : Ապա տեսեալ զեր-
ծեալ կալանաւորացն և մեծ զօրապետացն՝ Եղարին
եւ Դուքալին՝ ըմբռնեցին զնա եւ խեղամահ սա-
տակեցին. և սպանին առ հասարակ զամենայն հա-
մախոհս նորին. և զնացեալ ընդ առաջ Բայտույին՝
մեծաւ ուրախութեամբ նստուցանեն զնա դան եւ
թագաւոր ի վերայ ամենայն աշխարհի, ի դաշտին
Սրաւայ (167) :

Եւ էր սա օրինօք քրիստոնեայ, և խաբեալ ի զօրազլխաց իւրոց՝ եղև Մահմետի օրինօքն, եւ վարէր զարքայութիւն իւր թոյլ և վատթար եւ անարի տմարդութեամբ մինչև յաշնանային ժամանակն : Սա յուղարկեալ զՋալալն՝ որդի Տարսայիճին, այլ ևս մուղալ արամբք ի մեծ աթոռն Աղվանից յԱմարաս, որ ի Հինսն լեալ էր աթոռ կաթողիկոսաց նոցին. ետ տանել առ ինքն զգաւազան սրբոյն Գրիգորիս՝ որդւոյն Վարդանայ, որդւոյ սրբոյն Գրիգորի Լուսաւորչի. քանզի և կայր գերեզման նորին անդ : Վասն որոյ եւ գաւազանն ի նմին եկեղեցւոջ պահեցաւ : Ընդ նմին տարան եւ զսքանչելի խաչն աստուածահրաշ, որ ի Հին ժամանակաց կայր անդ, կազմեալ ի համակ ոսկւոյ և զարդարեալ 36 ակամբք պատուականօք. և այս ի մատնելոյ լիրբ եւ անզգամ երիցու մի ի նոյն վիճակէ :

Եւ զի էր անդ դուստր կայսերն Յունաց Դեօսլինա անուն, որ ածեալ էր ի կնութիւն Ապաղայ զանին. եւ սնուցեալ էր իւր յորդեգիրս զԲայտուն : Սա բազում թախանձանօք խնդրեաց զխաչն եւ զգաւազանն և յուղարկեաց ի թագաւորական բաղաքն Կոստանդնուպօլիս : Եւ այսու օրինակաւ կողոպտեցաւ աշխարհն Աղվանից իպատուական եւ յաստուածային գանձուցն : Իսկ Բայտուն այն հասեալ յաշնանային ժամանակն՝ գայ ի Խորասանայ

Ղազանն՝ (168) որդի Արղունին, որդւոյ Ապաղային, ի վերայ նորա ի խնդիր հայրենական աթոռոյն, ամենայն զօրօքն Խորասանայ, զոր Ղարաւունաս կոչէին : Որոյ զօրագլուխք՝ մեծն եւ բարերարոյն Խութլուշահն (169) որ Թարգմանի շնորհաւոր Թագաւոր, եւ անյաղթն ի պատերազմունս եւ բազմահարն Նաւուզ, որ Թարգմանի նաւասարդ (170) :

Եւ զի ամենեքեան առ հասարակ թողեալ էին զրնական սահման իւրեանց, եւ մտեալ ընդ Մահմետի օրինօք : Եւ այս Նաւուզս էր որդի Արղունին, որ եկաց պետ և պախազ ի վերայ ամենայն աշխարհիս . և բազում ոճիրս գործեալ էր ապստամբութեամբ ընդ Արղունին եւ որդւոյ իւրոյ Ղազանին. եւ այժմ միաբանեալ էր ընդ սմա : Սա յոյժատեցող էր քրիստոնէից եւ թշնամի եկեղեցեաց. որ և ասպատակ ածեալ՝ գայր իբր զմրրիկ փոթորկեալ, նախամարտիկ լինել, զոր և մանղայ կոչէին : Եւ հարեալ սատակեաց զօրսն որք զճանապարհսն պահէին. և ապա անկաւ աղմուկ շփոթին եւ գոյժաղաղակին ի պալատն արքունի, որք անզգուշաբար կային անմտութեամբ : Յորմէ երկուցեալ մեծ բիւրապետին Թաշարին՝ զնաց և խառնեցաւ ի Նաւուզն. եւ յայնմանէ բեկեալ սիրտ կողմանն Բայտուլին՝ ամենեքեան առ հասարակ թողին զնա և փախեան :

Փախչէր և յիմարն այն Բայտուն և գայր առ Դու-
քալն որ նստեալ էր իւր զօրօքն ի դաշտին Նախնա-
ւանաւ, յեզր Երասխայ :

Իսկ տեսեալ զայն Դուքալին՝ բեկաւ ամենայն
զօրութիւն նորա. եւ երկմտեցան ի նմանէ հազարա-
պետք նորա, եւ ըմբռնեալ դարձուցին անդրէն ըզ
Բայտուն և յուղարկեցին առ Ղազանն. և ինքեանք
փախեան այսր եւ անդր : Եւ Դուքալն դնաց եւ
մտաւ յամուրսն Վրաց, զոր յետոյ ըմբռնեալ Բէ-
քային՝ տայր ի ձեռս Խուռումչէի : Եւ նորա առեալ
չարամահ սատակէր. նմանապէս եւ Ելքարն փախ-
չէր ի կողմն Կարնոյ քաղաքի. և զնա իսկ գտան յե-
տոյ առ շեխի միոյ. և սատակեցին : Այսպէս և զա-
մենայն մեծամեծսն սատակեցին զբռամբ ածեալ առ
հասարակ : Ընդ որս և զբարեբարոյն բնաւից զԵլքի-
տայն, որ մեր նահանգի էր իշխեցող և գլուխ 12,000
արանց, ածին ի Գիլանայ. և չար մահուամբ սատա-
կեցին : Եւ այդպէս առանց մարտի եւ պատերազմի
առին զաշխարհս ամենայն. և նստուցին զՂազանն ի
տախտ արքայութեան հօր իւրոյ Արղունին :

Բայց աստուածստեացն այն Նաւուզ ի գալն՝
յառաջոյ հրաման եհան առ հասարակ քակել զամե-
նայն եկեղեցիս, եւ կողոպտել զամենայն այր բրիս-
տոնեայ, եւ թլփատել զքահանայս. վասն որոյ բա-
զում վիշտս եւ անհնարին աղէտս հասուցին քրիստո-

նէից ընդ ամենայն տեղիս : Քակեցին բազում եկեղեցիս. խողխողեցին բազում քահանայս. կոտորեցին բազում քրիստոնեայս. եւ որք ի սրոյն մնացին՝ կողոպտեցին զամենայն ինչս. գերեցին բազում կանայս և մանկտիս : Բայց ի Բազդատ եւ ի Մաւալ, ի Համիան և ի Դավրէժ եւ ի Մարազսայ (171), ի Հոռոմս եւ ի Միջագետս սաստիկ և անպատմելի գործեցին ոճիրս վնասուց : Իսկ ի մեր սահմանս կողոպտեցին զՆախջաւանու եկեղեցիս, եւ գերեցին զքահանայս, եւ բազում չարչարանս ածին ի վերայ. քարչեցին զդրոմնս բաւարանացն. ընկեցին եւ զսեղանն. բայց մեծ գլխաւորքն ոչ թողացուցին քակել զեկեղեցիսն ակնածեալ ի Վրաց զօրացն : Եկին եւ ի մեծ աթոռն Սիւնեաց. և կամէին քակել զեկեղեցին. զորս կաշառօք եւ բռնութեամբ ոչ թողացուցար : կողոպտեցին եւ զվաներն որ ի գաւառին Նախջաւանաւ. իսկ այլ աշխարհս Հայոց, զոր Երասխայ գետն հատանէ, մնաց չնորհօքն Աստուծոյ : Ալաւն եւ զկաթուղիկոսն Ասորուոց որ նստէր ի Մարաղայ. և բազում անարգանօք չարչարեցին մերձ ի մահ. եւ կողոպտեցին զամենայն ստացուածսն : Ըմբռնեցին եւ զեպիսկոպոսն Առաքելոց զՏէր Տիրացուն. և աղգի աղգի անարգանօք ձաղեցին. և առին զամենայն ինչս նորա. բայց ի վանքն նորա, որ էր շիրիմ սուրբ առաքելոյն Թադէոսի, քանդեցին ըզՀատ. Բ :

չինուածս տառնցն, աւերեցին, կողոպտեցին եւ իսպառ կործանեցին :

Եկեալ էր եւ Թագաւորն Հայոց Հեթում առ Բայտուն. և հասաւ յայս տագնապ շփոթի. և կայր ի Մարաղոյ եկեղեցին, որ կաթողիկոսարանն էր (172). եւ նմա իսկ հասուցին վիշտս . որ եւ գնաց առ Ղազանն եւ յանդիման եղլւ նմա, եւ նա ընկալաւ զթագաւորն մեծաշուք պատուով : Սպա կացեալ առաջի՝ ծանուցանէր արքայի զանցս աղետից քրիստոնէից . իսկ նորա ի չքմեղս եղեալ ասէր . ես ոչ գիտեմ զայդ . այլ Նաւուդն գործեաց զամենայն . եւ հրամայեաց առ Ժամայն գրել հրովարտակ ընդ ամենայն աշխարհ զի մի իշխեսցեն ձեռնարկել յեկեղեցիս եւ ի քրիստոնեայս . այլ խաղաղութեամբ բնակեսցէ ամենայն ոք՝ զիւր հաւատ եւ պաշտօն համարձակ ունելով : Եւ յայսմանէ սակաւ մի խազաղացեալ եղեն հէնք տագնապին : Եւ ինքն Թագաւորն մեծաւ պատուով եւ չքեղաշուք փառօք դարձաւ անդրէն . եւ գնաց խաղաղութեամբ յաշխարհ իւր Արիւիկա :

Իսկ Ղաղանն առեալ զղանութիւնն 5744 Թուին յաշունն՝ եւ վարէր անեղ ուժով եւ անարկու բռնութեամբ, հզօր եւ բարձր բազկաւ . եւ կացուցանէր նա ի վերայ ամենայն զօրաց իւրոց եւ աշխարհաց ըղխութլուհան՝ այր բարի եւ հզօր եւ յաղթող ի պա-

տերազմունս, որ էր յոյժ բարեկամ եւ օգնական քրիստոնէից . որ եւ փեսայացաւ արքայի (173) առ նշրով զքոյր նորա ի կնութիւն . եւ ի սաղրելոյ սորա լինէր խաղաղութիւն մեզ եւ ամենայն աշխարհիս Հայոց : Բայց անիծեալ եւ սրեանարբու զազանն Նաւուզ գնայր ի կողմն Խորասանայ ի հոգալ զայն աշխարհ . եւ խորհեալ ի միտս իւր կամեցաւ դաւեջ հնարիւք զՂազանն, զոր իմացեալ նորա՝ սատակեաց զամենայն ազգայինս, զեղբարս, զորդիս եւ զքնաւին տոհմն Նաւուզին : Եւ ինքն Նաւուզն իմացեալ զի յայտնեցաւ փնաս նորա . լինի փախստական ի ներքսագոյն Խորասան : Ասան որոյ գումարեալ զօրս բազումս Խութլուչահն՝ գնաց զկնի նորա, զոր Տէր Աստուած ետ ի ձեռս զանիծեալն զայն . եւ անհետ կորստեամբ ջնջեաց զնա յերկրէ : Զի կալան մեծ հրաշիւք ի Հրէ (174) քաղաքի որ անդր է քան ըզ Մաւր (175) եւ զՆշաւուր (176) : Ընդ որում էին իշխանք մեր Լիսլարիտ եւ Խաչի որք թուք արծա կեալ յերեսս Նաւուզին մեծ անարգանօք ձաղէին : Ահա տեսէք զեղջիւր եկեղեցւոյ եթէ՛ որպէս մեծա գոյն պատառեաց զթշնամին իւր եւ խնդրեաց վրէժ քակտելոյն իւրոյ, զի ոչ տեւեաց իշխանութիւն նորաւ մի . այլ իսպառ ջնջեցաւ ազգաւ, եւ բարձաւ անուն նորա յայսմ աշխարհէ : Գոհութիւն եւ փառք այսպիսի խնամողին զեկեղեցի իւր :

Այլ նախ քան զայս յարեալ ոմն Ասլան անուն
 յարքունի ցեղէ . եւ միաբանեաց ընդ ինքեան բա-
 զում զօրս եւ զօրագլուխս . եւ սկսաւ ի դաշտին
 Մուղանայ գնալ ի վերայ պալատան զանին . եւ ան-
 ցեալ յայսկոյս Երասխայ զի կուտեսցէ այլ եւս ամ-
 բոխս հեծելոց . զոր իմացեալ նորա առաքէ ի վերայ
 Ասլանին զօրս բազումս, որոց զօրագլուխք Չաւիանն
 եւ Խուռումչին . որք եկեալ կռուեցան . եւ հարեալ
 զԱսլանն փախստական արարին, և ըմբռնեալ զինքն
 եւ զամենայն համախոհս իւր՝ առ հասարակ սատա-
 կեցին : Եւ եղեն բազում արեան ճապաղիք . սպա-
 նաւ եւ վասն այսր պատճառի ի Խորասան Սուբայն՝
 եղբորորդի Ապաղային . եւ այս այսքան : Բայց մա-
 նուկ Թազաւորն Վրաց Դաւիթ՝ որդի Դեմետրէի,
 ի գալն Նաւուզին եւ ի քակել զեկեղեցիս, երկեաւ
 եւ զնայ ամենայն նախարարօք եւ ազատագունդ
 արամբք ի Մեթեուլէթ (177) . եւ մտաւ ի բերդն
 անառիկ որ կոչէր Մուղէ նախէ (178), այսինքն եկ
 եւ տես : Եւ արար Թիկունս զՄեթեուլքն եւ ըզ-
 Փխայքն եւ զամենայն ազգան շրջակայ : Գրաւեաց
 եւ յինքն զդուռն Ալանայ զոր հինքն Դարիալ կոչէին
 եւ այժմ՝ Զասանին կապ : Եւ եհան զպահակսն Թա-
 թարին . եւ նա է մուտն Խազրայ, Ալանայ, Օսից,
 Խփչաղայ, եւ մեծ արքայութեանն հիւսիսային
 աշխարհին Բերքայեանց (179) . որոց էր այժմ զան

Թաւաղամանկոյն եւ Նուխայն՝ (180) Թողունք Բա-
թոյին եւ Սարթախին :

Վասն որոյ բազում դեսպանօք եւ երդմամբ ի
խնդիր եղեն, և ոչ լուաւ և ոչ եկն արտաքս : Ապա
յարուցեալ զնայ բազում զօրօք մեծն Խութլուշահ
եւ եմուտ ի Վիրս . եւ նստաւ ի դաշտին Մուխրա-
նայ (181) որ էր մերձ ի բերդն Թազաւորին . եւ ծա-
նեաւ զանառիկ ամրութիւն նորա, եւ կոչէր պատ-
գամաւորօք ի դուրս զԳլաւիթ, եւ նա ոչ գայր . այլ
խնդրէր պատանդս գրաւական ինքեան . եւ ապա
եկեսցէ : Վասն որոյ առաքէ զորդին իւր զՇիպաու-
չին եւ այլ երիս արս ի մեծամեծ պատուաւորացն :
Իսկ Թազաւորին եղեալ զնոսա ի դիպահոջ՝ գայ առ
Խութլուշահն . եւ տեսեալ զնա բազում ընծայիւք՝
առնու եւ ի նմանէ պատիւ եւ պարգևս մեծամեծս
եւ ուխտ երդման ոչ նենգել ինքեան : Եւ էր այսմ
ամենայնի միջնորդ կաթողիկոսն իւր : Եւ այնպէս
զառնայր ի բերդն իւր եւ արձակէր զպատանդսն :
Եւ Խութլուշահն դառնայր խաղաղութեամբ եւ
մտանէր ի դաշտն Ռանայ ձմերել անդ :



ՀԱ. — Վասն յետին վերջակալութեան մերոյ նուազառու-
թեանս որ կարգեցաք յեպիսկոպոսութիւն Սիւնեաց .
և որ ինչ զրոյցք առ մեօք :

Ես Ստեփաննոս Թարմատար անձամբ եւ եղկելի
ոգւով, որոշեալ յարգանդէ մօր իմոյ եւ ընծայեալ ի
տուն Տեառն, որդիացեալ մեծի եւ արքայաշուք իշ-
խանին Սմբատայ . ի մօրէ ծնեալ Սիսական և ի հօրէ՝
Օրբէլեան որ Տարսայիճ կոչի, տիրեալ ի Բաղայ մին,
չեւ ցԱյրարատ : Իսկ հոգւոր ծննդեամբ աուրբ
աւագանին որդիացեալ Տեառն Հայրապետի՝ եպիս-
կոպոսի Սիւնեաց : Մնեալ եւ ուսեալ առ ոտս աստ,
ուածարեալ արանց, կրթեալ ի հրահանգս ընթերց-
ման և երաժշտութեան եղէ փսաղտ և անագանոս
ի գաւիթս Տեառն, կոչեցայ ի դպրութիւն և ի սար-
կաւագութիւն տանն Աստուծոյ . քահանայացայ եւ
մանկական տիօք կարգեալ կղերիկոս ահարկու եւ
աստուածընկալ բեմին անպատշաճ ոգւով եւ անարի
անձամբ, վարժեցայ ի կրթարանի աստուածեղէն
տառից՝ սակաւ մի առեալ զճաչակ ուետնի քաղցրու-
թեան առի հրաման յաստուածագգեաց եւ յաշիար-
հալոյս բաբունապետէն Ներսիսէ . եւ տՀաս խակու-
թեամբ նստայ յաթոռ վարդապետական : Ես ինձէն
խաւար գողով՝ կամեցայ այլոց լոյս լինել . ես անմա-

քուր ոգի եւ աղտեղեալ պատկեր՝ սկսայ այլոց քաւ-
չապետել :

Ես առանց Հոգւոյն կոչման՝ իմով յանդգնու-
թեամբ կամեցայ յառաջ մատչել. ես պատրաստեցի
զականճա իմ լսել խաւարահրաւէր բանին « եթէ
հանդերձ ոչ ունէիրն », « եւ ծառայ չար և վատ » .
նաև զսարսափելին իսկ, զգեհնաժառանգ և զդժո,
խահրաւէր հրամանն եթէ « ե՛րթ » : Եւ ի վերայ այսր
ամենայնի այլ ևս յաւելի յանդգնութիւն զի ժսլրհե-
ցայ յաստիճան հայրապետական : Եւ ժողովեալ մե-
րոց եպիսկոպոսաց առ հայրն իմ՝ հրաւիրեցին զիս
ընթանալ ի թագաւորական աշխարհն Ալիլիկա, առ
երջանիկ կաթողիկոսն եւ աստուածապսակ թագա-
ւորն Հայոց առնուլ ձեռնադրութիւն մետրապօլտու-
թեան ի վերայ աթոռոյս Սիւնեաց . զոր եւ յանձն
առեալ մեր յիմարութեամբ՝ անգիտացեալ զահարկու
եւ անտանելի լծոյս ծանրութիւն, միայն առօրեայ
փառօքն հեշտացայ ախտաւոր մտօք . վասն որոյ
երանեմ զչեղեալսն եւ բիւր երանի յարգանդէ վի-
ժելոցն :

Գնացաք ապա եւ հասաք ի մայրաքաղաքն Սիս .
եւ գտաք զհայրապետն փոխեալ յաստեացս . եւ
սուգ մեծ եղև մեզ : Եւ անտի գնացաք ի միւս քա-
ղաքն յԱդանայ եւ հանդիպեալ թագաւորին՝ գտաք
պատիւ ի նմանէ ի վեր քան զարժանն մեր : Եւ յա-

մեալ առ թագաւորին ամիսս երիս՝ մինչև աշխարհագումար ժողովով ընտրեցին աւուրս 40. այր մի արժանաւոր՝ Կոստանդին անուն, եւ օծին զնա պատրիարք Հայոց ի մեծի ճրագալուցի Զատիկին. և ի վաղուեան աւուրն զմեզ իսկ ձեռնադրեցին եւ պսակեցին ընդ սուրբ եւ առաքելական եկեղեցւոյն Սիւնեաց. եւ պատուեցին մեծամեծ պարգևօք եւ կրկին թագիւ կարգեալ յաստիճան մետրապօլտու, թեան, եւ կոչիլ պռաստաւֆրաւնդէս պատրիարքին Հայոց, այսինքն նախաթող լինել և գլուխ ամենայն եպիսկոպոսաց Հայոց : Եւ այնպէս մեծաշուք պատուով դարձաք ի նոցանէ եւ հասաք յաշխարհս մեր. եւ բազում վիշտս կրեալ յեպիսկոպոսացն որ ի Տաթև (մինչև) փոխեցան նորա մահուամբ : Եւ մնացաք մեք ի դառն և վշտալից կենցաղավարութեանս միապետեալ զբարժանեալ վիճակս աթոռոյս, սահմանեցաք մի լինել տուն միաբանութեան զՏաթև և զՆորավանս :

Բայց վասն հրահոսան նզովիցն առաջին կաթողիկոսացն՝ Տեառն Կոստանդեայ եւ Տեառն Յակոբայ եւ առաջին եպիսկոպոսացն՝ Տեառն Յովհաննիսի եւ Տեառն Ստեփաննոսի եւ Տեառն Սարգսի եւ միս Տեառն Ստեփաննոսի և Տեառն Գրիգորոյ և Տեառն Սարգսի, որք հաստատեալ էին զՎայոց ձոր բոլոր ժառանգութիւն Նորավանից եկեղեցւոյն, ոչ խախ-

տեցաք . այլ որպէս կալեալ էին մինչև ի մեզ , նոյն պէս կալցին . եւ զայն բուն աթոռն կալցի եւ . մի լիցի երկոյունցս սոցա եպիսկոպոսութիւն եւ մի առաջնորդ եւ իշխեցող . եւ ո ոք որ լիցի եպիսկոպոս՝ մի իշխեսցէ երկու ակամբ եւ երկու մտօք հայել ի սոսա՝ միոյն աւելի խնամ տանելով . մի լիցի հեռ եւ նա խանձ ի մէջ տանս այս . եւ բնակիչք սոցա մի իշխեցեն ասել միմեանց . եթէ դու Տաթևացի եւ կամ Նորավանցի . այլ իբրև մի անձն եւ մի սիրտ եղիցին . զի եւ յառաջին ժամանակացն մինչ ի մեզ սոյն պէս էին կացեալ : Եւ եթէ փոփոխումն լիցի ժամանակաց , եւ աւեր հասցէ Տաթևոյ՝ զժառանգութիւն այնր եկեղեցւոյ Նորավանից եկեղեցին ժառանգեցէ . եւ բնակիչքն անդ բնակեսցեն : Եւ թէ Նորավանից հասցէ աւեր՝ զժառանգութիւն եւ զստացուածքս նորա Տաթևոյ եկեղեցին վայելեսցէ . եւ բնակիչք նոցա անդ բնակեսցեն : Եւ թէ յետ մեր խախտեսցէ ոք զայս վճիռ եւ կամ խորել եւ դաւաճանել խորհի ի միւս կողմանէ՝ անէծս ցաւազինս ժառանգեսցէ՝ ի մէնջ եւ յամենայն հայրապետաց . եւ նզովս առցէ ի սուրբ Երրորդութենէն , եւ մասնակից լիցի ամենայն չարագործաց :

Ապա եթէ այլ ինչ հակառակութիւն եւ չփոթումն զարթիցէ , որպէս եւ մեզ պատահեցաւ , հակառակողքն պարտապա՛ն լիցին անիծից . եւ ժամանակին

իշխեցողքն տեսցեն զարժանն : Դարձեալ ի գալն
մեր ի Ալիլիկոյ՝ յետ աւուրց ինչ զնայաք առաջի
աշխարհակալ արքային Արղունին . եւ հանդի-
պեալ նմա՝ ընկալաւ զմեզ եւ յոյժ յարգեաց եւ սի-
րեաց . եւ մեք ծանուցաք զվիշտս մեր եւ ցուցաք
զշրջաբերականն մեր զոր ետ թարգմանել և ընթեո-
նուլ առաջի իւր : Յույսաք եւ զսիգէլն հայրենեաց
մարմնաւոր ժառանգութեանց զոր ետ հայրն իմ . զի
հանեալ էր բաժին ժառանգութեան մեզ զվանորայսն
իւրոյ իշխանութեանն՝ զՏաթև, զՆորավանս, զՅա-
ղացբար, զԱրատիս եւ զայլսն ամենայն . զոր եւ
տեսեալ հրամայեաց գրել հրովարտակ հրամանի եւ
վերստին հաստատեաց ի մեզ գրովանդակն կրկին
իշխանութեամբ հոգեւոր եւ մարմնաւոր . եւ հրա-
մայեաց մեզ կալ եւ օրհնել զեկեղեցին ի դրանն ար-
քունի զոր առաքեալ էր մեծ պապն Հռոմայ (182) :
Անդ էր և կաթողիկոսն Նեստոր երկոտասան եպիս-
կոպոսօք, որք եւ օրհնեցաք ի միասին մեծաւ հանդի-
սիւ : Եւ ինքն Արղունն զգեցուցանէր իւրով ձեռամբն
զզգեստն հայրապետական, զոր ինքն էր սահմանեալ
կաթողիկոսին եւ մեզ եւ ամենայն եպիսկոպոսացն :
Եւ առեալ ի ձեռն զԺամահարն շրջէր ի մէջ բանա-
կին եւ հարկանէր եւ օրհնէր զամենայն :

Եւ դարձեալ յետ սակաւուց եկն եւ եպիսկոպոս
մի ի նոյն պապէն և մկրտեաց զկրսեր որդի արքային

եւ անուանեաց Թէոդոսիոս, զոր ինքեանք Խար-
պանդայ (Ժառայ Աստուծոյ) կոչէին . և եդ ի գիրկս
Փռանգ իշխանին որ Սիրչազ (183) ասէին : Իսկ
յետ վախճանին սորա Թագաւորեաց Քեղաթուն որ
կոչէին երնչի թուրնչի, այսինքն գտաք զկորուսեալն :
Առ որ գնացեալ մեր, եւ ի նմանէ ընկալաք պատիւ
օրսկէս յեղբորէն . եւ առաք հրովարտակ հրամանի
վերստին հաստատութեամբ : Ապա յետ այսր ի Թա-
գաւորել Ղազանին գնացաք եւ առ նա, և բարձրա-
գոյն ի նմանէ ընկալաք փառս քան յայլոցն, զի ետ
կրկնապատիկ ամրութեամբ զնոյն հրովարտակ, եւ
հրամայեաց ի չրջելն մեր զխաչ զառաջեաւ ունիլ եւ
բարձրագոյն չրջեցուցանել . շնորհեաց և մեզ փայի-
գայ ոսկի, որ էր տախտակ ի չափ Թղոյ միոյ եւ կիտոյ
գրեալ ի վերայ զանուն Աստուծոյ եւ Ղանին եւ այլ
սակաւ բանք : Եւ մեք տեսեալ զանակնկալի (անակ-
նունելի) ողորմութիւնն՝ փառս և գոհութիւն արար-
չին վերընծայեցաք . եւ այնպէս եկեալ ի տուն կա-
յաք հաստատութեամբ :

Ապա սկիզբն արարեալ մեր շինութեան սուրբ
եկեղեցւոյն ի Տաթեւ որ յանուն սրբոյն Գրիգորի
Լուսաւորչին, զի փլեալ էր եւ քակտեալ մինչեւ յա-
տակն : Եւ այս երրորդ անգամ էր շինութիւն սորա
զի զառաջինն չինեցաւ ի Փիլիպպէ իշխանէն ի Ժա-
մանակս Տեառն Դաւթի՝ եպիսկոպոսի Արնեաց . և

երկրորդն շինեցաւ ի Տէր ԅովհաննիսէ հրամանաւ Սմբատայ Թագաւորի, եւ երրորդս այս զոր մեք սկսաք, զոր եւ շնորհքն Աստուծոյ հաստահեղոյս քարամբք եւ գեղեցկատեսիլ ձևով յարմարեցաք ըղ շինուած նորա : Բայց ի քակելն մեր զսակաւ մնացորդ հիման հիւսիսային սեանն՝ գտաք զանպատմելի գանձն աստուածային՝ զնշխար սրբոյն Գրիգորի Լուսաւորչի զգագաթան մի կողմն և զքարամն (184) աջ բազկին եղեալ ի փոքրիկ անդուկ փայտեայ եւ կուպղեալ եւ մատանեալ կապարեայ կնքով : Ընդ որ մեծապէս խրախսացաք եւ բազում գոհութեամբ փառաւորեցաք զԱստուած . եւ յետ շինուածոյն եղաք ի նմին խորանի ի պատշաճաւոր տեղի անյայտ ի մարդկանէ :

Եւ առեալ մեր յեղբօրէն մերմէ Եւլիկումէն վասն բաժնի ժառանգութեան զգիւղն Արիտ, որ վաղ ժամանակօք յափշտակեալ էր ի սուրբ եկեղեցւոյն . եւ նորին յօժարութեամբ դարձուցաք անդրէն եւ տուաք ի մեր շինեալ եկեղեցին ի սուրբ Գրիգորն, և գրեցաք յիշատակ անջնջելի մեզ եւ ի հաստատու թիւն գեղոյն Արիտայ զի յետ մեր մի ոք իշխեսցէ յափշտակել զնա ի սուրբ եկեղեցւոյն, եւ խափանել զմեր յիշատակն, մի փոխել, մի վաճառել, մի գրաւական դնել, մի եւ այլ ինչ պատճառաւ դաւաճանել ի մերոց կամ յօտարաց, յաւագաց կամ յեպիս :

կոպոսաց . եւ թէ յանդգնի ոք՝ ընդ սատանայի յան-
դռնդս կործանեսցի, ընդ Կայենի եւ Յուդայի եւ
Արիոսի դատապարտեսցի, ընդ Սողոմայ եւ Գոմո-
րայ տամբ եւ զաւակօք հրոյն անշէջ ճարակ լիցի, ընդ
նեոինն աններելի դատաստանաւ պատուհասեսցի .
եւ թէ տաճիկ իշխանութիւն փոխի, եւ յափշտակել
ջանայ՝ յԱստուծոյ ամենակալէն նզովեալ լիցի . եւ
յիւր փեղամբարէն Մահմետէ եւ յօրինաց նորա ապի-
զար եղիցի . ընդ բուտփարիստն (գիցապաշտ) եւ
ընդ աթաշփարիստն (կրակապաշտ) կորիցէ՝ եւ ճշմարիտ
գոժիս իջցէ . իւր հարպն նմա հարամ եղիցի : Եւ եղև
այս ի թուականիս 746 :

Դարձեալ յառաջ քան զայս բերեալ էին ի գա-
ւառէն Արձախայ զհրաշագործ նշանն աստուածոն,
կալ խաչի . որոյ համբաւ մեծամեծ հրաշիցն եւ զար-
մանագործ սքանչելեացն սփռեալ էր ընդ ամենայն
աշխարհս : Եւ էր նա ի կենսակիր փայտէն որ ունէր
յինքեան նիշ արեան ներկեալ յաստուածային կո-
ղիցն հոսմանէ , եւ պնդեալ յոսկում դուզնաբեայ
պահարանաւ : Եւ ունէին զնա հայրենեօք թողունքն
Դլենայ իշխանի, այն որ ունին եկեղեցի եւ բազում
միաբանութիւն ի Տաթև . բայց զպատճառ զնալոյ
աստուածընկալ սուրբ խաչին ի Սաչէն այսպէս լուաք
ի ստուգագէտ արանց . եթէ միայնաւոր ճգնաւոր մի
յանձնաթ աշխարհէ, որ շրջէր ի պատճառս աղօ-
լատ. Բ :

Թից, պատահեցաւ ի գեօղն Ռլենայ ի մէջ ձմերան
ռանելով ի մաղախն զայն աստուածեղէն եւ անկշիռ
գանձ : Եւ օթեալ ի տան երիցուն տայ զմաղախն
ցտիրուհին եւ ասէ . զի՛ր զդա ի սուրբ տեղի մինչեւ
երթիցեմ . և էր օրն ճրագալոյց Յայտնութեան . եւ
մանուկ տղայ մի երիցուն մեռեալ էր ի գիշերին, եւ
ոչ հանին ի լոյս վասն տօնին : Ապա տարեալ կնոջն
այն զմաղախն միայնակեցին դնէր ի սնարս մեռելոյն .
և այն ինչ յետ երեկոյեան սբաշտամանն կատարման
մինչ սակաւ մի ննջեցին՝ կենագործեալ կենսատու
փայտին զմեռեալ մանուկն՝ սկսաւ աղաղակել առ
մայրն : Իսկ մայրն զարթուցեալ ի քնոյն եւ զարհու-
րեալ՝ զարթոյց զերէցն . եւ գնացին ի ներսատուն .
տեսին յարուցեալ զտղայն եւ նստեալ խաղայր ընդ
մաղախին . և բաղում ժամս յահի եղեալ ապշեցան .
և ոչ գիտէին գիրն :

Իմացեալ ապա ճգնաւորին՝ էառ զմաղախն ի ծա-
ծուկ մինչդեռ ասպնջականքն յիմարեալ կային . եւ
գնաց փախստական : Որք եւ ուշաբերեալ ծանեան
գրանն . եւ ելեալ ճիչ բարձին առ տէր գեղջն եւ
պատմեցին զեղեալ հրաշսն : Եւ անկաւ աղաղակն ի
չէնն և ամենեքեան գան ի տես մանկանն : Եւ յարու-
ցեալ Ռլենայ ծառայիւր եւ շինականօք պնդեցաւ
զկնի միայնակեցին ի կողմն Աղունոյ գետին : Իբրեւ
իմացաւ նա եթէ՝ պնդեալ են զհետ իւր, եհան զփոր-

բազոյն մասն փայտին ի պահարանէն՝ եղ ի կրկնուա-
ծըս կնգղոյն զոր ունէր . եւ զպահարանն ընկէց ի
թուփ մի սալորի ի մէջ մացառախիտ մայրեացն . եւ
ինքն գնայր : Եկին ապա արքն այնորիկ եւ հասին ի
տեղին յայն . տեսին յանկարծակի ի մէջ ձիւնատա-
րած սառնամանեացն զթուփն զայն փթթեալ գեղե-
ցիկ ծաղկօք և կանաչացեալ սաղարթօք . և բուրէր
հոտ աննման . և ի մեծի հիացման եղեալ՝ կարծեցին
անդ պահեալ զխաւն :

Իբրեւ տեսին եւ նշմարեցին զտեղին՝ գտին ի մէջ
թփոյն զոսկի պահարանիկն դատարկ , եւ պնդեցան
զհետ և հասին նմա յեզր գետոյն Աղունոյ : Դարձաւ
միայնակեացն և տեսաւ զնոսա . և զչարեալ ի միտս
իւր, եհան ի կնգղոյն զփայտն և ընկէց ի մէջ գետոյն .
զոր եւ ըմբռնեալ արանցն տանջեցին սաստկապէս .
եթէ տո՛ւր ի մեզ զփայտն . և բացեալ զմաղախն ոչ
ինչ գտին, և մերկացուցեալ զխոշոր քրծիկն՝ տեղե-
կացան, և ոչ երևէր : Ապա հայեցան ի գետն, տեսան
յերկուս ճեղքեալ զբազմութիւն ջուրցն և զմասնն ի
մէջ ցամաքին, և բոց բորբոքեալ ցոլանայր ի վեր . և
հոտ զարմանալի իբր ծուխ թանձր ցնդէր ի տեղոյն :
Լցան արքն ահիւ և խնդութեամբ, դողային և ցըն-
ծային խայտալով ընդ գիւտ անգին եւ անհամեմատ
մարգարտին . եւ մտեալ ի ջուրն առին զփրկական
փայտն . և եղեալ ի պահարանին բերին ի տուն իւր .

եանց : Եւ միայնակեացն գնայր զկնի ողորալով եւ բաղխելով զկուրծան . և մինչ յուսահատեցաւ՝ անէծ չարաչար զտունն Դլենայ, և անց գնաց :

Եւ յայնմ օրէ եւ յապա լինէր այն հայրենիք այնմ ազգի պատուեալ և մեծարեալ պատարագօք յիշխանաց և յաշխարհաց . և յետոյ աստուածասէր և բարեպաշտ մեծ իշխսոնաց իշխան Զալալ չինէ եկեղեցի մի Գիշերաձոր անուն . եւ կազմէ պահարան յարծաթոյ . եւ անդ բնակեցոյցանէ : Ահա զայսպիսի աստուածահրաշ նշան վերին ակնարկմամբն բերին յիշխանութիւնս մեր նեղեալ տեարք նորա յաւերմանէ գաւառին իւրեանց եւ ի դառն եւ վերջին աղքատութենէ : Որք եկեալ բնակեցան առ մեօք . եւ սակս չարաչար կարեաց իւրեանց, որ էին պարտական այլազգեաց և կամէին գերի վարել, և տազնապէին ի դառն եւ յանհնարին աղքատութեանց, ծախեցին մեղ զխաչն թողունքն աւագ Դլենեանց, որոց աւագն Հասան անուն այլ ևս երկու եղբարբք . և առին ի մէնջ զգինն լիով և անթերի՝ հինգ հարիւր դահեկան որ լինի 5000 դրամ, և այլ բազում սլարգէս ձիոց և եղանց և հանդերձից :

Զոր և մեք առեալ դարձուցաք առ տեարսն զպահարանն ի 1000 դրամի հաշիւ ո՛չ ի զինն այլ պարգէք . և առաք զվճիռ զին ու ծախոյն անխախտ սլայմանաւ և կտակ յաւիտենական բազում վկայիւք : Եւ

վերստին կազմեցաք պահարանս յոսկւոյ եւ յարծաթոյ, եւ յօրինեցաք նախ զխաչն ոսկի ընտիր սոփեբական ունելով ի պատուանդանն խնճոր ոսկի ըստ քառակերպեան կենդանեացն եւ փողս, եւ եղաք ի վերայ ակունս ի յոյժ մեծագնոց թուով հինգ ի ծիրանատեսիլ չափուղայից . և ի մէջ ականցն մարգարիտս և մեծագին յառաւել պատուականաց . և եղաք ի ներքոյ միջի ականն զփայտն փրկական . որ ունի գիր մանրատեսակ շուրջ զականակսպճօքն, և գրեցաք ի թիկանց կուէ նշան բանից « այս աստուածընկալ սուրբնշանս կազմեալ ի Տէր Ստեփաննոսէ՝ Սիւնեաց եպիսկոպոսէ, բնակեացէ՝ յաւիտեան ի սուրբ եկեղեցւոյն Նորսմանից » : Նմանապէս ետու կազմել եւ զմեծագոյն պահարանն յոսկւոյ եւ յարծաթոյ ի ձեւ աղիւսակի գեղեցիկ յօրինուածովք եւ երկրացիկ դրամք . և սեպականեցաք զնա Նորսմանից սուրբ եկեղեցւոյն . եւ գրեցաք ի նմա յիշատակարան մեզ այսու օրինակաւ :

« Յամս կործանման աշխարհիս Հայոց, ի դառն և ի դժնդակ ժամանակիս, յորում էր թուականն 743, ի 15 յորեղենիս, յաշխարհակալութեան Քեղաթու դանին, ի կաթողիկոսութեան Հայոց Տեառն Գրիգորի և ի թագաւորութեանն Վրաց Դաւթի, յիշխանութեան այսմ նաշանգի ամենօրհնեալ զարմիցն Եւկումին եւ եղբարց իւր, ես յոգնամեղ պարտաւորաւ

Տէր Ստեփաննոս՝ Սիւնեայ եպիսկոպոս, որդի մե-
ծափառ իշխանին Տարսայիճին, առաջնորդ վսեմա-
կան և աշխարհադէտ տանցս Տաթևոյ և Նորավա-
նից՝ վերին տեսչութեամբն պատահեալ անպատում
պարգևացս աստուած ընկալ սուրբն շանիս. և տեսեալ
ի սմա զներկուած արեանն Յիսուսի, զոր բերեալ էին
ի գաւառէն Արձախայ, եռայ յիս տարիումն սաստիկ
և զնեցի զսա ի բուն հայրենատէրանցն՝ ի թոռանցն
Գլենայ 500 դահեկանի միագլուխ զատ ի յայլ բա-
զում պարգևացն, զոր վասն դառն և չար կարեացն
և պարտուցն իւրեանց մեծայօժար կամօք ծախեցին
մեզ : Եւ մեք առեալ զարդարեցաք յոսկւոյ սրբոյ և
յականց պատուաւանաց նախ՝ զիսաչն և ասլա զպա-
հարանն, ի յոյս եւ ի բարեխօս առ Քրիստոս վասն
եղկելի հոգւոյս . թերևս գտից ողորմութիւն յանա-
չառ ատենին : Եւ ընծայեցի զսա սուրբ և գերաւիառ
աւխտիս Նորավանից հայրենի դամբարանիս մեր : Թէ
ոք նենգել կամ հանել ջանայ զսա աստի՝ ընդ Այսենի
և Յուդայի և Արիոսի դատեսցի . յերկնաւորաց և
յերկրաւորաց եւ յամենայն սրբոց նզովեալ եղիցի ի
մահ և ի կեանք . և մեր մեղացն պարտական եղիցի :

Արդ՝ յիշեցէ՛ք զիս և զեղբարսն իմ զարի և զհօր
իշխանսն զԵլիկումն և զԼիպարիտն և զայլ եղբարսն
և զբարի քոյրն իմ զՄամբանն . և դուք յիշեալ լիջիք
ի Քրիստոսէ Աստուծոյն մերոյ . ամէն » :

Յայսմ առուրս էր այր մի մեծազգի Ամիրայ անուն բընակեալ հայրենեօք ի գեղն Առփայ, որդի Զուրջին, թոռն իշխանայն Ասարանցի զոր Մահլանեանք կոչէին. զնէ զԱղթայ սյգին որ յԱռփայ ի մեծ իշխանէն Տարսայիճէն, որ էր եւ նոցա գնուածք ի բուն հայրենատէրանցն, և տայ ի գինն 4,000 դրամ : Եւ միաբանեալ սուրբ եկեղեցւոյն 'Նորավանից' աւանդեաց ի ձեռս մեր. եւ ետ զրել արձան յաւիտենական զի մի որ իշխեսցէ հանել զնա ի սուրբ ուխտէն : Եւ կարգեաց նզովս մեծամեծս : Ասն որոյ եւ մեր սահմանեցար նմա հինգ սրստարագ յամենայն ամի անխափան կատարել : Եւ ի հին առուրց տուեալ ի վանսն զՎայեկի բարոյ սյգին հոգեցատուր Ախթամարեանց եւ այլոց ոմանց. եւ արձանագրով եւ նզովիւք հաստատեալ զի մի որ հակառակեսցի :

Գնեցար եւ մեր ի միջոցին զյօլով մասն ի հայրենատէրանցն ընդ 2,500 դրամի եւ բոլորեցար զայգին ի բոլոր Ծակուտ քաթէն մինչ ի վեր խաղառուածայգւոյն որ մեծ սալն է : Ետուն եւ հոգեցատուրայգի մի ի Կամրջայ խելիս եւ այլ բազում հայրենիս' հողս եւ տունս. շինեալ էին եւ երկու ակն ջրաղացս առ կամրջին. եւ այս ամենայն հաշայ եւ ունխախտ հայրենիք էր և ժառանգութիւն սուրբ եկեղեցւոյն 'Նորավանից' ոչ ի գրկմանէ եւ յափշտակութեանց.

այլ էր որ հոգեցատուր էր և էր որ գանձագին եպիս-
կոպոսաց և իշխանաց . զոր չունի որ հրաման յաւա-
գաց կամի ձեռնաւորաց ո՛րք և լիցի իշխան, ի վերայ
այս գեղջս Առիայոյ, եւ կամ յազատաց եւ տանու-
տերաց տեղւոյս հակառակ կալ եւ կամ յափշտակել
ջանալ եւ կամ այլ ինչ դաւ եւ զրկանք խորհիլ
կամ վաճն ազահուրթեան կամ վասն նախանձու կամ
վասն այլ սլատճառի յայս ժառանգութեանցս : Ապա
թէ յանդգնի որ և լրբենի դիմօր ձեռնարկէ ինչ՝ Հայ-
րըն Աստուած գհայր նորա նշովեսցէ՛, եւ Որդին
Աստուած զորդիս նորա նշովեսցէ՛ . միասնական
սուրբ Երրորդութիւնն զմարմինն նորա նշովեսցէ՛ . և
ամենայն անէծք մարգարէականք եւ առաքելականք
եւ հայրապետականք ի վերայ գլխոյ նորա եւ տան
նորա եկեսցեն . ջնջեսցի յիշատակ նորա յերկրէ . և
ինքն անբուն որդանցն և անշէջ հրոյն ճարակ եղիցի .
իսկ հնազանդքն եւ օգնականքն եւ աւանդապահքն
օրհնեալ եղիցին յԱստուծոյ եւ յամենայն սրբոյ :
Եւ թէ տաճիկ իշխանութիւն փոխի. եւ նա նենգել
եւ բռնաբարել եւ յափշտակել խորհի՛ յԱստուծոյ և
յիւր Մահմետէն ապիգա՛ր լիցի . եւ իւր հալալն հա-
րամ եղիցի . եւ 100,000 նախա՛ր ի վերայ նորա եւ
աղգի նորա եւ զաւակաց նորա եղիցի մինչ ի 1000
ամն :

Դարձեալ՝ և այժմ գիմոյ հէգ եւ թշուառ անձինս

կարգեցից աստ յիշատակ հոգւոյ անջինջ արձանի ։
 Վասն որոյ մաղթեմ մեծայոյս թախանձանօք զյոյսն
 հասարակաց որ Տէրն է հոգւոյ և Ստտուած բոլորից
 զի ընկալցի զսա ընդ խերեւէշ այրւոյն. և ընդ շանցն
 մուրողաց ոչ խնայեսցէ՝ եւ ինձ զտակաւիկ փշրանան ։
 Արդ՝ ստացայ ինձ յիշատակ զեկեղեցիքս Նորա-
 վանից, եւ արարի ինձ միջնորդ եւ բարեխօս Իս-
 ֆրիստոս զստուածակիր սուրբ նշանբա, զուսագ
 խաչս աստո ւածընկալ զոր խնով ձեռամբս կազմեցի ։
 Եւ ընծայեցի ի սոսա զիմ հաշալ հայրենիքն և զղան-
 ձագին զիւղն Զուայ իւր ամեն սահմանօքն, հողով և
 Զրով եւ այդեստանեօք եւ բոլոր բնակչօք, զոր
 գնեալ է իմ յիմ եղբօրէն Զալալէն ազատ յամե-
 նայն հարկաց եւ ի զիւանէ անդաւի (անվիճիլի) եւ
 անհաշիւ յամենայն կողմանց, յեղբարց եւ յաւագաց.
 եւ տուեալ էսք ի գինն 21,000 դրամ. եւ զգիւղն
 Աբասաչէն եւ զսուրբ Սահակ, որ իմ հայրենաբա-
 ժին էր ի մեր հաշալ ընչից եւ հայրենեաց ։

Եւ արդ՝ մի ոք իշխեսցէ իշխանո թիւն վարել ի
 վերայ այս շինոյս. եւ կամ հարկ կամ զիւսն կամ
 մալ կամ այլ ինչ դնել ի վերայ. այլ միայն իշխեսցեն
 առաջնորդք սուրբ ուխտիս Նորավանից եւ վայելես-
 ցեն ժառանգաւորք տանս եւ սպասաւորք սրբոց
 նշանացս, եւ զմեզ աղօթից եւ պատարագաց հանա-
 պազ հաղորդս կալցին ի սուրբ եկեղեցիս ։ Դարձեալ՝
 Հատ. Բ ։

վասն տօթոյ տեղւոյս որ յամարայնի չկարէին բնա-
կել եպիսկոպոսն եւ սպասաւորն , սահմանեցաք
զԱրատեսի վանքն որ ի վերոյ Եղեղեաց . եւ տուաք
ամենայն հաստատութեամբ զվանքն եւ զգիւղն իւր
ամենայն շրջակայ սահմանօքն եւ հոգեցատուր ժա-
ռանգութեամբքն ի սուրբ եկեղեցիս . զի սոքա կալ-
ցին հայրենեօք եւ վայելեսցեն զնա . բայց շինութեան
տեղւոյն եւ լուսաւորութեան եկեղեցւոյն ամենայն
ջանիւ փոյթ տարցեն որպէս այսմ տան : Դարձեալ
եւ ետու զՔարկոփ իւր ամենայն սահմանօք ի վայե-
լումն եւ ի ժառանգութիւն առաջնորդաց տանս եւ
այլ եղբայրութեանս :

Եւ յայսմ հետէ մինչև յաւիտեան հաստատ հայ-
րենիք լիցի նա սուրբ եկեղեցւոյս Նորավանից . եւ
թէպէտ ժառանգաւորք սոքա լիցին . այլ զշինու-
թենէ վանիցն եւ զլուսաւորութենէ եկեղեցւոյն մի
անփոյթ արասցեն , այլ ամենայն ջանիւ հոգասցեն
որպէս զսեպական տանէ : Եւ արդ՝ մի ոք իշխեսցէ
այսմ հակառակել , կամ ինչ եւ իցէ սլատճառաւ խա-
փանել խորհիլ . եւ բակտել զիմ ընծայեալ հոգեցա-
տուրս ի սուրբ եկեղեցւոյս Նորավանից զի գեօղն
Չուայ իմ գանձագին էր . եւ Արատէս եւ Քարկոփն՝
իմ հաշալ հայրենաբաժին , որ ո՛չ աւագի եւ իշխե-
ցողի , ո՛չ այլ ումեք ոչ ինչ հաշիւ կայր ի ներս : Եւ
թէ յանդգնի ոք՝ ի սուրբ Երրորդութենէն նզովեալ

եղիցի ի մահ եւ ի կեանք. եւ ամենայն անէծք որ յօճէն մինչեւ ի նեոն կայ ի վերայ ամենայն չարա-
գործաց, ի վերայ նորա եղիցի, ընդ Յուդայի մաս-
նակցեսցի, եւ ընդ ուրացող Վասակայ որդնալից
սատակեսցէ. մեր մեղացն ու խղճին պարտաւան
եղիցի եւ յաւիտենական հրոյն մատնեսցի. իսկ կա-
մեցողք եւ հնազանդքն օրհնեալ լիցին յԱստուծոյ
և յամենայն արոյ նորա :

Եւ թէ տաճիկ իշխանութիւն փոխի. և յափշտա-
կել ջանայ. ինքն յԱստուծոյ եւ յիւր փնդամբարէն
ապիգահր եղիցի. եւ տամբ եւ զաւակօք յանդունդօ
կործանեսցի, 100,000 նաչաք ի նորա վերայ եղիցի :
Եւ արդ՝ մինչ կարգեցաք զայս յիշատակ, եւ հաս-
տատեսցաք զայս հոգեցատուրս, ասա ժառանգա-
ւորք տանս միեղէն եղբայրութեանս համակամ սի-
րով սահմանեցին մեզ յիշատակ ի սուրբ եկեղեցւոյն
մի քառասունք պատարագ Յինանցն. եւ զինի
Արկնազատիին մինչ ի Հոգեգալուստն յամենայն
առաւօտու Ամբիծք եւ աւետարան հանգտեան յի-
մով դամբանի. եւ զօր մեծի տօնախմբութեան
սուրբ Պենտեկոստէին առնեն մեզ յիշատակ հոգե-
հանգիստ զենամամբ զուարակաց եւ զառանց, եւ
առատ ոռնկօք կերակրոյ եւ ըմպելեաց լցուցանեն
զպէտս աղբատաց եւ կարօտելոյ. եւ յայն օր յամե-
նայն եկեղեցիքս պատարագ մեզ արասցեն եւ

Ինդրեսցեն յԱստուծոյ Հոգւոյն զենմամբ Փառակցին Թողութիւն մեր մեղաց եւ փշրանս ողորմութեան, Թերեւս կարացից ապրել յահաւոր ամօթոյ ահեղ հրապարակին ուր բանքն սպառին եւ գործքն Թագաւորեն :

Բայց Թէ ոք յառաջնորդաց եւ յեպիսկոպոսաց տեղւոյս կամ ի փակակալաց, կամ յայլ ժառանգաւորաց տանս ծուլանան կատարել զմեր յիշատակդ կամ նախանձին . կամ պատճառեն պատճառս ինչ՝ որչափ եկեղեցիքս ի հաստատութեան եւ իշինութեան են, մասն նոցա եւ բաժին ընդ Յուդայի եւ ընդ աստուածասպան քահանայիցն եղիցի . ի սուրբ Երրորդութենէն որոշեալ լիցին, եւ մեր անհուն եւ ծովացեալ մեղացն պարտապան եւ պատասխանատու եղիցին . իսկ կատարիչքն օրհնեալ եղիցին եւ ընդ ամենացն սուրբա մասն եւ վարձ ընկալցին . ամէն :

Եւ արդ՝ աստանօր ո՛վ եղբարք՝ յիշմե՛ք զխոցուած լերդի իմոյ զի սակաւ մի յառաջ քան զգծագրութիւն տառիս հասաւ մեզ սուդ անվերանալի զի կրսեր եւ սիրելի եղբայրն իմ Փախրադուկայն ի զարդ եւ ի գեղ մանկական հասակի՝ մինչ տէգ մօրուացն փաղլիեալ լինէր Թխատիպ տեսակաւ շուրջ բոլորեալ զպատշաճագեղ ծնօտիւքն . և սիրտ նորա զուարճ խնդամըտական խորհրդօք ի վայելս բաղարագրօս կենցաղոյս .

և կամք նորա ի վազս եւ ի թիուս իշխանաշուք փա-
ռաց՝ յանկարծակի հասեալ օրհասն կենաց՝ խզեաց
զբոյսն քաջուղէչ, եւ խլեաց զտունին ծաղկափթիթ.
Երարձ տարաժամ զբաղձալին ինձ : Որ եւ հրաժա-
րեալ ի մէնջ գնաց յաստեացս առանց իրիք յիշա-
տակի. զոր եւ տարեալ եղին ընդ հօրն իւրում ի
տապանի : Որում Տէրն իմ Յիսուս փոխանակ աստի
զրկանացս անդ ողորմեսցի եւ անտե՛ս արարեալ
զմեղսատեսակ կիրս մարմնոյ նորա՝ զուարճացուցէ՛
ի վայելսն անմահական եւ յուրախութիւնսն անզը-
րաւական. ամէն : Եւ այժմ ահա ո՛վ ընթերցասէր՝
պատշաճ համարիմ յաւարտման մատենիս զնեւ Նախ
զանուանս եւ զկարգ եպիսկոպոսացն Սիւնեաց, եւ
ապա իրր զմանեակ ոսկի ի սլարանոց եւ կամ կնիք
Թագաւորական ի վերայ պատուական գանձուց,
կարգեւ զանուանս սուրբ եւ երջանիկ հայրապե-
տացն Հայոց ի գլուխ կատարման շինուածոյս մե-
րոյ. զի յԱստուծոյ սկսեալ եւ յաստուածազգեաց
սուրբանս պարտ է յանգեցուցանել :



ՀԲ. — Եղիսկոպոս Սիւնեաց . ամք և թիւք նոցին .
առաջին եղիսկոպոս ձեռնադրեալ ի սրբոցն Գրի-
գորէ :

1. Տէր Գրիգորիս՝ ամն	46.
2. Տէր Մաշտոց՝ ամն	»
3. Տէր Անանիա՝ ամն	42.
4. Տէր Նուն՝ ամն	8.
5. Տէր Գաղատ՝ ամն	17.
6. Տէր Մուշէ՝ ամն	36.
7. Տէր Երիցակ՝ ամ	1.
8. Տէր Մակար՝ ամն	28.
9. Տէր Պետրոս՝ ամն	10.
10. Տէր Գիզան՝ ամն	3.
11. Տէր Վրդանէս՝ ամն	23.
12. Տէր Գրիգոր՝ ամն	15.
13. Տէր Քրիստափոր՝ ամն	10.
14. Տէր Դաւիթ՝ ամն	27.
15. Տէր Մաթուսաղայ՝ ամն	18.
Ընդմէջ ամն	8.
16. Տէր Աբրահամ՝ ամն	30.
17. Տէր Յովսէփ՝ ամն	19.
18. Տէր Յովհան՝ ամն	22.
19. Տէր Մովսէս՝ ամն	7.

20. Տէր Անանիա՝ ամս	7.
21. Տէր Յովհաննէ՝ ամս	9.
22. Տէր Ստեփաննոս՝ ամ	1.
23. Տէր Յովսէփ՝ ամս	17.
24. Տէր Յովակիմ՝ ամս	17.
25. Տէր Սաղովկ՝ ամս	32.
26. Տէր Յովհաննէս՝ ամս	2.
27. Տէր Սաղոմոն՝ ամս	7.
28. Տէր Եղիա՝ ամս	8.
29. Տէր Թէոդորոս՝ ամս	18.
30. Տէր Գէորգ՝ ամս	8.
31. Տէր Դաւիթ՝ ամս	17.
32. Տէր Յովհաննէս՝ ամս	10.
33. Տէր Սաղոմոն՝ ամս	17.
34. Տէր Յովհաննէս՝ ամս	33.
35. Տէր Յակոբ՝ ամս	41.
36. Տէր Վահան՝ ամս	6.
37. Տէր Աշոտ՝ ամս	17.
38. Տէր Յովհաննէս՝ ամս	6 և 45.
39. Տէր Աշոտ նոյն՝ ամս.	5 և 45.
40. Տէր Սամուէլ՝ ամս	3.
41. Տէր Յակոբ՝	»
42. Տէր Գրիգոր՝	»
43. Տէր Յովհաննէս՝ ամս	50.
44. Տէր Գրիգոր՝ ամս	58.

45. Տէր Ստեփաննոս՝ ամս	27.
46. Տէր Բարսեղ՝ ամս	5.
47. Տէր Գրիգոր՝ ամս	20.
48. Տէր Ստեփաննոս՝ ամս	46.
49. Տէր Յովհաննէս՝ ամս	38.
50. Տէր Հայրապետ և	
51. Տէր Սաղամօն՝ ամս	20.
Իմիասին՝ ամս	40.
52. Տէր Յովհաննէս՝ ամս	3.

Իսկ որք նառան ի Նորավանս ի նոյն ցեղէ
արոռակալք :

1. Առաջինն՝ Տէր Յովհաննէս Կառպանեցին .	
2. Տէր Ստեփաննոս՝ որդի Տեառն Գրիգորի .	
3. Տէր Սարգիս՝ ամս	20.
4. Տէր Ստեփաննոս՝ ամս	20.
5. Տէր Գրիգոր՝ ամ	1.
6. Տէր Սարգիս՝ ամս	24.

Եւ ապա միապետեալ զերկոսին արոռան.

53. Տէր Ստեփաննոս՝ եպիսկոպոս Սիւնեաց
և Նորավանից՝ եօթներորդ (185) :

Արդ՝ սրբոյ աթոռոյս ի բոլոր թէմի եղեալ վանք
և անապատք են սոքա. Մեղրոյ սուրբ Յովհաննէս

անուն վանքն . Մեծ անապատն արանց . Հարանց
անապատն արանց . Շնչէրու Աստուածածին անա-
պատն կուսանայ . Հալիծորու անապատն կուսա-
նայ . Մանլու ամենաիրկիչ անապատն կուսանայ .
Գանձաւարախու վանքն . Կարճեանու սուրբ ուխտն .
Յովհաննու և Ծիծեռնակու սուրբ վանքն :



Երարողիկոսք Հայոց - ամք և թիւք նոցա :

1. Սուրբն Գրիգոր Լուսաւորիչ ամն	30.
2. Արիստակէս	7.
3. Վրդանէս	15.
4. Յուսիկ	6.
5. Փառնեբսէչ	4.
6. Սուրբն Ներսէս	20.
7. Շահակ	4.
8. Զաւէն՝ եղբայր Շահակայ	1.
9. Ասպուրակէս՝ եղբայր սոցա,	3.
10. Սուրբն Սահակ	51.
11. Յովսէփ (186)	12.
12. Գիւտ (187)	10.
13. Յովհան Մանդակունի	6.
14. Բարդէն	5.

15. Սամուէլ	10.
16. Մուշէ	8.
17. Սահակ (Բ)	5.
18. Քրիստափոր (Բ)	6.
19. Ղեւոնդ	3.
20. Ներսէս (Բ)	9.
21. Յովհաննէս (Բ)	17.
22. Մովսէս	44.

Ի սրբոյն Գրիգորիաէ մինչեւ ի 4 ամն Մովսիսի,
որ եղաւ թուականն Հայոց՝ ամք 249. եւ յինն
թուականին եղաւ հինգհարիւրեակն. ի Քրիստոսէ
ամք 553 :

23. Աբրահամ* (Ա) ամն	23.
24. Յովհան (Գ.) ամն	16.
25. Կովիտաս	8.
26. Քրիստափոր (Գ)	3.
27. Եղր	11.
28. Ներսէս (Գ)	21.
29. Անաստաս	6.
30. Իսրայէլ	10.
31. Սահակ (Գ)	26.
32. Եղիա	14.
33. Յովհան Օձնեցին (Գ)	11.

34. Դաւիթ (Ա.)	12.
35. Տրդատ (Ա.)	23.
36. Տրդատ (Բ.)	3.
37. Սիոն	8.
38. Եսայի	13.
39. Ստեփաննոս (Ա.)	2.
40. Յովար	ամիսս 6.
41. Սաղօմօն	1.
42. Գէորդ (Ա.)	3.
43. Յովսէփ (Բ.)	11.
44. Դաւիթ (Բ.)	27.
45. Յովհաննէս ի Կոտայից (Ե)	22.
46. Զաքարիա ի Զաքայ (Ա.)	21.
47. Գէորգ (Բ.) ի Քառնւոյ	21.
48. Մաշտոց ի Սեանայ ամիսս	7.
49. Յովհաննէս (Զ) սլաւամագիր	27.
50. Ստեփաննոս (Բ.)	1.
51. Թէոդորոս (Ա.)	10.
52. Եղիսէ (Ա.)	7.
53. Սնանիա	22.
54. Վահան	2.
55. Ստեփաննոս (Գ.)	2.
Անկաթողիկոս	1.
56. Խաչիկ (Ա.)	19.
57. Սարգիս (Ա.)	27.

58. Պետրոս (Ա.)	40.
59. Խաչիկ (Բ)	6.
60. Գրիգոր (Բ)	40.
61. Բարսեղ (Ա.)	24.
62. Գրիգորիա (Գ)	53.
63. Ներսէս (Դ)	7.
64. Գրիգոր (Դ)	20.
65. Եղբորորդի սոցին Գրիգորիա (Ե)	1.

Սա արգելեալ իրերդն Կոպիտառայ՝ ի գիշերի կախեալ ընդ պարխսպն՝ անկաւ եւ մեռաւ :

66. Գրիգորիա (Զ) ապիրատն	7.
67. Յովհաննէս (Է) մեծարարոյն	18.
68. Կոստանդին (Ա.)	47.
69. Յակոբ (Ա.)	19.
70. Միւս Կոստանդին (Բ) երեք ամ կեցեալ աքսորեցաւ :	
71. Ստեփաննոս (Դ) Հռոմկլայեցին երկու ամ կեցեալ՝ վարեցաւ ի գերութիւն ի Մշար . եւ յետ մի ամի վախճանեցաւ ի բանտն եւ ի կապանքն : Եւ այժմ է Տէր Գրիգոր (Է)՝ Անաւարզայեպիսկոպոսն :	



**ՀԳ. — Յիշատակարան մատենիս նորին
Ստեփաննոսի :**

Սկիզբն եւ կատարած ամենայնի Աստուած. զի ի նմանէ սկսեալ եւ նովաւ յառաջացեալ և ի նոյն կատարէ Տէրն, որպէս ի կարակնակերտ բոլորումն է տեսանել զի ուստի սկսաւ ի նոյն յանգեալ միացաւ՝ իծոց իւր գրաւեալ զբազմաւորական մասունսն : Տինա՛ եւ ի տպաւորումն շնորհին է տեսանել զի հոսեալ յորդառատ յականակիտ յաղբերէն անցանէ ընդ բնան բաշխելով իւրաքանչիւրոցն զմասնաւորն ըստ սլատշաճին : Եւ այնպէս գործեալ յամենեսեան զօգուտն եւ զօգտակարն՝ ինքն նոյն պարզութեամբն միանայ ուստի բղխեցան : Ըստ որում եւ ես իսկ շնորհօք վերնային, բարութ ստորնային, ձևով երկնային, վարութ եղեռնային, կերպիւ կենաբաշխ, ոգւով կենազրաւ, անուամբ քաւչապետ, բանսարկուն գործապետ, առեալ յաստուածային շնորհացն՝ կամեցաք սակաւ մի սեղանաւորել, եւ սկիզբն արարեալ Աստուծով յառաջացաք նովիմբ, զոր եւ աւարտեսցուք ի նոյնն :

Արդ գոհութիւն և փառք Ստեղծողին էիցս, անձառին եւ անհասին, պարգևողին առատաբաշխ եւ խնամող բոլորիցս. օրհնութիւն, պատիւ և երկրպա-

գութիւն անբաւ բիւրուք, անհաս եւ անվճար ի հրա-
բուն սեռից երկնաւորաց եւ ի նիւթեղէն տարրակա-
նաց երկրածին կենդանեացա, ի բոլոր եղականաց եւ
ի բնաւից գոյութեանց արարածոցս, որ կարողա-
ցոյց զխաւակքութ տհասութիւն իմոյ մտացս եւ զցա-
ւալից տարտամութիւն ծովահեղձուկ հոգւոյս տե-
սանել զաւարտ առարկութեանս եւ հասանել ի կա-
տարումն սկսմանս ի դառն աւուրս եւ ի սովամածոց
մահաշունչ ժամանակս . յորում մահն ցանկալի եւ
երանական . եւ կեանքն ատելի եւ թշուառական .
հանապաղորդեալ ամենեցունց զցայգն ի ցաւ եւ
զցերեկն ի ցնորք . եւ ակնկալութիւն ո՛չ ի բարին .
այլ օր ըստ օրէ յանհնարին վիշոս եւ նեղութիւնս :
Եւ արդ՝ ի կամս կարող եւ հզօրին Աստուծոյ Հօր,
եւ ի շնորհս գթութեան միածնի Ողբոյն Յիսուսի
եւ յողորմութիւն նախախնամող եւ ազատիչ սուրբ
Հոգւոյն , ես նուաստ եւ յոգնամեղ ծառայ Քրիս-
տոսի Ստեփաննոս, եւ ողորմութեամբ նորին եպիս-
կոպոս Սիւնեաց երկոտասան գաւառաց, նաեւ, ըստ
ներող կամաց նորին, նստեալ ի գահ մետրապօլ-
տութեան տանս, տեսաք նուագեալ եւ ժտեալ
զանուն եւ գլխատակ առաջնոցն, եւ յափշտակեալ
եւ կորուսեալ զժառանգութիւնս եկեղեցեաց : Եւ
ի վաղուց հետէ ցանկացեալ այսմ նորոգման եւ վի-
պագրութեան : Եւ բազում ջանիւ եւ յոլով աշ-

խատուութեամբ որոնեալ հաւաքեցաք ի հին եւ նոր պատմագրաց Հայոց , նաեւ յարձանագրութեանց եկեղեցեաց եւ ի հնագոյն նամակաց, որ կայր պահեալ յամուրս տեղեացն աշխարհախումբ հանդիսարանին Տաթևոյ. էր ինչ եւ որ յաւանդութեանց ստուգադէտ արանց որում վկայէին իրքն եւ տեղիքն, զհետ մտեալ ամենայն ճշդիւ ստուգութեան , ի բաց ձգեալ եւ զունայնսխոյզ գրտրանութիւնն զի մի տաղտկասցին ըսողք . եւ կարծարան վիպասանութեամբ ցուցաք համառօտիւ զառաւել պիտանին եւ զճահագոյնն. եւ գրեցաք զայս քաղցրարան պատմութիւն հանդէսք դպրութեանց յիշատակարանաց առաջնոցն , ոչ ընդհանրական . այլ առանձին Սիսական աշխարհիս , որ կոչի յիշատակաց մատենն :

Եւ թողաք զսա արձան անջնջելի եւ յիշատակ գովելի յապա ժամանակաց ի հաստատութիւն սուրբ եւ երկնահանգէտ աթոռոյս Սիւնեաց, եւ ի պայծառութիւն եկեղեցեաց որ ընդ սորին այցելութեամբ : Եւ բարձեալ զսա մեղսաներկ բազկօքս տարեալ ընծայեցաք ի տուն Տեառն խայրիս խորհրդական, եւ դահամունս նուիրական կաթողիկէ եւ առաքելական եկեղեցւոյս Տաթևոյ եւ ամենայն աստուածաբնակ տաճարաց այսմ իշխանութեան. եւ ի գունձ անկեալ աղաչեմք եւ յողնակառաջ ձայնիւ

պաղատիմք, ո՞վ գերապանծ եւ լուսաճեմ՝ առա-
գաստ երկնաւոր փեսային՝ հայցեալ ամենայն սրբովք
ի Քրիստոյն քոյ սխարալի ընդունիլ զսալիւր աստուած-
ային զանձարան զայս պտուղ չրթանց և ծնունդ հո-
գւոյ պատարագ հաճելի, եւ թէ ոչ ընդ պատուա-
կանան, սակայն ընդ չքաւորեալն առ խորանան
որք մազ մատուցանէին, նաեւ ընդ բաժակ մի ցուրտ
ջրոյն կամ՝ ընդ երկու լոմային : Եւ շնորհաւորե-
լով զսա եկեղեցւոյն իւրում տացէ մեզ ակն ունիլ
բարեաց եւ առատաձիր պարգևին եթէ ոչ կատա-
րելոյն . այլ փշրանացն յորմէ շունք կերակրին . զի
քանքարս զոր ետուր ցիս, ո՛չ բնաւին ընդ անբանու-
թեամբ փակեալ խորեցի . այլ սակաւ մի ըստ իմում
սակի արկի ի սեղանաւորն՝ վասն որոյ մի լիցի ինձ
լսել եթէ ծառայ չար և վատ՝ այլ յաներեկ աւուրն
մեծի ուր բանք սպառին եւ գործք թագաւորեն,
արժանասցուք երանաւէտ ձայնին եթէ « եկ, մուտ
յուրախութիւն Տեառն » որում գոհութիւն եւ
փառք յամենայն եղելոց այժմ եւ յանսպառ յաւի-
տեանս . ամէն :

Արդ՝ յարմարեալ այս հանդէսք բանի շարագրե-
ցաւ յաշխարհակալութեան մեծի եւ ինքնակալ ար-
քայի զան Ղազանին՝ որդւոյ Արղունին, ի տիրել
տիեզերաց ցեղին Նստողաց, ի թագաւորութեանն
Արաց Դաւթի՝ որդւոյ Դեմետրէի, և Հայոց Հեթ-

մոյ՝ որդւոյ Լեոնի Թագաւորի, յիշխանութեան այսմ նահանգի օրհնելոյն և բարեպաշտի Ելիկովին՝ որդւոյ Տարսայիճին և եղբարց իւրոց, յամս աստուածապատիւ և հոգեւոր Տեառն Գրիգորի՝ ինքնազլուխ պատրիարքի, և Տեառն Ստեփաննոսի՝ Աղվանից կաթողիկոսի, ի Թուարբերութեան անժամանակք Բանին 1299. և ըստ հայումս ի 114 յորելենին և 46 համարին, ի 186 ոլոմակիադին եւ յերկրորդ ամին, ի յիսուն ընդիբտիոնին սակապեալ Թուով, իսկ ըստ քսանեւութենակ չրջանի արեգականն լիոյ հինգհարիւրեկին, յ214 Թուին, ի վանս վսեմական և փառարնակ ոխտիս Նորավանից, ընդ հովանեաւ աստուածաբնակ տաճարացս եւ աստուածակիր նշանացս, ի նժդեհ եւ ի դառնադաժան աւուրս. մինչ կայաք ի մէջ տիեղբ, րահոժ տազնապի միշտ զգուեալ երեքալեան դիմակցութեամբ ակնակառոյց միայն վերին այցելութեան :

Վասն որոյ մայրամած դիմօք մաղթեմ զդասս սրբազանիցդ զի յիշման զմեզ արասջիք արժանի, և ոչ առնէք անտես զանէութիւնս իմ որ կամ հողացեալ ի կորդացեալ գերեզմանի, այլ առաջի աչաց համարեսջիք գոգ ի վեր քարչեալ զօրէն մո ըողաց. շառապունեալ դիմօք եւ տուայտեալ երեսօք խնդրել ի ձէնջ փշրանս ողորմութեան, այսինքն միով նուազիւ երկնաւոր զենմանն առնել արժանի : Եւ Թէ
Հատ. Բ :

սխալանա ինչ եւ կամ թերի գտանէք ի սմա, յաւելուած կամ պակասութիւն, մի ախտաւոր մտօք պարսաւեսջիք զի բնութիւնէ մարմնոյ զթիլ և տկարանալ ի բանս և ի գործս . այլ ողջախոհ կամօք ուղղել եւ աստուածաբար սիրով ներել մեզ եւ շնորհել զյանցանսն : Եւ ձեզ ամենեցուն լիցի միոյն բիւրապատիկ գտանել ողորմութիւն յողորմածէն Աստուծոյ կրկին կենօք : Բայց պատուէր դնեմ ամենեցուն որք հանգիպիք սմա՝ ո՛չ քեցել ի բանից սորս և կամ այլանդակել զյեղանակ կարգին . եւ կամ ժտել ի սմանէ կամ թուղթ հատանել . կամ վասն նախանձու եւ նենգութեան եւ կամ այլ ինչ պատճառի : Ապա թէ որ ժպրհի յանդուգն լրբութեամբ՝ ջնջեալ եղիցի ի դպրութենէն կենաց, և կտրեալ ի կտակէն յաւիտենից, ընդ Յուդայի և խաչահանուացն վարձատրեսցի, ընդ սատանայի եւ ամենայն չարագործացն դատապարտեսցի . և որ որ ընդար... (188) և ընդ այլոցդ զսակաւագիծ յիշատակս . եւ առ հասարակ ամենեքեան մեք եւ դուք ի միասին գտցուք ողորմութիւն յարարչական սիրոյն Աստուծոյ ի մարմնի և ի գերեզմանի, և յաներեկ աւուրն մեծի : Եւ նմա փառք յամենայն արարածոց, և գոհութիւն յամենայն բանակաց յերկնաւորաց յամբրամս ժամանակաց և յանվախճան յաւիտեանս . ամէն :



շնչ

ՀԴ. — Միւսնայ երկուստան գաւառաց հարկ եկեղե.

ցոյ ըստ հին սահմանին :

in d. k. v. in T. d. v.

Հրդ. Բ. Իսր. Ի. 82

Ա. Մղուկ գաւառ (189) . L. A. 208 *B. - B. v. d. 1891 44*

Նորիք,	12 (190) :	Տաթև,	10 :
Յուր,	6 :	Ծաղարդ,	10 :
Խովիտ,	8 :	+Տաշու,	5 :
Հարժիք,	10 :	Արիտ,	6 :
Բերդկաներեչի,	6 :	-Արծիւ,	6 : <i>Երժ. B</i>
Խոտուք, <i>խողով. Բ.</i>	8 : <i>- նեւ</i>	Լժէն,	6 :
Ալանէն,	8 :	Որոտն, <i>Եր. Եր. 189</i>	10 :
Բերդն,	10 :	Ուլնի, <i>L. A. 218</i>	6 :
Երեծ,	6 :	Երեմի,	6 : <i>Եր. Ե. Բ.</i>
Ըզուերժ, <i>Ը Լ Ը</i>	10 :	Մոզոյք,	10 :
Մրույ,	8 :	-Լոր, <i>caill.</i>	12 :
-Մարդակայի,	6 : <i>/ 2 Բ.</i>	-Մշկաձոր, <i>Եր. Եր. 189</i>	6 :
Տատան, <i>Եր. Եր. 189</i>	6 :	-Սապատաձոր,	8 :
Մաղազնի,	6 :	Փղբլոյժ, <i>բանա</i>	8 : <i>Խ. Եր. Ե. Բ.</i>
Տորնիք, <i>Տորնիք Բ.</i>	12 :	-Տորունիք,	10 :
Տորունկայ,	8 : <i>/ Բ.</i>	-Տխունիք,	12 :
Աբաժի, <i>Լ. Բ. 208</i>	12 :	Թործորդու,	6 : <i>Լ. Բ.</i>
Դաստակերն,	10 : <i>Լ. Բ. 208</i>	Գլուակ,	6 :
Մեծիք,	12 :	Պիսակ,	6 : <i>Լ. Բ.</i>

Լ. Բ. 208

Աղաթմարաթ,	6 :	Խուրեր,	6 :
Յօղունի,	10 :	-Մորենի,	12 :
Արեւս,	7 :	Բնունիք,	6 : <i>Բաւոս 216</i>
Արթէք,	10 :	Աթղէք,	12 :
Ծննի,	12 :	Որդիքիք,	12 :
Ոզիհի, <i>Կ Լ A</i>	10 :	Ըշտկամայրի,	12 :
-Գետակից,	12 :	Բլեան,	6 :
<i>Լ Գ 209</i> Խանք,	12 :	-Որձարերի,	12 : <i>Լ Բ 219</i>
-Ծաղկայ,	12 :	Կորովի,	12 :
Փեղթի, <i>Կ Լ A</i>	12 :	-Կիրակոսիկ,	12 :
-Բռնակոթ,	12 : <i>Կ Բ</i>	Ագարակիկ,	7 :
-Կամալանք,	10 :	-Գայլոյ վանք,	10 :
-Վասակներտ,	12 : <i>Կ Գ Ե Զ</i>	Մուցք,	10 :
<i>Լ Գ 210</i> Եղաւտ, <i>Կ Լ Ե Զ</i>	12 :	Եղաւտոյ վանք,	6 :
-Ապարանից գետ,	10 :	Շորար,	10 :
-Մեծածոր,	10 :	Փեթականոց,	6 :
<i>Լ Գ 211</i> Վաղարին,	12 : <i>Կ Բ</i>	Աղիփու,	12 : <i>Կ Բ</i>
Գոմեր,	7 :	-Կուրաւանք,	7 :
-Կաքաւարտի,	12 : <i>Կ Լ Ե Զ</i>		

Բ. Եւ Այլիս գաւառ :

Լ A 209

Քաղատակ,	12 :	Շաքէ,	12 :
Ջաքէի վանք, <i>Կ Լ A</i>	12 :	-Լերին վանք,	12 :
-Դաստակերտ,	10 :	-Անկեղակոթ, <i>Կ Լ A</i>	10 : <i>Կ Բ</i>
-Քարունջ,	10 :	Բորտի,	12 :

Լ Գ 212

Նշանակուած բոլոր զոյցակ ունի բարձրաշէն, Կարժիրշէն, Բերդատակ
 շինեթեշ, շինատեշ, Եւշէն, Ետանճատակ) Լ. Դ. 209.
 Լ. Դ. 210

— 261 —

Վերին Բորտի,	12 :	Գղվրթոտ,	8 :
Բիւրտի վանք,	6 :	Իւղոտամաղք,	12 :
Սարսիւնարախ,	6 : / Լ ⁸	Ուխական գետ,	10 : <i>պարտեւ</i>
Գոթաձոր ներքին,	7 :	Գինական գետ,	10 :
Գոթաձոր վերին,	10 :	Ուղան հայր,	10 : <i>տեղակ</i>
Ականք,	10 :	Զինարած,	12 :
Մեծաձոր միւս,	12 :	Զղահայրեանք,	10 :
Կոռոշուիոր,	7 :	Սահատձոր, Կ Լ Դ	8 : <i>Երեւան</i>
Մազազնի, Լ. Դ. 259	6 : / Ե Բ	Բողոտիջուր,	6 : <i>Լ. Դ. 209</i>

Գ. վայոյ ձոր գաւառ : Լ. Դ. 97

Գետիկ,	12 :	Դերեն,	10 :
Գողշուի վանք,	6 :	Ուղի ձոր, Գ Լ Դ	10 :
Արտոյ գետ,	6 :	Տեփոնավանք,	12 : / Ե Բ
Մարտիրոս,	7 :	Ասլարանք,	6 : <i>Երեւան</i>
Բարձի շէն,	12 :	Մայրադուրք,	12 : <i>Ս. Բ. Երեւան</i>
Աջողք, <i>Երեւան</i>	10 :	Մոխրոյ, <i>Երեւան</i>	6 :
Կասպոյտք,	12 :	Կտրօնք, <i>Երեւան</i>	10 :
Դեկն, Գ Բ	10 :	Աղեաւ,	10 :
Արթիճ, Ե Բ	12 :	Բոր, <i>Երեւան</i>	10 :
Ս. Զատագաւիթ,	6 :	Փշօնք, <i>Երեւան</i>	15 :
Գաղատայ, Ե Բ	10 :	Խողաւաս, <i>Երեւան</i>	10 : <i>Լ. Դ.</i>
Կորոտիւնք,	10 :	Լիճ,	6 :
Ըրվէնք,	6 :	Կամրջոյ ձոր,	8 : <i>Երեւան</i>
Խորճայ,	8 :	Աղուպէն,	8 :

Հատ. Բ :

16.

Հայ. Պատմություն, Մեծահայր (Պատմիկ), Գալաթիա, Սալիմաբեյ, Քաթաբեյ, Կոնստանդնուպոլիս, Լ.Տ. 98. Եթ. Տաճարիկ, Մանիսկա, Կոնստանդնուպոլիս, Լ.Տ. 98

Զեղեկայ,	8 :	Քալի մարդ,	6 :
Եկեան, եկեան	10 :	Երեբունյե,	10 :
Գնչին,	6 :	Բակերտ,	10 :
Էրեբունյե, 1/2 1/4	10 :	Որդյերեզի,	6 :
Ապանայ,	6 :	Աարդենիք,	10 :
Մսեն,	12 :	Հայիք,	7 :
Ագարակի ձոր,	5 :	Նորին,	12 :
Եղեգնաձոր,	12 :	Նորիք,	12 :
Բերդիմայր,	20 :	Ամազի,	10 :
Կուրանք,	12 :	Արկադուկերտ,	6 :
Հորք,	12 :	Ողեան,	10 :
Խարաչկունք,	10 :	Արտարդի,	10 :
Արաբի,	7 :	Փրակայ,	12 :
Անգեղի,	12 :	Գրիկի,	6 :
Եղեզիք,	12 :	Սարկողովք,	20 :
Մոզն,	12 :	Ագարակ,	12 :
Արկաղն,	12 :	Երիծու,	6 :
Փշատիք,	6 :	Արենի,	12 :
Երեբունյե,	10 :	Ատչար,	6 :
Խոտորձի,	12 :	Երեբունյե միա,	10 :
Անգղիք,	6 :	Կէշուտ,	6 :
Պրակք,	12 :	Ջերմուկ,	12 :
Աղթարդնի,	6 :	Երկայնարտի,	6 :
Շատաղ,	6 :	Շատաղ միա,	6 :
Գոթունի,	12 :	Ճրտողետ,	6 :

Հատու,	6 :	Արատէնք,	6 :
-Միջագետք,	6 :	Ըռեղի,	8 :
-Խնձորուտ,	6 :	Եճեղի,	10 :
-Դրունք,	10 :	-Ուռիք, <i>Warden</i>	8 :
-Կաբաւուց աղբիւր,	6 :	-Գումք,	6 :
Ունջոռք,	10 :	-Եղնանիաւ, <i>ի Լ. 16 :</i>	
-Աղնձոց բերդ,	6 :	Գնդեւանք,	10 :

Դ. Գեղաբունի գաւառ : Լ. 4. 38 *(տես խառն. Լ. 1.)*

-Կոթ, <i>և Կոթի Լ. 4. 38</i>	20 :	Կտկոյք,	12 :
-Գոռնոյ ձոր,	12 :	Սկերտ,	10 :
Ճըցնի,	7 :	Խոնձի Թաղք,	7 :
-Ուխեայ ձոր, <i>Եւր</i>	6 :	-Հորալէն,	7 :
-Եւանակայ հուն,	7 :	Ողենի, <i>Օտն</i>	12 :
Գանձաղանտառ,	7 :	-Գողձոր,	7 :
Երիզկայք,	15 :	-Դաստակերտ,	10 :
-Վասակալէն,	10 :	-Զառազարակ,	7 :
Ամարիա,	15 :	Վաժոց,	10 :
Կամբրիւն,	15 :	Հազք, <i>Հոգք Զ</i>	15 :
-Խոկառինձ,	12 :	-Խորոտն,	15 :
Արգիճի, <i>-գաճիւն Լ. 4</i>	10 :	Թմոկ,	15 :
Մեհոզաձ,	10 :	-Հովուայ ագարակ,	7 :
-Զազ,	17 :	Կածիք, <i>Կայի Զ</i>	15 :
Ութբրուն, <i>Բ Զ</i>	12 :	Յուհապերեկ,	6 :
-Վարդենիք,	6 :	Ներքին Վարդենիք,	15 :

Լ. 4. 47 : *գ. Նուստի* Կերիւն Լ. 4
 Դ. *Հուսի Նուստի, Sanjak, Beed, Ahar Katak, Լ. 4*
Rarmirsen, Հաք հինգ 38, Rarmir Kar,
Balaxan, Vraiasen, Rarmir et bier. Sanjak Google

— Թամարարք, ^{սմե} 12 :	Երերուք, 15 :
Ս. ռնձոյ հուն, ¹⁹ 15 :	Գ. ուք, 12 :
— Պահալանք, ¹²⁻¹⁴ 6 :	— Կուտրակադունք, 10 :
— Վանական, 7 :	— Փառականք, 10 :
Բերան, ¹² 12 :	Ղեխք, ¹⁰ 10 :
Բրախայր, ¹² 12 :	Շիկակարան, 15 :
Գերաիու, 15 :	— Ծաղկայ, 7 :
Աղանք, 15 :	

Ե. Առթից գաւառ : Լ. Բ. 64

Սոթք, 20 :	— Ծախաթադք, ^{գաւառի քան} 7 :
— Ունիձոր, ¹⁹ 7 :	— Հաւաթադք, ^{հոյնաթադք} 7 :
— Աւազան, ¹² 12 :	— Համամարակք, 7 :
— Արիկարակ, 6 :	— Գուկառինձ, 15 :
Տրէտուք, 8 :	— Սախչանապատ, 8 :
— Խորթագետ, ⁸ 8 :	— Վարդանարակք, 6 :
— Նորարակք, 6 :	— Վասակաշէն, 10 :
Կութն, ¹² 12 :	— Անապատ, 12 :
Արփունէն, ¹² 12 :	— Շատըրէք, ¹⁰ 10 :
— Կուկունիք, ¹⁰ 10 :	Բարկոյք, ¹² 12 :
— Վաղաւեր, 10 :	Ուռակարք, 15 :
— Ամեռնախոր, 15 :	Շատվան, 10 :
— Շինիք, ¹⁵ 15 :	— Աստուածածին, 10 :
— Երէզ, ¹² 12 :	— Բակախոր, 12 :
Մաքենոյ, 15 :	Ետեցիք, 12 :

- Զերիշատ,	12 :	Աղետդ,	10 :	1/2 B-ԼԲ
- Աղբերածոր,	7 :	Աղմակ Բ. Կոմար	17 :	
- Անապատ,	7 :	- Եսպուլիսթալ,	7 :	1/2 B-ԼԲ
Հետև Լ.Բ. Կոմարի, Կոմարի	10 :	Վալերիակ,	6 :	
Զաղայածոր, Կոմար	10 :	Քաշուրաբակ,	7 :	1/2 B-ԼԲ
Բաշուր,	12 :	- Տեղնատեղ,	12 :	
- Բերդածոր,	8 :	- Դրունք, Բրունք	12 :	
Ուրիշիք, Բ. Լ.Բ.	15 :	- Տարօնք, Դարանք	15 :	8
Տարանակ, Բ.	15 :	- Ախոռակտուն,	15 :	1/2 B-ԼԲ
Ումունք, Բ.	12 :	Պաշոյ,	12 :	
Քաշոյ, Բ.	12 :	- Խորասանարակ,	6 :	
Ուրիշիք, Բ. Լ.Բ.	12 :	Ակինք, Բ.	10 :	
- Գողոկ ագարակ,	12 :	- Այրք, Բ.	15 :	
- Գեղամարակ,	10 :	Կախան-աղբիւր,	8 :	
- Սահակարակք,	7 :	- Խոնթակարակ,	7 :	Խոնթակարակ
- Զաղայածոր,	6 :	Արտ Գ. Բ.	8 :	
- Դպրարակ,	6 :	- Տիղարակ,	6 :	1/2 B-ԼԲ
1/2 - Ա. տրմիդենարակ,	12 :	Խործայ,	12 :	
- Սնածոր, Բ. Լ.Բ.	12 :	Ծար,	15 :	
- Գետարակ,	10 :	Երերի,	8 :	
40/2 - Վարծաթիկ աղբիւր,	10 :	Հոնէիք, Բ.	7 :	
- Եղջերունիք, Լ.Բ.	8 :	- Անապատ,	10 :	
Ոճի Բ. Լ.Բ. Գետ,	6 :			

Երբեք չեն կոտորու
Երբեք չեն կոտորու

Եւ քիւշէն, ցաւառնի. Կն. Զուլա, Գաւառնի.
Կաւառնի Լ.Բ. 64.

Տեղեկացի, Էռնոստ, Եր. Լեւոն, Կարապետ,
Իրական, Խոշորաց Լ. Լ. 267 — 266 —
Ը. Լ. 266

2. Աղաճէլ գաւառ. Լ. Լ. 266

Լեւոն Լ. Լ.

Ա. Ժէն, 1/1 Բ.	10 :	Անէժ,	12 :
Տանձուտ,	7 :	Հայեայ աղբիւր,	12 :
Քեղաձոր,	10 :	Հակ,	15 :
Արտագետ,	12 :	Մեղի,	12 :
Ականք,	8 :	Արուական, մեծ	6 :
Մշենի,	6 :	Քաշաթաղք,	6 :
Վերին չէն,	6 :	Չիասար, 1/2 Բ.	6 :
Մատրակերտ,	6 :	Մննի,	6 :
Հունչաք,	12 :	Մարգք,	10 :
Պոխոչոխ,	10 :	Սուրբ Գէորգ,	8 :
Լսորք,	8 :	Ագարակու գետ,	10 :
Շապուկի, 1/2 Բ.	7 :	Կարկասան,	6 :
Պախախոնիք, 1/2 Բ.	12 :	Մոշենք, 1/2 Բ.	10 :
Որբոքոյ քար,	8 :	Արահուժ, 1/2 Բ.	6 :
Ծիծառնուվանք,	10 :	Հայեղեակ, հայկ. Կարապետ	6 :
Կապուկոնիք, 1/2 Բ.	12 :	Մախուլն,	10 :
Խրու,	8 :	Ծորացիք, 1/2 Բ.	10 :
Խափիք, 1/2 Բ.	12 :	Վնարերդ,	12 :
Հայրի,	8 :	Անուշաւան,	12 :
Աղտաւ, 1/2 Բ.	6 :	Շամբայ,	8 :
Արբի, 1/2 Բ.	6 :	Վասակներտ,	10 :
Ատրակ,	12 :		

Լեւոն Լ. Լ.

L.A. 255
Է. Հարանդ գաւառ (191). *Hambard*

Աղախերդ, Ի 12 :	Խախալը, Ծ 8 :
Կախալանը, <i>Hymbria</i> 8 :	Խնձորեսկ, <i>Լ. A.</i> 10 :
Վանկցայ, Ծ 20 :	Մրկաբար, <i>պահ</i> 12 :
Խորիւայ, Ծ <i>L.A.</i> 7 :	Շորինոխոյ, Լ <i>L.A.</i> 12 :
Տանձեակ, <i>մու ճր</i> 7 :	Թաղթուն, 7 :
Տեղ, 12 :	Քոխադէղ, Զ 12 :
Պառանդալանը, <i>բնակ</i> 7 :	Եզնի, 7 :
Նորաշինիկ, 6 :	Խոնածախ, Լ <i>W</i> 20 :
Վաղատու, <i>Երեւոյ</i> 12 :	Ակարդին, Լ 10 :
Խորիւոխ, Դ 7 :	Մակաղոց, <i>բաւ</i> 10 :
Կարբինը վերին, 8 :	Մակաղոց միւս, 7 :
Կարբինը ներքին, 8 :	Տեղի, Դ 12 :
Գօրու, 20 :	Ստւլայ, Գ 6 :
Լուակունը, Ե <i>L.A.</i> 10 :	Բազմածակը, 6 :
Շաղուայ, 10 :	Ալտալէն, <i>L.A.</i> 6 :
Անձկայը, 6 :	Քրվանը, <i>Դ</i> 20 :
Գենենաթաղը, 6 :	Գնկալէն, Բ <i>B</i> 12 :
Ղոկինի, Լ <i>Ծ</i> 8 :	Բողեան, 12 :
Յատղոնի, <i>Գոլմի</i> 12 :	Քիրովան, Դ <i>Զ</i> 15 :
Ագարակ, 8 :	Ըղուերձ, 12 :
Անձկայը, 12 :	Ականայ, 10 :
Քաղաձոր, Ծ Դ 12 :	Պետրոսկայ վանք, 10 :
Նախանձիոր, 8 :	Աղբջրիկ, 8 :

Կապարաշէն,
Արաւիս *L.A. 255*

Askacak B

Գորայր,	10 :	Ուսկածադ,	10 :
- Խոտ,	12 :	Ստորին,	12 :
- Մարգածոր,	8 :	Բահրզածոր,	18 :
Բիբու, Ե	10 :	- Նախախշէն,	12 :
Արբոյ,	10 :	- Թաղարի,	8 :
Շաթիթադր,	8 :	Շնոյ հերթ,	24 :
Հալէ,	8 :		

Տոհա Լ.Ա. 158

Ը. Բաղը գաւառ. Լ.Ա. 274

Աչաղու,	8 :	Խճանան,	12 :
Բարեբիւլայր, Բ Բ	6 :	Շէթբու,	12 :
- Վարդավանք,	6 :	Տորթի,	26 :
Տափեսար,	6 :	- Աւարագետք,	10 :
Տաղամար,	20 :	Խոտանին,	12 :
Եղէնգն, Ի Լ.Ա. (463:63)		Նորաշինիկ,	6 :
- Նորաշինիկ միւս,	6 :	- Հինեացծոր,	6 :
Ուին, Բ Բ	6 :	Սոթեւանք,	12 :
Ատու,	10 :	Արուբս,	6 :
Հողար,	8 :	- Կրկադետ,	6 :
Խմայճ,	6 :	Կաւարտ,	8 :
- Արկանիծոր,	10 :	Տոգող,	6 :
Զարերիտակերտ,	10 :	- Տատնեղիչէն,	10 :
Ջերինդատ, Է Լ.Ա.	8 :	- Ագարակ,	20 :
Թուրք,	12 :	Միկարագ,	6 :
Անագին, Կա	7 :	Միւս Անագին,	7 :

Զարեհ Լ.Ա.

Պարբերի, // ու	6 :	Պարբերի միւս,	6 :
Գեղաբունի,	10 :	Կմեզ,	10 :
Գոմիական,	10 :	Փառաւաղ, 7	8 :
Մեծամարդ,	12 :	Գիւղ Կիլիսական,	12 :
Արձանաձոր,	6 :	/ւ	

Թ. Միւս Բաղբ որ անուանի Բաշունիք : Ը Կ 274 / 5

Երէյ, / 8 B	12 :	Խողվանի,	10 :
Դաստակերտ,	6 :	Տանձաւայր, Կիւս Բաշունիք	8 :
Վանանդ,	10 :	Մաճ, Եւստ 7, Ը Կ 282	
Անատայձոր, / 9 B	6 :	Շողունոխոյ,	8 :
Լերմենիչէ, / 21 Կ Ե 6 :		Խախիք, / 27 B	12 :
Եւեղի,	7 :	Հափառուք, // Լուս Ե	6 :
Մոգք,	6 :	Մափախիւնի, / 12 B	10 :
Իցան,	6 :	Տողոր, / 9 Կ Ե	6 :
Աւերք,	6 :	Տաճկաձոր,	6 :
Տէխք, / 5 Կ Ե 8 :		Կոճարու, / 11 Ե	7 :
Մաղձնատուք,	6 : Ե Ե	Խոսի, / 2 B	6 :
Զաւթք, Ը Ե Ե 8 :		Տուփովտուք, // Դու Ե	7 :
Սնձնեակ,	6 :	Ակն,	6 :
Բակուրի վանք,	12 :	Տախն,	12 :
Մերթակերտ, Ե Ե Ե 6 :		Հացնեան,	6 :
Ծղու, 4 Ե Ե 8 :		Տատայ, Ե Ե Ե 12 :	
Բարկուչատ,	12 :	Խիւրք,	12 :
Հատ. Բ :			

Anahlagor Ը Կ 274

Գրքանոր, Հալիօր, Բերժիկ, Դեւահար, Խաչտաւի,
 Կաշկաւուտ, Երիցաձուք, Պաշարաշուր, Կուրտաւի,
 Բուսաբեր, Նորջիւղ, Կարաօւլ, Խորձոր, Դոկոնահար,

Տրեայ,	17 :	Աղատի,	8 :
Կարճահոյճ, Karmahatut	12 :	Վորակիթ, ԴԳ Բ	6 :
Անդուկաբերդ, 1/10	12 :	Նակորդան,	20 :
Արտէն,	10 :	Նախջաւանիկ,	10 :
Արթիկ, Խաթիկ Բ	10 :	Թով,	8 :
Թով միա,	7 :	Աղահորդ, Դաճահ	10 :
Պահուբերդ, 1/3	7 :	Աժդակ,	12 :
Աթխոյք,	12 :	Երուանդակերտ,	6 :
Վաժինիք, 1/10	8 :	Կոմեն,	6 :

Ժ. Կովսական գաւառ. 286/7

Իցան,	12 :	Բեխ,	6 :
Շտատուք, 1/4 Լ. Կ	6 :	Ողջհի, Խաի	12 :
Փառիւտարոյ վանք,	6 :	Բեխեւերջի,	8 :
Լոսուկոր, Դեւահար	6 :	Վաժնատուք,	10 :
Բոստ,	10 :	Մառակիթ, 1/10	12 :
Գաղաւանք, Խաթ	6 :	Մենիկ,	6 :
Թաթու մարդ,	6 :	Դալք,	5 :
Մարուր,	8 :	Վարուսի վանք,	10 :
Գոն,	5 :	Հոյնոյկոր, 1/8	5 :
Երեգիք,	7 :	Դախարեան, 1/10	10 :
Համուք, 1/10	6 :	Վառամաղդիւր,	6 :
Մաճկան,	6 :	Մանուշակի մարդ,	6 :
Նախկոտան,	6 :	Գիրկն, Գեւ, Գեւ	8 :
Լիւ (Լեւ)	8 :	Զամիտուք, 1/10	8 :

Յայ: Երևանի Կաթողիկոսական տաճարի, խոշորագույն տաճարի

— 271 —
187

Լիմ վերին,	8 :	Լիմախովիտ,	6 :
Փշատիցարի, 11	6 :	Ղից մայրի,	6 :
Բերքի, 1/4 187	8 :	Աշտարակ,	6 :
Արգաթ, 1/4 187	6 :	Կերեն,	12 :
Սլաթալի, 1/2 187	12 :	Շիկահողբ,	12 :
Պողոսի վանք,	7 :	Վախտանգաձոր,	7 : 14
Թեղոյ կից, 1/4 187	10 :	Շաշիկետ,	10 :
Արձախամայրի,	17 :	Ծանախու, 1/4	20 :
Մառի, 1/4	6 :	Բարիլուխաղբ, 1/4	6 :
Լույմայրի,	6 :	Նորաշինիկ,	8 :
Տիրվանոս, 1/4	12 :	Խոլաձոր, 1/4 187	7 :
Դանակերտ, 1/4	7 :	Ծորի, 1/4	12 :
Կից, 1/4	15 :		

ԺԱ. Արևիկ գաւառ : 1/4 187/9

Արվանք, 1/4 187	7 :	Կառատի,	15 :
Մալի, 1/4	8 :	Արկավանք,	8 :
Մալունի, 1/4	8 :	Տափեար,	8 :
Մեղրոյ վանք,	20 :	Լիճավանք, 1/4	30 :
Որդիւնոյ վանք,	20 :	Լիճիկայ վանք,	12 :
Խոլավանք,	12 :	Զուարի վանք,	12 :
Կարճաւան,	12 :	Մողղի, 1/4	12 :
Տաշտուն,	12 :	Կուրավանք,	8 :
Ագարակ,	8 :	Մանաղու, 1/4	8 :
Մե՛լ,	6 :	Տե՛կ,	8 :

Բաշին 14

Երզնայի 14

Բզաւան, Եղշու 12 : Ընջողակերտ, 12 :

Նորագիւղ, 10 : Գորի, 178 3 12 :

Խոռակունիք, 12 : Տիգէն, 12 : 450

Գեհենիք, 12 : Արմաւազէն, 10 :

Աղղուասունք, 8 : Զաղայ, ճնաղա 8 :

Հեփանայ, 18 8 : Թամաշաղ, 12 :

Ուիւր, 12 : Նորագիւղ միւս, 12 :

Թաթերք, 12 : Շափէն, 11 2 12 :

Նորբերդ, 12 : Ակուռի, 12 :

Եղատունք, 12 : Ագարակ, 8 :

Դալարիք, 8 : Փղի, 13 2 8 :

Քոյլք, 12 : Խոռունիք, 6 :

Դրախտիկ, 6 : Ծաւալք, 12 :

Աղու, 12 : Գալակալ, 11 10 :

Զուր, 8 : Ուէնի, 8 :

Բարդիք, 11 12 : Տախտակք, 8 :

Արիւ գետ, 12 : Անուշավանք, 12 :

Աղղաւ, 6 : Նորաշինիկ, 6 :

Շմրթայի, 8 : Արքոյքայ, 6 :

Վասակակերտ, 10 : Աւերակի, 12 :

Եւ Քրիստոսի փառք յաւիտեանս . ամէն : Վերոյ .

գորեալ շինից գումարն է վեց հարիւր եօթանասուն և

եօթն :

Եւ Քրիստոսի փառք յաւիտեանս . ամէն : Վերոյ .

գորեալ շինից գումարն է վեց հարիւր եօթանասուն և

եօթն :

Եւ Քրիստոսի փառք յաւիտեանս . ամէն : Վերոյ .

գորեալ շինից գումարն է վեց հարիւր եօթանասուն և

եօթն :

Յաւելուած :

ՀԵ. — Շարակարգութիւն եպիսկոպոսաց Սիւնեաց արարեալ ի միաբանից Տարեոյ վիսնաց (192) :

Ա. Տէր սուրբ Յովհան Որոտնեցի վարդապետն կախիկ չինեաց զղանգակատունն սրբոյ աթոռոյս եւ զգարմանահրաշ վանս սուրբ Կարապետին որ է մերձ գեղջն Որոտնայ, զոր Կարմիր վանք կոչեն . և եթող իւր յիշատակ :

Բ. Եւ Տէր սուրբ Գրիգոր Տաթևացին գեր քան զամենայն վարդապետս եկեղեցւոյ, որք թէպէտ ոչ նըստան եպիսկոպոսք յաթոռս, այլ ի վեր քան զներս, տողան արդիւնաւորեցին զաթոռս Սիւնեաց . եւ թէ ստոյգ իսկ է ասել, զբոլոր զազգս Հայոց . վասն որոյ սակս անթուելի երախտեացն որք ունին արարեալ առ սուրբ աթոռս և առ համայն լուսաւորչածին աղ. գըս մեր (որոց գերամբարձութիւնն յայտ է ի շնորհաբուխ վարդապետութեանց իւրեանց եւ ի ստուգաբան սրբոյ պատմագրողաց) եղան ի կարգի եպիսկոպոսաց սրբոյ աթոռոյս :

Գ. Տէր սուրբ Առաքեալ՝ պետն Սիւնեաց, քուեր, որդի սրբոյն Գրիգորի Տաթևացւոյն . սա չինեաց

զհարաւային կողման զաւիթն սրբոյ աթոռոյս ի պահպանութիւն ահեղապանչ մեծի տաճարիս . եւ հրաշագործ խաչ իմն օծեալ ի յիշատակ սրբոյն Պրիգորի Տաթևացոյ , եւ կառուցեալ յիւրմէ շինեալ գաւթին ի մէջ սեան :

Դ. Տէր Աիմէոն եպիսկոպոսն Անկեղակոթցի, յետ յոլովից անյայտից, որ յոյժ ջանակուռ եղև վասն շինութեան եւ պայծառութեան սրբոյ աթոռոյս : Եւ զի Տաճիկք բռնութեամբ յախշտակեալ էին զբազում անդա եւ անդաստանս սրբոյ աթոռոյս, սա առեալ զամենայն մուրհակսն, յորս գրեալ գոյին ամենայն որքանութիւն սահմանաց, անդաստանաց սրբոյ աթոռոյս, զոր նախնի թագաւորքն Պարսից տուեալ էին իւրեանց կնքովն . և գնացեալ Խո Շահն՝ ցուցանելով նմա զմուրհակսն՝ վերստին սեպհականեալ է սրբոյ տանս զխլեցեալսն զամենայն . վասն որոյ ի նախանձ թրդեալ անօրինացն սպանեալ են զինքն, որոյ սուրբ մարմինն ամփոփեալ կայ մերձ գաւազանին ի կողմն հարաւոյ :

Ե. Տէր Շապանօղլին Յովհաննէս Շինաթաղեցին, որ էր հոգիւնկալ եւ բանիրուն եւ ամենայն առաքինութեամբ զարդարեալ, ջահ եկեղեցւոյ և ախոյեան հաւատոյ և ջատագով կրօնից բրիտոնէական եկեղեցւոյ : Սա եօթնիցս գնացեալ յԱպպահան առ շահ սուլտանն Հիւսէին, եւ ըզի վերոյ ասացեալ Աիմէոն

եպիսկոպոսին հաստատեալ նամակսն վերստին նո-
 քողեաց : Սա արար բաղում ուղղութիւնս և շինու-
 թիւնս ի սուրբ աթոռս . որ և զարեւելեան քանապէն
 (դահլիճ) հանդերձ սենեկօքն նորին թրաշ (տաշածոյ)
 քարիւ գեղեցկածև յօրինուածով յոյժ ախորժ եւ
 զուարճալի տեսողաց : Իսկ ի վերջին գնալն եւ ի
 դառնալն անդուստ՝ հասեալ ի Դավրէժ . անդ վախ-
 ճանի հատեալ ի կենաց . որոյ խաչակիր մարմնոյն
 վերայ լոյս ծագեալ իջեալ յերկնից, եւ կամարածև
 չրջալատեալ զմարմնօքն՝ ակներև տեսողացն ի
 վկայութիւն սրբութեանն . ուստի զբազում վիճմունս
 արարեալ բնիկ երկրացիքն ընդ Ղափանցիս՝ նոքա
 պատճառելով թէ ըստ որում աստ հանգեաւ՝ աստ
 հաճի ամիսօրիլ . եւ մերայինքն թէ մեր է՝ պարտիմք
 տանել ի յիւր աթոռն հանգուցանել : Բայց տեսեալ
 մերայնոցն թէ վիճամք չէ հնար ունիլ զմարմին ցան-
 կալոյն, առեալ զնա ի գիշերի գազտագողի՝ բերեալ
 անցուցին ընդ Երասխ . եւ նոցա ի լսելն հետամուտ
 եղեալ մինչ յեզր գետոյն, և տեսեալ եթէ անցուցեալ
 գողով յայսկոյս, ոչ ինչ կարացեալ առնել . ապա
 աղերսիւ խնդրեալ զգաւաղանն եւ զանկոմքն, եւ
 դարձեալ յետս : Իսկ սոցա բերեալ զմաքուր մար-
 մինն, զորով լոյսն կամարածև տակաւին չրջապա-
 տեալ գողով, ամիսօրեցին ի մէջ մեծի տաճարին
 առնթեր յետին դասուն հիւսիսակողման սեան :

Զ. — Տէր Ներսէս եպիսկոպոս՝ աշակերտ սրբոյն Փիլիպպոսի կաթողիկոսի, որ էր այր առաքինի, զարմանալի վարուք սրբութեան, պահող պատուիրանացն Աստուծոյ: Զսահարկադրեալ կաթողիկոսն Փիլիպպոս յղեաց ի դատողութիւն սրբոյ աթոռոյս իբր արժանաժառանգ իւրում հայրենական աթոռոյ, զալ շինել եւ պայծառացուցանել զսա (քանզի էր ի ժամանակին յայնմիկ երկնահանգէտ սուրբ աթոռս այս որպէս թէ ամայի գոլով անշուք եւ անկարգ): Որ եւ յանձն տուեալ զհոգեշունչ հրաման սրբազան վեհապետին եւ եկեալ ի սուրբ աթոռ՝ արար բազում ուղղութիւնս եւ բարեկարգութիւնս եկեղեցական եւ քաղաքական, եւ շինեաց արեւմտեան կողմի խուցսն եւ զերեսբացսն եւ զեկեղեցին ի գեղջ իւրում. եւ ապա փոխեցաւ ի Քրիստոս յոյսն բնաւից, թողեալ գրաւական մեզ զսրբասուն մարմին իւր որ ամհոփեալ կայ ի զանգակատան սրբոյ աթոռոյս:

Է. — Տէր Զաքարիա եպիսկոպոս. եւ սա եւս էր այր սուրբ եւ առաքինի, եւ կարի ճգնասէր. ուստի մինչ հասանէր ի մեծի պահոց առաջին օրն, զգենոյր զզգեստ կրօնաւորական. եւ գնայր ի Մեծ անապատն կսոցեալ անդ մեծաւ ճգնութեամբ մինչ ի Ծաղկազսրգն. եւ ապա վերադառնայր ի սուրբ աթոռս: Եւ արար սա բազում շինութիւնս ի սուրբ աթոռս, զի շինեաց զիւր առաջնորդարանն յոյժ Հատ. Բ:

գեղեցիկ կերտուածով քարանց , և զերկար խցերն երկրիեղևի հանդէպ միմեանց զդրունսն արարեալ ի բնակութիւն միարան եղբարց . և ինքն վախճանեալ ի Գորադաշտ . և բերեալ զմարմինն ի սուրբ աթոռս ամբիօրեցին աստ :

Ը. — Տէր Մարտիրոս եպիսկոպոս Մեղրեցի . որ էր յոյժ պահեցող և չորակաց : Սա բարեպէս կառաւարեալ զսուրբ աթոռս եւ զժողովուրդս իւր՝ հանգեաւ խաղաղութեամբ :

Թ. — Տէր Յովասափ Աղուերծեցին . որ էր այր հոգեկիր , եկեղեցասէր և ցանկացող շինութեանց նոցին . որ եւ շինեաց զեկեղեցիսն Անկեղակոթու և Բռնակոթու և զՄեծ անապատի միարանակեաց խուցսն . յետ որոյ վախճանեալ բարի մահուամբ հանգեաւ ի սուրբ աթոռս :

Ժ. — Տէր Առաքեալ եպիսկոպոսն Սաղախլու Ապրերեցի . սա էր կարի ճոռումարան և իմաստուն . որ եւ ճոռոմ խօսիւք զամենայն ընդդիմակ ներհակսն իւր ափ ի բերան առնէր : Եւ նոցա լցեալ չար նախանձու հատին զեղուն . իսկ սա տակաւին ասէր ցոսոխսն իւր թէ . թէպէտ զեղուս հատիք . այլ ձեռքս իմ և միտքս իմ ընդ իս է . ի ձեռն որոյ կարող եմ գրով ազդել շահին զամենայն չարիս ձեր . վասն որոյ ի կարի նախանձ բրդեալ՝ ի գլխերի ծածկաբար սրախողխող արարին ի կուսանաց անապատին Հալիճորու :

ԺԱ. — Տէր Ազուերձեցի Եփրակոս եպիսկոպոս. որ էր կարի քաղաքական, յոյժ խմատոուն եւ եղբայրասէր այնքան՝ մինչ զի թաքց եղբարց ի մարմնաւոր կերակուրս ոչ մերձենայր ընաւ Թոմանձին : Սա արար բազում ուղղութիւնս սրբոյ աթոռոյս, եւ նոր նորոգեաց զժեծ կաթողիկէն սրբոյ տաճարիս օժանդակութեամբ Գարթէջ վարդապետին. և շինեաց զպարիսպն և զթաւայն (ձիատան) ի հիւսիսային կողման. և վախճանեալ ներ սրբոյ աթոռոյս ամփոփեցաւ աստ :

ԺԲ. — Տէր Թովմաս եպիսկոպոս Գարթեցի, այր աղօթասէր, սրբակեաց և նշանադործ, որ զքուր թիւրութիւնսն յերկրէ անհետ արարեալ նշանադործութեամբ. և փոխեալ յանցաւորէս յանանցն եթող մեզ զմօքուր նշխարս մաքմնոյն ի սուրբ աթոռս :

ԺԳ. — Տէր Ներսէս վերոյիշեցեալ Ներսիսի եղբորորդին. որ էր այր պարթեւ, յոյժ արտասուռահեղ և լուսեաց այնքան՝ մինչ զի ասի զամանէ թէ՝ մինչ մօտանէր յեկեղեցին ի ժամ աղօթիցն մինչ ի յեղանեղն, անհնար էր սմա խօսիլ ընդ ումբ, սակս ո՛ր և իցէ հարկաւոր իրաց : Որ եւ արարեալ անթիւ ուղղութիւնս և շինութիւնս սրբոյ աթոռոյս և Մեծի անապատին՝ հանգեաւ ի Քրիստոս ալևորեալ եւ լի աւուրք :

ԺԴ. — Տէր Մզմզողի Աստուածատուր Վաճառեցի. զսորա արդիւնս ի սուրբ աթոռս անկար է մի ըստ միոջէ ի թիւ արկանել. զի երկից զսուրբ եկեղեցին բազում զգեստութեամբ, անթիւք և գրքք. և յետոյ գնացեալ ի մեծն Պօլիս (Կոստանդնուպօլիս) անդ վախճանեցաւ :

ԺԵ. — Տէր Յովհաննէս Տաթևացի Ղալամեանց՝ այր քաղաքական և ճարտարալեզու, առատածեռն և շինարար արդիւնաւորիչ սրբոյ տանս. որ գրեթէ նոր ի նորոյ նորոգեաց զեկեղեցեաց տանիսն եւ զսուրբ աթոռս, եւ շինեաց զգալի յարդանոցն եւ զսլառակն անասնոց որ է թաւայն, զառաջնորդարանն իւր, եւ կից նմին՝ զշտեմարանն այսինքն զամբարներն. եւ ի պարտալի միջի զարեւտեան զմակաղատեղն. նաեւ յանթուելի պարտուց զերծոյց զսուրբ աթոռս. եւ յետոյ սպանմամբ սրոյ մեռաւ եւ թաղեցաւ ի սուրբ աթոռս : Ի սորա աւուրս անիծեալ բռնաւորն Ռուս միոյ որ կոչիւր Ֆաթալի, եկեալ ի վերայ սրբոյ աթոռոյս՝ բազում մեքենայս լարեաց զանազան հնարիւք, կամէր չարին բռնութեամբ առնուլ զսա եւ աւարել. եւ իրրւ ետես թէ բռնութեամբ ոչ կարէ առնուլ զանառիկ աթոռս. փոխեաց զմիտս իւր ի խորամանկութիւն ըստ օձի, զի խաբէութեամբ և ստութեամբ երդուաւ ի յօրէնս իւր (ըստ բնիկ պարսկական բարուց) չար եւ ո՛չ մի ինչ առնել սոցա բայց միայն

գայեցն ի հնազանդութիւն ինքեան . եւ ելեալ
գնայցէ :

Եւ սոցա պատրեալ ի ստապատիր խօսից նորին՝
խոնարհեալ հնազանդեցան, եւ իբրեւ գնացին յեր-
կրպագութիւն՝ նոյնծամայն կալեալ զամենեսեան
ձերբակալ արար. եւ ինքն ժտեալ ի սուրբ աթոռս՝
զամենայն զկայս եւ զկարասիս թէ՛ սրբոյ աթոռոյս
եւ թէ՛ այլոց, որ սակս ամրութեան սորին անթիւ
ինչս յամենայն տեղեաց աստ հաւաքեալ գոյր, զամե-
նայնն յաւարի էառ, և բազում վիշտս և նեղութիւնս
հասոյց տուեցոյն : Բայց ինքն անիծեալն փոյթ ընդ
փոյթ ընկալաւ զպատիժ պատուհասին իւրոյ զօրու-
թեամբն սրբոյ աթոռոյս. զի ի դառնալն աստուատ՝
իսկոյն կալեալ զնա Քեարիմ խան վէքիդն. եւ տա-
րեալ ի տեղին յայն յորում զմայրն իւր սրով կտրեալ
էր ընդ մէջ. և ինքն ի նոյն տեղուջ ըստ նոյն սա-
րասի, եւ դժնդակագոյն ևս չարաչար մահուամբ
սատակեաց զչարն եւ եբարձ ի միջոյ զխռովարարն
աշխարհի :

ԺԶ. — Տէր Դապանեցի Մինաս Շինաթաղեցի .
այր պահող, սիրող սրբութեան եւ չորակեաց : Սա
զսուրբ աթոռս (զոր անօրէն բռնաւորն Ֆաթալիկո,
ղոպտեալ էր) բազում աշխատանօք գուն գործեալ
թէ՛ երկրագործութեամբ և թէ՛ մուրացկանութեամբ
ուշաբերեաց. այլ և շինեաց զհիւսիսային կողմի փլեալ

ադարիսպն և նմին կից զանաանոց դադարն այսինքն
քաղայն. ևս և ի մեծ քանապոյէն սկսեալ մինչ ի հա-
ցատունն խուցս և հովանոցս շինեաց : Եւ ապա հա-
սեալ ի բարուք ծերութիւն հանգեաւ ի Քրիստոս.
(այլ ասի յովանց թէ դեղակուր եղև :) եւ թաղեցաւ
ի ներքոյ գաւազանին դէպ ի կողմն արևելից : Ի
ժամանակս սորին Պասպար վարդապետն Տաթևացի
բազում օգտութիւնս արար սրբոյ աթոռոյս. զի շի-
նեաց զսեղանատունն եւ զխոհանոցն, զհացատունն
եւ զսոցին հովանոցն. և յոլով աշխատանս կրեաց ի
վերայ մեծ այգւոյն սրբոյ աթոռոյս որ ի Շնհէր. և
ապա վախճանեալ թաղեցաւ յանկեանյիւրմէ շինեալ
սեղանատան :

ԺԷ. — Տէր Ղազար Բեխեցի. որ երկու ամ վա-
րեալ զգործն առաջնորդական ըստ իւրում հանձա-
րեղ եւ բաղաքական գնացից. և ի յազդմանէ չարին
եղև գետահեղձ. զի համբաւ հասեալ նմա մինչ շրջա-
գայէր ի վիճակին թէ գրէն ամբաստանութիւն են
մատուցեալ առ բռնաւորն : Եւ սակա չուտափոյթ
ձեպելոյն զի եւ ինքն անդր ժամանեացի, մտաւ ի
գետն և եղև հեղձեալ :

ԺԸ. — Աբրահամ մեծ վարդապետն եկեղեցւոյ
Աստապատեցի՝ այր կորովի եւ հոգեփթիթ, սնեալ
եւ վարժեալ սա յոտս Յովսէփայ աստուածաբան
վարդապետի : Էր բնիկ միաբան սրբոյ գահին Էջ-

միածնի՝ ընկերակից Ախմէոնի սրբազան կաթողիկոսի . անթիւ արդեամբ ելից զսուրբ Էջմիածին 20 ամ աշխատելով ի Կարնոյ եւ ի Կոստանդնուպօլսոյ նուիրակութիւնս, և ի դիտողութիւնս Զմիւռնոյ 9 ամ : Եւ այլ բազում ուղղութիւնս արարեալ կարգաց և կրօնից եկեղեցեաց : Եւ շարադրեաց զգիրք իմն քարոզից այնքան քաղցր ոճիւ եւ համեղ շարադրութեամբ մինչ զի զընթերցողն զմայլեցուցմամբ ապուշ առնէ : Զորիցս յիշխանաց և ի պայազատաց և ի միաբանից սրբոյ տիրաէջ վահին հրաւիրեալ ի կաթողիկոսութիւն՝ ոչ էառ յանձն : Բայց մինչ լսէր զսրբոյ աթոռոյս ի կայից եւ ի կարասեացն թէ յեկեղեցականաց եւ թէ յարտաբնոց մերկանալն, զխանգարմանէ կարգաց եւ կրօնից, եւ զվերջանալոյն ուամանց, որ էր երբեմն երկրորդ Աթէնք ի մէջ Հայոց, որպէս յայտ իսկ է համայնիցդ, եւ մեծամեծ հեզինականաց բնակարան. որպէս էին Յովհան Որոտնեցին և սուրբն Գրիգոր Տաթևացին, ընդ որս ի վերջան զչափն սիրահար գողով նախանձայոյղ աստուածային օրինացն և տեսական իմաստասիրութեան, մորմոքէր, աւաղէր եւ տողորէր միշտ ի սրտի իւրում :

Ուստի տեսեալ Սիմէոն կաթողիկոսին զբոլորս սիրոյն որ առ սուրբ աթոռս, ի խնդրել երկրիս սկստաց յաղգմանէ սուրբ Հովուոյն իւրեանց հովիւ եւ

առաջնորդ, զիջեալ սրբազան Վեհին ի խնդիր սո-
ցին՝ ակամայ կամօք շնորհեաց սրբոյ աթոռոյս, թէ-
պէտ անհաւասար և ի վերքան զբոլոր միաբանսն
գիտէր : Եւ սա մեծաւ փափագանօք հանդերձ ամե-
նայն աշակերտօքն եկեալ ոչ ի փառաւորիլ. այլ ի
փառաւորել, եւ գտեալ զսուրբ աթոռս յամենայն
իրաց զուրկ թէ ի հոգեկանաց և թէ ի մարմնականաց
ցաւէր արտասուելով մանաւանդ ի վերայ եզերման
իմաստից. վասն որոյ ընդ գալն կրկին դարոցս կա-
տարելոց եւ դեռավարժից հաստատեաց, եւ յառաջ-
նոյ պարսպէն յարեւելից կուսէ սկսեալ հարիւր տասն
և մէկ կանգուն երկայնութեամբ հանդերձ տասն և
վեց գեղեցկատիպ սենեկօք, ամուր պարիսպ իմն
նոր ի նորոյ շինեալ հասոյց մինչ ի ձորագլուխն, եւ
զայլ անթիւ խախտեալ տեղիս նորոգեաց : Եւ այս-
պէս ի մէջ երկուց ամաց եւ երեք ամսոց ադինասա-
րաս շինուածովք և երկնահանգէտ կարգօք նոր իմն
Եղեմ յօրինեալ զսուրբ աթոռս, յորում ահաւասիկ
Տեառն շնորհիւ եւ իւրն երկնացել ազօթիք գոն
յոգնաթիւ տարրեղէն հրեշտակաց բանական տունկք
ուռճացեալ երկնատեսակ իմաստիւք : Եւ ինքն սրո-
բէակենցաղ վարուք լցեալ զսահմանեալ պարտ
բնութեանս դիւրին մահուամբ յետ կելոյն 65 ամ-
փոխեցաւ յաղցաւոր կենացս յանանցն, ի 1226
թուին, Յունվարի 15, յաւուր տօնի Յովհաննու

Մկրտչին զկնի գնալով երկնահրաւէր ձայնին . եւ
թաղեցաւ մեծաւ պատուով խաչակիր մարմինն մերձ
գաւազանին ի պարծանս մեզ յետնեալ աշակերտե-
լոցս եւ ի բարեխօսութիւն համայն հաւատացելոցս
ի Քրիստոս :

ԺԹ. — Տէր Յովակիմ՝ արքեպիսկոպոս Սիւնեաց,
գոլով տեղեալ ի Մղուկ գաւառէ, յԱնկեղակոթ գեղ-
ջէ. միաբանեալ ի մանկական հասակին սրբոյ գահին
Էջմիածնի, սնեալ և վարժեալ նախապէս ի յուսում-
նարանին հասարակաց : Բայց յետոյ աշակերտեալ
գերդգօն Արրահամու արքեպիսկոպոս ընտանապե-
տին. եւ ընդ նմին եկեալ ի սուրբ աթոռս Ստաթէի :
Եւ զկնի երկու ամաց եւ երեք ամսոց հանգուցեալ
գերդգօն Արրահամու արքեպիսկոպոսին . ապա
պայադատք երկրիս հանդերձ համակամութեամբ
սրբոյ աթոռոյս միաբանութեան բոլոր թէմի եւ վի-
ճակի եղեալ իշխանացն ընտրեցին լինել առաջնորդ
սրբոյ ուխտիս : Որ եւ ձեռնադրեալ եպիսկոպոս ի
սրբաղնագոյն Սիմէոն կաթողիկոսէ. և բարձու հրա-
մանաւ նորին եղեւ վերատեսուչ եւ առաջնորդ
սրբոյ աթոռոյս Ստաթէի :

Սա արար բազում ուղղութիւնս և շինութիւնս
սրբոյ աթոռոյս. չորս վիմաքարս կանգնել եղ ի
սուրբ աթոռս՝ զերկուսն ի մէջ մեծի տաճարին առջն-
թեր երկուց սեանց՝ զմին ի վերայ դամբարանի եօթ-

նալոյս վարդապետին սրբոյն Գրիգորի Տաթևացոյ,
զարդարուն խաչիւք քանդակեալ ի քարանց, եւ
հոյակապ յօրինուածով կոփածոյ քարամբ գեղեց-
կատես մատուռ իմն շինեալ, և զմիւսն ի մէջ ժա-
մատանն : Դարձեալ և յարևելից կուսէ սուրբ Գրի-
գորի եկեղեցւոյն յետի սենեակն եւ իւր հովանոցն,
սուրբ Աստուածածնայ ներքոյ սենեակն, իւր հո-
վանոցն, որ կից դարձագայինէ (դուռն), Աստուածած-
նայ բուրջն (բուրգն), Գիրաքանց բուրջն եւ մեծ
քանապոյի կտեր (տանիք) բուրջն, եւ յարևմտեան
կողմի ձիթահանքն : Իսկ յետ այսոցիկ բազում աշ-
խատութեանց եւ վայելչադիր շինութեանց ժան-
տաբարոյ և չարագործ, աւերիչ եւ քանդիչ հա-
մայն աշխարհաց աղայ Մահմատ խանն խաղաց
առիւծաբար, մուտս արար յայս երկիր. եւ եղ հրդեհ
բնակչացս այսոցիկ. և բաղումք ցիր և ցան եղեալք
անկան ի նժդեհութիւնս աստ եւ անդ մնալով :
Գնաց եւ Յովակիմ՝ արքեպիսկոպոսն սրբոյ վա-
նացս, ի սուրբ գահն Էջմիածին. և կեցեալ անդ
ամս 19՝ հանգեաւ յաղցաւոր կենացս ի յանանց
կեանսն, որոյ զհոգին Տէր Քրիստոս լուսաւորեսցէ՛,
ընդ սրբոյ երջանկացն դասակից եւ սրակակից
արասցէ :

Ի. — Տէր Մարտիրոս՝ սրբազան արքեպիսկոպոս
Սիւնեաց, այր զգօն, զուարթամիտ և երևելի, ծանօթ

Թագաւորաց և իշխանաց և նախարարաց Ռուսաց և Պարսից, գորով տեղեալ ի գեղջէն Տաթևացի, որդի Միրզենց Տէր Յակոբ քահանայի, որ ի մանկական հասակի աստ ի սուրբ աթոռս Ստաթէի սնեալ և վարժեալ, յետոյ ի գալ աղայ Մահմատ խանին, ի 1245 թուին Հայոց, ընդ նախայիշեալ Յովակիմ՝ սրբազան արքեպիսկոպոսին և ընդ Տաթևու գիւղացւոցն գնաց ի Նախիջևան, և անտի ի սուրբ աթոռն Էջմիածին. անտի ևս ընդ Տէր Յակոբ քահանային՝ հօրն իւրոյ, գնաց ի Զմիւռին քաղաք ըստ որում բնակիչք երկրիս յառաջմէ անդ էին գնացեալ : Եւ կեցեալ անդամնօր ամ մի եւ երկու ամիս, և զկնի մահուան հոգեւոյս Տէր Յակոբ քահանային սա վերադառնայ ի սուրբ աթոռն Էջմիածին. և անդ միաբանեալ 20 ամ. և արեղայ օրհնեալ՝ վարդապետական իշխանութիւն առնուի սրբազան Դաւիթ կաթողիկոսէ, և եպիսկոպոսութիւնն և ծայրագոյն գաւազանի իշխանութիւնն առնուի սրբազան Եփրեմ կաթողիկոսէն :

Եւ ի ժամանակս սրբազան Դաւիթ կաթողիկոսին ի սուրբ աթոռն Էջմիածին, ի նեղութեան ժամանակին բազում տաժանամբ 3 ամ գործակալութիւն եւ աթոռակալութիւն է արարեալ. յետ որոյ յառաջ քան զեպիսկոպոսութիւնն, յաւուրս սրբազան Դանիէլ կաթողիկոսին, ի Նախիջևան և ի սոյն յերկրս նուիրակ

եկն, որ և բարիօրհապէս աւարտեալ վերադարձաւ ի սուրբ Էջմիածին : Եւ յաւուրս Եփրեմ սրբազան կաթողիկոսին երկիցս նուիրակ է եղեալ Թիֆլիզի և Վրաստանի՝ մին ի վարդապետութեան և միւսն ի յեպիսկոպոսութեան ժամանակին. եւ մինչ յայս գործ կայր, տեղւոյս միաբանքն և իշխանք և բոլոր ժողովուրդ խնդրեալ էին ի սրբազնագոյն Եփրեմ կաթողիկոսէն շնորհել զյիշեալ Մարտիրոս տրբեպիսկոպոսն առաջնորդ ինքեանց : Ի յառաջին նշուիրակութեանն ի վարդապետութեան ժամանակին կաթողիկոսն շնորհեալ էր նոցա թղթով միայն ծառուցանելով, ըստ որում աթոռոյ գործոյն վերայ կայր տակաւին : Եւ որովհետեւ Տաթևու վանքիս ամենայն վախճ գիւղորայքն եւ սեպհական մուշքն յափշտակեալ էին բռնաւորք երկրիս. յայն սակս ի Թիֆլիզ մնալով՝ Արտիշէ և Երմոլով կուսակալացն վասն այնց միքերիցն թղթով խնդիր էր մատուցեալ եւ պատասխան ընկալեալ : Ապա աւարտեալ զնուիրակական գործ իւր և վերադարձեալ ի սուրբ աթոռն Էջմիածին. և ի 1820 ամի Փրկչին եկն ի սուրբ աթոռս Ստաթէի յառաջնորդութիւն կոնդակաւ սրբազնագոյն կաթողիկոսին և բարձու հրամանաւ եւ թղթով Ռուսաց նախարարացն. զոր ինչ վարելահողք կային սուրբ վանքիս, զորս բռնաւորքն յափշտակեալ էին, զայն ամենայն յետս էառ :

Մինչ սուրբ աթոռն Էջմիածին ընդ իշխանութեամբ Պարսից էր, սրբազնագոյն կաթողիկոսն (Եփրեմ) սակա ազգի ազգի նեղութեանց եկեալ էանց ի Շուշի. եւ անտի ի Հաղբատու սուրբ Նշանի վանս : Եւ անդանօր նորին սրբազնասուրբ օծութիւնն եւ Ներսէս սրբազան արքեպիսկոպոսն՝ առաջնորդ Վրաստանու, թղթով խնդրեցին գնալ ի Հաղբատ եւ ի Թիֆլիզ : Եւ գերաստիճան սրբազան տէրս մեր ուղևորեալ շատի էջս արար առ նոսա. և նոցա խորհրդակցութեամբ բերեցաւ ի Թիֆլիզ՝ գերզդօն Երմուով կուսակալի և իւրեանց թղթակցութեամբ դեսպան առաքեցին ի շահաստանն Դավրէթ. եւ սրբազան ծնողն իմ առաջնորդ սրբոյ ուխտիս նշանակիր Մարտիրոս արքեպիսկոպոսն վայելուչ արժանաւոր պատրաստութեամբ չու գործեաց եւ գտաւ ժաման առ արքայորդին Աբբաս-Միրզայն ինչ ինչ խնդրանաց աղագաւ. եւ անտի պատուեալ յարքայորդւոյն Աբբաս-Միրզայէն մեծամեծ խիշախք եւ հրովարտակաւ վերադարձաւ կրկին առ նոցին սրբազնութիւնսն : Յետորոյ անտի եւս եկեալ ի սուրբ աթոռ՝ իւրոյ առաջնորդական կառավարութեանն գտաւ պարապեալ զանազան ուղղութեանց եւ շինութեանց եթէ հոգևորական եկեղեցեաց և բաճանայից կարգադրութեանց, եթէ մարմնաւորական վասն շինութեան

սրբոյ աթոռոյս, յամենայնի ջանադիր եղեալ հոգս արկանէր բարւոք տնօրէնութեանն և բոլոր մերազնէիցս :

Բայց զինի, ի 1826 ամի Փրկչական թուին անկաւ խռովութիւն և շփոթումն ի մէջ երկոքին տէրութեանցն Ռուսաց եւ Պարսից. եւ երկիրս այս իբրև նաւ ի հողմահար և ալեկոծեալ ծովու, ազգն քրիստոնէից ել և էջս առնելով աստ եւ անդ գաղթեալ՝ ոչ գիտելով զօր վախճանի իւրեանց ի յերկիւղէ չաքացելոցն Պարսից, որ իբրև կատաղի առիւծ իմն յառնէին վասն կորստեան քրիստոնէից ազգին : Եւ ի նմին ժամանակի ոմանց նախանձայուզաց դիմեալ առ Արքայորդին՝ համբաւեալ էին ինչ ինչ չարութիւն զամանէ . որոյ վասն Օրդովարու իշխող դժնդակարարոյ Եաչեայ խանն առաքեալ յԱրքայորդւոյն չահլատայէ բազում զինակիր Պարսկամբք, եկեալ մտին ի սուրբ աթոռս, եւ շրջապատեալ զչորեսին կողմունս : Յայնժամ ըմբռնեալ ի մէջ մեծի քանապայիւն կողոպտեալ մերկացուցին զկայս եւ ըղկարիս թողլով և ոչ մի ինչ բաց ի հանդերձէն : Ապա աստի հրեշտակօք առաքեցին յՕրդովար դուտաղ (դերի) մնալ անդ ժամանակս ինչ. յետոյ տարեալ ի Դավրէժ՝ 15 ամիս դուտաղ կեցեալ ի ձեռս Պարսից :

Այլ յորժամ խաջակիր զօրքն Ռուսաց ամենայադթ զօրութեամբ զնսուցեալ տիրեցին Դավրէժի՝

զերծեալ ազատեցաւ յոխակալաց յայնցանէ : Բայց յայնժամ քաջ զօրապետ Պասգէիչ սարդարն ի տեսանելն զսրբազան տէրս մեր՝ ցնծալիւ բերկրանօք վերապատուեալ տուեալ էր յաղագս ճանապարհային խարճագնացութեանն հարիւր հատ պաճախ (Հոլլանդիոյ) ոսկի : Այսպիսի պատուով և այլ բաղում յուսադրանօք ճանապարհ արարեալ եկն եհաս ի գիրկ սրբոյ աթոռոյս, ի Փրկչական Թըռւին 1827ին ի 25 Նոյեմբեր ամսոյ : Արդարեւ խարիսխ հաստատութեան աղինասարաս սրբոյ տանս վերանորոգեալ կանգնեցաւ կրկին յառաջ քան զառաջինն . եւ կամեցաւ բարիոք հոգարկութեանց սրբոյ աթոռոյս (ձեռն արկանել) . բայց ի չարագրգիւ եւ բարեաց նախանձիչ բանսարկուէն յանկարծուտ ցաւ իմն եկեալ պաշարեաց ի 27 Յուլիս ամսոյ . եւ այնու ցաւով զբաղեալ՝ ամենայն բարի յառաջադրութիւնք որ վասն օգտի սրբոյ աթոռոյս ունէր մտադրեալ, մերժեցան ի բաց :

Իսկ այնոքիկ որք յառաջ քան զվրդովութիւնն երկոքին տէրութեանց, և յառաջ քան զհիւանդութիւնն, զորս կարի քաջ մտերմութեամբ և յոլով աշխատանօք կերտել է տուեալ ի սուրբ աթոռս, աստանօր Թուեցից յանուանէ անուն . մեծ քանապայի եղեալ միջի դրումքն, լուսամուտքն և զոր ինչ փայտեայ շինութիւնք կան, փոքրաւորաց օրսիի

քօշքն, դրսի բանապայի քօշքն, չորեքին լուսամուտքն
իւրեանց որմովն ի հիմանէ ետ շինել, և բանապայի
դրան հովանոցն առաջի հացատան և խոհանոցի այ-
սինքն աշխանայի դրանց առաջի փայտեայ այվանն,
մինչ ի շիրախանայի (գինետուն) գոռն. յարեւ-
մտեան թաւիսյի թահադրանդն (քիւ) քարամբ, ձի-
թահանքի մեծ տունն, և արեւելեան ձիթահանքն
թաղրանդ (կամարակապ) քարամբք ի հիմանէ ետ շի-
նել. և Վաքաւայ սարի աղբիւրի ջրի ճանապարհն
սր յ35 ամաց հետէ քայքայեալ և ոչնչացեալ կայր,
սրբազան տէրս մեր յոլով խարճազնացութեամբ
աղբիւրն ետ նորոգապէս բերել ի սուրբ վանս :
Սատանայի կամրջի կապն, ընդ որ յոյժ դժուարաւ
ճին թամբով անցանէր, այժմ այնպէս քայքայել
տուաւ և ետ նորոգել որ ձիք բեռամբ անցանեն.
Շնհէրու և Հալիձորու միջի Խութի կապն, այն եւս
որ կարի դժուարին էր, ետ ուղղել, Նանախի այգւոյ
հնձանն, Ղօչանցւոյ այգւոյ հնձանն ի հիմանէ ետ
նորոգել. Շուանիձորու կարասատունն, և Մեղ-
րու երկոքին այգիքն նորոգապէս ետ յօրինել բա-
զում խարճազնացիւք եւ աշխատակրութեամբ :

Այլ եւ բաղմաշխատ և հոգևոր ծնողս իմ Տէր
բարձր սրբազան Մարտիրոս բենակերտ արքեպիս-
կոպոս, դէտ և վերատեսուչն սրբոյ, հրաշալի ուխ-
տիս Ստաթէի և մեղրապօլիտն սոյն վիճակիս, մինչ

եօթն ամ կայր նուիրակաւան գործով ի Թիֆլիզ քաղաքի՝ ընդ ժամանակս ժամանակս լինէր խնդրա մատոյց առ Արտիշէվ եւ Երմոլով կուսակալն յաղագս սրբոյ աթոռոյս վախճ գիւղորէից եւ քահ րայիցն : Իսկ ի գալ նորին սրբազնութեան աստ, աստի եւս առաւել արար թղթագրութիւն միջոյ ինչ առ նախայիշեալ մեծամեծսն Ռուսաց, սակայն մինչ հիւանդութիւնն դիպեցաւ տեառնս մերոյ . անձամբ անձին ոչ կարաց գնալ առնել խօսակցութիւն վասն կարեւոր օգտի սրբոյ աթոռոյս. այլ Տա թեւացի Ուստաքօլեան Սիմէոն սրբազան եպիսկո պոսն թղթագրութեամբ սրբազան տեառն մերոյ առաքեցաւ ի Շուշի ամրոցն ի դրունս մեծա մեծաց զի խօսեսցի ընդ նոսա զօգուտն սրբոյ ուխտիս :

Եւ նա յոգնաջան աշխատանօք գնաց, արար խօ սակցութիւն, և նոքա սրբաղան Տեառն թղթագրութիւնն ոչ անտես առնելով՝ մանաւանդ վասն յիշեալ Սիմէոն սրբազան եպիսկոպոսի պատուին շնորհեցին զբովանդակ վախճար գիւղորայքն սրբոյ Աթոռոյս, եւ սեպհական տեղորայքն, որոց անուանք վախճար գիւղորէից են այսօրիկ . ի Սիսեան մահալին (գաւառին) Ղարաբիլիսէ, Աղբեանդ, Բնունիք եւ Դաս տակերտ, Տաթև, Սուարանց, Տանձատափ, Մալ դաշ, Խաղուանի որ Մալդաշու մագրան է, Խոտա չատ . Բ :

նան, Հալիձոր, Շնհէր եւ Խոռո, Բերդիկ, Թաա եւ
Կից : Նախքան զհիւանդութիւն հոգւոր ծնողի
իմից Տեառն Մարտիրոս սրբազան արքեպիսկոպոսի
եւ վերադիտողի սրբոյ եւ հրաշալի ուխտիս, այսքան
յոգնապիսի աշխատակրութիւնք ադինասարաս
Սիոնի սրբոյ տանս Ստաթէի, ի յիշատակ իւր յաւի-
տենակսն : Եւ այնու հիւանդութեամբ հանգեալ
ի Քրիստոս յոյսն բնաւից, որոյ մարմինն եղաւ ի
հանգրտի ի միջի ժամատան յետի դասուն կից որ-
մոյն հիւսիսային կողման, զօրոյ զհոգին Տէր Լուսա-
ւորեսցէ : Թիւ վախճանին ի 1830 ամի և 14 Հոկ-
տեմբերի :



ԾԱՆՕԹՈՒԹԻՒՆՔ :

Երկրորդ Հատորոյ :

Պատմութեան նահանգին Սիւնեաց :

1. Սնտրի իմն է պատճառաբանութիւնս . իծաղկի էր իդարուն յայնմիկ յԱյրարատեան նահանգի Բազ-րատունեացն պետութիւն . ուր Հայրապետք ազդիս նստէին սովորաբար : Եւ եթէ ինքն Ստեփաննոս Օրբէլեան առ ի առնուլ զձեռնադրութիւն եպիսկոպոսութեան ոչ դանդաղեցաւ զնալ ի Տաթևոյ ի Սիս, մի թէ չկարէ՞ր Յակոբն այն ի Սիւնեաց երթալ ի Եփրակ, այսինքն յիւրմէ գաւառէ յայլ գաւառ սահմանորդ . յայս սակս բուն պատճառ ապստամբութեան նորա եւ այլոց ոմանց յիւրոց յաջորդաց ոչ այնչափ բացակայութիւն կաթողիկոսաց մերոց էր, որչափ սնախառութիւն նորին և նուազութիւն քրիստոնէական խոնարհութեան, որով ախտացեալ եպիսկոպոսն այն, թեկն ածէր ինքնիշխանութեան, որպէս և աշխարհական իշխանք իւրոյ աշխարհին ապստամբեալ ի Թագաւորէ իւրեանց օրինաւոր՝ անձանց կացին տէր ի կորուստ ինքեանց և հայկական գրոհի :

2. Կօն, կաւն, ուղիղ ևս իկօն, է բառ յոյն, և նշա-
նակէ պատկեր : Կիրառութիւն պատկերաց առ
Հայս կանուխ էր քան զկաթողիկոսութիւն Վահա-
նայ. ուստի և անտեղի համարել պատճառ արտորման
նորին զպատկերս : Զօրէն Օրբէլեանի մթին են եւ
այլ պատմագիրք ազգիս ի խօսիլն զՎահանայ, որ
թերեւս ոչ զիկօնս այլ զիկօնոստաս (խաչկալ) Յու-
նաց կամեցաւ մուծանել յեկեղեցի մեր . և միաբա-
նութիւն հաւատոյ, առնել ընդ նոսա, վասն որոյ եւ
անկաւ : Սամուէլ Անեցի ասէ զամանէ « սա դաշնա-
գիր եղև ընդ Վիրս միաբան դաւանութեամբ » . եւ
Կիրակոս վ. Գանձակեցի. եր. 48. զնոյն բան կրկնէ :

3. Թագաւորութիւն Սմբատայ Սիսականն ի Սիւ-
նիս, Արծրունեացն ի Վասպուրական, Կորիկէիցն ի
Սօմխէթ, և այլոց նմանեաց նոցին այսր անդր, չէին
և չեղեն ի բարգաւաճանս Հայաստանի և ոչ ի գո-
վանս նրբամիտ կենցաղագիտութեան իշխանաց մե-
րոց. այլ ցոյցբ յայտնի մօտալուտ քայքայման ազգա-
յին իշխանութեան մերոյ : Բիւր գովութեան ար-
ժանի համարէի ապաքէն զիշխանս Սիւնեաց եւ
Արծրունեաց և այլս, եթէ յետ կապելոյ անձանց
թագ՝ գունգործէին նոքա ապահովել զխաղաղութիւն
մերոյ հայրենեաց ի ներքս ի ձեռն ընդհանուր զինակ-
ցութեան որպէս Գերմանք մերոյ դարու . եւ փու-
թային միաբան գործակցութեամբ լայնել զսահմանս
իւրեանց արտաքոյ : Այլ զի նոքա ծայրագոյն իմն
անմտութեամբ յետ պատառելոյ ղմիաբանութիւն
ազգին, եղեն այո՛, եւ բազում անգամ առաջնորդ-
հասարակաց թշնամւոյն ի ծոց Հայաստանի, մատնչի-

աթաճանի են անուան եւ կարապետի աւերածոյ Հայ-
 րաստանի : Յուսուի (Իւսուի) որ միով ձեռամբն
 խլէր զթագն արքայական ի զլխոյ երանելոյն Սըմ-
 բատայ, եւ միւսովն սրակէր զԳագիկ Արծրունի,
 յայտ առնէր հաւատեալ, թէ չէր բարեկամ ոչ
 միոյն, ոչ միւսոյն . այլ շահիլ զիտէր կենցաղագէտ
 Պարսիկն իհնոյ առածէն Հոռմայեցոյ « բաժանեա՛
 զի սիրեսցես » : Յայս միտս խորտակէր նա գոր-
 ծակցութեամբ կարճամիտ իշխանաց նախ զրուն
 արմատն ազգային ինքնիշխանութեան ի սիրտ Հայ-
 րաստանի իմաստուն կենցաղաւարութեամբ եւ ան-
 հուն աշխատութեամբ կանգնեալ ի Բագրատունեաց
 անտի, և ներէր ընծիւղաց առ նովլաւ բուսերոյ փթթել
 առ ժամանակ մի որպէս զի զայնս ևս խլեացէ յարմա-
 տոյ ի դէպ ժամանակի . իսկ չլամիտ թագաւորեալքն
 տակաւին ոչ ի միտ առնուին թէ բրիչն Բագրատու-
 նետն ճոխութեան ոչ երբէր հաստատիչ լինէր ոչ
 Արծրունեոյն, ոչ Սիսակին՝ գողով ամենեցուն նոցա
 ի մի եւ ինոյն զանգուածոյ : Մի՛ պախարակեսցուր
 ուրեմն այնպէս զՅոյնս կամ զՊարսիկս իբրեւ թշնա-
 միս մերոյ ազին եւ հայրենեաց . այլ զանիմատ եւ
 զհերձամիտ բարս մերոյ իշխանաւորաց, որոց յանի-
 մաստութենէ առաւել չարիս կրեաց Հայաստան քան
 որչափ ի խորամանկութենէ Պարսից կամ ի նենգու-
 թենէ Յունաց :

Սմբատ սպարապետ ի Տարեգիրս իւր. եր. 46 յա-
 ւելու թէ ի փոքրիկ տէրութեան Արծրունեաց յետ
 բազմադիմի աւերմանց աշխարհին, էին տակաւին ի
 ժամանակին յորում փոխեցաւ երկիրս ընդ Սեբաս-
 չատ. Բ :

տիոյ, 12 բերդաքաղաքք և 4400 գիւղք : Նոյնպիսի
ինչ գրէ և Ստեփաննոս Օրբէլեան ղմանրիկ պետու-
թենէ Կապանայ դնելով ինմա զ43 բերդաքաղաքս
և 1008 գիւղորէս . արդեթէ ի 55 բերդաքաղաքս
երկուց պետութեանցս դիցուք յիւրաքանչիւրն
տունս 1000, եւ ի 5408 շէնսն երդս 100՝ գտանեմք
595, 800 երդ : Եթէ այսչափ ևս դիցուք յիշխա-
նութիւնս վանանդայ, Կորիկէին, Անձևացեայ,
Գեղամայ, Վայոց ձորոյ, Հաքանդայ և Կողմանց Հայ-
կաղուն Աղվանից՝ գտանեմք 1,191,600 երդս, յորս
հաշուեալ առ սակաւն շունչս 5, տեսանեմք իբր
վեց միլիօն բնակիչս, ամենեքին Հայք միակրօն եւ
միաբարբառ, զորս անիմաստ իշխանք աղգիս շորթե-
ցին իտանէ Բագրատունեաց առ ի մատնել յետ
սակաւուց յանգիւտ կորուստ Յունաց, Պարսից եւ
Թուրքաց թողլով մեզ մասն ժառանգութեան զգե-
րութիւն անարգ և հառաչանս հանապազորդ :

4. Սուրբ Գրիգոր եկեղեցին Փարբւոյ է ուխտա-
տեղի հռչակաւոր եւ սքանչելագործ առ ստորոտով
Արագածի, ի հիւսիսոյ սուրբ Էջմիածնի, ուր դիմեն
խածեալքն ի կատաղեաց յամենայն ազգաց ի գիւտ
բժշկութեան : Ուխտաւորքն երթան հետի, նօթի
ունելով պսակ բոլորեալ զգլխով ի կեմէ խոտոյ և ոչ
բնաւ հային յետս ի գնալն իւրեանց :

5. Արքուլիք անուամբ չիք ի Հայս գաւառ, քաղաք
կամ գիւղ : Թուի թէ բանք կոնդակին ականարկեն
յԱգուլիս՝ երևելի աւան Հայոց առ Երասխաւ ի
գաւառին հին Նախիջևանի . բնակիչքն Հայք են բաց
ի սակաւ Թուրքաց, յոյժ աշխատասէր, ճարտար յառ

և իտուր և ճոխ և ունին բաց յաղգային լեզուէ գայլ իմն բարբառ զոկ ասացեալ, զոր չեղև մեզ արկանել ընդ քննութեամբ ։

6. Տէրութիւն Տաճկաց կոչէ հեղինակս մեր զԹաճաւորութիւնն Պարսից, որ սկսաւ ի ձեռն Սալջուկայ Թուրքի իմուտս մետասաներորդ դարուն . որ և ճեղքեալ ապա ի պետութիւնս Իկօնիոյ, Դամասկոսի, Հալեպի, Անտիոքայ, Մօսուլայ եւ այլն . բարձան ամենեքին յեւս երեքտասաներորդ դարուն ։ Հերոսք ճոխութեանս են ժանտն Թօղրուլ բէկ, արեանարբուն Ալպ-Արսլան (որ ա՛ռ զԱ՛նի) եւ բարեբարոյն Մէլիք-Շահ՝ Զելալ-էդ-Դին ի Մահմետականաց կոչեցեալ, որ կարգեաց զհռչակաւոր տօմար այսր կրօնի ։

7. Ի տէրութեան Կապանի որ պարունակէր զչորս կամ հինգ գաւառս Սիւնեաց դնէ Օրբէլեանն բերդս 43 և գեղանս 1008 . և յաւարտ պատմութեան իւրոյ, ի չորեքտասան գաւառս այսր աշխարհի ոչ թուէ աւելի քան զ677 չէնս ընդ ամենն . որով և ինքն ինքեան ընդդիմախօսի ։ Թերեւս այլք զլուծումն հակասութեանս գտցեն յաւերման Կապանի յերկոտասան երորդ դարուն . ես ևս ի նոյն կարծիս լինէի եթէ ոչ էր ի վեր հանեալ Օրբէլեանի զհնութիւն ցանկի չինիցն յառաջ քան զթագաւորելն Սիւնեաց ։

8. Յառաջն բերդաքաղաք կարեւոր, արդ քակեալ իսպառ բաց ի փառաւոր եկեղեցւոյն նուիրելոյ սրբոյն Վարդանայ Մամիկոնի, է իձախմէ Երասխայ ոչ հեռի ի Զուլայէ . ուր ըստ աւանդելոյ երկրացւոյն սլատեցան սուրբ նշխարք Վարդանանց

Դաւթրժայիչատակ մարտիրոսաց Հայաստանի . եւ
ամիրոփեցան յեկեղեցւոջ աստ : ԶԱստապատն
Հանեն բնակիչք երկրին յատո դիպատէ, որով եւ
արդարացուցանեն ըստ իմիք զաւանդութիւնն :

9. ԶԵրուսաղէմ ա՛ռ ի Խաչակրաց ոչ Խորազմն,
որպէս կարծէ Օրբէլեան . այլ Սալահադին Քիւրդ
ծնեալ ի Հայս յամի Տեառն 1137. եւ փայտակիր
ի Դւին քաղաքի ըստ Միխայէլի Ասորոյ . իսկ ըստ
Աղեքսանդրու Մազասայ ծնեալ ի Տեկրեստ Միջա-
գետաց (Հոյսկապ արք Արեւելից . Հ . Ա . եր . 236) :
Իսկական անուն նորա էր Իւսուֆ-բեն-Էյուս-Սա-
լահ-էդ-Դին . որ եմուտ նախ ի ծառայութիւն Նուր-
էդ-Դին՝ աթաբէկին Ասորոյ, և ի տրիտուր մեծա-
մեծ քաջագործութեանց իւրոց պատուեցաւ Մա-
րք-ննևսներ (յաղթող իշխան) տիտղոսիւ . եւ առա-
քեցաւ յօգն Աթեդ-Է. եղինիլ շահի Ֆատիմեան
խալիֆային Եգիպտոսի : Յետ մահու Նուր-եդ-
Դինի հալածեալ զԽամայէլ-եւ-Մալք-էս-Սալահ՝
ժառանգ նորա, ինքն տիրեաց Դամասկոսի եւ Հա-
լեպի ի 1175 . եւ յաղթեալ Խաչակրաց ի 1187 առ
Տիրերիադայ ծովակաւ՝ գերիկալաւ զԳի Լուսինեան՝
արքայն նոցա, և ա՛ռ զԵրուսաղէմ, զԱսկաղօն, ըզ
Պտղէմայիդ (Պտղոմայիս) կամ զԱքա ի նոյն
ամի . եւ մեռաւ ի 1192 :

10. Ընդ առասպելս գրել արժան է ապաքէն գիւ-
տորածն Երուսաղէմի ի Սալահադնայ կամ, ըստ
նորա, ի կարծեցեալ Խորազմաց : Սալահադին, ըստ
վկայելոյ նոյն իսկ հռովմական պատմագրաց, ոչ
միայն ոչ եհեղ եւ ոչ կաթիլ մի արիւն յետ առ-

ման Երուսաղէմի. այլ եւ աղատութիւն ետ ամե-
նայն բրիստոնէից երթալ ուր եւ ախորժեսցին եւ
բազմաց ինոյսնէ ինքն հոգաց զծախս ուղւոյն . եւ
հրաման ետ հիւրատես ասպետացն կալ ի քաղաքին
եւ դարմանել զհիւանդս : Այսպէս գրէ և Միխայէլ
Ասորի. Ի՜նչ տարբերութիւն ընդ Սալահաղին մահ-
մետական եւ ընդ քրիստոնէայ թագաւորս Խաչա-
կրաց : Տէս զայսմանէ *l'Univers pittoresque. Asie.*
Գիրք Է. եր. 327-328.

14. Փարսմանն որոյ սպարսկերէնն է ֆերման եւ
հայերէնն՝ հրաման, որք զնոյն երեւին ունել սատուա-
բանութիւն , նշանակէ հրովարտակ արքայական ,
Խսկ մանշար զոր չեղև մեղ գտանել ոչ իմեր եւ
ոչ յայլ լեզուս , թուի լինել տարասլարտ կրկնու-
թիւն հրովարտակի կամ թէ ծանուցո. մի, յայտարա-
րութիւն :

12. Սնուանի զօրագունդ տէրութեան Պարսից ի
ժամանակի ճոխութեան Խաղնոյի :

13. Լերինք Սիւնեաց որ ձգեալ զարեւմտեայ
եղերբք ծովակին Գեղամայ երկայնին մինչ ի
Սօմխէթ եւ դառնումն ապա ի կողմն Կարուց, լի են
հանքօք պղնձոյ, երկաթոյ, կապարի, արծաթոյ, շապի
ևս եւ ոսկոյ. յորոց բազումք ի գործածութեան էին
իդարս առաջին . եւ թերեւս աստի գնայր իվաճա-
ռանոցս Տիւրոսի պղինձն ազնիւ յիշատակեալ բա-
զում անգամ յԱստուածաշնչի յեղեկիւնէ : Առ-
մեօք երկաթ հատանի ի Բօյան , Ղուչչի , Սէյդի
և ի Զօհադար . ի Կողք (Խուլք ի Խազախ գաւառի),
ոսկի ի Դաշքեստան. մերձ յԵլիսավեթգալ (Գան-

ձակ) և Բօլնիա և ի ձորն Աղստեղյ . կապար արծա-
թախառն յԱխտալայ, ի Տամբուլուտ (ի Սօմխէթ),
չապ ի Սեղլիխ. եւ պղինձ ի Շամլուղ եւ յԱլա-
վերդ, որ թուի լինել պղնձահանքն յիշատակեալ ի
ի Ստեփաննոս, Օրբէլեան, ի Զորավոր դաւառին
Գուգարաց առ ստորոտով Ալվար լերին, ոչ հեռի
ի Սանահին վանաց. որ եւ առնու զեօթներորդ
մասն ի մետաղաց աստի : Զհանքացս յիշատակեն
նաեւ պատմիչքն Աիրակոս և Ալարդան վարդապետք :
Ի հանդիսին (էքսպոզիւսիօն) Թիֆլիզոյ ի 1850 ամի,
տեսի անձամբ զգեղեցիկ օրինակս մարաքիտի բե-
րեալ յԱխտալիէ : Այդիւնք պղնձոյ հանքացս ան-
ցանեն ի տարին աւելի բանդ 5,000 պուտ կամ 200,000
լիւր Գաղղիոյ : Ելանէ աստի նաեւ արծաթ կապա-
րախառն :

14. Աւնաւֆրէ փոխի ի մեր լեզու Ոնովրիտս.
եւ է անուն յատուկ զիւանասերտի աթարէկին Իվա-
նէի Արղութեանց, որ ոչ բաւականացեալ դարձիւ
անձին իկոնս Վրաց, դարձոյց նաեւ զվանքն Ախ-
տալի առեալ ի Հայոց. ըստ որում այսպէս պատմէ
Աիրակոս վարդապետ զայսմ Պղնձահանից. եր. 130.
« Ախիճանեցաւ եւ Իվանէ՝ եղբայր Զաքարէի, եւ
թաղեցաւ ի Պղնձահանքն, ի դուռն եկեղեցւոյն,
զոր շինեաց ինքն՝ առեալ ի Հայոց Վրաց ի վանս
արար » : Սմին իրի անտեղի է ամենեւին տարա-
կոյսն Սարգիս վարդապետի Զալալեան որ ի ճանա-
պարհորդութեան իւրում իմեծն Հայս. եր. 85. հար-
ցանէ ասելով « այլ թէ իսկապէս Յունաց է թէ
Հայոց (վանքն Ախտալի) չէ՞ յայտ » :

15. Ստեփաննոս Օրբէլեան յետ արտայայտելոյ զյունագիտութիւն իւր . արդեւ երեւցուցանէ զհմտութիւն Արայ բարբառոյ շարելով մեր առաջի քանի մի պաշտօնական բառս այնր ազգի տնիմանալիս եւ նոցա եւ մեզ միանգամայն . յորոյ մարծուանն է վրայի հնչումն մարդկանի Հայոց, որոյ աղաւաղեալ ի բերանս Արահայոյ նախ ի մարծւոյն, ապա դրոշմեցաւ ի մարծուան, Ծիրամիդարն, ուղիղ եւս ժինամիդար, նշանակէ առաջնորդ, տեսուչ, մամրաւարն նշանակէ ոստիկան, դէդէսյու՝ աւաղանի, նախարար, իսկ մեմնադաշէն եւ ճրաւդիտէն չեղեւ մեզ հնար ստուգել : Դատին եւ շէյխն դուրով բառք Արարայ՝ առաջինն նշանակէ դատաւոր, երկրորդն՝ ցեղապետ :

16. Կամ անթային, առանձին սեպհականութիւն, ստացուած յորում այլ ոք չունի մասն, եթէ չիցէ վրիարակ գրչի :

17. Լաշայ մականուանի Գէորդ կամ Գէորգի Դ. որդի եւ ժառանգ Թամարայ Թագուհոյ . իսկըգբան անդ մանկական արութեամբ լցեալ ընդարձակեաց զսահմանս տէրութեան ձեռնտուութեամբ զօրավարաց իւրոց Զաքարէ սպասաւարի եւ Իվանէ աթարէկի Հայկազանց . իծերութեանն կրեալ վիշտս բազումս մեռաւ ի կսկծոյ Թողեալ ժառանգ աթոռոյ իւրոյ զԴաւիթ Դ. որդի իւր :

18. Յերկոսին օրինակս մեր ոչ տեսաւ սլատձէն կոնդակին . զանցառութիւնս այս այլո՛ր եւ տեսանի :

19. Յօրինակս մեր, յայտ է թէ, յանուշադրութենէ գրչացն, տեղափոխեալէին ինչինչ հատուածք

դպիտոյս, յետ եւ յառաջ եղեալ, զորս ըստ իմաստին ի կարգ ածեալ եղաք որպէս տեսանի ի տպագրեալն :

20. Տոհմաբանութիւն Օրբէլեանց ընծայեցաւ յումպէտս Մեսրոբայ երիցու որ եկաց ի տասներորդ դարու. այլ վէպք յաջող և ձախող իրացն որոցդիւսկեցաւ. ցեղս այս յերկոտասաներորդ և յերեքտասաներորդ դարս, մերժեն ինքնին զկարծիս այսպիսի : Այլ և այլ տարեգիրք և պատմութիւնք Հայոց և վրաց զորս ունիմք ի ձեռին, չառնեն բնաւ ակնարկութիւն ինչ իցեղն Օրբէլեան, գաղթեալ ըստ Օրբէլեանի իբր 1000 ամօք յառաջագոյն քան զդուր իւր ի Զինաց : Ի տեղիս տեղիս կարկատուն բանք հեղինակին, հակախօսութիւնք, չափազանց գովաբանութիւնք եւ անլուր քաջագործութիւնք ընծայեալ տոհմիս այսմիկ, զջատագովութեան իմն բերեն ցոյցս քան անաչառ պատմութեան. ուստի եւ ոչ զերծ ի կասկածանաց : Զումանս ի բանից աստի ուղղելոց եմք վկայութեամբ մերեւ այլազգի պատմաբանից, զայլսն թողումք յընտրութիւն ընթերցողաց : Ի Գաղղիա հոյակապ գիտնականն Սէն-Մարտէն (J. Saint-Martin) ի գիրսն իւր անուանեալ Mémoires historiques et géographiques sur l'Arménie առաջին եղև որ ի 1819 ընծայեաց ի լոյս գաղղիական թարգմանութեամբ և բազմահմուտ ծանօթութեամբ հանդերձ զգլուխս զայս. որում հետեւցան Կեսար Ֆրամէն, Բրոսսէ կրտսեր (Brosset jeune) եւ այլք. ի Գերմանիա Կլապրոթ բազմահմուտն այլովք ոմամբք հանդերձ, ի գրելն զվրաց խօսեցան

զօրբէլեան տոհմէ ըստ Ստեփաննոսի Օրբէլեան թէ
 և ուղղելով միշտ զկամաւոր եւ զսկամայ վրէպս
 նորա : Յեղաբանութիւնն Օրբէլեան տալազրեցաւ
 զառաջինն ի Մտղրաս քաղաքի Հնդկաց յամի 1775
 արդեամբք Եղիազարայ Շամիրեան իբրու Մեսրո-
 բայ երկիցու դործ և պատմութիւն Վրաց, ոչ զերծ
 իխանդարմանց. զոր թարգմանեալ է Սէն-Մարտէն,
 չունելով իմեռին զօրինակ այլ, յետ կարծեցեալ սըր-
 բազրութեանն : Լակրօզ թարգմանեաց ի ըստին
 զհատածս ինչ պատմութեանս ըստ օրինակին Յով-
 հաննու Ակօլութոսի, որ վերստին տալազրեցաւ ի
 Սանկտ-Պետերբուրգ յամի 1810 : Յանցեալ ամի
 դէպ եղեւ ինձ տեսանել միւս եւս տալազրութիւն
 այսր ցեղաբանութեան ի Մոսկվայ, շատ կամ սա-
 կաւ տարբեր իմերոցս : Մեր օրինակք, յորոց
 զմին գաղափարեալ եմ ըստ բնազդոյն Տաթևոյ վա-
 նից, միւսն օրինակեալ ի գրատան սրբոյ Էջմիա-
 ծնի, եւ երրորդն, որ ընծայեցաւ ինձ ի պատուական
 բարեկամէն իմէ ի Գրիգորոյ Մարկոսեան Զմիռ-
 նացոյ, ըսան զթերին Լակրօզի եւ Սէն-Մարտէնի
 եւ ուղղեն զվրիպակս ամենից : Ամենքին սոքա
 զհեղինակութիւն տոհմաբանութեանս Ստեփան-
 նոսի Օրբէլեան ընծայեն, ընդ որս և ես, ստիպեալ
 մանաւանդ իվերջաբանէն (որ պակասի յայլ ամե-
 նայն տալազիրս) յորում այսպէս խօսի հեղինակն
 « Եւ արդ՝ ո՞վ ընթերցողք՝ մի լիցի որ պարսաւա-
 դէտ, որպէս թէ զիւր ազգ յարգէ և պատուէ, եւ կամ
 կարծիք տարցի եթէ աւելի ինչ բանս յօդեալ պատ-
 ուսատեցաք : Վկայ է ինձ Տէր. որ յիսկըրանէ
 Հատ. Բ :

ճառիս մինչ ի կատարածն ընդունալ ճշգիւ քննեալ դտաք զստոյգն, եւ զոր մեր ականատես էր եղեալ, ի բազմաց զսակաւն եւ զճշգրիտն եղեալ կարգեցաք աստ : Եւ եթէ զօտարաց ազգաբանութեանց ե յիշատակութեանց, որք վաղ ժամանակօք անցին, փոյթ եղե մեզ, ասլա ո՞րքան լա առաւել խն եւ խոցն » :

21. Արմազ (Արամաղի ի Վրաց) կոչի լեառն որ համբառնայ յեկից Մցխիթայի ի ձախմէ Արագվայ գետոյ : Զիք տարակոյս թէ Արմազ է կրճատեալն Արամազդայ կամ Որմզդի ի պաշտօն առեւոյ ի Վրաց. յոր ականարկէ նաեւ հայրն պատմագրութեան մերոյ Մովսէս Խորենացի, որ Բ. 86. այսպէս խօսի զսարէս « Եւ իսկոյն կործանեաց զամալրոպային պատկերն Արամազդայ, որ կայր մեկուսի իբաղաբէն՝ գետոյն հզօրի ընդ մէջ անցանելով, զոր սովոր էին երկրպագել այգուն այգուն ի տանեաց իւրաբանչիւր զի հանգէպ նոցա երեւէր » : Պղատոն Յօսելեան ի համառօտ պատմութեան եկեղեցւոյ Վրաց. եր. 24 յաւելու թէ Վիրք ի պաշտօն առեալ էին զԱրամազդ կամ զՈրմիզդ, զԶադէն, զՀայիմ եւ զԱփրոդիտէ : Ստրաբոն զիրք ԺԱ. եր. 500 եւ 501. դնէ ի մերձակայս Արմօզսի անուամբ մայրաքաղաք Վրաց, զոր Պին կոչէ Արմազդիս, որ թերեւ նոյն իցէ զոր Վիրքն կոչեն Արմազի-ցիխէ (բերդ Արմազայ) այլ առանց որոշելոյ ճշգիւ զվայրն : Սէն-Մարտէն առ ի գտանել զտեղի բերդին Արմազայ յաւելու թէ Մցխիթայ « ոչ էր առ Արագվայիւ. այլ առ Արով » . իսկ մեք որ բազմիցս յայց ելեալ եմք բաղաբին այնմիկ, կարեմք ա.

մենայն վստահութեամբ արնդեղթէ սխալի Սէն Մարտէն, և թէ Մցխիթայ մինչև ցամն 1850 էր ի խառնուրդս կամ ի դերային Կոոր և Արագվայ գետոց :

22. Օրբէթ բերդն (ի Վրաց Օրբխի), զորմէ ասէ Ստեփաննոս Օրբէլեան շինեալ Քարթլոսի ի լեռոն Արմաղ, ոչ է անդ . այլ ի Գուգարս ըստ Յովհաննու կաթողիկոսի, եւ ի Տաշիրս ըստ Ստեփաննոսի Ասողկայ. Գ. 30. ոչ ի ձախմէ Կուր գետոց որ միշտ կոչեցաւ Քարթվէլ Քարթլի, Սաքարթվելոյ, եւ խմէնջ Վիրք . այլ յաջմէ այնորիկ, ի Սոմխէթ կամ ի Հայս : Բերդս այս, յորմէ նախնիք Օրբէլեանց կոչեցան Օրբէթք կամ Օրբէլք, առի թէ ի յեանոց Շամշուտէ կամ Շամշուղէ անուանեցաւ : Շախղէ, չուղի, չուղի բառքս Վրաց թէ եւ յոյժ մերձաւոր միմեանց հնչմամբ՝ տարբեր են սակայն նշանակութեամբ. իբր զի առաջինն նշանակէ նետ, երկրորդն՝ սլարս կամ սլարսեա, երրորդն՝ խարազան . խկ սամի՝ երեք : Մաղրական իմն երևի ստուգարանութիւնն երեք նետից զոր զիտունք դարուս բազում ջանիւր հանեցին ի բառէս. ըստ իս այլուր սլարտ է սրոնեւ զստուգարանութիւն Շամշուտէի : Ի զօրանալ պետութեան Բաղրատունեայ ի Հայս Աշոտ Ա. գլխակայ զայս բերդ. յորմէ էանց առ Կարիկեանս. ի սոցունց էառ Բաղարատ՝ արքայ Վրաց, յամի 1066. եւ ետ Օրբէլեանց եւ ապա՝ Արղութեանց (այսպէս կոչի իշխանական ցեղն Զաքարիայ սպասաւորի ցայսօր ժամանակի) : Ի հնդեւտաներորդ դարու իշխէր անդէն Պելզիանէ յՕրբէլեանց Հայոց. զորով բնակէին իբր 20,000 անձինք յազգէ մերմէ :

Լենկթիմուր եւ Ջհանշահ կոտորածօ արարին աստէն : Այժմ իսպառ աւերակ է . ուր եւ տեսանին հետք եկեղեցեաց եւ այլ շինուածոց :

23. Խոնան բերդ հնագոյն շինեալ ի խառնուրդս Կսիոյ ի Կուր, ի ծայր ցից քարի ի սահմանադուխս Հայոց, Վրաց եւ Աղվանից և անկեալ փոփոխակի ընդ իշխանութեամբ երեցուն ազգացս : Առ որով է դաշտ ընդարձակ նոյնպէս Խոնան կոչեցեալ : Վիրբ կոչեն զայն Խոնանի, եւս եւ Մտիսվարիս ցիխէ (բերդ Կուր գետոյ) զոր Վախթանգ ժամանակազիր շինեալ ասէ ի Քարթլոսէ՝ նախնւոյն իւրեանց : Յամին 1127 Իվանէ և Սմբատ Օրբէլեանք տիրեցին բերդիս յանուն արքային Վրաց . որ և անցեալ բազում անգամ ձեռաց ի ձեռս յամայութիւն դարձաւ . յորում և կայ ցայժմ :

24. Զիք առ Պարսս Խոսրով անուն Թագաւոր Քէրաւուս կոչեցեալ ոչ յառաջ քան զՔրիստոս եւ ոչ զկնի . յապացոյց որոյ յառաջ բերել կարեմք մատենագիրս յղով Յունաց, Հռոմայեցւոց, Քաղդէացւոց, Պարսից, Հայոց, և Արաբաց, զորս ածի ի հանդէս իստուգել զիրս : Յառասպելախառն պատմութեան ցեղին Կայանեան նշմարի Քայ-Քայուս ոմն (այլ ոչ Խոսրով) իբր 600 ամօք նախ քան զՔրիստոս յաջորդեալ Քայ-Քօբաբայ եւ յաղթեալ դիւաց Մաղանդարանի ձեռնտուութեամբ Ռօստամայ . ապա որդին իւր Սիավէք և Քայ-Խօսրու որ համարի Կիւրոսն Յունաց, առ որով եկաց Զերդուշտ կամ Զրադաշտ մոգ : Իսկ այլ Խոսրով անուն Թագաւորք Պարսից, են իցեղէ Սասանեան և նորա,

գոյն ժամանակաւ, որպէս մեծն Խոսրով (531), Խոսրով Բ. (590) Խոսրով Գ. (622) : Ստեփաննոս ի պատմեւն զկոտորած ազգին իւրոյ ի Վրաց յարմի 1178 յաւելու « Թէ ի գալստենէ նոցա ի Ճենաց աշխարհէն մինչև ցայն վայր, Թուի Թէ աւելի քան զ1000 ամէր » : Ըստ որոյ և գալուստ նախնւոյն Օրբէլեանց ի Վիրս հանդիպի առ ժամանակօք ծննդեան Քրիստոսի, որով եւ յերևան գայ հակախօսութիւն Օրբէլեանին :

25. Թագաւորական կոչումն հնագոյն եւս երևի ի Վիրս քան որպէս կարծէ Ստեփաննոս Օրբէլեան եւ այլք ի ժամանակագրաց Վրաց : Յապացոյց ասացելոցս են նախ՝ դրամք նախնի Թագաւորաց ազգին այնմիկ և վկայութիւնք հայ, յոյն եւ հռոմայեցի մատենագրաց. յորոց Մխիթար Անեցի տասն Թագաւորս Վրաց Թուէ նախ քան զՔրիստոս, և 24՝ նախքան զՄիհրան (յոմանց յանհմուտ արանց Մերվան կոչեցեալ) զոր հաւատաց ի Քրիստոս առ Սուրբ Լուսաւորչաւ մերով : Կոստանդիանոս ծիրանածին զարքայս Վրաց համարի ծնեալ յՈւրիայէ՝ կնոջ Դաւթի. և Դեզին (Desguignes), Գիւլդենշտեդ (Guldenstaedt's), Կլապրոթ (Klaproth) և այլք Թուեն 120 Թագաւորս Վրաց յանուանէ, յորս երևելի են Արտակ, Դաշի, Բագուր, Միհրան (Միրվան), Լաւուրսափ, Վախթանգ, Փառնսվազ, որ Թագաւորեաց իբր 300 ամօք նախ քան զՔրիստոս. և Ադերկի՝ մին ի յաջորդաց նորուն, որ բաժանեաց զՔարթվէլ (այսպէս կոչի Վրաստան առ բնակս երկրին) ի տէրութիւնս Արմաղելայ եւ Մցխիթայ : Իսկ Տանու-

տէր պատուանունն, որով կոչէ Օրբէլեանն զիշխանս աշխարհիս, է թարգմանութիւն մաւնաւախի բառին Վրաց :

26. Զիք Արրետոն անուն թագաւոր առ Պարսիկս, ոչ առ Հինս, ոչ առ նորս. սմին իրի եթէ չիցէ այս աղճատեալն Փերիդոնի (Féridoun), զոր Վախ թանգ ժամանակագիրն Աֆրեդոն կոչէ, մտացածին իմն համարելի է : Տէսի Տիեզերական պատմութեանն. Կեսարու Կանտիւ . Հ. Բ. եր. 10 :

27. Զաշխարհն Խալանդրաց եղ Ստեփաննոս Օրբէլեան ի Գլուխն ԿԵ ի դաշտին Խաղրաց ասելով « յաշխարհն Խաղրաց զոր այժմ Խիչախք կոչեն » . որ գոլով ի հիւսիսոյ Կովկասու ձգի ընդ մէջ Դօն եւ Տերեկ գետոց եւ զկրկին ափամբք Վօլգայի, յայժմեան կայսերութեան Ռոսաց : Իսկ արդ տեղափոխեալ զայն նահանգ յարեւելս կոյս տարեալ զնէ ի սահմանակցութեան կայսերութեան Զինաց . եւ ձգի, ասէ « երկայնութեամբ մինչև ցեմաւոն լեառն » (ի ժամանակի զօրանալոյ Թաթարաց . եւ ոչ յառաջն) : Եղիշէ յիշէ եւ ժողովուրդ ինչ Խալանդրացոց, յորոց հանին Պարսք զՀոնս ի հինգերորդ դարու առ ի կռուել ընդ Աղվանից :

28. Ի ժամանակի գաղթականութեան Զինացս այսինքն յաւուրս թագաւորացն Պարսից Քայ-Քայուսի եւ թոռին սորա Քայ-Խոսրույի այսինքն 600 ամօք յառաջ քան զՔրիստոս ոչ գոյր առ Յոյնս ինքնակալութիւն. այլ գերմակ պետութիւնք բոլորովին անծանօթ դրացի ազգաց, թո՛ղ թէ ճենաց :

29. Որպէս ասացաւ ի վեր անդր, բերդս այս ան-

ծանօթ էր նախնի Հայոց . իսկ ի վրայ կոչեցաւ միշտ Օրբէիսի եղաւ ի սահմանս Քարթլոսի այսինքն է ի Քարթվէլ և ոչ ի սահմանս Հայոց . և ազգն Օրբէլեանց ոչ երբէք իշխեաց ի Քարթվէլ . որոյ կալուածք իսկզբանէ և այսր տեսանին ի սահմանս Հախբատայ վանիցն : Աւերորդ համարլմ այսուհետև ժամավաճառ լինել առ ի բացատրել կամ միաբանել զայսօրի նախ հակասութիւնս :

30. Զի Ղեխթայ՝ Ղեխթիսայքն (Ղեխթ-Իմեր) Օրբէլեանի Սէն-Մարտէն թարգմանէ *ceux des Lezguis* (*Legkh'h*) *Lekhthisaïk'h*, և զիմաստ բանի հեղինակին թիւրեպէս կամ ոչ հասու լեպմոացն՝ հանէ ի Ղեզկեայ զազգն Ղեխթիսայց : Օրբէլեանն, որպէս է տեսանել յայս հատած բանի, ի թիւ արկանէ ոչ զգրացի ազգս . այլ զումնա յաւագագոյն տոհմից վրայ զորօրինակ զՄէթեուլն, զՄէփեուլն, ըզՄրաջուլն, զՋաւախուրն, զՆախեցիսն (Վախս), ի կարգս որոյ դատէ և զՂեխթիսայսն, ստուգարանելով ըստ չափու հմտութեան իւրոյ զծագումն նոցա, ամին իրի սխաղի Սէն-Մարտէն ի հանելն զՂեխթիմայսն Ղեզկեայ : Ղեխթ կոչէր լեառն որ բաժանէ ընդ Մինդրեղիս և ընդ Իմերեթ, և բնակիչք յետին դաւառիս կոչեցան Ղեխթ-Իմերք զորս Բագարատ արքայ բաժանեաց (1529) յերկա առաջնորդութիւնս, որ և բազում անգամ յիշատակի ի ժամանակագրութեան վրայ տպեալ ի *Brosset jeune*նէ . եր. 7 եւ 134 : Սխալի դարձեալ Սէն-Մարտէն ի կարծեւն թէ Հերիթթալն ոչ էր անուն իշխանական տոհմի այլ սլաշտաման . և բառս Հերիթթալ ոչ ըստ նորա նշա-

նակէ prince (իշխան) այլ՝ ազգապետ կամ ժողովրդապետ ելեալ յերիս-ժողովուրդ . եւ ի քալ-գլուխ բառից : Եթէ ի նախնուն լեալ իցէ առ Վիրս տոհմ ինչ այսպէս կոչեցեալ, պատմութիւնք նոցա ոչ ինչ խօսին : Այսչափ ինչ գիտեմք իրրեւ ստոյգ, թէ յամի 510 կայսրն Յուստիանոս կարգեաց զՕսն Ռօստով Հերիսթավ Կսանի յորում էին 37 աւանք, զոր յիշեն ընդ այլս նաեւ *Güldenstaedt's et Bechreibourg*, եր. 71. տպ. Կլապրոթի, ևս և ի ժամանակագրութեան Վրաց . եր. 21, 34, 68, 84, իսկ եր. 18, 67, 79, 84, ոչ իրրեւ անուն պաշտաման յիշի Հերիսթավ . այլ իբր տոհմանուն, որպէս է տեսանել և առ մեօք զսերունդս այսր ցեղի նովին կոչմամբ ի Թիֆլիզ և այլուր բնակեալ :

31. Վախթանգ ժամանակագիրն ևս համարի ըզՓառնավազ առաջին թագաւոր Վրաց, որ չերեւի մեզ հաւանական . բայց եթէ համարիցի ոք զնա յայլմէ *ճոխութեան* : Տե՛ս ի ծանօթութիւնն 25 :

32. Քարթլիս ցխորեբայն ոչ է ժամանակագրութիւն . այլ կենցաղ կամ պատմութիւն Վրաց . այլ թէ որոյ հեղինակի արարեալ իցէ զայն, ոչ գիտեմ : Գրականութիւն Վրաց յոյժ աղքատ է արդեամբք գրչի, մանաւանդ պատմականօք : Վախթանգայն և անանուն ժամանակագրութիւնն թարգմանեալ ի կրսեր Բրօսսէէ յետոյ են ժամանակաւ, և ոչ այնչափ ինչ հաւատարմութեան արժանիք . եւ որ առ իս գտանի ի լեզու հայկական, անանուն է եւ երրորդ մասամբ առասպելախօս, եւ գրեալ, որպէս երեւի, ի 12երորդ դարուն :

33. Մխիթար Անեցի անուամբ պատմիչ յիշատա-
կեալ նաեւ ի Վարդանայ Բարձրերդցւոյ և յայլոյ,
չանկաւ երբէք ի ձեռս իմ. իսկ գաւաղանադրութիւն
Մխիթարայ Այրիվանեցւոյ, որ անդրանիկ է ժամու-
նակաւ քան զՕրբէլեանն, ոչ ինչ խօտի վայսմ ցեղէ :
ՅԱյրիվանեցւոյն ընդ այլ պատմադիրս յիշատակի
նաեւ Մխիթար քահանայ, որ նոյն երեւի ընդ յիշա-
տակելոյն յՕրբէլեանն :

34. Ի Թուին Հայոց 498 իշխէր ի Վանանդ կամ
ի բերդին Կարուց Պազիկ որ, հայեցեալ ի փոքրիւ-
թիւն գաւառաց իւրոց, հաղիւ թէ արժանի էր կոչման
Թագաւորի, թո՛ղ թէ Շահանշահի, յոր անուն պեր-
ճացան իրաւամբ ոմանք իպսակաւորաց մերոց Բազ-
րատունեացն Անոյ :

35. Ճոխարանութիւն Օրբէլեանին ոչ այնչափ
յտուողութիւն իրին, Թուի, հայեւորչափ ի պարծանս
իւրոց տոհմին : Հայտատան, որում յոյժ առատաբար
բաշխեալ էր երկինք հանքս երկաթոյ ի պաշտպանու-
թիւն ազատութեան աշխարհին, ի վաղուց անտի
խտորեալ ի շաւղաց առաքինութեան իւրոց փա-
ռաւոր նախնեաց, զտւր եւ զգեղարդ փոխեալ էր ի
խոտի և ի չղթաց և բողբոմ անգամ աղաչանօք ինդ-
րեալ ի Պարսիկ շահից ի բաց առնուլ զանձնիշխա-
նութիւն իւր և տալ փոխանակ զլսծ գերութեան :
Սմին իրի և դաշտք մերոց աշխարհին եղեալ ի հերոն
հետէ տապարէզ քաջութեան մանկանց օտարաց :
Ներկոյ արչաւանքս Սալջուկեանց չէր նոր իմն և ոչ
իսկ հայէր ի ջնջումն Քրիստոնէութեան ըստ Օրբէ-
լեանի . այլ առ խտանալ գեղանի հայրենիս յերկրի
Հատ. Բ :

աստ նախ քան զժառանգելն զվերինն : Կեդրենոս՝
յոյն կրօնաւոր, եւ մատենագիր ժամանակակից,
Մատթէոս Ուռհայեցի մերազնեայ, և Իմն-Ալաթիր
Արարի՝ Քամելալ-Թեվարիի գիրան իւր տարբերին
բազմօք յՕրբէլեանէն ի վեր հանելով միանգամայն և
զանհաւատարմութիւն նորա : Արդ ըստ նոցա նախ
Խոռտուրիչ, հրամանաւ Տօղրուլ-բէկի, արչաւեալ ի
Միջագետս, յիշխանութիւնս Արաբայ՝ հարաւ ի
նոցունց, եւ ի յետս ընկրկիլն ընդ Վասպուրական ի
Պարսս կրեայ նեղութիւն անբաւ ի Յունաց որ անդ :
Տօղրուլ-բէկ, առ ի խնդրել զվրէժ չարեացս առաքեաց
զթոռն իւր Հասան կամ Արսլան խուն սուրել ըզ
Հայս. որ և սպանաւ և զօրն իւր կատորեցաւ : Ահա
ւասիկ համառօտ զրոյցք արչաւանիս : Վեստն Ահարոն
Բուլղար՝ կուսակալ Վանայ, տեսեալ զբազմութիւն
Թուրքաց՝ ոչ համարձակեցաւ ելանել ի ճակատ, եւ
ի ձեռն հրեշտակաց հրաւիրեաց զՎեստն Կատու
կալան՝ իշխան Անոյ, գալ ի թիկունս իւր : Երկօրին
զօրավարքս միաբան խորհրդով սրաչեցին լքանել
զբանակ իւրեանց լի անհուն կարասեօք և պաշարօք
և դարան գործել Թուրքաց, որք իբրեւ տեսին զբա
նակն անտէր՝ համարեցան զՅոյնս մատնեալ ի վա
խուստ, և խնրեանք զհետ եղեն անհոգութեամբ մե
ծաւ գործել կողոպուտ : Յոյնք, որ զխտէին զանկարգ
հրոսակն Թուրքաց՝ ելին յորձից իւրեանց, և կար
գաւորեալ մարտիօր վազեցին ի վերայ : Արսլան եւ
որք ընդ նմայն բաջք ամենայն Թուրքաց անկան ի
սուր անողորմ. եւ սակաւք ոմանք մաղապուր վա
խեան՝ ի լերինս Պարսկահայոց առաստանեալ : Տօղ-

րուլ-բէկ թէև յոյժ վշտացաւ ընդ կոտորած զօրուն իւրոյ . այլ ոչ վհատեցաւ . և զհետ եղև կազմել բանակ նոր ի Դելիմաց, ի Կաբիրաց, ի Թուրքաց եւ ի Պարսից Խորասանի . եւ զօրավար նոցա կացուցեալ զԽբրահիմ-Ինալ՝ եղբայր իւր՝ խսրդ , առաքեաց ի Հայս յամի 1049 : Կատակալան կամեցաւ խաղալ ընդդէմ թ շնամուղն և տալ ճակատ արտաքոյ սահմանաց կայսերութեան Յունաց . Ահարոն, ընդհակառակն , հայեցեալ ի սակաւութիւն զնդի քրիստոնէիցն՝ խորհուրդ ետ ամրացուցանել զքաղաքս աչ խարհին Հայոց եւ նստեալ ի լերինս Վրաց խնդրել զօր ի կայսերէն, որ եւ հրաման ետ Վիսարտի զխմել յօգն զօրավարաց իւրոց :

36. Պատմիչք Յունաց, ըստ իմ զխտելոյ, ոչ խօսին ամենեւին զԱլմիսենտան Տրապիզւնի, որ եկն յօգնութիւն Ահարոնի եւ Կատակալանայ . իսկ ի մերոյս Մատթէոս Ուռհայեցի ի 498 թուին Հայոց, և Սըմբատ սպարապետ . եր. 66-67 ընդ այլս յիշատակեն զԳրիգոր Պահլավունի Մագիստրոս (զուքս Միջագետաց), զԱլմիսենտան կոչեն Կամեն և զՎիսարտիսն ասեն եղբայր Ռատին կամ Ռենադտին և Զոյատին ի Վրացի աղգէ, այլք ևս՝ թաղաւոր Ալիսազաց, որ ոչ յիշի առ Օրբէլեանի : Իցէ՞ Կամենս աղճատութիւն Կեկամենաս (սցրեալ) մականուանն Կատակալանի, կամ Նիկեփոր Կամիսենն որ սակաւ մի յառաջն եկաց կատասպան վաստիւրականի, կամ Խահակ Կոմիսենն որ ի Ժամանակին յայնմիկ էր ստորափեղարք կամ բանակապետ, որ յամի 1057 եւ յաթոս կայսերութեան Յունաց :

37. Դաւիթս այս էր արքայ Վրաց, եւ առաջին ըստ կարգի անուան. իսկ Գագիկն էր Թագաւոր Հայոց Վանանդայ :

38. ԶԼիսլարիտէս, զոր Ստեփաննոս կոչէ Օրբէլեան եւ ասէ մեռեալ ի ճակատուն, բազում են որ խօսին ի մերոց եւ յօտար մատենագրաց . եւ ամենեքեան համարին զնա մատնութեամբ Յունաց գերի անկեալ ի ձեռս Թուրքաց : Մատթէոս Ուռհայեցի յաւելու թէ եկաց Լիսլարիտն ամս երկու եւ կէս ի գերութեան եւ ասլա ազատեալ դարձաւ ի Կոստանդնուպօլիս եւ անտի՝ յաշխարհ ծննդեան իւրոյ : Կեդրենոս՝ յոյն արեգայ, Աբու'լ-Փարաջ Ասորի եւ Իբն-Ալթիի զնոյն բան կրկնեն : Տե՛ս *mémoires sur l'Arménie*. Բ. եր. 209-218 : Որոց վկայութիւն ընդունական թուի յայսմ մասին յաչս ողջամիտ քննչի քան թէ Ստեփաննոսին Օրբէլեան որ գիտէ մարտիրոս հանդիսացուցանել զԼիսլարիտ : Ըստ սլատմելոյ Կեդրենոսի Բագարատ՝ արքայն Վրաց, առակեալ էր զկին Լիսլարտի, որում վրէժխնդիր եղեւ սա նովին անարդանօք . եւ ասլա միջնորդութեամբ կայսերն հաշտութիւն արարեալ՝ առեալ էր ի կալուած զՄոսքիկեան գաւառն. եւ Իվանէ՝ որդին իւր, կացուցեալ դուքս Տարօնոյ, որ եւ ի սակս չարագործութեանց իւրոց մատնիչ կոչեցաւ (տե՛ս Զամչ. պատմ. Հայոց . Բ. եր. 962-963 : Սամուէլ Անեցի ի 1083 ամին ասէ ըզ Լիսլարիտայ տաճկացեալ. իցէ՞ այս Լիսլարիտս զորմէ է բանս կամ այլ ոք յազգէ սորա, այլում թողում ժամանակի եւ տեղոյ :

39. « Իսկ ի զօրացն արքունի էառ զտասն հազար

այր » **Թարգմանէ Սէն-Մարտէն** « il prit encore avec lui dix mille hommes de troupes arméniennes »
 զարքունին Հայիւ բացատրեալ Համարելով զայնս
 Գազկայ տուեալ և ոչ արքային Վրաց : Յանկադի
 էր մեզ յոյժ զխտել զազրիւրն զիւտիս :

40. Յետ բազում անգամ պարծելոյ Սէն-Մար-
 տէնի թէ սրբազրեալ է զընագիր իւր, զխառնեցանն
 զրէ խարնեցան . ըստ որոյ ինքն ևս ոչ պակաս սըր-
 բազրութեան կարօտ երևի քան նախորդն իւր :

41. Որդրու զիւղն, զոր պոռոտախօս յոյն արեղայն
 Կեդրենոս անուանէ Osourtrou (*mémoires sur l'Ar-
 ménie*, t. II, p. 204.) եւ զոր ունին մեր օրինակը
 սրատմութեան Օրբէլեանի ողջ, պակասի առ Սէն-
 Մարտէնի, որոյ զանցառութիւնն կարի ծանր թուի
 իբրեւ անուան տեղւոյն ուր մղեցաւ նշանաւոր ճա-
 կատս ընդ մէջ Բրիտտոնէից և Մահմետականաց :

42 և 43. Զջրտուս եւ զզինաքաղս Օրբէլեանի
 Թարգմանէ Սէն-Մարտէն « qui leur semblaient
 être un fleuve débordé ou plutôt un seul amas
 d'armes » եւ չարաչար սխալի . իբր զի ջրտուք եւ
 զինաքաղք էին առանձին ջուր ի բանակս Բիւզանդա-
 ցւոց, առաջինքն կարգեալք ի մատակարարել զօրուն
 ջուր ի ժամ մարտին, երկրորդքն առի ժողովել զէնս
 անկերոցն ի մարտի :

44. Զճաւճ նիզակիկն Թարգմանէ Սէն-Մարտէն
 petite lance, և սխալի . վրան զի ճօճ flexible կամ
 կակուղ բուն նիզակին նշանակէ, որալիս են արդարեւ
 ցայսօր ժամանակի եղեգնեաց բունք նիզակաց
 Բրդաց :

45. Զոսկեկուռն Սէն-Մարտէն թարգմանէ do-
rée, որ նշանակէ ոսկեզօծ. եւ սխալի. իբր զի ոսկե-
կուռն ոչ այլ ինչ նշանակէ բաց եթէ d'or massif,
կամ fait d'or massif.

46. ԶԼիպարիտն Ափխազաց գրէ Սէն-Մարտէն
Լիպարիտ Տփխիսայ եւ սխալի. իբր զի յայնժամ
Թիֆլիզ տակաւին էր ի ձեռս Տաճկաց եւ նուաճեալ
ընդ իշխանութեամբ հայ թագաւորաց Կորիկէից .
Չամչ. պատմութիւն Հայոց. Բ. եր. 873: Եւ թա-
գաւորք Վրաց նստէին ի կողմանս Իմերեթիոյ եւ
անուանէին հասարակապէս թագաւորք Ափխազաց.
որպէս է տեսանել նաև ի mémoires sur l'Arménie.
II. եր. 215 և 229. և Կեգրենոս Բ. եր. 718 և 761 :

47. Ալիաւանն մատենագրաց մերոց է անշուշտ
Ալա-Արաւանն Սալջուկեան՝ եղբայր և յաջորդ Տօղ-
րուլ-բէկի, որ յետ առաջնորդութեամբ Թուխթեն
Թուրքմանի ողողելոյ արեամբ զԱլվանս, զՎիրս և
զԱխաբաղաբ, պաշարեաց և ա՛ռ զԱնի յամին 1064
ի Յունաց. եւ ի հարկի կացուցեալ զԿորիկէ՝ որդին
Դաւթի անհողին ի լօրի, և զԲազարատ՝ Ափխազաց,
առնելով միանգամայն զառաջնոյն զդուստր և զերկ-
րորդին զքեռ դուստրն իկնութիւն՝ դարձաւ յաղթա-
կան փառօք յԱսպահան հանդերձ Մէլիքշահ՝ որդւով
իւրով և Նեղամ-Ալմուկ վզուրկաւ :

48. Ո՞ւր էր վանքն Բեթանիա, ի Հայաստա՞ն
թէ ի Վիրս. Օրբէլեանն միայն յիշէ զայն առանց
ցուցանելոյ զտեղին. այլ պատմագիրք մեր լռեն
զայնմանէ : Եւ եւս հայեցեալ ի հոնդամանս ԺԱ.
դարուն ոչ միայն անհաւանական համարիմ զրնա-

կենցեղին Օրբէլեանց առ Օրբէթաւ ի Սօմխէթի որ
էր առ հասարակ ընդ Կորիկեան Հայ թագաւորօր,
նաեւ ոչ ընդունիմ ունել նոցա անդէն շիրիմ տոհմային : Յօլսէի-Նիկողայոս Դըլիզլ հրատարակեաց
յամի 1766 զաշխարհացոյց ինչ Վրաստանի յորում
տեսանի յարեւմտից Թիֆլիզոյ Բետանիա անուամբ
տեղի ինչ, զոր եւ Սէն-Մարտէն նոյնացուցանէ
ընդ գերեզմանատան Օրբէլեանց :

49. « Ի ժամ ճաշոյն առանձին նստել ի բազմա-
կանացի » թարգմանէ Սէն-Մարտէն « dans les fes-
tins, ils avaient seuls le droit de se placer sur les
lits » : Յայսմ եւ ի նման խանդարմունս իմաստից
բնագրին Սէն-Մարտէն զթերութիւն հայադխտու-
թեան իւրոյ չարիւն ինքնահնար գիւտիւք. վասնզի
բնագրին ոչ այլ իմաստս ընծայեցուցանէ աստանօր
քան եթէ իշխանք Օրբէլեան յառանձին սեղանի ու-
տէին, որսիսի է ցայսօր ժամանակի սովորութիւն
արքայից եւ արքայազանց Պարսից :

50. Յապացոյց ասացելոյս ի ծանօթ. 46 յիշե-
ցուցանեմք աստանօր դարձեալ թէ մինչ ցԳաւիթ
նորոգիչն Թիֆլիզ ոչ էր սու Վրացիս, ուստի եւ Լի-
սարիոն չկարէր կոչիլ Լիսարիտ Տիդիսայ այլ
Ափխազայ : Գաւիթ նորոգիչն, զոր Սէն-Մարտէն
կոչէ Բ. Frédéric Dubois de Montpéreux, ի ճանա-
պարհորդութեան իւրում շուրջ զԿովկասաւ, եւ այլք
կոչեն Գ. եւ. ասեն զնմանէ թագաւորեալ ի 1089-
ց1130 ամ Տեառն. ազատեաց զՎիրս իւրոյ Պարսից
եւ Թուրքաց եւ ասպատակեաց ի Կարսըս, ի Գար-
բանդ, ի Շիրվան, ի Սօմխէթ : Բնակիչք Անույ

ձանճրացեալ յայլազգի քաղաքատէն իւրեանց՝ ետուն կամաւ զքաղաքն իձեռս սորա ի 1124. Այս պրօթ բազում ինչ անստոյգ պատմէ զսմանէ : Սատարաւ ի Գանձակայ (Երիսավեթօպօլ) զերկաթաւ կուռ դրունս քաղաքին ի վանս Գենաթի յետ կործանման այնորիկ շարժիւ : Զայսմանէ խօսել ունիմ այլուր :

51. Սէն-Մարտէն « զԱգարակն ի տեղի դարբասի » թարգմանէ « une plaine du côté de Darbas, դարաբասն առնելով յատուկ անուն եւ զԱգարակն՝ դաշտ, որ ոչ երբէք անց ընդ միտս Օրբէլեանին . մեք, ընդ հակառակն կարծեմք . թէ դարաբասն նշանակէր առ Հայս ԺԲ-ԺԳ դարուց պարզապէս ապարանք կամ պալատ . եւ իշխան իւրաքանչիւր, նաեւ Քահանայապետք Հայոց ունէին յայլ եւ այլ քաղաքս կամ աւանս զդարբաս իւրեանց : Ագարակն աւան թուի նոյն լինել որ յիշատակի յարձանագիրս Սանահնի . եր. 31. Ճանապարհորդութիւն իմեծն Հայս. Սարգիս վ. Զաւալեանց :

52. Դեմետրէ եւ յաթոռ տէրութեան հօր իւրոյ յամի 1130, ընդարձակէ զսահմանս տէրութեան իւրոյ օժանդակութեամբ Օրբէլեանց, եւ ապա կրօնաւորեալ մեռանի ըստ Ապպրօթի ի 1150, ըստ Սամուէլի անեցւոյ ի 1156, եւ ըստ Օրբէլեանի ի 1159 : Առ սովաւ ի վանէ Ապուլեթեանն քաջացեալ հարկանէ զՓատլուն հանդէպ Անուոյ ի 1131 եւ սատարութեամբ հօր իւրոյ առնու զԴմանիս . հարկանի ի Կուզ Ամիրայէ ի 1136, եւ ի Խարանգուրայ ի 1145. եւ սպանանի ի Դեմետրէէ ի 1147 : Դեմե-

տրէ եւս հարկանէ զԽարասնգուր աթաբէկն ի 1131 եւ զՍալթուխն՝ սուլտան Կարնոյ, ի 1156 ի դուռն Անւոյ :

53. Գենաթ որոյ ռամկաւանն է Գելաթի կամ Գելաթ, է մեծանուն վանք յիմերէթ առ կարմիրն կոչեցեալ գետակաւ յելից Քուլթայիս քաղաքի հան, դերձ երկւք եկեղեցեօք, գրատամբ եւ շիրմօք թա, գաւորաց Վրաց : Յոմանց համարի շինեալ սա ի Դաւթայ Նորոգողէ յելս մետասաներորդ դարուն, յայլոց՝ կանխագոյն քան զնա. կաթողիկէ եկեղեցին է նուիրեալ ամենասուրբ Կուսին, որոյ փառաւոր գմբէթն զարդարեալ է իներքուտ բիւզանդեան միւ, սիոնիւ յոսկի յատակի, ունելով պատկերս թագաւորաց ոմանց աշխարհին : Գամբայ, Փրեդերիկ Դիւբուայ դը Մօնպերեօյ, Կրսերն Բրոսսէ եւ այլ բազում արք հոյակապք միաբան վրայեն թէ երկաթի դուռն որ գտանի յայս մենաստան, բերեալ է ի Դարբանդայ ի ձեռն արքային Դաւթի Բ. ի դարձին յարչաւանաց իւրոց . այլ Քիւֆի տառիւք արձանագրութիւն նորա և վկայութիւն ժամանակակից պատմագրին Հայոց Աիրակոս վ. Գանձակեցւոյ, ջրեն զկարծիս զայս և ակներե ցուցանեն թէ փեղկն այն երկաթի ոչ ի Դարբանդայ եկեալ է, ոչ ի Պարտաւայ եւ ոչ յԱնւոյ. այլ ուղղակի ի Գանձակայ յետ կոր, ծանմանն այնորիկ շարժիւ : Կարդասցուք նախ զարձանագիրն, որ է հետեւեալս թարգմանեալ ի Ֆրահնայ եւ հրատարակեալ ի 1836 ի Սանկտ-Պետերբուրգ՝ մայրաքաղաքի Ռուսաց : « Յանուն Աստուծոյ ողորմածի եւ ամենաբարւոյ, Էմիր եւ

Սէյդ փառաւոր Սավեր՝ (Սվար) որդի էլ-Ֆազլի (Փատլուն) (զորոյ Աստուած պահեսնցէ զտէրու-
թիւնն) տէր մեր, հրամայեաց մեզ շինել զբուրս ընդ
վերակացութեամբ իմաստնոյն Աբուլ-Փարաջի
Մուհամմեդի՝ որդւոյ Աբդուլլահի (որում տացէ՝
միշտ Աստուած յաջողութիւն) : Դուռս այս կու-
նեցաւ իձեռն Իբրա(հիմի)՝ որդւոյ Օսմանայ, որ-
դւոյ Անգվէյհայ, դարբնի, յամին 455 (հիջրեթի) » :
Ըստ Գեհերիզատի աւասիկ եւ ազգաբանութիւն
Chavir-ben-el-Fazli յորմէ Հայք արարին Աբուլ-
Սվար. որ և էր իցեղէն Բենու-Շեդդադայ, կամ ըստ
մերոց, Շատատիկեան որոց իշխանութիւն համարի
տեւեալ ամս 128 (951-1076) :

Մուհամմեդ-Բեն Շեդդադ իշխեալ յամին Հիջ-
րեթի 340 (951), Աբուլ-Հասան-Ալի Ա. Մեր-
զբան՝ եղբայր նորա. Ֆազլ (Փատլ) Ա. նոյնպէս
եղբայր Ալոյ Ա. Աբուլֆետ Մուսա՝ եղբայր վեր-
նոյն. Ալի Բ՝ որդի Մուսայի. Աիւշերվան՝ որդի
Ալոյ Բ. Սավեր-բեն-էլ-Ֆազլի (Աբուլ-Սվար) յիշա-
տակեալն յարձանագրութեան. Ֆազլ Բ՝ որդի վեր-
նոյն. Ֆազլուն՝ (Փատլուն) որդի Ֆազլի Բ : Յետ
արձանագրութեանս Գիւրուայ դը Մօնպերեոյ յա-
ւելու թէ ըստ Գերբէնդ-Նամէի (պատմութիւն
Դարբանդայ) ի ժամանակի շինութեան դռանս,
այսինքն է ի միջոցի 1036-1064 ամաց, ի Դարբանդ
իշխէր ոչ Սավեր-բեն-էլ-Ֆազլի. այլ Աբդուլ-Մե-
լիք-բեն-Մանսուր-բեն-Մէյմուն. յետ որոյ Զուջան
ոմն խռովեաց զերկիրն : Շեդդադ կոչեցեալն ի
Ֆրահնայ է, անտարակոյս, Շատատիկեան ցեղն որ

ըստ Վարդանայ և Ուռհայեցւոյն տիրեցին ի Գանձակ սկսեալ ի մտից ԺԱ. երորդ դարուն ցեւ ժԲ. երորդին, և բարձան ըստ Սամուէլի Անեցւոյ յամի 1190 յորում Բուղան՝ զօրապետն Մէլիբ-շահի, կալեալ զլէրջին Փատուոնն կամ Ֆազլուն՝ առաքեալ առ արքայն Պարսից, և ինքն տիրեալ Գանձակայ։ Չամչ. ի պատմութեան Հայոց. Բ. եր. 1045. առեալ ի Մխիթարայ Անեցւոյ՝ յիշատակէ զմանա յիշխանայ այսր ցեղի, իմա զԱյ-Աղիզ (Այի-Աղիզ), Պարզուան (Մերգերան), Լէքարի Փատուոն (Ֆազլուն) որ և տիրեալ սակաւ մի Դմնայ, Ղարարազի եւ այլ մերձաւոր դաւառայն։ Գիւրուայ ընդ վայր թարթալի այսր անդր առ իգիւտ Արուստար անուան, զոր Սմբատայ սարապետի (տպեալ իմէնջ) եր. 54-55. տարեղիրքն ընծայեն Ապուստար անուամբ, ևս և Չամչ. պատմութիւնն Հայոց, Բ. եր. 873. 913. ըստ որոց Գաւիթ Անհողին՝ թաղաւոր Սոմսէթի եւ Աղլանից, եհար զՓատուոն ամիրայն Գանձակայ յամի 989. և յամի 1036 զԱրուստար (որ տիրէր միանգամայն Դմնայ և Գանձակայ)։ Իսկ Կիրակոս վ. Գանձակեցի յաղագս յիշեալ դրանցն. եր. 65. սցալէս խօսի « ի 588 (1040) թուականին եղև չարժ սաստիկ . եւ կործանեցաւ քաղաքն Գանձակ, եւ եկն թաղաւորն վրաց Դեմետրէ՝ հայրն Դաւթի եւ Գէորգեայ. եւ տարաւ զղրաւս քաղաքին յախարհն իւր » . զոր եւ կրկնէ յեր. 116. սցալէս խօսելով « ընդ աւուրսն ընդ այնոսիկ (1040) եղև չարժ ահադին. և կործանեցաւ մայրաքաղաքն Գանձակ... և եկն թաղաւորն վրաց Դեմետրէ. և

յաւարի էառ զամենայն ինչսն . տարաւ եւ գորունս քաղաքին յիւր աշխարհն » :

54. Ըստ Ստեփաննոսի Օրբէլեան, Կիրակոս վ. Գանձակեցւոյ . եր . 94 եւ Սամուէլի Անեցւոյ Գէորգ Գ. կամ Գէորգի, ըստ արտասանութեան Վրաց, էր եղբայր Դաւթի Գ. սակաւակեցի (2 ամ թագաւորեաց) որդւոյ Դեմետրեայ, եւ համարի նստեալ յաթոռ յամին 1157 : Զսա Կլապրոթ համարի որդի եւ յաջորդ Դաւթի Գ. եւ Սէն-Մարտէն ասէ թագաւորեալ յամի 1150 : Ի 1161 ամի իմուտս Օգոստոսի ա՛ռ սա վերստին զԱնի եւ եհար զԱօքման Շահի-Աբմէնն Խլաթայ (զոր Կլապրոթ վրիպեալ կոչէ Շահրիար՝ սուլտան Պարսից,) գերի վարեալ անձինս 23,000 եւ կոտորեալ զբազումս ըստ Միխայէլի Ասորւոյ եւ Սամուէլի : Ի հետեւեալ ամին ա՛ռ սա զԴավին եւ գերեաց անձինս 60,000 :

55. Յաղթութիւնս այս նոյն է ընդ վերնոյն, եւ զոր ինչ Սամուէլ Անեցի՝ ականատես վկայ, Միխայէլ Ասորի եւ Իբն-Ալաթիր Գէորգեայ Գ. ընծայեն պանծալի քաջութիւնս, զնոյնս Ստեփաննոս Օրբէլեան իւրում ազգակցին Իվանէի տայ . և պատճառն չէ տարակուսելի ինչ : Գտանի այլ իմն տարաձայնութիւն ընդ երեքին մատենագիրս . իբր զի երկոքին առաջինքն զթիւ զօրուն Շահի-Աբմէնին Աօքմանայ հասուցանեն յ80,000. զոր կիսէ Օրբէլեանն իջուցանելով ի40,000 : Իսկ յազագս պատերազմին Իվանէի ընդ Շէմս-էդ-Դին Ելտկուզի եւ յաղթութեանն զոր կալաւ, ինքն միայն եւ Զամչեան Հ. Մ.

խօսին. իսկ այլ ամենայն պատմագիրք՝ բրիտոնեայ և մահմետական զընդհակառակն սրատմեն. յորոց նախ Սամուէլ Անեցիականատես գրէ թէ ի 1163 Եւթոկուզն այրէ զԱշնակ 5,000 բնակչօք. հարկանէ զԳէորգի, և դառնայ բազում աւարաւ : Իբն-Ալթիբ, Միր, խոնդ և Աբուլֆեղայ միաձայն սրատմեն թէ. Շէմսէդ-Գին Եւթոկուզ՝ ամթարէկ Ատրպատականի, յորժամ լուաւ զառումն Գլինայ ի Գէորգեայ՝ արքայէ Վրաց, ժողովեաց զօրս 50,000 եւ առեալ զԱլան-Հահ (խորդ սրդին իւր), զՇահի-Արմէնն Խլաթայ (Սօքման), զՂարայ Սնգուր՝ Թաղաւորն Մարազայի, խազայ յառաջ եւ եհար զԳէորգի եւ ի փախուստ դարձոյց յամին 1163 :

56. Վիրք զԳէորգեայ մեռեալ ասեն յամի 1171. Օրբէլեան Թաղաւորեալ ասէ անդր քան զ1178 ամն. և իսմին ամի ջնջեալ զսղդ Օրբէլեանց ի Վրաստանէ, որ անհիմն երևի եւ առասպելք : Զամէն Հ. Մ. ուսեալ ի Վարդանայ ինայն վրիպակ անկեալ տեսանի. Պատմութիւն Հայոց. Գ. եր. 148 : Մեր ևս ոչ միայն ի 626 թուին Հայոց (1178 թուի Փրկչին) տեսանեմք զԽլանէ ճոխացեալ սպասաւարութեան պաշտօնիւ ի Վիրս. այլ եւ ի 632 (1184), որպէս է տեսանել իմի յարձանագրայն Սանահինի վանաց, որ սկսանի այսպէս « ի թուին Ուլ. ի Թաղաւորութեան Վրաց Գէորգէի եւ Օրբէլեան Խլանէ սպասաւարս, թոռն մեծին Խլանէ սպասաւարին եւ որդի Սմբատայ սպասաւարին, ըստ նախնեաց սովորութեան եկի ուխտ Սանահին սուրբ Աստուածածնիս » եւ այլն : Ճանապարհորդութիւն ի Մեծն

Հայս. Սարգիս Վ. Զաւարեանց. եր. 30 : Ի հաս-
տատութիւն բանիս զայս եւս ոչ աւելորդ համարիմ
ի մէջ ածել թէ Իվանէս (զորմէ Օրբէլեան ասէ
սպանեալ ի Գէորգեայ յամի 1178) էր տիրապէս
որդի Սմբատայ, եւ սա որդի Իվանէի, որպէս է տե-
սանել ի պատմութեան Սիսական նահանգին. եր. 125
եւ 128 ըստ մեր տպագրութեան : Այլ ոմն երեւի
միւս Իվանէն զորմէ յամին 1147 սպանեալ ասէ Սա-
մուէլ Անեցին ի Գեմետրեայ :

57. « Եւ Գէորգի կայ նստեալ ի Սախատէ » (որ
է անուն յատուկ եւ թուի լինել Սոմխէթ, կամ
Սակտրեօնի կամ Սխերթայ) Սէն-Մարտէն ոչ հա-
սու լեալ իմաստիցն՝ թարգմանէ այսպէս « *Géorge
est sans force avec un petit nombre de parti-
sans.* »

58. « ՅԱգարակն կոչեցեալ դարապասի » սա-
կաւ մի իվերոյ թարգմանէ Սէն-Մարտէն « *dans la
plaine nommée Darbas* ». աստ եւս « յԱգարակն
դարապաս » *dans la plaine de Darbas.* զԱգարակն
առեալ փոխան անդոյ. եւ զդարապասն որ է ապա-
րանք ըստ ոճոյ Օրբէլեանի, իբրեւ յատուկ անուն,
որ չէ այնպէս : Վասն զի զայս գիւղ բազում ան-
գամ նոյն հեղինակն կոչէ պարզապէս Ագարակ,
եր. 131 եւ այլուր : Ասացաք ըստ ոճոյ Օրբէլեանի,
որ եր. 177 այսպէս խօսի « վախճանի յիւրում դա-
րապասին յԱռիայ » եւս եւ. եր. 190 « եւ տուն
դարապասի հայրապետին » . յորոյ յայտ է թէ բուն
անուն գեղջն ոչ էր դարապաս. այլ Առիայ, Հռոմ.
կլայ. աստ եւս Ադարակ յոր անուն գտանին հա-

ընդհանուր չենք ի Հայս. ուստի եւ պարտ էր Թարգմանել « dans son palais d'Agarak » : Զայսմանէ խօսելոց եմք նաեւ այլուր : ԶԲարթիւ չէրիսթւ վայ տե՛ս իծանօթո՛թիւնն 30 :

59. Օրբէլեանն պնդէ աստուծոյ թէ Գէորդ Գ. առ ինուածել զԻվանէ Սմբատեանն կոչեաց ի թիկունս օղնականութեան զԽուսափար Խփչախն, որում եւ ետ ասէ եր. 136. զմեծ մասն կալուածոց Օրբէլեանց կարգելով միանգամայն ի սպասաւարութիւն Վրաց. այլ սակայն յորձանագրութեանց Սանահնի եւ այլ վանայն ուսանիմք թէ ի ՈԼ (1182), ի ՈԼԳ եւ ի ՈԼԶ աման ամիր սպասաւար տէրութեան Վրաց կարգեալ էր Սարգիս (Սրղութեանց) եւ որդիք իւր Զաքարէ եւ Իվանէ : Տէս եր. 31, 92 եւ 98. Ճանապարհորդութիւն ի Մեծն Հայս. Սարգիս վ. Զալվեանց :

60. « Իվերաց բերդին խիսար (պաշարումն) աւուրս 25 » ընթեռնու Սէն-Մարտէն « ի վերայ բերդին Հիսար զաւուրս՝ 25 » . որ ոչ կարացեալ խիստ առնուլ զխմատ հեղինակին՝ պարզեւ Հայաստանի բերդ իմն, զոր ի զուր խնդրէ ասլտ իծանօթութիւնան իւր առանց գտանելոց երբէք : Ղիւրին էր ապարէն գիտելթէ խիսար որ նոյնէ որ ինչսղար, ոչ նշանակէր բերդ իմն. այլ պարզապէս՝ պաշարումն, եթէ մտադրութեամբ ընթերցեալ էր զբանս հեղինակին : Որ եր. 131 պատմէ « զոր եւ լուեալ Իվանէի հորդեաց զամենայն ստացուածս իւր ի բերդն Շամչոյլտէ. յորում եւ կայր տուն գանձուց նոցա ի հին նախնեայն՝ լի անբաւ կարասեաւ, եւ կացոյց անդէն

բերդասլահս... եւ ինքն առեալ զգօրսն եւ զմեծա-
մեծ իշխանսն, որ առ նմին եւ զԴեմնայն. եւ զնայ
ի Լօռէ և ամրացաւ յոյժ... իսկ Թարգաւորն Գէորգի
եկեալ և ոչ գտաւ զնոսայՍ, գարակին. ապա նստեալ
իվերայ բերդին (Շամշոյլտի) խիսար զաւուրս 25.
և էառ զնա և կոտորեաց զպահակսն. և էառ յաւարի
գրազմութիւն գանձուց նոցա եւ զամենայն ստաց-
ուածս. եւ եկեալ բանակեցաւ շուրջ զԼօռէիւ » :
Յայտմանէ ականերու տեսանի թէ ոչ անդ եւ ոչ այլ-
ուր ոչ գոյր Հիսար անուն բերդ. ուստի և կարդալի
էր խիսար կամ սղար :

61. « Զհարկիբ » ընթեռնու Սէն-Մարտէն
« Հանգիստդ » եւ Թարգմանէ բնականաբար ի re-
pos. մեր օրինակք ունէին հարկիբ որ նշանակէ պաշ-
տօն, և լայնաբար՝ պատիւ, մեծարանք, որպէս և
իմաստ թղթակցութեանն պահանջէ :

62. Առ Սէն-Մարտէնի պակասին կարելոր տողքս
« Եւ զԴեմնայն որ փեսայացեալ էր Իվանէի, ըմբռ-
նեաց, եւ զաչսն ետ փորել եւ յերանացն յա-
պաւեղ » :

63. Տե՛ս իծանօթութիւնն 56 :

64. « Որպէս զշուն հաջեն » ընթեռնու Սէն-
Մարտէն « և ի զուրասեն » զոր ի Թարգմանութեանն
իսպառ այլայլէ գրելով այսպէս « mais ces discours
furent vains, parce qu'on savait qu'ils étaient en-
tièrement faux » փոխանակ գրելոյ que ces accu-
sations sont entièrement fausses, et qu'ils (les ac-
cusateurs) aboient comme des chiens.

65. « Զորոյ զգրկողացն եւ զգրկելոցն գատաւ տանն Աստուած տեսցէ յիւրում անաչառ դատաստանին » ընթեռնու Սէն-Մարտէն « զորոյ զգրկողացն եւ զգրկելոյ դատաստանն Աստուած գիտասցէ յիւրում անաչառ դատաստանին » իսկ թարգմանութիւնն անճոռնի ասէ « mais, au reste, Dieu jugera équitablement ceux qui les ont calomniés et ceux qui les ont trahis » փոխանակ գրելոյ պարզապէս Dieu rendra sa justice aux exacteurs et aux dépossédés dans son impartial jugement.

66. « Եւ արեան պարտքն մեր զուր երեւին զի զնոսա ընդ բռամբ ածից » ընթեռնու Սէն-Մարտէն « եւ արեանապարտքն մեր ուր երեւին, զի զնոսա ածից ընդ բռամբ » որոյ թարգմանութիւնն բոլորովին հակառակ է նաեւ իւրոյ ընթերցուածոյն :

67. ԶԳէորգեայ Գ. վախճանեալ ասէ ի թուին Հայոց 633 զոր Սէն-Մարտէն փոխարկեալ ի թիւ Փրկչին՝ դնէ ի 1184, զոր պարտ էր դնել ի 1185 : Լլապրօթ, Եւգենիոս եւ Վիրք, որպէս ասացաւ ի վեր անդր, դնեն զմահ թագաւորիս այսորիկ յամին 1171. Զամէն Ն. Մ. երիւք ամօք զկնի, այսինքն յամին 1184 : Մէք եւ, զհետ գնալով արձանագրութեանն Սանահնի վանաց, համարիմք զնա համաձայն Ստեփաննոսի Օրբէլեան վախճանեալ յամին Հայոց 633 (1185) տե՛ս եր. 27. Ճանապ. ի Մեծն Հայս. Սարգիս վ. Զալալեանց :

68. Թամար՝ դուստր Գէորգեայ Գ. Թագուհի Հատ. Բ :

մեծահանձար, խմաստուն եւ այրասիրտ, եղև արդարեւ փառք ազգին Վրաց . որոյ յաջորդեալ հօր իւրում յամին 1185 յաթոռ թագաւորութեան ընդարձակեաց զսահմանս սյնորիկ յամենայն կողմանց, ելից զաշխարհ իւր քաղաքօք, վանորէիւք եւ այլ կարեւոր շինուածօք, բազմամարդացոյց եւ փարթամացոյց զժողովուրդ իւր, պաշտպան հանդիսացաւ գրականութեան եւ սիրելի եղև հպատակաց իւրոց Վրաց եւ Հայոց առհասարակ : Առ սովաւ ծաղկեցաւ Շոտ Ռուստաւել, որ արար զպանծալի բանաստեղծութիւնն անուանեալ Մորթ ընձու :

Երկոքին հայազգի իշխանազուն եղբարքն Զաբարէ եւ Իվանէ կոչեցեալ, որդիք մեծին Սարգսի Արղութեանց, որոց թոռունք այժմ Երկայնարագուկ-Արղութեանց իշխանական պատուով ճոխացեալ բնակին ի Վիրս, եւ ազգականք նոցա Սարգիս եւ Զաբարէ յոյժ զօրավիգն եղեն ի պատերազմունս թագուհւոյն Թամարայ . եւ ամենայն յաղթութիւնք սորա գրեթէ ի ձեռս նոցա եւ զօրուն նոցա գործեցան, որպէս է տեսանել ի ժամանակակից պատմիչս : Ապերախտ Վրացիք ոչ պահեցին մեզ գէթ զթուական վախճանի նորա . որոյ պետութիւնն կոչեցաւ ոսկի դար մատենագրութեան, նոցա : Այլ սակայն յարձանագրութենէն Հարիճոյ սուրբ Աստուածածին եկեղեցւոյն տեսանեմք երկարեալ նորա իկեանս անդր քան զ1202 ամն, եւ տիրեալ ժամանակս սակաւ բովանդակ Ափխազիոյ, Իմերեթի, Քարթլելի, Կախսց աշխարհին և լեռնագաւառացն Կովկասու . երկիցս եհար զթուրքս և արչաւանս եղ

ի Տրապիզոն, ի Սինոպ, ի Պափղուգոնիա եւ յայլ ծովեղբերեոյ քաղաքս Պոնտոսի : Պզատոն Յօսսեւեան ի համառօտ սրատմութեան եկեղեցւոյ Վրաց զգահակալութիւն Թամարոյ գնէ ի 1174 եւ զմահն յառաջ քան զ1204 առանց ճշդիւ որոշելոյ զժամանակն : Իսկ Գէորգին, զորմէ ասէ Օրբէլեանն լինել որդի Ռուսայ Թագաւորի (ս՞ր Թագաւորի, յորո՞ւմ աշխարհի), համարի որդի Անդրէասայ Բօղօւլի բսկոյ (աստուածասէր), զոր թողեալ Թամար վերստին ամուսնացաւ ընդ Սօլանայ զոր Հենրի Բրեններ կոչէ Դաւիթ ասելով զնա գոլ որդի իշխանին Օսից : Արաքոթ յաւելու թէ էր նա իցեղէ Բագրատունեայ : Աիրակոս վ. Գանձակեցի. եր. 108. կոչէ զնա պարզապէս որդի Սօլանայ :

69. ԶՀերթն ընթեռնու Սէն-Մարտէն Հերոցին զմօտս ամեալ թէ՛ այսու անուամբ ոչ գոյր յԱրձախ, ի սահմանս Զարբրի, Գանձակայ եւ Շամքօրի այլ բերդ բայց եթէ Հերթ կամ Հերդ որ ունէր եւ դաւառ նոյնանուն. ուր ինոյն ժամանակս աստանդական Թափառէր կաթողիկոսն Աղլանից Ստեփաննոս : Աիրակոս վ. Գանձակեցի. եր. 105 :

70. Զարբերդն այժմեան է Զարբերդն առաջնոյ (սակս պատեալ գոլոյ իջուրց), եւ է բերդ նշանաւոր եւ զլուսի նոյնանուն գաւառակին ի Ղարաբաղ, անկանի ընդ մէջ Խաչէն եւ Գարգար գետոյ, ի հնումն կոչէր Միջնարձախ եւ փոքր Սիւնիք :

71. Այսորիկ երկիրք թէ եւ անուալ ասեն Վրաց ի ձեռաց Պարսից եւ Տաճկաց յամին 1212 . սակայն ոչ առան ի միում տարւոջ եւ ոչ իսկ մնացին ընդ

նոցա իշխանութեամբ երկար ժամանակս. վասնզի յետ սակաւուց տեսանեմք զբազումս յայնցանէ անկեալ վերստին ընդ իշխանութեամբ այլազգեաց եւ մանաւանդ Հայոց :

72. « ԶԲԴԷՆ » կարդայ Սէն-Մարտէն խաբեալ ի մերձաւորութենէ Ղ եւ Զ տառից՝ ԲԳԷՆ . եւ առանց միտ դնելոյ բնագրոյն իւրոյ յաւելլու ի Թարգմանութեան բանս որ ոչ տեսանին ի հայերէնն գրելով այսպէս « Ils firent la conquête de la province de Siounic, avec celle des villes d'Orodn, de Porodn, de Pzen, de Pargouchad ». Եւ սակաւ մի ստորեւ յառանկրաւորական բայէ « Թէպէտ յայլ եւ այլ Թուի առան » խաբեալ՝ հնարէ զաշխարհ իմն Առան անուն ասելով « et successivement de tout l'Arhan » .

73. Փահլաւան, ըստ Սէն-Մարտէնի, նշանակէ դիւցազն, քաջ, ըստ իս՝ ըմբշամարտ ի Պարսից լեզուի :

74. Խզլ-Ասլան, ուղիղ եւս Խիզիլ-Ասլան, նշանակէ ի Թուրք լեզուին կարմիր առիւծ :

75. Ռէոյ զոր Սէն-Մարտէն ընթեռնու Ըոեհու, է, որպէս յայտ է, Ռագէսն Սուրբ Գրոյց եւ Արրիենոսի, եւ մայրաքաղաք հնոյն Պարսկաստանի (Խրակ-Աջեմի), ուր ծնաւ Հարուն-ալ-Ռաշիդ : Աւերակք սորա տեսանին տակաւին 5000 մետր հեռի ի Թէհրանայ յարեւելից հարաւոյ յորս Սիր Ռօբերտ Կեր Պօրտեր ետես կործանեալ ապարանս, տաճարս, քարանձաւս եւ ի ծայր ժայռի միոջ զաշտադակինչ հանդերձ քիւֆի արձանագրով :

76. « Վասն որոյ նեղեալ ի Պարսկացն եւ երկուցեալ ի Հաւատոյն զի մի բռնադատեսցեն » պակասին առ Սէն-Մարտէնի :

77. Առ Սէն-Մարտէնի փոխանակ « 30 կուղպակաց » գրի երեք կուղպակ » զոր եւ թարգմանէ « trois portes » փոխանակ գրելոյ trois boutiques. ըստ որում ընդ ամենայն արեւելս կուղպակ և կուղպականի նշանակեն խանութ :

78. « Իմօտաւոր վայրան » ընթեռնու Սէն-Մարտէն « իմօտաւոր վանան » :

79. Զայս բան վրիպակ գրչութեամբ եւ կետադրութեամբ ընթեռնու Սէն-Մարտէն գրելով « տայ եւ զայլ բազում գիւղորէս, ի Վայոց ձոր զԿոտասն և զԷլաոն. եւ զայլ գիւղս յոլովս ի Գեղարբունի. զՀամաարի եւ զայլ գիւղորէս բազումս ի Կայեան : Նաև զԱղաստեւ իւր կերովն » :

80. « Եւ զի նա եղև առաջնորդ առման Սիւնեաց եւ այլ բերդերոյն » ընթեռնու Սէն-Մարտէն « եւ զի նա եղև առաջնորդ առմանն Սիւնեաց, եւ այլ բերդօքն » յորում չտեսանին հետք հայերէն լեզուի կանոնաց :

81. « Որպէս վերագոյն ասացաք » պակասի առ Սէն-Մարտէնի :

82. « Եղաւ ի Նորավանս, ի դրան սուրբ Կարապետին » Սէն-Մարտէն ընթեռնու « եղաւ ի Նորավանս Սուրբ Կարապետին » :

83. Զմահ Զաքարէ սպասալարին Օրբէլեանն դնէ ի ՈկԱթուին, զոր Սէն-Մարտէն դնէ ի 1212 թուին Փրկչի :

Հատ. Բ :

20.

Սապէս եւ զՈՒՋԶ Թուականն Հայոց յորում
ասէ Օրբէլեանն վախճանեալ Իվանէ աթարէկին,
դնէ Սէն-Մարտէն ի 1227 ամին Փրկչին : Այսմ
եւ ինձ կամք էին հաւատալ եթէ ոչ էի ընթեր-
ցեալ յարձանագիրս Դսեղի եկեղեցւոյն գրեալ
ի Թուին ՈՒՋ յորում ժամանակի ասլրէր տա-
կաւին Իվանէ աթարէկն : Տէս Ճանապարհոր-
դութիւն ի Մեծն Հայս. Սարգիս վ. Զալաբան .
եր. 112 :

84. Այն է Մոհամմէդ Խորազմ շահ զորմէ գրեալ
եմք ի ծանօթութեան 88. եւ եղեալ ըստ այլազգի
պատմադրաց զսատակումն նորա ի կղզի ինչ Կաս-
պիական ծովու : Բայց եւ այնպէս կարևոր համա-
րիմ իմէջ բերել եւ զոր ինչ գրէ զնմանէ ժամանա-
կակից պատմիչն Կիրակոս վ. Գանձակեցի. ըստ
որոյ. եր. 133. 135 յետ հարկանելոյ Զէլաւէդ-Դինի
զՎիրս ի Կոտայս (ի սահմանս Երևանայ) ա՛ռ եւ
լուաց արեամբ զԹիֆլիզ, զԳանձակ եւ զՆախի-
ջևան. աստի դարձաւ ի Խլաթ և յաղթեալ Աշրաֆ
սուլտանին ա՛ռ զկին նորա Թամթա (զդուստր
Իլանէ աթարէկի՝ եզրօր Զաքարիայ սպասաւարի),
Աստի չոգաւ եւ աւերեաց զգաւառս սուլտանին
Իկօնիոյ Ալա-էդ-Դինի : Այսոցիկ այսպէս եղելոց՝
Աշրաֆն Խլաթայ եւ Քիամիլ՝ եղբայր իւր եւ իշ-
խան Եգիպտոսի, աջակցութեամբ զօրացն Հայոց
Կիլիկիոյ եւ Ալա-էդ-Դինին Իկօնիոյ խաղսցեալ
ընդ առաջ նորա՝ հարին զնա չարաչար եւ փախըս-
տական արարին ի Մուզան, ուր ի նորոյ յարձակեալ
ի վերայ նորա Թաթարաց հալածական արարին մինչ

ի սահմանս Ամիթ քաղաքի ուր եւ սպանաւ վիրազն արեանարբու :

85. « Առանց սրոյ եւ զօրութեան նաև պատե-
րազմի վիթեալք ընդ փրթուածս » ընթեռնու Սէն-
Մարտէն « առանց սրոյ և զօրութեան, նա և պատե-
րազմիւ երթեալք ընդ փրթուածս մեծ քարին » . որոյ
հայերէն չգողն բացայայտ տեսանի :

86. « Եւ Լիպարիտն իւրայովքն գտեալ կածան
մի՝ (նեղ ճանապարհ) գնայ » ընթեռնու Սէն-Մար-
տէն « Եւ Լիպարիտն իւրայնովքն գտեալ ի Կաժան-
միգնա » զոր և կարծէ թարգմանել այսպէս « Liparid,
qui était avec les siens, le trouva à Gadzanmikna »
փոխանակ գրելոյ թէ Liparit, avec les siens, se ren-
dit chez lui par un sentier.

87. « Եկն և օձ թանձրադին որ եռայր յամանս և
յանկողինս ի տուէ եւ ի գիշերի » զոր ընթեռնու
Սէն-Մարտէն « եկն և օձ որ եռայր յամենայն տեղիս
և յանկողինս ի տուէ և ի գիշերի » :

88. ԶՄուղալաց և գթաթարաց մերայինքն բա-
զում ինչ գրեցին, մանաւանդ ականատես ժամա-
նակակիցքն Կիրակոս վ. Գանձակեցի, Վանական
վ. Վարդան վ. Օրբէլեան Ստեփաննոս՝ մետրա-
պօլիտ Սիւնեաց, Վահրամ Բարունի, Սմբատ Սպա-
րապետ ևայլք, է որ ամենայն ճշմարտութեամբ, է որ
ի կեղակարծ լրոց եւ իզրուցաց այլոց, զորոց զբանս
տաղտկութիւն համարիմ ի մէջ բերել մի առ մի, եւ
միովն ստուգել կամ ցրել զմիւսն, նազի յողովութիւն
երկոցս չներէ ինձ ընդարձակագոյնս խօսիլ զսգգէս :

Սմին իրի համառօտախօսութիւնն վայելուչ դաւ տեալ՝ այսչափ կարևոր համարիմ գրել թէ Թաթար եւ Մուղալ ժողովուրդք անծանօթ էին տակաւին մատենագրաց Ժերորդ դարուն. և Մատուղի որ գրեաց զտիեզերական պատմութիւն իւր յ950 ամի, և Խըն-Հաուգալ աշխարհագիր ի խօսիլն զերից ծանուցեալ մասանց աշխարհի եւ զազգաց բնակելոց ի նոսա, չառնեն յիշատակ ինչ զսոցանէ : Մատենագիրս թուով 50 անցուցի ի հանդէս, և զամենեմէն գտի զանազանեալս ի միմեանց կարծեօք զծագմանէ, զհնութենէ եւ զայլ կարևոր հանգամանաց այսր ժողովրդեան, որում ճակատագրեալ էր կերպարանախօլի առնել զԱսիա և զԵւրոպիա իսուղ միջոցի : Բայց և այնպէս ընդազօտ տեղեկութիւնք ինչ զԹաթարաց նշմարին առ մատենագիրս Չինաց ութերորդ դարուն, որք եւ համարին զնոսա ի մեծ գերդաստանէ Մուղալաց և կոչեն Թաթ :

Յովհաննէս Դիւալան դը Կարպին՝ առաքեալ յամին 1246 յիննոկենտեայ Դ. Պապէն ի Խամսլսակ, առ խանն Թաթարաց, այսպէս խօսի զսոցանէ « է երկիր ինչ յարեւելս Մոնղալ (այսպէս կոչեն Եւրոպացիք զՄուղալս) կոչեցեալ, ուր բնակին ազգք չորեքին. առաջինն է Եբա (մեծ) Մոնղալ. երկրորդն՝ Սու (Նրաբնակ) Մոնղալ, որք եւ կոչեն զինքեանս Թաթար յանուն գետոյն որ գնայ ընդ աշխարհնոցա . երրորդն՝ Մերկիտ . Չորրորդն՝ Մեկրիտ : Միաձէ տիպ կերպարանաց նոցա, և նոյն բարբառ է հասարակաց թէև տրոհեալ ի գաւառս գաւառս և ի պետութիւնս այլ և այլս » : Ապա յաւելու « յաչ-

խարհին մեծ Մոնգալաց ծնաւ այր ոմն Զինգիզ
անուն... սա սկսաւ գոռալ ընդդէմ Սու Մոնգալաց
(Թաթարաց) . եւ զի բազումք ի սոցանէ յարեալ էին
ի նա, սպան զիշխան նոցա եւ նուաճեաց ընդ իւրե
զԹաթարս ամենայն, զնոյն անցս անցոյց ընդ Մեր-
կիտս եւ ընդ Մեկրիտս » : Այս ինչ եւ եթ է արժանի
ուշադրութեան զի Մուղալք յետ նուաճելոյ զԹա-
թարս՝ առին զանուն նոցա, կոմ թէ այսպէս կոչե-
ցան յազգաց այլոց, թէ եւ միշտ ատելի եղև նոցա
անունս այս, որպէս Թուրքայն՝ արդի Օսմանեանց :
Յայս միտս է եւ Վահրամ Բարունի որ եր. 220 եւ
222 յիշեալ զերևումն Թաթարաց՝ զիշխան նոցա
կոչէ եր. 223 Մուղալ . եւ զգորն՝ Թաթար. եր. 238 :

Եթէ Մուղալք, եթէ Թաթարք վրանաբնակ էին
եւ դուսրած. կերակուր նոցա էր կաթն եւ զգետոն՝
բրդեղէն, զորս մատակարարէին առատաբար հօտք
նոցա. զլուխք նոցա յաղթ եւ աճև, աչկունքն ի փոս,
գոյնք մորթոյ նոցա գորշ եւ մէջքն՝ կուզ : Տէմուչին
(Զինգիզ-Խան) ծնաւ յամի 1162 կամ 1164 ի Բլուն-
խւղուկ գաւառին Մուղալաց առ Կերլան գետով,
արտաբոյ մեծի որմոյն Զինաց . անուն հօր իւրոյ էր
Պիւստիկայ, հաւուն՝ Բուսանդիր, որ եւ իշխէր 40,000
երդից Մուղալաց : Միանգամ եւ երկիցս յաղթեալ
ի Տանղուտաց փախեալ առ Ունդ՝ իշխանն Կերայ-
տաց, որ նստէր ի Ղարա-դօրում . որում եւ փեսա-
յացաւ : Յամին 1189 եհար եւ նուաճեաց զապստամ-
բեալ Մերկիտան, Տանղուտան եւ Նայմանն . ապա
դարձաւ եւ կալաւ զբնադաւառ իւր զՆերօն-Կայեոյ :
Ի 1202 զրգուեցաւ մեծ սլատերապիմ ընդ մէջ Կե-

րայտաց և Մուղլաց . և Ունգ պարտեալ ի Տէմու-
 չինայ՝ սպանաւ ըստ Արու-Կայեր՝ պատմագրի
 Թուրքաց, յիշխանէն Նայմանայ ի Տայանկայ : Ընդ
 լո՛ր եղեունագործութեանս Տէմուչին խաղաց ընդ-
 դէմ սպանչին և զինակից Թաթարացն . և առ Ալտայ
 գետով մղեաց զմարտն արիւնահեղ, ուր անկաւ
 Տայանկ ամենայն Նայմանօք հանդերձ : Յետ մեծի
 յաղթութեանս Տէմուչին կալաւ զՂարա-Ղօրում
 և զարեւելեան Մուղլալս և պսակեցաւ առաջի համա-
 խումբ պատգամաւորաց Մուղլաց . եւ կոչեցաւ ի
 Բէն-Թանդրի Շամանայ (քուրմ) Լամայեան կեչտի,
 Չինգիզ-Խան (խան խանից) : Այսպէս ի հասակի
 52 ամաց ճարտարութեամբ իւրով եւ քաջութեամբ
 կացուցեալ գերագոյն իշխան Մուղլաց, ձեռն էարկ
 այնուհետեւ տիրել այլոց Թաթարաց, որ բաժանեալ
 իցեղս և ի խօսս այլ և այլ՝ ունէր և գիր սեպհական և
 հմուտ էր սակաւիկ մի գիտութեանց, մանաւանդ ցեղն
 Ուլուրաց (Փոքր Բուխարա) : Որոց իշխանն Իդիւ-
 կուտ՝ ի լո՛ր համբաւոյ արշաւանաց Չինգիզ-Խանի
 փութացաւ ընդ առաջ նորա յանձն առեալ զհպատած
 կուժիւն : Աստի դիմեաց յերկիրն Տանղուտի, զոր
 եւ ի հարկի կացուցեալ՝ արշաւեաց ապա ի ներքին
 Չինս, ուր Թագաւորէր հարստութիւնն Նիեօզեայ ի
 Խաթայ ի բաց վտարեալ զԹաթարս Խիթայ, եւ
 տիրեալ մեծի՛որմոյն՝ դարձաւ յամին 1209 ի Ղարա-
 Ղօրում : Ի 1224 Սօնդուկայ՝ սպասալարն Չինգիզ-
 Խանի, խաղաց մարտիւ ընդդէմ Խաթային հիւսիսոյ
 և թռեալ զՊէկին մայրաքաղաք հիմն ի վեր տապա-
 լեաց :

Նասսեր՝ խալիֆայն Բաղդադայ, զարհուրեալ
յարչաւանայ Մեհմետ Խորազմ-Շահին, աղաչեաց
զաւաշտականութիւն Ջինգիլ-Խանի, որ յառաջ քան
զմխիլն ի սրատերազմ՝ առաքեաց արս հուսատարիմ՝
լրտեսել զերկիր Խորազմին, ի քաղաքն Օթրար առ
Սիհոնիւ (Օքսուս և Ամու Գարիա) . ինքն ևս ժողո-
վեալ ի 1218 ամի զօր 700,000 արանց պատերազ-
մողաց ի Ներոնեաց, ի Կերայտայ, ի Սալմուղայ,
եւ սուեալ ընդ ինքեան հնդկտասան որդիս իւր եւ
հորհրդակիսն երեւելիս ի Ջինայ, յԱրարայ, ի
Պարսից և յԱտրուոց անց ընդ Կօրի և ընդ Բլուր և
յարձակեցաւ ի Խորազմ : Մեհմետ Խորազմ-Շահն
որ տիրէր յայնմ ժամանակի Խորազմի, Մեծ Բու-
խարայի (Սողդեան), Խորասանի և Կիսոյն Պարսից,
անցեալ ի զլսիս 400,000 զօրաց ժողովեցոյ ի 20
ազգաց, խաղաց ընդ առաջ Մուղալաց : Յառաջ
նում ճակատի, ոչ հեռի յՕթրարայ, հեղաւ արին
բազում . և խրոխտն Մեհմետ յետս նահանջեցաւ :
Աստի առաքեաց Ջինգիլ-Խան յորդուոյ իւրոց զՕդ-
տայ 200,000 աւ ունել զՕթրար, զՏուլի՝ յաշխարհն
Կիրիլիլայ, և զայլս ի Հայս ևսյլուր : Ինքն ևս 200,000
աւ խաղաց ի վերայ Բուխարայ եւ Սմրղանդ քաղա-
քաց, զորս առեալ տապալեաց յամին 1220 : Եւ
գոռոզն Մեհմետ յետ կործանման աթոռոյ իւրոյ
ողորմ տեսակաւ մեռանէր ի կղզւոջ Կառալիականին .
որոյ որդին Ջէլալ-էդ-Դին խմբեալ գունդ մի քա-
ջաց՝ ի մտի եդ զխմազբաւ լինել հեղեղին Մուղալաց .
այլ ի զօր. վասն զի մի զկնի միոյ առին նորս և աւե-
րեցին զԲախլ (մայրաքաղաք հնոյն Բապտրիոյ), ըզ

Ֆարզանահ, զՈւրկենջէ, զՏաւան, զԲամիան, ըզ
 Հերատ, զԱւդրաբ այլովք հանդերձ : Աստի առա-
 քեաց Ջինգիզ-Խան զոմանս ի զօրավարաց իւրոց ի
 հնազանդեցուցանել զհիւսիս Կովկասու (հարաւային
 Ռուսսիա), զՀայս, զԱխրս եւ զԱտրպատական .
 զայլ՝ առ ի լողորել զյաղթութիւն Պարսից . և ինքն
 դարձ արար ի Ղարա-Ղօրում ի 1224 . եւ մեռաւ ի
 24 Օգոստոսի 1227 ամի յաշխարհին Չինաց յետ
 հեղլոյ զարիւն հինգ կամ վեց միլիօն մարդկան եւ
 ասրականելոյ զաշխարհս բազում և ջնջելոյ քաղաքս
 անթիւ : Սա նախ քան զմահ իւր բաժանեաց զտէ-
 րութիւն իւր չորից որդւոց իւրոց : Տաւի՛ անդրա-
 նիկն իւր մեռեալ գոլով, Բաթու՛ որդին նորա, կացու-
 ցաւ իշխան արեւմտեայ աշխարհացն Կասպից կամ
 Խօիչազաց, և ցեղ սորա ժառանգեաց զՂուիմ մին-
 չեւ յամն 1783 . Չաղաթայ կալաւ զՈւղբէկս, զԹուր-
 քաստան և զՏրանսօքսիան . Ոգտայ կացուցաւ մեծ
 խան կամ կայսր Մուղալ-Թաթարայ . Տուլի ա՛ռ
 զԽորազմ, զՊարս եւ զՀայս : Ժառանգորդք Ջին-
 գիզ-Խանի տիրեցին նաև ամս 300 ի Չինս : Հուլա-
 գու՛ որդին Տուլի խանին, ա՛ռ զԲաղդադ յամի 1256
 եւ երարձ զխալիֆայութիւնն : Եւ Ղազան խան՝
 վեցերորդն ի յաջորդս նորա, հաւատացեալ ի Մահ-
 մետ անուանեցաւ Մահմուդ : Ջինգիզ-Խան կամ
 առ խորին տգիտութեան կամ քաղաքական նկատ-
 մանց սակս եկաց զամենայն աւուրս իւր անկրօն .
 սաալէս և բազումք ի յաջորդաց իւրոց, թէև Թաղե-
 ցաւ ըստ ծիաի Մահմետականաց : Տէ՛ս պատմու-
 թիւն մեծին Ջինգիզ-Խանին par Petit de la Croix.

հր. 170. D'Herblot. Bibliothèque orientale. հր. 382.
Les hommes illustres de l'Orient. par Alexandre
Mazas. Բ. հր. 68 :

89. Թաթարացն ժահադիմու թիւն յեռակս գորով
և յերկեղուկս առ ազգս ամենայն, աւելորդ համարիմ
ի մէջ բերել աստէն ապացոյցս առ հերքումն կար,
ծեաց Օրբէլեանի որ կամ ի շնորհուկս տէրանց իւրոց
կամ առ խակութեան ճաշակին իւրոյ ի գեղաբանու-
թեան կոչէ զնոսա « պատկերով յոյժ գեղեցիկս » :
Բայց և այնպէս ոչ ինչ արգելու մեզ ի մէջ ածել և
զոր ինչ զրէ յայսմ մասին Վիրակոս վ. Գանձա-
կեցի, որ եր. 160 այսպէս խօսի զնոցանէ « էին տես-
լեամբ կերպարանաց դժոխատես եւ ահագնաւոր,
մօրուս ոչ ունելով բայց սակաւ ոմանց թուելով մազս
ունելով ի շուրթն կամ ի կլաիւն. ակն նեղ » : Յաւել
յայս թէ քիթ նոցա էր տափարակ, ոսկերք քներա-
կայն ցիւց և այլն : Թէ և տգեղագոյն ցեղս յանցանել
ժամանակաց խառնեալ ի Վովկասեան ցեղս՝ սակաւ
մի բարիոքացաւ . այլ տիպն թաթար յայտնի է
ցայժմ ևս :

90. Զայսմանէ խօսեցեալ եմք յ88 ծանօթութեան.
անդ առաքեմք զընթերցողս մեր :

91. Զհայն զոր Պարսք Զեհուն կոչեն (ի հնումն
Օբսուս), նոյն է ընդ Ամու Մօրանի ի լեզու Թաթա-
րաց որք զգետն մօրան ասեն . (զոր դրաշարբն մեր
անուշադրութեամբ անուր կարդացին և չարեցին) :
Յայս սակս սխալի Օրբէլեանն որ զմի գետն յերկուս
բաժանէ . իսկ եթէ Զհայն անուամբ զԱիհուն իմա-
Հաոռ. Բ :

նայ . այնուհետեւ վրիպակին արարողք լինին օրինակողքն :

92. Այսինքն է Դամեղան, մի յերևելի բաղաբաց Տէրութեան . Խորաղմին, զոր առ Զինգիզ-Խան :

93. « ԶԴիարբաքն որ է Ասորեստան » ընթեռնու Սէն-Մարտէն « զԴիարալէբիւր, զԱսորեստան » : Ինձ թուի թէ առ Օրբէլեանիւ թերեւ Տիգրանակերտ համարեալ էր մայրաքաղաք Ասորեստանի . ուստի եւ այսպէս կոչեցեալ :

94. Սէն-Մարտէն կից ընթեռնու զայս անուն եւ գրէ « Դաթաղանն » :

95. Ի գիրս Հայոց այս անուն գրի Հուբուսու դան . իսկ յԵրոպայուց Հուբագու-Խան, որ զառաջինն թագաւորեաց ի Մուղլաց ի վերայ Պարսից . եւ մեռաւ յամին 1165 ի սահմանս Մարաղայի, յիւրում ձմերանոցի :

96. « ԶՊալարաքն որ է Արեգ » ընթեռնու Սէն-Մարտէն « զԲալբաք եւ ըստ այլազգեաց Պալալէք . կամ Իլիու բազաքն որ է Հելիուպոլիս՝ այսինքն Արեգ քաղաք » . ի բաց թողեալ զաւելորդ կրկնութիւնս Սէն-Մարտէնի՝ խօսեսցուք սակաւ մի զքաղաքէս : Էր սա մի ի հնադոյն քաղաքաց Խորին Ասորուց : Երկրացիք կոչեցին զայն Բաալբեգ զոր Յոյնք թարգմանեցին ի լեզու իւրեանց Հելիո-պոլիս կոչելով, Հայք եւ՝ Արեգ քաղաք, որ է քաղաք արեւու . վասն զի անդ կանգնեալ էր չքեղ տաճար արեւու ի մարմարիոնէ որոյ աւերակք ի զարմանս կրթեն տակաւին զուղևորս : Կարմաթք այրեալ աւերեցին զայն յ912.

ամի, որ հազիւ սակաւիկ մի ոգի ւառեալ՝ վերստին առաւ և գերեցաւ ի Յովհաննիսէ Չմէկկայ :

97. Ուղուր, որպէս ասացաւ ի ծանօթ. 88, էր ցեղ Թաթարաց եւ ունէր գիր առանձին զոր ընկալան յետոյ Մուղալք: Զլեզուն Ուղուրաց Սէն-Մարտէն ի *Mémoires sur l'Arménie*. II. եր. 275. Համարի Թուրքաց թէ և Ռէշիդ-էդ-Ռին հաւատարմացուցանէ թէ Մանգու-խան ունէր առ իւր զատենադպիրս որ գրէին զհրովարտակս իւր ի լեզուս Պարսից, Չինաց, Տիբետաց, Տանղուտաց և Ուղուրաց :

98. Լեզուր Մուղալաց եւ Թաթարաց Համարին ընդհանրապէս իբրև խումբ իմն բարբառոյ : Ըստ Մալտը-Բրեօնի. Տիեզ. աշխարհագր. Ա. եր. 570-571. Լեզուր Թաթարաց, Բուխարաց և Օսմանեան Թուրքաց են ի միոջէ գերդաստանէ, յորում գտանին արմատք յոլով Գերմանաց լեզուի. իսկ Մուղալացն լեզու ճոխ է ձայնաւորօք և դաշնակաւոր բառիւք :

99. « Եւ էր ածեալ զբռամբ զփոքրիկ Թագաւորն Սոնաց զՂաւիթ » ընթեռնու Սէն-Մարտէն « Եւ էր ածեալ զբռամբ զփոքրիկ Թագաւորն Սիւնեաց զՂաւիթ » : Զայս կրկնէ եւ յԱ. Հատորին եր. 213. Համարելով այսպէս զՂաւիթ ոմն Թագաւորեալ ի Սիւնիս ի 1251 : Յայս վրիպակ տեսանի անկեալ եւ բաղմահմուտն Զամչեան Հ. Մ. որպէս է տեսանել ի պատմութեան Հայոց. Գ. եր. 245 : Առիթ սխալանացս ոչ այլ ինչ է, ըստ իս, բայց եթէ մերձաւորութիւն հնչման Սոնաց և Սիւնեաց, յորմէ մարի էր խորշիկնոցս եթէ դոյզն ինչ մտադրութեամբ ընթեռնուին զՕրբէլեանն եւ զԱիրակոս վ. Փանձակեցի :

Սկսցուք նախ յՕրբէլեանէն : Սա ի պատմութեան նահանգին Սիսական (ըստ մեր տպագրութեան) եր. 39-46 եւ 61-65. խօսի զԹագաւորելոյ ցեղին Սիւնեաց ի Բաղս, ապա եր. 76 « զընաշինջ սպառմանէ այնր Թագաւորութեան . եւ զվախճանէ Աիսական ազգի » որ եւ եր. 82 այսպէս աւարտաբանէ « ահա զայսօրինակ բարձաւ տէրութիւն Սիւնեաց և Բաղաց . և եղև վախճան տոհմին Սիսակայ և նախարարութեան Սիւնեաց . քանզի ամենայնքն որ կային յառաջագոյն յաւուրս Սմբատայ և Սահակայ՝ իւրաքանչիւրքն՝ էր որ անգաւակ մնացին, եւ էր որ կիսօրեայ փոխեցան, էր որ սպանան եւ գերեցան . եւ մնացեալ էին միայն այս Գրիգոր եւ Սմբատ որք այսու օրինակաւ բարձան » :

Յետ գիտելոյ մեր զկատարած տէրութեան Բաղաց և Սիւնեաց յամին 1167, մատիցուք արդ իտեսութիւն բանից նոյն Օրբէլեանի որ զԴաւիթն այն ցուցանէ լինել յօտար աշխարհէ, վասն զի ի տալ նորա զգոհարն ցԹանկրէղուլն ասէ « եթէ ես ի դուրս գամ եւ թագաւորեմ ինոյ աշխարհիս . առ իս բերցե՛ս . եւ տամ քեզ երկիր եւ քաղաք զոր դու խնդրես . ապա թէ ոչ եղանեմ ես ի Սոնաց աշխարհէն . այդ քե՛զ լիցի : Եւ ինքն անցեալ գնաց և եմուտ յամուր և յանձուկ աշխարհն Սոնաց . և այդ ոչ եղանտի մինչև մեռաւ անդէն » : Եթէ ըստ Չամչեան Հ. Մ. և Սէն-Մարտէնի Դաւիթս այս էր Սիւնեաց Թագաւոր, եւ բանտարկեալ յիւրում աշխարհի՝ զիա՞րդ ապաքէն կարէք փախչել ի Սիւնեաց ի Սիւնիս, որ յայնմ ժամանակի քոչորովին նուաճեալ էր ի Թաթարաց : Բայց և այսու

ոչ բաւականացեալ ի մէջ առից և Ղժամանակակիցն
Կիրակոս վ. Գանձակեցի . Ըստ որոյ եր. 170 երկու
էին զայսու ժամանակաւ Դաւիթ անուն թագաւորք
Վրաց, մին որդի Ռուսուդանի, եւ փախուցեալ առ
Սոնս (ըստ Վրաց՝ Սուանեթ) միւսն՝ պոռնկորդի Լա-
չայ Գէորգիի որ օծաւ ի Մյխիթայ ձեռնտուութեամբ
Հայոց : Սոնայ աշխարհն, որ կոչի ցայժմ նովին
անուամբ է յիշատակեալն ի Ստրաբոնէ . եր. 79 եւ
477. Սվան եւ ի Վրացի ժամանակագրէն Մուսնե-
ր անուամբ, և է անձաւ և ահառ ձգեալ զեզերրք Ենկուր
և Յղենիս ծղալի գետոյ, ի խոխոմս Կովկասու ի հա-
րաւոյ, ըստ մասին հպատակ Դադեան իշխանին
Մինգրելիոյ, ըստ մասին՝ ազատ. թիւ ամենեցուն նո-
ցա հասանէ յ30,000. հոգիս : Ինքեանք զինքեանս
կոչեն Շնաւ (Chenau), սերեալ են ի Վրաց, ունին
բարբառ խառն, և բաժանին ի մեծ և ի փոքր Լիխ-
վայս և ի Լեչխում :

Կիրակոս. եր. 187-188 պատմէ զիշխանանալն
Բաշույին, զամրանալն Ռուսուդանի յանձաւս Սուա-
նեթի, զթագ կապելն Դաւիթ՝ որդւոյ իւրոյ, զառա-
քելն զնա առ Բաթու, եւ սորա առ մեծ խանն. ըզ
սրտմտութիւն Բաշույին ընդ ապաւինիլն Ռուսու-
դանի առ Բաթուն, զթագաւորեցուցանելն զմիւս
Դաւիթ՝ (որ է Դ. ըստ կարգի անուան ի թագաւորս
Վրաց) պոռնկորդի Լաչայ Գէորգիի, զառաքումն
սորա առ մեծ խանն, եւ զտնօրէնութիւն այսորիկ .
ըստ որոյ Լաչայեան Դաւիթն թագաւորելոյ էր ի
Թիֆլիզ, և Ռուսուդանեանն նստեալ ի Սուանեթ
սպսսելոյ էր մահու նորա : Ապա . եր. 190. զկալա-

նաւորին Դաւթի Լաչայեան, զանարգանսն որոց տարաւ. և եր. 234-236 զփախուստ նորա յամուսն Սաւանեթոյ ապստամբեալի Թաթարաց : Եւ զայս ամենայն հաւաստէ Կիրակոս վ. լեալ յաւուրս Մանգու-խանին յար և նման Օրբէլեանին. որով և տեղի տան ամենայն տարակոյսք, և ուրուական Թագաւորն Սիւնեաց լինի արգեամբ Թագաւոր Վրաց :

100. Ըստ Ռաշիդ-էդ-Դինի կոչի սա Մանկու-խան. էր անդրանիկ որդի Տուլի խանի եւ յաջորդ Գայիւկի. մեռաւ յամին 1257 Թագաւորեալ ամս 8 : Սէն-Մարտէն յաւելու թէ սպիտակն ասի մուղալեւրէն չաղան, եւ արծաթն՝ օլետերէն մօնգղուն. յորմէ կարծէ յառաջ եկեալ մանգուն զոր մուղալագիտաց Թողում դատել ինձէն խոստովանեալ զանգիտու թիւն :

101. Սխալի Օրբէլեանն համարեալ զՄանգու-խան որդի Գայիւկ խանի որում յաջորդեցաւ միայն, գոլով, որպէս ասուցաւ ի 100 ծանօթութեանն, անդրանիկ Տուլի խանին :

102. Գրի և Ղարա-Ղօրում, ի Սէն-Մարտէնէ՝ Կարակօրում, և ի Կիրակոս վ. Գանձակեցոյ՝ Ղարու-ղրում ի սահմանս Ղատիոյ. եր. 135, որ եւ էր նախ մայրաքաղաք Ունգ իշխանին Կերայտաց, որպէս ասացաւ ի ծանօթութեանն 88 : Դիրք քաղաքիս ոչ է տակաւին ճշդիւ ծանուցեալ, թէ և ըստ Աբել-Ռէմիւզատի դնի ի ձախմէ Որդոն գետոյ, և շինեալ ըստ Ռաշիդ-էդ-Դինի ի Հոբթայ խանէ :

103. « Եւ զի քրիստոնեայ էր օրինաւոր Մանգու-ղանն » Թարգմանէ Սէն-Մարտէն « Mongou-khan

était pieux » որ չէ հարազատ իմաստ բնագրին. զի Օրբէլեանն զհաւատոյ խանին խօսի և ոչ զգործոյ նորին . սակայն թողեալ զայս ի մի կողմն՝ քննեսցուք սակաւիկ մի եւ զհաւատս Մուղալ թաղաւորաց : Ի 88 ծանօթութեան տեսար թէ Զինգիզ-Նսան՝ հիւնադիրն ահագին պետութեանս Թաթարաց, եկաց և մեռաւ անկրօն և թաղեցաւ ըստ ծիսի Մահմետականաց : Ի բազմաց հետէ յիշատակ լինի յայլ և յայլ պատմադիրս զառաքելութենէ Նեստորականաց առ Թաթարս, Ղալմուխս, Կիրկիզս, Մուղալս եւ այլ խուժս հիւսիսոյ, եւ զկնի՝ քարոզչաց Մահմետեան զենի. սակայն, որպէս երեւի յիրաց ազգացս, ոչ Նեստորականութիւնն նախ և ոչ Մահմետականութիւնն զկնի զօրեցին արմատանալ երբէք առ վայրենիս այսոսիկ, որք ընդ դարս յոլովս ընդգրկեալ սլաշտեցին զՇամանութիւն և զլամանութիւն՝ կրկին վիժածս Բուդդայութեան հանդերձ անհեղեղ զրօշելօք իւրովք եւ ծանրաբեռնեալ ամենայն սնսպաշտութեամբ, որպէս է տեսանել և առ մեօք, թէ և մահմետականութիւն թեւակօխէ յանցեալ դարէ հետէ զօրանալ առ նոսա :

Արինահեղ պատերազմք Թաթարաց ընդ մահմետական Խորազմեանց, Պարսից եւ Տաճկաց, անխտրութիւն նոցա ընդ կրօնս հպատակեալ ազգացն, խտրամանկ քաղաքականութիւն նոցա եւ թերեւ ընդադօտ ծանօթութիւն քրիստոնէութեան և սրբորոգութիւնք ինչ ուսեալ ի Նեստորականաց, համբաւեցին զնոցանէ իբրեւ զքրիստոնէից . յորմէ խաբեցան առ հասարակ, որպէս Օրբէլեանն ի Ալենխ, նոյնպէս

Լիւդովիկ Թ. ի Քաղղիա և պապքն ի Հռոմ: Այլ պատճառ այսր ամենայնի էր, որպէս ասացաւ ի վերոյ, կամ առ ի դիւրաւ շահիլ զբարեկամութիւն քրիստոնէից կամ դոյղն ինչ խմորումն նոցա Նեստորակա նութեամբ որ չէ ընդհատ ինչ ի Մահմետականութենէ: Սմին իրի և Ռուբրիք (Rubriques) առաքեալ յարքայէն Քաղղիոյ ի Լիւդովիկայ Թ. առ Մանգուխան, առ ի քարոզել նմա զքրիստոնէութիւն, ամենայն ուրեք ծաղրեցաւ. և ապարդիւն յետս դարձաւ: Տէս Աշխարհագրական և պատմական Բառագիրքն Դէզոբրիի և Բաշէյի. Բ. եր. 2348: Ըստ այսմ և Յովնաննէս Դիւբլան դը Կարբի եւ այլ կրօնաւորք առաքեալք ի պապէն Իննոկենտեայ Դ. ի Թաթարստան յամին 1246 առ ի քարոզել նոցա զՀռոմէակա նութիւն: Զասացեալս ցուցանեն նաեւ գաղանական կոտորածք քրիստոնէից, աւերածք աշխարհաց նոցա և աշտարակք կանգնեալ ի գլխոց նոցա, որք առաւել քան զչափն յայտնի կացուցանեն թէ ոչ գոյր ի նոսա ամենեւին ոչ յիշխանս և ոչ իստականս նշմարանք ինչ քրիստոնէութեան: Աիրակոս վ. Պանձակեցի, իբրեւականատես վկայ, լաւ ևս նկարագրէ զսուտ քրիստոնէութիւն բարբարոսացս, որ եր. 160. այսպէս խօսի զնոցանէ « որչափ եւ կամէին՝ կանայս առնէին.... ուր եւ հանդիպէին այլազգեաց՝ անխտիր խառնակէին.... պաշտօն ինչ ոչ գոյր առ նոսա կամ երկրպագութիւն. բայց ստէպ զանուն Աստուծոյ յիշէին յամենայն իրս. (յայսմ սխալի Աիրակոս. իբր զի րանդրի բառն նշանակէր երկինք եւ ոչ Աստուած) զայս թէ զէն Աստուծոյ գոհանային եւ կամ թէ

զայլ ոմն Աստուած կոչէին, մեր ոչ գիտեմք . եւ ոչ
ինքեանք եւ » . դարձեալ եր. 117-118 « **Ի ԶԿԹ**
Թուականին... յանկարծակի... յոլով գունդը զօրաց
Թաթարաց... եկեալ յաշխարհն **Աղվանիյ**՝ գալ ան-
ցանել յաշխարհս **Հայոյ** եւ **Վրաց** . եւ զոր ինչ գտա-
նէին ի ճանապարհին՝ զսկսեալսն սրոյ ճարակ տային՝
զմարդ եւ զանասուն, մինչև զշուն անգամ... եւ համբա-
ստութեան գայր զնոցանէ թէ մոգք են եւ քրիստոնեայք
հաւատովք, եւ նրանագործք . եւ եկեալ են ի վրէժխնդրու-
թիւն քրիստոնէից որ ի թուորենէ **Տաճկաց** . եւ ունին
եկեղեցի վրանաւ եւ իսպառնակագործ... եւ այսպիսի
ստութեան համբաւօք լցաւ աշխարհս մեր . վասն այսո-
րիկ ոչ ամրացան բնակիչք աշխարհիս . մինչև երէց մի
աշխարհական առեալ զժողովորդ իւր՝ իսպիւք եւ թուր-
վատիւք մոմեղէնս վատեալ՝ ընրացաւ ընդ առաջ նոցա,
եւ նոցա սուր ի վերայ երեւոյ կոտորեցին առ հաւասարակ »
եւայլն : **Զինքնակալս Թաթարաց** կռեալ արարօք զօ-
րաց եւ զօրապետաց նոցա՝ վատթարագոյն քան
զանհաւատս տեսանեմք :

104. « **Ռէշիդ-էդ-Ռին** գրէ արքայուն :

105. « **Ըստ Ռէշիդ-էդ-Ռինի առ Սէն-Մարտէնի**,
էր սա գուտոր **Զակեմրույի**՝ եղբոր **Վանք խանի**՝ ար-
քային **Կերայտայ**, եւ կոչիւր **Սիւրկուխեթնի-Բիւրի** :

106. **Ըստ Սէն-Մարտէնի** զպատուանունս զայս
Մուղաթ Եջան, եւ **Մանչուք՝ Եջեն** կոչեն :

107. **Կիրառութիւն** փայլգայ ազաւորապետոյ ի **Զի-**
նայ երեւի անցեալ առ **Մուղալս** ըստ **Սէն-Մարտէնի**.
սա որս այսպիսի տախտակը կոչին փայի :

Հատ. Բ :

21.

108. Հաւասարապէս ի կիր առ Ռուսս, առ Պարսիկս, առ Արաբս եւ առ Թուրքս, նշանակէ հրաման :

109. « Եւ այնպէս մեծաշուք ճոխութեամբ դարձաւ այսրէն՝ բերեալ և ընդ ինքեան այր ի դրանէ արքունի « Սէն-Մարտէն ընթեռնու « եւ այնպէս մեծաշուք ճոխանայր յարքունի » որ տարբերի ի մերոցն և ոչ իսկ ընծայէ իմաստ ինչ :

110. « Զփողահանսն » որ է հանք արծաթոյ եւ կապարի ի Վայոց ձոր, Սէն-Մարտէն ընթեռնու « փողահանսն » որ նշանակէ և ոչ ինչ :

111. « Զպառլազն » մեր ընթեռնու Սէն-Մարտէն « պառլազ » եւ Թարգմանէ lieutenant հակառակ մտաց հեղինակին . այս բառ է պարսկական . և գրի բազուխաստ, որ նշանակէ քննիչ, վերահասու :

112. Սեւինճ բէկ ոմն և Շարափաղին՝ դիւան այսր աշխարհի » ընթեռնու Սէն-Մարտէն « Սեւինճ բէկ եւ Շարափաղին ի դիւանին այսր աշխարհի » մոռացեալ թէ Օրբէլեան դիւան բառիւ ցուցանել կամի ոչ զատեանն այլ զատենակալն : Շարափաղինն է աղաւաղութիւն Շէրիֆ-էդ-Ռինի, որ էր տեղակալ Արղունի, որ թէև ղերծաւ յարդար պատուհասէ Մանգու խանին միջնորդութեամբ Սմբատայ . այլ ըստ Կիրակոս վ. Պանծակեցոյ, էր այր անօրէն և եղեռնագործ :

113. « Ոչ գիտէր Արղունն եթէ որով պատուեսցէ զՍմբատ » ընթեռնու Սէն-Մարտէն « ո՛չ գիտէր Արղունն՝ թէ որով սիրով և պաշտով պատուեսցէ զՍմբատ » որ տարբերի ի մերոցն : Ընդ մէջ 113-եւ

119 ծանօթութեանց պատահեցաւ ակամայ վրիպակ ի բնագրին, զոր յայտ արարեալ աստ ի գիտութիւն ընթերցողաց՝ հայցեմ ներողութիւն :

119. Սէն-Մարտէն « աստ և անդ մակրայն առեալ ի տեղի անդաատունի » թարգմանէ « il abandonna... quelques bourgs et quelques champs » փոխանակ գրելոյ « il abandonna par-ci par-là quelques vil-lages et quelques fermes ».

120. Մայրաւիպտն յայտնի է և անկարօտ մեկնու-թեան . իսկ սնուպորն, զոր Սէն-Մարտէն ընթեռնու զնուպար կամ նուպար, թուի լինել թաթար լեզուաւ տեսակ մի մայրի ծառոյ :

121. Զդառն դաշտն (Ալա դաշ) Հ. Ղ. Ինճ. ի Ստորագրութեան հին Հայաստ. եր. 267. ընթեռնու Գառնուոյ դաշտ եւ զնէ առ Գառնեաւ, ուր չիք այն-պիսի ինչ : Ռէշիդ-էդ-Ռին և այլ արաբացի և պար-սիկ պատմագիրք զդաշտն Մուղանայ կոչեն նա եւ Ալադաշ : Ի սոցա կարծիս է և Հ. Ղ. Լոնդ. վ. Ալի-շանեան՝ հեղինակն Տեղագրոյ Հայոց մեծաց : Բայց գիտել արժան է զի Հուլագու արար մեծամեծ շինու-թիւնս եւ կանդնեաց աշտարակ աստղաբաշխակա՞ն առ ծովակաւն Մարաղայի. որ եւ եկաց եւ մեռաւ անդէն :

122. Բերքայ կամ Բերքէ էր, ըստ Ռէշիդ-էդ-Ռինի, չորրորդ որդի Տուշիի՝ անդրանկանն Զինգիդ-խանի : Յետ մահուան Բաթույի՝ եղբոր Բերքայի, որդիք նորա Սարգախն եւ Ռ'լուդչի սակաւօրեայք եղեալ միմեանց յաջորդեցին . յետ որոց թաղաւ .

րեայ Բերբայ՝ որդի Բաթույի, ի վերայ Խփչաղայ
յամին 1254 և մեռաւ ի 1266 առ Տերեկ գետով :

123. Սակաւ ինչ տարբերութիւնք երեին ընդ
բուն արձանագրութիւնն փորագրեալ ի սլան եկե-
ղեցւոյն Տաթևոյ և ընդ որ դտանի ի պատմութեան
Ստեփաննոսի Օրբէլեան : Ըստ այսմ՝ բուն արձա-
նագիրն ունի « իշխող էի » : Այլ տարբերութիւնք
արձանին են « տուի... Ենչէր իւր սահմանովն, լե-
րամբ և դաշտիւ » անդ պակասին. « և ի Խոտազետ
և ի Խոտ զվեր ձեռաստունկ այգին, և զՅուր » . դար-
ձեալ՝ յարձանագրին է « և ի Բորտի... և եպիսկոպոսք
տեղւոյս Տէր Հայրապետ... վասն մեր... աւագու-
թիւն... մեա հարամ... եւ են վկայք... արք եպիսկո-
պոս Նորաւանից... » :

124. Յարձանագրին դնին գիւղք չորս . Թէև ի
Թուեղն խտորև երեին դարձեալ վեց . այսինքն,
Ենչէր, Խոտ, Յուր, Հարժիս, Բորտի, Քեթիվան :

125. Փնդամբարն, որպէս յայտ է, ոչ է հայերէն .
այլ պարսկերէն, առ որս գրի փէյդամբէր և նշանակէ
պատգամարեր . սոյնպէս և ապիգարն առ Պարսիկս
է ոճ նզովից :

126. Սէն-Մարտէն ընթեռնու « Ապաղանին » .
գրի և Աբակա-ղան , էր սա որդի Հուլաւույի և եղև
Թագաւոր արդարակորով և խաղաղասէր . եւ յա-
թոռ իշխանութեանն յամին 1264 և մեռաւ ի 1281 :
Փոյթ կալաւ զբարգաւաճանաց ժողովրդեան իւրոյ և
վանեաց զյարձակումն Թաթարաց ի Խորասան :
Սակաւ ամուսնութեան իւրոյ ընդ դստեր Միքայէլի

Պալէօլոգի եւ յաճախակի յարարերովեանցն ընդ
Թագաւորաց Եւրոպիոյ համբաւեցաւ սա իբր հաւա-
տացեալ :

127. « Յանձնէ զնա Արղունին եւ Սահիպին »
Սէն-Մարտէն ընթեռնու « հանէ զնա Արղունին եւ
Սահիպին » որ ոչ ինչ նշանակէ ի հայերէնն . զոր
պատշաճ վարկաք յայտ առնել ընթերցողաց :

128. « Բարձրացուցեալ » պակասի առ Սէն-
Մարտէնի . ուստի և իմաստն կաղայ :

129. « Կորուսանել » Սէն-Մարտէն ընթեռնու
ներհակ իմաստին « կործանել » :

130. « Եւ գտանէր սատակեալ զՌուսուդան »
Թարգմանէ Սէն-Մարտէն « il parvint à faire périr
Rhousoutan , հակառակ մտաց հեղինակին որ կամէր
ասել de retour chez soi , il trouva Rhoussoudan
morte : Դարձեալ՝ զԽաւանդն ընթեռնու Խոյանդն :

131. « Զլցեալն » գրէ Սէն-Մարտէն « ընանե-
ցեալ » ըստ ոճոյ աշակերտելոցն Փռովադանդային
Հռոմայ :

132. « Եւ զի այր ուժեղ եւ սրտեայ եւ պատե-
րազմող էր , եւ հասակաւ ահարկու , յամենայն պա-
տերազմունս յոր և երթայր մեծամեծ քաջութիւնս
եւ անպարտելի զօրութիւնս ցուցանէր » Սէն-Մար-
տէն ունի « եւ զի այր ուժեղ՝ սրտեայ , եւ պատե-
րազմող էր . եւ հասակաւ ահարկու յամենայն պա-
տերազմունս : Յոր եւ երթայր մեծամեծ յաղթու-
թիւնս առնէր . եւ անպարտելի զօրութիւնս ցուցա-
նէր » : Ըստ այսմ է եւ Թարգմանութիւնն :

133. « Որ էր որդի Դաւթի Թագաւորին, որ պա-
հասեաց ի 719 թուականին » Սէն-Մարտէն ըն-
թեռնու « որ էր որդի Դաւթի Թագաւորին. և այս
էր յամի Տեառն 1270 » փոփոխելով ամենայն ու-
րեք (ինքն կամ նախորդ իւր) զհայ թուականն
ի Քրիստոսին :

134. Թագուղար, ըստ Ռէչիդ-էդ-Դինի եւ
Աբուլֆարաջի, էր եղբայր Աբաղայի, եւ եօթնե-
րորդ յորդուց Հուլագույի : Ի տաճկանալն կոչեցաւ
Սահադ. եւ յաթոռն յամի 1282. եւ գահավէժ լեալ
յետ ամաց երկուց սպանաւ յորդուց եղբոր իւրոյ
Խոնխուրտայ (Ղան զրաթայի) :

135. Սա ինքն է Խայադ-էդ-Դին-Քայ Խոսրով
Ղլլիճ-Աբալան՝ որդի Ռօքն էդ-Դին սուլտանի Իկօ-
նիոյ, որ ըստ Ռէչիդ-էդ-Դինի սպանաւ յեղնկայ
քաղաքի յամին 1284 կամ 1285 :

136. « Զոր հանեալ ի բանտէ կապանացն Թա-
գաւորեցուցին » ընթեռնու Սէն-Մարտէն « զոր
հանեալ ի բանտէ կապանացն Թագաւորեցին » որ
արտաքոյ է կանոնաց հայերէն լեղուի :

137. Յետ անկման Թագուղարայ Խօջայ-Շէմս-
էդ-Դին-Սահիպ-Դիւանն փախեաւ ի Լարիստան
եւ կալեալ կտտամահ եղև յամի 1284 յետ վարելոյ
զվէզիրութիւնն ամս 20 :

138. Ըստ այսմ հաշուոյ ժամանակ ձեռնադրու-
թեան Ստեփաննոսի Օրբէլեան յեպիսկոպոսու-
թիւն Սիւնեաց համարի ամս 1287. յորում կոս-
տանդին Բ. յառաջին անգամն եւ յաթոռ հայրապետ-

տութեան Հայոց, որ եւ ընկեցեալ յետ երից ամաց՝ միւսանգամ Հայրապետացաւ յամին 1307, յոր եկաց այլ եւս ամն 16 :

139. Յամին 1287 յորում ձեռնադրեցաւ Ստեփաննոս Օրբէլեան յեպիսկոպոսութիւն, Սիւնիք բաժանեալ էր յայլ եւ յայլ առաջնորդութիւնս . և արքեպիսկոպոսքն Հայրապետ եւ Յովհաննէս նըստէին ի Տաթեւ, Սարգիս և Գրիգոր ի Վայոց ձոր, և այլք՝ այլուր, յոյր սակս յուզեցան ի միջի վրդովք բաղումք :

140. Երեքին հետեւեալ տողքս « զգեցուցանեն նմա զՀայրապետական ղգեստն ոսկեթել հիւսուածով . եւ ղնեն թագ պատուական ի գլուխ նորա . ղայս կաթողիկոսն » պակասին առ Սէն-Մարտէնի :

141. « Իսկ ի գալ նորա » Սէն-Մարտէն ընթեռնու « իսկ ի գնալ նորա » որ է բոլորովին հակառակն, իբր զի որպէս տեսանի անդ, մատենագիրն պատմէ զգարձ Ստեփաննոսի Օրբէլեան ի Աիլիկիոյ ի Սիսական, առ Հայր իւր :

142. Դեմետրէս այս՝ որդի Դաւթի Սօսանայ, եւ յաթոռ տէրութեան Վրաց յամին 1272 եւ սպանաւ ի 1289 ի դաշտին Մուղանայ հրամանաւ Արղուն խանի :

143. « Յիւրում ձեռակերտ դամբարանին » ընթեռնու Սէն-Մարտէն « յորոյ ձեռակերտ դամբարանին » որ սրբազրութեան պէտս ունի :

144. Սա ինքն է Յովհաննէս Օրբէլեան որ յետ մահու Ստեփաննոսի եկաց յառաջնորդութիւն

Աիւնեայ վարելով միանգամայն եւ զտէրութիւնն աշխարհական. արար սա թուղթս եւ ճառս աստ, ուածաբանական, հետեւեցաւ շաւղաց նախորդին իւրոյ. յոյր սակս եւ ատելութեան Հ. Մ. Զամէ. արժանացաւ որպէս եւ նախորդն իւր :

145. Սկսեալ « յԵւ արդ ո՞վ ընթերցողք » բանէ մինչ ջվերջն պակասի առ Սէն-Մարտէնի :

146. Սա ինքն է Կոստանդին Բ. ի Կատուկէ, օծաւ յամին 1287. և յետկալոյ ամս երիս յաթոռ հայրապետութեան Հայոց՝ աքսորեցաւ ի սակս գժտութեան արքային Հեթմոյ Բ : Վերստին կալեալ զաթոռն ի 1307 ամի, և կացեալ ջամն 1323 մեռաւ ի պարարտ ծերութեան :

147. Հռովկայ ոչ առաւ ՍԱլիւոյ որ յԱրաբացոց Սայիֆ-էդ-Ղին-ալ-Ալֆի կոչի. այլ ի Մալեք-ալ-Աշրեֆ Սալահ-էդ-Ղինէ, յամին 1292 : Տէս պատմութիւն Մամեղուկաց Եգիպտոսի արարեալ ի Թա. գիմ-էդ-Ղին-Ահմեդ-Մակրիզիէ :

148. ԶԱնտիոք ա՛ռ Բիրարս կամ Բիյբարս սպանիչն Կուտուզի. որ նախ՝ դաշնակցութեամբ Քրիստոնէից եհար զԿերբուղայ՝ զօրապետն. Հուլագու խանի, և ապա ստեալ դաշին իւրոյ ա՛ռ ի նոցանէ ըզ Գարագ, զՍեֆեդ, զԵաֆոյ և զԱնտիոք յամի 1260 կոտորեալ ինմա 17,000 անձինս և դերեալ 100,000 :

149. Տրապօլիս կոչի յԵւրոպացոց Տրիպօլի, քաղաք Հնոյն Փիւնիկիոյ առ Միջերկրականաւ, առաւ ի Խալիլ-Աշրաֆայ՝ սուլտանէն Եգիպտոսի :

150. « Կորնթացոց քաղաքն Աբայիս » Խչ է

յԱսորիս կամ ի Պաղեստին. այլ ի Յունաստան . ուր ոչ գոյր Կորնթացւոյ քաղաք. այլ Կորնթոս քաղաք, յանուանակից կրճի, որոյ ներքին բերդն կոչէր Ակրոս-Կորնթոս : Աքայիս կոչէր բոլոր Յունաստան ընդ կայսերութեամբ Հռոմայեցւոյ, եւ յառաջն փոքրիկ աշխարհ ինչ Յունաստանի հանդերձ 12 քաղաքօք յարեւմտից Պեղոպոնէսի : Իսկ քաղաքն, զորմէ բանս է, ի հնումն կոչէր Պտողէմայիս, ի միջին դարու՝ Աբր, Աքեայ կամ Սէնթան դ'Աբր, ոչ հեռի ի Կարմեղ լեռնէ, ուր սոպաստանեալ էին երեսփոխանք Թագաւորացն Նապլի, Կիպրոսի, Գաղղիոյ, Անգղիոյ, Պապին, Պատրիարքն Երուսաղէմի, իշխանն Անտիօքայ, երեքին զինուորական կարգք Խաչակրաց եւ Ժողովուրդ բազում Վենետկեցւոյ, Գենովացւոյ, Պիզացւոյ, Հայոց, Մուղալաց լայն, աժններն վառեալ հակառակութեամբ և նախանձու ընդդէմ միմեանց : Խաչիլ-Աշրաֆ յետ երկամեայ պաշարման առ Պտողէմայիս ի 16 Յունիսի 1291 ամի և իսուր անխընայ կոտորեայ զսոպաստանեալն ինմա :

151. Բազում անգամ խօսեցեալ եմ զիրաց կարգացս եւ բացատրեալ զպաշտօն եւ զպարտաւորութիւնս նոցա : Կարեւոր համարիմ սակայն յաւերդ սաստանօր Թէ գլխովին անհիմն է չարախօսութիւն Ստեփաննոսի Օրբէլեան ընդդէմ Օսպիտալիէ (զորս յայիրադուն կոչէ) ասպետացն վասն զի, որպէս երևի ի Տիեզերական պատմութենէ Կեսարու Կանտիւ, ԺԲ. եր. 388. ի Ժամանակի պաշարմանն նոքա սաստկագոյնս կռուեցան բան այլը.

եւ յետ առման Պտողէմայիսայ, հազիւ թէ 16 անձինք մազապուր զերծեալ՝ ապրեցան ի Կիպրոս :

152. Գրի եւ Պեհեսնի, բերդագիւղ երրորդ Հայոց, ոչ հեռի յԱռաքան գետոյ. արդ Բեան կոչի :

153. Անհիմն է ամենեւին զրոյցս իմասին հաստատելոյ Գրիգորի Վկայասիրի զաթոռ հայրապետութեան Հայոց ի Հռոմկլայ. առ որով եւ նա ինքն Ճօսլին տակաւին ոչ տիրէր այնմիկ. ուստի եւ ոչ կարէր վաճառել զայն կաթողիկոսաց մերոց : Գրիգոր Վկայասէր, որպէս յայտ է, օծաւ ի Մամնդաւ ի 1071. եկաց յԱնի ի 1074, անց յԵգիպտոս ի 1076, ի Կոստանդնուպօլիս ի 1082. եւ հանգեաւ ի Ռապան ի 1105 : Ապա Գրիգոր Գ. Պահլաւունի օծեալ կաթողիկոս ի 1113. եւ նստեալ ժամանակս ինչ ի Մովսէս զղեկի, գնեաց ի կնոջն Ճօսլինի զղղեակն Հռոմկլայ ի 1147. ուր եւ նստաւ ինքն եւ յաջորդք իւր մինչև ցառումն այնորիկ յԱշրեֆայ՝ սուլտանէ Եգիպտոսի, յամին 1192 :

154. Նեստոր անուն կաթողիկոս Ասորոյ անժանօթ է իգիրս մեր. եւ չկարէ լինել մի ի յաջորդացն Միխայէլի Ասորոյ՝ բարեկամին և թղթակցին մերոյն Ներսիսի Շնորհալոյ, վասն զի ի յիշատակաբանի գրոցն պատմութեան (թարգմանեալ ի Հայ յամի 1248) Միխայէլի, որ համարի վախճանեալ ի 1199 ամի, յիշատակի յաջորդն իւրմօր ի գնատէ անուն որ եւ չկարէր բնականաբար կոչիլ Նեստոր ի սակս վեճի ատելութեանն որ ընդ Յակոբիկ եւ Նեստո-

բեան Ասորիս : Իցէ՞ Նեստորս այս պատրիարքն
Նեստորական հերետիկոսաց, որ նստէր ի Մարաղայ,
առ որում օթեւանս կալաւ նաեւ արքայն մեր Հե-
թում Բ. յորժամ զնաց ի տեսութիւն Ղազան
խանին :

155. Ելեալ ի լատին կամ յոյն sella բառէն ,
նշանակէ աթոռ կամ դահ . եւ փոխաբերաբար՝
առաջնորդութիւն կամ թէ՛մ :

156. Յօրինակաց մերոց երկուքն ունէին քուսել
կարծիս իմն տալով թէ իցէ բառ հայկական, որ ոչ
գտաւ ի բառագիրքն հայկազեան : Թերեւս նշանակէ
քսել այսինքն խօսիլ յունկն այլոյ . ըստ որում ունիմք
եւ յաշխարհիկ լեզուն մեր քախել, քախալ որ նշա-
նակէ ճառել յունկն ուրուք, որպիսի է եւ սովորու-
թիւն խորհրդականաց ասիական ժողովրդոց : Իսկ
երրորդն ունէր ուսել այսինքն ուս ընդ ուս կանգ-
նել, որպիսի է առ Յոյնս սովորութիւն եկեղեցա-
կանաց, որոց ի ժամ պատարագին մերձ կացեալ
միմեանց կատարեն զխորհուրդ սրբոյ հաղորդութեան
յորժամ պատարագէ արքեպիսկոպոսն կամ պատ-
րիարք նոցա :

157. Աւետումն ամենասուրբ Կուսին կամ Աւե-
տիքն է իթուոյ անշարժ տօնից եկեղեցւոյ մերոյ .
եւ պաշտի անխափան յ7 Ապրիլի եւ ոչ ի 6ն :

158. Աւանդութիւն խթմանն առ մեղ եւ եթ
պահեալ տեսանի՝ յայլ քրիստոնեայս գտով անհե-
տացեալ : Թէ եւ բաղում խոյղ և խնդիր արարի-
իմատեանս եկեղեցւոյ , ոչ կարացի գտանել ոչ

զսկզքնաւորութիւն այնորիկ , ոչ զսահմանադիրն եւ ոչ զժամանակն յորում մուտ կալաւ առ մեզ սովորութիւնս այս : Այս ինչ անտարակուսելի է թէ ոչ է այն նորամոյծ. եւ զսկիզբն այնորիկ խնդրելի է յերկրորդ կամ յերրորդ դարս քրիստոնէութեան : Վասն զի պահք նախահաւատ քրիստոնէիցն յերկրորդ եւ յերկրորդ դարս՝ յաւուրս չորեքշաբաթու եւ ուրբաթու տունջենական էին, այսինքն սկսեալ յառաւօտէ տեւէին ցիններորդ ժամն երեկոյի, յորում պահեցողքն խթէին ի կերակուր : Հաւանաւրան է կարծել թէ յետ ժամանակաց, յորժամ տունջենականն փոխեցաւ յամբողջական, եւ յաւելան շաբաթապահք եւ քառասնորդականն, այնուհետեւ խթումն պահեցաւ ճրագալուցից Մենդեան եւ Յարութեան՝ երկուց մեծախորհուրդ տօնից Հաւատոյ մերոյ : Տէս Գծագրութիւն պատմութեան եկեղեցւոյ. Իննուկենտեայ վարդապետի. Գ. Ա. եր. 33-34. (ի Ռուս) : Զարմանալի է արդարեւ տեսանել ի Մաշական ասացեալ հատածին Ռուսաց զմեր սովորութիւն խթման. թէ եւ ազգն այն, որպէս յայտ է, ըստ մեծի մասին յունականին զհետ երթայ կարգաց եւ կրօնից :

159. Հեննետիկոն է բառ յունական, որ եւ գրի Հէնետիկոն, էր հրովարտակ միաբանութեան զոր եհան յամին 482 կայսրն Զենոն ի խնդրոյ Ակակիոսի՝ հայրապետին Կոստանդնուպօլսի, առ ի հաշտեցուցանել զՔաղկեդոնականս ընդ ոչ Քաղկեդոնականացն. որ ծնաւ նորանոր շփոթս :

160. Արկին հատածքս վարդապետական բանից

Սրբոցն Գրիգորի Աբանչեղագործի եւ Աթանասի Աղեքսանդրիոյ, շարայարեալք իվերջէ ձեռնարկին զոր արեւելեան եկեղեցականք եւ աշխարհականք առաքելոյն առ Գրիգոր Է. Անաւարդեցի, Թարգմանեալ երեւին ի յետնոց կարի խակ եւ աղաւաղ ոճով, կամ Թէ այլոյլեալ ի կռուասէր անձանց :

Մեր տպեցաք զայնս որպէս եւ էին ի մեր օրինակս եւ զի չունէար առ մեզ իսկանդիստութեան աստ զամբողջ գիրս Գրիգորի Աբանչեղագործի կամ Աթանասի, ոչ կարեմք ասել ինչ զվաւերականութենէ կամ զանհարազատութենէ այնոցիկ :

Այսու ամենայնիւ ոչ զանց արասցուք գնել աստէն զհատուած մի Աթանասի զոր օրինակեցաք ի դպրոցին Սկիւտարի յամին 1851. ի լինելն մեր ի Կոստանդնուպօլիս. որ եւ է այսպէս « խոստովանիմք զՈրդին Աստուծոյ, նախ քան զյախտեանս, մշտնջենաբար ծնեալ ի Հօրէ. խակ ի վերջին աւուրս, վասն մերոյ փրկութեան ի Մարիամայ ծնեալ ըստ մարմնոյ, որպէս աստուածազան Աւարեալն ուսուցանէ ասելով « յորժամ եկն լրումն ժամանակաց, առաքեաց Աստուած զՈրդին իւր որ եղեւ ի կնոջ » . եւ գոլ զնոյն Աստուած եւ Որդի Աստուծոյ ըստ հոգւոյ. խակ որդի մարդոյ ըստ մարմնոյ. ոչ երկուս բնութիւնս, զմին երկրպագելի եւ զմին աներկրպագելի. այլ մի բնութիւն Աստուծոյ Բանին մարմնացելոյ, եւ երկրպագեալ հանդերձ մարմնով խրով միով երկրպագութեամբ. այլ եւ ոչ երկուս որդիս » եւ այլն :

Զհամեմատութիւն կրկին Թարգմանութեանցս այլոց Թողեալ՝ մեր ի զբաղումն մեր փութասցուք :

161. Արղուն թագաւորեաց ի Դավրէժ յամէ 1284 ց 1291, տպանեալ զհօրեղբայր իւր զԹագու գար (Թաքօդօր), որ եւ տաճկացեալ կոչեցաւ Ահմէդ խան, փոխեաց ղկուստունսն ի մզկիթս և դառն հալածանս յարոյց ի վերայ քրիստոնէից. Բաւա՛ սիրելին իւր, տնտեսեաց ղպետութիւնն ընդ նովաւ ։ Յետ սպանման սորա եկաց ի նոյն գործ մեծիմաստն Սաադ-էդ-Ռօլայ Հրէայն, ընդդէմ որոյ նախանձու գրգռեալ մեծամեծաց տէրութեանն՝ զնա եւս սպանին յամին 1290 ։

162. Բունանուն սորա էր Սաադ-էդ-Ռօլայ, և էր աղգաւ Հրէայ, բարեկամ քրիստոնէից եւ ատելի մահմետականաց ։ Եկաց վէզիր Աբաղա խանին, իմաստութեամբ տնտեսեաց զՊարսս, զՍրաբիա, զՀայս, զՎիրս եւ զԱսորիս, և սպանաւ յամի 1290 ի Մահմետականաց ։

163. Բայտու խան էր Թոռն Հուլագու խանին, եւ թագաւորեաց ամիսս ինչ ժիպն յետ սպանանելոյ զնախորդնիւր զՂայ ղաթու խան ։ Ինքն եւս յետ սակաւուց գահավէժ եղև, եւ սպանաւ ի Ղազան-խանէ՝ յորդոյ Արղունի ։

164. Տախտն իլեզու Թուրքաց նշանակէ գահ թագաւորութեան ։

165. Քեղաթուն, զոր այլք կոչեն Կայ-Կաթուն, էր եղբայր Արղունի. որ սպանաւ յամին 1294 ։

166. Այսինքն է դրամաթուղթ, մուծեալ նախ առ Չինս ի Չինգիզ-խանեանց, զոր Քեղաթուն, յետ սպառելոյ զգանձս պետութեան իւրոյ ի շույլութիւնս կամեցաւ մուծանել առ հպատակս իւր.

որոյ վասն եւ հակառակութիւն կրեալ՝ կորոյս զա-
թոռ իւր եւ զկեանս յամին 1294 :

167. Անորոշ բանք Օրբէլեանին կարծիս տուն ըն-
թերցողաց թէ դաշտն Սրաւսոյ էր յայս կոյս դետոյն
Երասխայ, ի սահմանս Հայաստանի, զոր չեղև մեղ-
գտանել թէ եւ բազում խնդիր արարաք : Իյէ՞
այս դաշտն Սրուանոյ (Շիրվանայ) կամ Սաւսոյ քա-
ղարին Տարաբխատանայ :

168. Ղազան-խան կալաւ զաթոռ Մուղալացն
Պարսկոյ յետ սպանանելոյ զԲայտու խան. եւ աշա-
կերտեցաւ մահմետեան դէնի սադրեալ ի Նաւրու-
զէ՝ վէզիրէ իւրմէ, և 100,000 Թաթարք ընդ նմա :
Փոյթ կարաւ կարգաւորել զտէրութիւն իւր, եղ-
չախս եւ կշիռս, ջնջեաց զյեղըզակս, եւ կացոյց
սուրհանդակս : Ի մտի եղ սպստամբել ի մեծ խա-
նէն Թաթարաց եւ վանեաց զյարձակումն նոցա
յամին 1296 : Ասլա արչաւանս եղ ի Միջագետս
և յԱսորիս և կալաւ զՀալէս, զԵմէս, զԴամասկոս.
ամենայն ուրեք անթիւ չարիս հասուցանելով Քրիս-
տոնէից քակելով ամենայն ուրեք զտաճարանոցս. այս-
պէս և զկուսապաշտիցն և կրակապաշտիցն կռտտունս
եւ կրակատունս եւ կանգնելով մզկիթս ի տեղի :
Եղիպտոսոյիւր զօրաժողով լեալ յարձակեցան յԱս-
որիս եւ տիրեցին ամենայն բաղարացն եւ գաւառաց
Ղազանի, որ ի կսկծոյ սրտին մեռաւ յամին 1304 ի
13 Մարտի :

169. Այս տնձն թուի նոյն լինել զոր Վիրք
Խաւթօ խան կոչեն և Ալաիրօթ՝ Խան չաթու խան :

170. Նաւրուզն Պարսկոյ յեզդիս որ արդարեւ

ի մեր լեզուն թարգմանի նաւասարդ, էր վէզիք Ղազան խանին, եւ այր յաղթօղ ի պատերազմի : Սա է որ յաղթեաց զօրաց մեծ խանին Թաթարաց յամին 1296. եւ ինքն ապստամբութեան աղաղաւ սպանաւ :

171. Մարաղայ է քաղաք հին Ատրպատականի յելից ծովակին Ուրմիոյ. ուր նստան ոմանք ի խանից Թաթարաց :

172. Կաթողիկոսարանն Մարաղայի ոչ էր Ատրուոյ ուղղափառաց. այլ Նեստորականաց : Շիութութիւն իմն տեսանեմ յոճ բանիս, և ի տեղի Բայտուլի արժան համարիմ կարդալ ամենայն ուրեք Ղազան. վասնզի այն ամենայն չարիք յաւուրս սորա գործեցան :

173. Նոր իմն է զրոյցս, եւ արժանի տեղեկութեան. ըստ որում անծանօթ է ամենայն պատմագրաց մերոյ, եթէ Օրբէլեանն արքայի անուամբ զՀեթում խմանայ, որոյ, տուեալ ասէ, զքոյր իւր կնութեան Խութլուչահ՝ զօրապետին Ղազան խանի :

174. Հրէ, որպէս եւ ասացաք յառաջագոյն, էր հին քաղաք Վրկանայ եւ ոչ անդր բան զՄավր որ էր մայրաքաղաք Խորասանի :

175. Մավր, զոր Պարսիկք և Եւրոպացիք Մեւր կոչեն, էր մայրաքաղաք Խորասանի, ուր թաղեցաւ Ալպ-Արպանն Սալջուկեան :

176. Նշաւուր է աղաւաղեալն Նիշապուրի՝ (Նիշապուհ) նշանաւոր ի պատմութեան մերում տխուր

յիշատակաւ կապանայ եւ չարչարանայ սուրբ քահանայիցն մերոյ եւ նախարարայ յամին 454 յանօրէնն Յագիկերոտէ, եւ է բաղաք յաշխարհին Պարթեւայ : Աստ նստան առ ժամանակ մի Սալջուկեան սուլտանք Պարսից, ուր եւ ծաղկեցան բանաստեղծք յողով, ընդ որս եւ Շէյխ Ֆէրիդ-էդ-Դին Աթար : Թիւ բնակչացն է 2,000 երդ :

177. Մէթեուլէթ է Օսաստան Վրաց կամ ձորն Արագվայ գետոյ ի ծործորս Կովկասու ընդ մէջ Փշուլայ եւ Խեւսուրայ, եւ ոչ կարի հեռի ի բերդաշինէն Մուխրանայ :

178. Ոչ պարծիմք գիտել զՎրաց լեզու, որպէս Օրբէլեանն նկրտի հմուտ այնմ երկեցուցանել զանձն. բայց եւ այնպէս՝ հանդերձ մերով կիսակատար գիտութեամբ համարձակիմք պնդել թէ Մուղէ-Նախէ ոչ երբէք նշանակէ առ նոսա եկ եւ տես : Եկ ստի ի լեզուին Վրաց մօտի և ոչ մուղէ որ թուի ելեալ ի մոխի բառէ Վրաց, եւ նշանակէ կաղնի : Գոյ ի Թրիալէթ դաւառի այլ խմբ բերդագիւղ կոչեցեալ Մօխի կամ Մօկիս :

179. Զիբ աշխարհ Բերքայեանց ոչ առ հինս, ոչ առ նորս : Թաթարք արշաւեցին զսառաւիղն ի հիւսիսոյ կողմն Կովկասու յամին 1223. եւ յաղթեալ Ռուսայ ի ճակատուն Կալիդայ՝ դարձան յետս : Յետերեքստաւան ամաց (1237) Բաթու միւսանգամ արշաւանս եդ յաշխարհն յայն, եւ կոչեալ զանձն խան Խփչաղայ, բնակութիւն կալաւ առ Վօլգայիւ ուր եւ շինեաց զբաղաբն Սարայ : Ապա խաղացեալ մարտիւ պատերազմի յաշխարհս Բաշկիրայ, Կուշատ. Բ :

մանաց, Բուլղարաց, Լեհաց, Հունդարաց և Ռուսաց առ և աւերեաց զՄոսկովայ, զԿիեվ, զԿրակովի և զայլ երևելի բաղաքս եւ ի հարկի կացոյց զքնակիչսն : Աստի Սէյբան խան՝ եղբնյր Բաթույի, առեալ ընդ ինքեան 15,000 գերդաստանս Մուղալաց, չոգաւ եւ տիրեաց աշխարհին Սիբերիոյ. որոյ սերունդք իւր Թագաւորեցին ի Տօթուք ամս 300 : Բերքի՝ որդին Բաթույի, Ժառանգեաց զաթոռ հօր իւրոյ (1263), ետ մեծամեծ ճակատս ի հարաւոյ եւ ի հիւսիոյ Կովկասու . եւ ի հարկի կացոյց զամենայն իշխանս Ռուսաց : Թոռունք Բաթույի Թագաւորեցին յաշխարհի անդ խփչաղ անուամբ (այլ ոչ Բերքայեանց) ցամն 1463 : Եւ ի Ժամանակին յորում Ռուք փորձ փորձեցին Թաթափել յանձանց զանարգ լուծն հպատակութեան , տէրութիւն խփչաղ Թաթարաց բաժանեալ էր 1. ի Խանութիւն Նողայ-Թաթարաց ընդ մէջ Դօն և Դնիեստր գետոյ . 2. ի Խանութիւն Աստրախանի ընդ մէջ Կովկաս լերին եւ Դօն եւ Վօլգայ գետոյ . 3. ի Խանութիւն խփչաղի ընդ մէջ Ուրալի եւ Վօլգայի . 4. ի Խանութիւն Ղազանի ընդ մէջ Սամարայի և Վեատկայի . 5. ի Խանութիւն Ղաթաթ Թերակզզոյ . որոյ ամենեցուն տիրեցին Ռուք :

180. Նողայ (Նուխայ առ Օրբէլեանի) ըստ ոմանց էր Թոռն Զինգիզ-Խանի, ըստ այլոց՝ իշխան Թուրքմանայ, որ ի սաղրեւոյ Բիբարսի եւ Միքայէլ Պալէօլոգի՝ աներ իւրոյ, գլուխ ամբարձեալ ընդ դէմ խանին խփչաղաց՝ Թագաւորեաց յալին սեաւ ծուլու, ի հարաւային Ռուսիա : Առ Ղուբան գե-

տով Թափառին ցայսօր ժամանակի 30,000 գեր-
դաստանք Նօղայ Թաթարայ : Իսկ Սարդախան, որ-
պէս յայտ է, էր ուղի Բաթույին, եւ ոչ թոռն :

181. Մուխրան է բերդաքաղաք Քարթլէլի առ
Կուր գետով՝ հաւասար հեռաւորութեամբ ի Մյխի-
թայէ և ի Գօրուայ : Անուն քաղաքաւանիս, կարծի,
յառաջ եկեալ յանուանէ մոխի (կաղնի) ծառոց,
որքանբաւ առատութեամբ բուսանին իշրջակայս այ-
նորիկ : Յամին 1513 Կախք եւ Քարթլք արարին
աստէն արինաւհեղ պատերազմ : Լալս փաշայ սու-
ղայն յամին 1578 : Ի 1479 պատերազմեցան առ
քաղաքաւս Մահմադ փաշայ եւ Սիմէօն՝ արքայ
Վրայ :

182. Իննոկենտ Դ. առաջին եղեւ ի պապս,
որ եղ ի մօի ածել ի հաւատս զԹաթարս . մանա-
ւանդ յորժամ լուաւ թէ Թաղաւորէ առ նոսա քա-
հանայ ոմն Յովհաննէս անուն, կեղծեալ ի Նեստո-
րականայ : Որ եւ ի ժողովին Լիօնի (1245) որոշեաց
առաքել զկրօնաւորսն Լաւրանտ ի Փօրդուքալէ,
զՅովհաննէս ի Կարբոյ եւ զԲենուա ի Պօլոյնէ առ
Բաթու բանակեալ առ Վօլգայիւ, և այլս եւս երիս
այսինքն ՂԱիմոն, զԱղեքսանդր և զԱլքերտ Սակե-
ղինս ի Հայաստան, առ Բաշու նուին. որք յապուշ
կրթեցան յորժամ լուան թէ պապն ոչ գիտէ տա-
կաւին թէ է նոցա մեծ խան որդի երկնից անուա-
նեալ : Եւ յետս դարձուցին զեկեալսն : Սուրբն Լույիս՝
արքայ Գաղղիոյ, առաքեաց (1247 և 1255) զԱնդրէ
եւ Ռուբրիք կրօնաւորսն հանդերձ մասամբ կե-
նաց փայտին յորդորելով զՄանգու խան ի քրիստո-

Նէութիւն : Ռուբրիք պատմէ՝ թէ ետես զՄանգու խան եւ զիւրսն շուրջ պատեալ ի Բուղղայեան, ի Մահմետական եւ ի Նետտորական քարոզչաց յորոց իւրաքանչիւր ոք ջանայր որսալ զնա յիւր աղանդ, որ եւ յաւելլու թէ « եթէ Աստուած տայր ինձ չնորհս հրաշից, որպէս Մովսիսի ի նախնի դարս, թերեւս ածէի զնա ի հաւատս » : Աբաղայ խան, յաջորդն Հուլագու խանի, միշտ պաշտեաց զիւրա թէ եւ առ ի զգէմ ունել Եգիպտոսի Մահմետականացն ցանկացաւ դաշնակից լինել քրիստոնէից ի ձեռն Գրիգորի Թ : Կուբիլայ խան հարկեաց զիւրսն ընդունիլ զկեշտն Լամայեան : Պապն առ ի ստուգել զսուտ համբաւ քրիստոնէութեան Թաթարաց առաքեաց ի նորոյ, յառին 1278 քարոզիչս հինգ ի կարգէ « կրսեր եղբարց » . որոց առաքելութիւնն ըստ առաջնոյն ապարդիւն եղև : Ահմէդ՝ եղբայր Աբաղայի, (1282) յայտնապէս աշակերտեցաւ Մահմետի, եւ քակել ետ զեկեղեցիս քրիստոնէից : Արդուն՝ յաջորդն Ահմետի, ղաաղեալ ի մարտ սրատերազմի ընդգէմ Եգիպտոսի, եւ կարօտ ձեռնտուութեան քրիստոնէից, զիւր արար նոցա ի տէրութեան իւրում, հրաման տալով կանգնել զաւերեալ եկեղեցիս. եւ սրապէն՝ Ոնորիոս Դ. եւ Նիկողայոս Դ. ի նորոյ առաքեցիկն քարոզիչս առ նոսա : Կանջատու սրաշտպան եկաց մահմետականաց, եւ հալածեաց զքրիստոնեայս : Բայթու ընդ հակառակս վարեցաւ. եւ Ղազան վերստին նորոգեաց զհալածումն քրիստոնէից թէ եւ սակաւ մի զիւր արար նոցա յորմէ հետէ ամուսնացաւ ընդ դստեր արքային մե-

րոյ Հեթմոյ Բ ։ Ահա նկարագիր համառօտ ուրուա-
կան քրիստոնէութեան Թաթարաց զորմէ այսպէս
պարծառօք խօսի Օրբէլեանն ։ Թերեւս ոչ որ այնչափ
բաղձայր տեսանել զկրօն մեր ի ծաղկի առ նոսա, որ-
պէս ես . յորմէ մեծամեծ բարեաց ակն ունել մարթ-
էր ազգի մերում . այլ զի ոչ արժանացան նորին տի-
րապէս երկնապարգեւ շնորհացս, մի խնդաոյութեւ
մեք յուսով սնոտի ։ Տիեզ. պատմ. Կեսար Կանտիւ-
ժԱ. եր. 334-366 ։ Այս ինչ եւ եթ մնայ իբրեւ
ճշմարտանման աւանդութիւն թէ Նեստորականք
բարոզեցին ոչ միայն առ նոսա . այլ նաեւ առ Չինս
սկսեալ յամէ Փրկչին 635 . որոյ յիշատակարանք
գտան ապա ի Յիսուսականաց ։

183. ԶԱիրչաղն ոչ ճանաչեմք, եթէ չիցէ սա
Գենովացին Բիսկարել զը ԶիզովՖ, որ դեսպանու-
թեամբ եկն յԱրղունէ առ արքայս Գաղղիոյ եւ
Անգղիոյ ։ Իսկ որդին Արղունի, որ արդարեւ մկրտե-
ցաւ, եւ անուանեցաւ Թէոդոսիոս կամ Խարրան-
դայ, կոչի յԵւրոպայուոյ Ալջապտու կամ Օլգայ-
տու, որ եւ նամակագիր եղեւ առ արքայն Գաղ-
ղիոյ յամի 1306 ի Մարաղայէ . որ պահի ցայժմ
յարբունի գրատան ։ Խարրանդայս յետ սակաւուց
տաճկացաւ . եւ այնուհետեւ զնալով զնաց եւ վատ-
թարացաւ տէրութիւն Թաթարաց յԱտրպատա-
կան մինչեւ բոլորովին բարձաւ ։

184. Զբարամն համարիմ ելեալ ի յոյն թրաքս
րառէ, յորմէ ծնանի եւ (bras) թրայ գաղղիականն,
նշանակէ բազուկ ։

185. Յաւուրս Ստեփաննոսի Օրբէլեան, այն է

յեւս երեքտասաներորդ դարուն զատուցեալ վիճակք Վայոյ ձորոյ եւ Սիսականի, կամ լաւ եւս՝ Նորավանից եւ Տաթեւոյ միացան առ ժամանակ մի. եւ ապա վերստին բաժանեցան յորում են եւ ցայսօր ժամանակի :

186. Զինի Յովսէփայ Ա. Սիւնեցւոյ զաթոռ սուրբ Լուսաւորչին կալաւ ոչ Գիւտ . այլ Մելիտէ Մանաղկերտոցի ամս 5, զորով զանց առնու Օրբէլեան :

187. Գիւտ ոչ յաջորդեաց , ըստ Օրբէլեանի Յովսէփայ Ա. Սիւնեցւոյ . այլ Մովսիսի Ա. Մանաղկերտցւոյ :

188. Տողբ ինչ պակասէին յօրինակս մեր .

189. Ի պատմութեան Սիսակայ նահանգին Օրբէլեանն միշտ թուէ երկոտասան դաւառս : Իսկ աստանօր ինքն կամ այլ որ ի յաջորդաց իւրոց զթիւ նոցին հանէ ի 14. որ , որպէս երեւի, չէր յաւելուած ինչ արտաքուստ . այլ նոր բաժանումն դաւառաց նոյնոյ աշխարհի :

190. Արաբացի թիւքն ցուցանեն զօրքանութիւն մարզանից ցորենոյ զոր շէն իւրաքանչիւր իբր գաւազանապտուղ , եւ նոյնքան դահեկան (փանահարսոռ) , որ է կէս դռն իբր արօռահարկ , տայ ամի ամի Տաթեւոյ վանիցն :

191. Հարանդ կամ Աքանդ , որպէս անուանք գիւղորէիցն Տեղոյ, Գորուոյ, Խնձորեակայ եւ այլոց յայտ առնեն , ձգէր զաջոյ ափամբ Հագարւոյ եւ ըզձախոյ Արոտան կազմելով իբր դելթա ի խառնուրդս

նոցա. եւ Համարիւր արեւելեան հիւսիսի սահման Սիսականի. ուր իշխեաց առ ժամանակ մի Հայկազունի ճիւղն Սիսակեանց :

192. Շարակարգութիւն եպիսկոպոսաց Սիւնեաց, որ թուի արարեալ զինի 1830 ամի, ոչ է ամբողջական իմն եւ է առանց տարեթուոյ որ յոյժ դժուարին գործէ գիտել զժամանակ յաջորդելոյ նոցա միմեանց սկսեալ իչորեքտասաներորդ դարէ անտի ցաւուրս մեր : Ի 1837 ամի տնօրէնութեամբ Սիւնհոդոսի սրբոյ Էջմիածնի բարձաւ պատիւ արքեպիսկոպոսութեան Սիւնեաց եւ արկաւ այլովք հանդերձ գաւառս ընդ անմիջական տնտեսութեամբ կաթողիկոսին, որոյ տեղակալ արքեպիսկոպոսն նստի յԵրեւան. եւ Տաթեւոյ վանքն եղեւ աթոռ փոխանորդի. ուր եւ ինձ վիճակեցաւ կեալ տեղապահութեամբ ամս ինչ :



134. 7. 5. 4

Letzte Kalandierk 107

Gelehrte des Stephanos buchst 1299 oder genau 129



մանաց, Բուլղարաց, Լեհաց, Հունգարաց և Ռուսաց ան և աւերեաց զՄոսկովայ, զԿիեվ, զԿրակովի և զայլ երևելի քաղաքս եւ ի հարկի կացոյց դրնալիչսն : Աստի Սէյբան խան՝ եղբնյր Բաթույի, առեալ ընդ ինքեան 15,000 գերդաստանս Մուղալաց, չոգաւ եւ տիրեաց աշխարհին Սիբերիոյ. որոյ սերունդք իւր Թաղաւորեցին ի Տօբօլսք ամս 300 : Բերքի՝ որդին Բաթույի, ժառանգեաց զաթոռ հօր իւրոյ (1263), ետ մեծամեծ ճակատս ի հարաւոյ եւ ի հիւսիոյ Կովկասու . եւ ի հարկի կացոյց զամենայն իշխանս Ռուսաց : Թոռունք Բաթույի Թաղաւորեցին յաշխարհի անդ խփչազ անուամբ (այլ ոչ Բերքայեանց) ցամն 1463 : Եւ ի ժամանակին յորում Ռուսք փորձ փորձեցին թօթալիւ յանձանց զանարգ լուծն հպատակութեան , տէրութիւն խփչազ Թաթարաց բաժանեալ էր 1. ի խանութիւն Նողայ-Թաթարաց ընդ մէջ Դօն և Դնիեստր գետոյ . 2. ի խանութիւն Աստրախանի ընդ մէջ Կովկաս լերին եւ Դօն եւ Վօլգայ գետոյ . 3. ի խանութիւն խփչաղի ընդ մէջ Ուրալի եւ Վօլգայի . 4. ի խանութիւն Ղազանի ընդ մէջ Սամարայի և Վեստկայի . 5. ի խանութիւն Ղուխ թերակզղոյ . որոց ամենեցուն տիրեցին Ռուսք :

180. Նօզայ (Նուխայ առ Օրբէլեանի) ըստ ոմանց էր թոռն Չինգիզ-խանի, ըստ այլոց՝ իշխան Թուրքմանաց, որ ի սաղրելոյ Բիբարսի եւ Միքայէլ Պալէօլոգի՝ աներ իւրոյ, գլուխ ամբարձեալ ընդ դէմ խանին խփչազաց՝ Թաղաւորեաց յաին սեաւ ծուռ, ի հարաւային Ռուսիա : Առ Ղուբան գե-

տով Թափառին ցայսօր ժամանակի 30,000 գեր-
դաստանք Նօղայ Թաթարայ : Իսկ Սարդախն, որ-
պէս յայտ է, էր որդի Բաթուչին, եւ ոչ Թոռն :

181. Մուխրան է բերդաքաղաք Փարթվէլի առ
Կուր գետով՝ հաւասար հեռաւորութեամբ ի Մցխի-
թայէ և ի Գօրուայ : Անուն քաղաքաւանիս, կարծի,
յառաջ եկեալ յանուանէ մոխի (կաղնի) ծառոց,
որք անբաւ առատութեամբ բուսանին իշըջակայս այ-
նորիկ : Յամին 1513 Կախք եւ Փարթէք արարին
աստէն արինաւհեղ պատերազմ : Լալա փաշայ ան-
ղայն յամին 1578 : Ի 1479 պատերազմեցան առ
քաղաքաւս Մահմադ փաշայ եւ Սիմէօն՝ արքայ
Վրայ :

182. Իննոկենտ Դ. առաջին եղեւ ի պապս,
որ եդ ի մօտի ածել ի հաւատս զԹաթարս . մանա-
ւանդ յորժամ լուաւ թէ Թաղաւորէ առ նոսա քա-
հանայ ոմն Յովհաննէս անուն, կեղծեալ ի Նեստո-
րականայ : Որ եւ ի ժողովին Լիօնի (1245) որոշեաց
առաքել զկրօնաւորսն Լաւրանտ ի Փօրդուքալէ,
զՅովհաննէս ի Կարբոյ եւ զԲենուա ի Պօլօյնէ առ
Բաթու բանակեալ առ Վօղայիւ, և այլս եւս երիս
այսինքն զԱիմոն, զԱզեքսանգր և զԱլբերտ Ասկե-
ղինօ ի Հայաստան, առ Բաչու նուին. որք յապուշ
կրթեցան յորժամ լուան թէ պապն ոչ գիտէ տա-
կաւին թէ է նոցա մեծ խան որդի երկնից անուա-
նեալ : Եւ յետս դարձուցին ղեկեալն : Սուրբն Լույիս՝
արքայ Փաղղլոյ, առաքեաց (1247 և 1255) զԱնգրէ
եւ Ռուբրիք կրօնաւորսն հանդերձ մասամբ կե-
նաց փայտին յորդորելով զՄանգու խան ի քրիստո-

նէութիւն : Ռուբրիք պատմէ՝ թէ ետես զՄանգու
խան եւ զիւրսն շուրջ պատեալ ի Բուրղայեան ,
ի Մահմետական եւ ի Նեստորական քարոզչաց յո-
րոց իւրաքանչիւր ոք ջնանայր որսալ զնա յիւր աղանդ ,
որ եւ յաւելլու թէ « եթէ Աստուած տայր ինձ շնորհս
հրաշից , որպէս Մովսիսի ի նախնի դարս , թերեւ
ածէի զնա ի հաւատս » : Աբաղայ խան , յաջորդն
Հուլագու խանի , միշտ պաշտեաց զկուռա թէեւ առ
ի զդէմ ունել Եգիպտոսի Մահմետականացն ցան-
կացաւ դաշնակից լինել քրիստոնէից ի ձեռն Պրի-
գորի Թ : Կուրիլայ խան հարկեաց զիւրսն ընդու-
նիլ զկեշտն Լամպեան : Պապն առ ի ստուգել
դսուտ համբաւ քրիստոնէութեան Թաթարաց առա-
քեաց ի նորոյ , յամին 1278 քարոզիչս հինգ ի կարգէ
« կրսեր եղբարց » . որոց առաքելութիւնն ըստ
առաջնոյն ապարդիւն եղլ : Ահմէդ՝ եղբայր Աբա-
ղայի , (1282) յայտնապէս աշակերտեցաւ Մահմետի ,
եւ քակել ետ զեկեղեցիս քրիստոնէից : Արդուն՝
յաջորդն Ահմետի , զբաղեալ ի մարտ պատերազմի
ընդդէմ Եգիպտոսի , եւ կարօտ ձեռնտուութեան
քրիստոնէից , դիւր արար նոցա ի տէրութեան իւ-
րում , հրաման տալով կանգնել զաւերեալ եկեղե-
ցիս . եւ պապն՝ Ոնորիոս Դ . եւ Նիկողայոս Դ . ի
նորոյ առաքեցին քարոզիչս առ նոսա : Կանջա-
տու պաշտպան եկաց մահմետականաց , եւ հալա-
ծեաց զքրիստոնեայս : Բայթու ընդ հակառակս վա-
րեցաւ . եւ Ղազան վերստին նորոգեաց զհալածումն
քրիստոնէից թէ եւ սակաւ մի դիւր արար նոցա
յորմէ հետէ . ամուսնացաւ ընդ դստեր արքային մե-

րոյ Հեթմոյ Բ ։ Ահա նկարագիր համառօտ ուրուա-
կան քրիստոնէութեան Թաթարաց զորմէ այսպէս
պարծառք խօսի Օրբէլեանն ։ Թերեւս ոչ որ այնչափ
բաղձայր տեսանել զկրօն մեր ի ծաղիլի առ նոսա, որ
պէս ես . յորմէ մեծամեծ բարեաց սին ունել մարթ-
էր ազգի մերում . այլ զի ոչ արժանացան նորին տի-
րապէս երկնապարգեւ շնորհացս, մի խնդաոցութեւ
մեք յուսով սնտոի ։ Տիեզ. պատմ. Կեսար Կանտիւ-
ժԱ. եր. 334-366 ։ Այս ինչ եւ եթ մնայ իրրեւ
ճշմարտանման աւանգութիւն թէ Նեստորականք
բարոզեցին ոչ միայն առ նոսա . այլ նաեւ առ Չինս
սկսեալ յամէ Փրկչին 635 . որոյ յիշատակարանք
գտան ապա ի Յիսուսականաց ։

183. ԶԱրչաղն ոչ ճանաչեմք, եթէ չիցէ սա
Գեոտկային Բիսկարեւ զը Զիզըթ, որ դեսպանու-
թեամբ եկն յԱրղունէ առ արքայս Գաղլիոյ եւ
Անգղիոյ ։ Իսկ որդին Արղունի, որ արդարեւ մկրտե-
ցաւ, եւ անուանեցաւ Թէոդոսիոս կամ Խարբան-
դայ, կոչի յԵւրոպացոյ Ալջապտու կամ Օլդայ-
տու, որ եւ նամակագիր եղեւ առ արքայն Գաղ-
լիոյ յամի 1306 ի Մարաղայէ . որ սկզի ցայժմ
յարբունի գրատան ։ Խարբանդայս յետ սակաւուց
տաճկացաւ . եւ այնուհետեւ զնալով զնայ եւ վատ-
թարացաւ տէրութիւն Թաթարաց յԱտրպատա-
կան մինչեւ բոլորովին բարձաւ ։

184. Զբարամն համարիմ ելեալ ի յոյն թրաքս
րառէ, յորմէ ծնանի եւ (bras) թրայ գաղղիականն,
նշանակէ բազուկ ։

185. Յաւուրս Ստեփաննոսի Օրբէլեան, այն է

յերս երեքտասաներորդ դարուն զատուցեալ վիճակը Վայոց ձորոյ եւ Սիսականի, կամ լա՛ւ եւ՛ Նորավանից եւ Տաթեւոյ միացան առ ժամանակ մի. եւ ապա վերստին բաժանեցան յորում են եւ ցայսօր ժամանակի :

186. Զինի Յովսեփայ Ա. Սիւնեցոյ զաթոռ սուրբ Լուսաւորչին կալաւ ոչ Գիւտ . այլ Մեղիտէ Մանազկերտցի ամս 5, զորով զանց առնու Օրբէլեան :

187. Գիւտ ոչ յաջորդեաց, ըստ Օրբէլեանի Յովսեփայ Ա. Սիւնեցոյ . այլ Մովսիսի Ա. Մանազկերտցոյ :

188. Տողբ ինչ պակասէին յօրինակս մեր.

189. Ի պատմութեան Սիսակայ նահանգին Օրբէլեանն միշտ թուէ երկոտասան գաւառս : Իսկ աստանօր ինքն կամ այլ ոք ի յաջորդաց իւրոց զթիւ նոցին հանէ ի 14. որ, որպէս երեւի, չէր յաւելուած ինչ արտաքուտ. այլ նոր բաժանումն գաւառաց նոյնոյ աշխարհի :

190. Արաբացի թիւքն ցուցանեն զորքանութիւն մարզանից ցորենոյ զոր չէն իւրաքանչիւր իբր գաւազանապոռոյ, եւ նոյնքան դահեկան (փանահաբառ), որ է կէս դոան իբր արոռահարկ, տայ ամի ամի Տաթեւոյ վանիցն :

191. Հարանդ կամ Աբանդ, որպէս անուանք գիւղորէիցն Տեղոյ, Գորուոյ, Խնձորեսկայ եւ այլոց յայտ առնեն, ձգէր զաջոյ ափամբ Հագարւոյ եւ ըզձախոյ Արոտան կազմելով իբր դելթա իխառնուրդս

նոցա. եւ համարիւր արեւելեան հիւսիսի սահման-
Սիսականի. ուր իշխեաց առ ժամանակ մի Հայկա-
զունի ճիւղն Սիսակեանց :

192. Շարակարգութիւն եպիսկոպոսաց Սիւ-
նեաց , որ թուի արարեալ զկնի 1830 ամի, ոչ է
ամբողջական իմն եւ է առանց տարեթուոյ որ յոյժ
դժուարին գործէ գիտել զժամանակ յաջորդելոյ
նոցա միմեանց սկսեալ իջորեքտասաներորդ դարէ
անտի ցաւուրս մեր : Ի 1837 ամի տնօրէնութեամբ
Սիւնհոդոսի սրբոյ Էջմիածնի բարձաւ պատիւ արքե-
պիսկոպոսութեան Սիւնեաց եւ արկաւ այլովք հան-
դերձ դաւառաւ ընդ անմիջական տնտեսութեամբ կա-
թողիկոսին, որոյ տեղակալ արքեպիսկոպոսն նստի
յԵրեւան . եւ Տաթեւոյ վանքն եղեւ աթոռ փոխա-
նորդի. ուր եւ ինձ վիճակեցաւ կեալ տեղապահու-
թեամբ ամս ինչ :



134-784

Let der Kalandorke 107

Geschichte des Heptanones beendet 1299 oder genau 129

